

宋史

元 脱 脱 等撰

中 華 書 局

卷一七三至卷一八六(志) 第 一 三 册

## 宋史卷一百七十三

## 志第一百二十六

## 食貨上一

## 農田

征戍。 於禮義; 是故食貨而下,五卿之職備舉於是矣:宗伯掌邦禮,祀必有食貨而後儀物備,賓必有食貨而 後委積豐; 八政之目,即以食貨爲先。 昔武王克商,訪箕子以治道,箕子爲之陳洪範九疇,五行五事之次,卽曰「農用八政」, 其曰「農用八政」,農,食貨之本也。 司寇掌邦禁,民必有食貨而後可遠於刑罰;司馬掌邦政,兵必有食貨而後 司空掌邦土,民必有食貨而後可奠於厥居;司徒掌邦教,民必有食貨而後 五行,天道也;五事,人道也。天人之道治,而國家之政興焉。 唐杜佑作通典,首食貨而先田制,其能推本洪範 可用於 河興

四一五五五

志

第

百

二 十

六

食

貨上

八政之意歟。

求而 失 政 甲之令行, 不 令勸 日 復作。 舊物之半,猶席東南地產之饒,足以裕國。然百 至掊克。 仁宗之世,契丹增幣,夏國 農之條,而稻、粱、桑、枲務盡地 行 宋 之。 承 徽宗旣立,蔡京爲豐亨豫大之言,苛征暴斂,以濟多慾, 唐、五季之後,太祖興,削平諸國,除藩鎮留州之法,而粟帛錢幣咸聚王畿, 民始罹其害矣。 神宗欲伸中國之威,革前代之弊,王安石之流進售其強兵富國之術,而 傳至眞宗,內則升中告成之事舉,外則和 哲宗元祐更化,斯民稍望休息; 」增賜,養兵 力。 西陲,費累百萬; 至於太宗,國用殷實,輕賦 五十年之間,公私粗給而已。 戎安邊之事滋,由是食貨之議,日 紹聖而後,章惇倡紹述之謀,秕 然帝性恭儉寡慾,故取民之制, 自速禍敗。 薄斂之制,日 高宗南渡,雖 與 青苗、保 羣 嚴守 臣講

利 間 以瘉於前,其後數人者,又復訾之如前。 然終宋之世,享國 内 . 則 义多伐異 宋臣於一事之行,初議不審,行之未幾,即區 牽 考其祖宗立國初意,以忠厚仁恕爲基,向使究其所爲,勉而進於王 於繁文, 而黨同, 外則撓於強敵,供億旣多, 不爲不長,其租 易動 而 輕變。 · 稅征權,規橅節目,煩簡 殊不知 使上之爲君者莫之適從,下之爲民者無自信守,因 調度不繼,勢不得已,徵求於民; 大國之制用, 如巨商之理財, 不求近效而 |區然較其失得,尋議廢格。 疏密, 無以 大異於前 道,亦孰能禦之哉? 謀 後之所議未有 國者處 世; 何哉? 貴遠 **平**其

乎? 時有古今, 世有升降, 天地生財, 其數有限, 國家用財, 其端無窮, 歸於一是, 則「生之者 也。 革紛紜、非是貿亂,而事弊日益以甚矣。 又謂漢文、景之殷富,得諸黃、老之淸靜,爲黃、老之學者,大忌於紛更,宋法果能然 世謂儒者論議多於事功,若宋人之言食貨,大率然

衆,食之者寡,爲之者疾,用之者舒」之外,無他技也。

或損或益,有係國體;國不以利爲利,故列之下篇焉。 五日茶,六日酒,七日阬冶,八日礬,九日商稅,十日市易,十一日均輸,十二日互市舶法。 入,動關民生;國以民爲本,故列之上篇焉。其一日會計,二日銅鐵錢,三日會子,四日鹽, 四日布帛,五日和糴,六曰漕運,七日屯田,八日常平義倉,九日課役,十日振恤。或出或 始末,姑去其泰甚,而存其可爲鑒者焉。 宋舊史志食貨之法、或驟試而輒已、或亟言而未行。 篇次離爲上下:其一曰農田,二曰方田,三曰賦稅, 各疏其事,二十有二目,通爲十有四 仍之則徒重篇帙, 約之則不見其

位,循用其法,建隆以來,命官分詣諸道均田,苛暴失實者輒譴黜。 農田之制 自五代以兵戰爲務,條章多闕,周世宗始遣使均括諸州民田。 申明周顯德三年之令, 太祖卽

志

第一

百二十六

食貨

上一

四一五七

勸 工以上,爲首者死,從者流三千里;不滿三工者減死配役,從者徒三年。 者,不須責 其課爲殿最。 上三種 課 ,致戶口 種樹,定民籍爲五等,第一等種雜樹百,每等減二十爲差,桑棗半之〔〕;男女十歲以 非 課 畦,闊 增羨、野無 叉詔 遇 一豐歲,則渝民 所在長吏諭民,有能廣植 一步,長十步; 曠 土者,議賞。 謹蓋藏,節費用,以備 乏井者,鄰伍爲鑿之; 諸州 各隨 桑棗、墾闢荒田 風土所宜, 不虞。 令、佐春秋巡視,書其數,秩滿,第 [者,止] 量 民伐桑棗爲薪者罪之: 地 廣狹, 一輸舊租; 土壤瘠埆不 縣令、 佐能 剝桑三 宜 招 種 藝

農師 謂左 農時,太宗嘗令取畿內青苗觀之,聽政之次,出示近臣。 餘夫,分畫曠土 令 相 [右曰:「朕每念耕稼之勤,苟非兵食所資,固當盡復其租稅 **謹察之**,白州 視 太宗 田 太平 畝 肥 瘠 興國中, 一,勸令種蒔,侯歲熟共取其利。 及五 縣論 種 罪,以警游惰。 所宜 兩京、諸路許民共推 宁某家 有種,某戶 所墾 田 :練土地之宜、明樹藝之法者 .有丁男,某 即爲永業,官不 爲農師者蠲 人有耕 是歲,畿內菽粟苗皆長數尺。 稅 取其租 免役。 牛; 民有 卽 其後以 同 <u>一</u>人, 飮 鄉三 博 一老、里 煩擾罷。 怠於 農務者, 縣補爲農師 胥 帝顧 召集

即棄去; 端 拱 初, 縣歲按所棄地除其租,已而匿他舍,冒名佃作。 親耕籍 田 ,以勸 農 事 然畿 甸 民苦稅重,兄弟旣壯乃析居, 帝聞而思革其弊,會知封丘縣 其 田 畝 聚 稅 於

急 疾 諸 時 專 ,稅調 置以 務苛 娳 玭 知州 縣之吏多非其 言之,乃詔 聞。」 刻以 、通 未畢,資儲 丽 判 | 求課最,民實逃亡者,亦搜索於鄰里親戚之家,益造新籍,甚爲勞擾,數月罷之。 比 具 賜緋魚,絹百 年 如 醫然。 多稼 人,土地之利 何 均平赋 不登,富者操奇嬴之賌,貧者 **遂**令州 稅,招輯流亡,惠恤 匹; 不盡出,租 擢太子中允,知開封府司錄事,俾按察京畿諸縣田租。 縣戒里胥、鄉老祭視,有取富民穀麥貲財,出息不得踰倍, 稅 減 耗 孤 貧, ,賦役不均,上下相蒙,積習成 取倍稱之息, 窒塞姦幸,凡民間 一或小稔,富家責償 未便 事 ,限 敝 一月附 *J*5 愈 批

之制 武 疫, 者,於准 允 死者 成獻踏犂 言 於是 1者謂 北 過 州 半, 詔 江 郡 了,運以 北 江南、 給之;江 官借錢令就 之民雜植 兩浙 人力,即分命 北 、荆湖、嶺南、福建諸州 諸穀,江南 諸州 江、 准 秘書丞、 亦令就 市 牛。 京專種稅稻,雖土風各有所宜,至於參植以防水旱,亦古 水 未至, 直 廣種 史館陳堯叟等即 長 즀 屬 吏, 時 稻, 雨霑足, 勸民益 並発其 其州 種諸穀, 租。 帝慮其耕稼失時, 依式 淳化 製製 民乏粟、麥、黍、 五年,宋、 造給民 亳數 太子 刑 中 豆 允 牛 種

未

輸稅毋得

先償

私

逋, 違者罪之。

于印紙,以俟旌 凡 州 縣 曠 土,許 賞。 至道 民 清 佃 二年,太常博士、直 爲 永業, 蠲 一歲租 史館陳靖上言 一歲外,輸三分之一。 官吏勸 民 黎 FF 悉書

先王 之欲厚生 民,莫先於積穀而務農,鹽鐵榷酤斯爲末矣。 按天下土田, 除江淮、

農

而

事游惰,賦額歲減,國用不充。

湖 幅 員 (數千里,地之墾者十纔二三,稅之入者又十無五六。 兩浙、 隴蜀 河東諸路地里敻遠,雖加勸督, 未遽獲利 復有匿里舍而稱逃亡, 今京畿周環二十三州

室廬、什器、桑棗、材木,咸計其直,或鄉官用以輸稅,或債主取以償逋, 無所詣,以茲浮蕩,絕意 由 況民之流徙,始由 朝耕尺寸之田,暮入差徭之籍,追胥責問,繼踵 詔 [書累下,許民復業,蠲其租調,寬以歲時。 .貧困,或避私債,或逃公稅。 協耕 然鄉縣擾之,每一戶歸業,則刺報所 亦旣亡遯,則鄉里檢其資財,至於 一而來,雖蒙蠲其常租,實無補於捐 生計蕩然,還

計 委 居 民 司 於 戶定 一, 使立. 農裁決。 力豐寡、農畝肥饒,均配督課,令其不倦。 п] 如 農, 征 授以閑曠之田,廣募游惰,誘之耕墾,未計賦租,許令別置版圖,便宜從事, 深伍 量量 比 耕桑之外,令益樹雜 ,養生送死之具,慶弔問遺之資,並 及 田 秋 輸 (成,乃令償直,依時價折納,以其成數關白戶部。 稅。 若民力不足,官借糴錢,或以市餘 木蔬果,孳畜羊犬雞豚。 其逃民歸業,丁 立條制。 糧, 給 候至三五 授桑土,潛擬 口授田,煩碎之事,並取大 或以營耕具。 年間,生計 井 凡 田 此給受, ,營造室 成立,即 酌

帝覽之喜,令歸條奏以聞

差 田 人授百畝,中田百五十畝,下田二百畝,並五年後收其租,亦只計百畝,十收其三。 一家 ,雖沃壤而有水旱之患、埆瘠而無水旱之慮者爲中品,旣埆瘠復患於水旱者爲下品。 役 靖又言:「逃民復業及浮客請佃者,委農官勘驗,以給受田土,收附版籍,州縣未得議其 乏糧種、耕牛者,令司農以官錢給借。 其田制爲三品:以膏沃而無水旱之患者爲上

十丁者,以十丁爲限。若寬鄕田多,卽委農官裁度以賦之。其室廬、蔬韭及桑棗、楡柳種藝 有三丁者,請加授田,如丁敷,五丁者從三丁之制,七丁者給五丁,十丁給七丁;至二十、三

之地,每戶十丁者給百五十畝,七丁者百畝,五丁者七十畝,三丁者五十畝,不及三丁者三

十畝。除桑功五年後計其租,餘悉蠲其課。」

經度。 議,請如靖奏。乃以靖爲京西勸農使,按行陳、許、蔡、潁、襄、鄧、唐、汝等州,勸民墾田,以 大理寺丞皇甫選、光祿寺丞何亮副之。選、亮上言功難成,願罷其事。帝志在勉農,獨詔靖 宰相呂端謂靖所立田制,多改舊法,又大費資用,以其狀付有司。 未幾,三司以費官錢數多,萬一水旱,恐致散失,事遂寢。 韶鹽鐵使陳恕等共

泂 戏寇之後、耕 **真宗景德初,詔諸州不堪牧馬閑田,依職田例招主客戶多方種蒔,以沃瘠分三等輸課。** 具頗闕,牛多瘠死。 二年,內出踏犂式,詔河北轉運使詢於民間,如可用,

志

路 勸農判官台,檢戶口、田土僞濫 則官 刺 判官王曾等參詳删定,成景德農田敕五卷,三年正月上之。 勸農使。 更、<br />
閤門使以上知州者,並兼管內勸農使,餘及通判並兼勸農事(E),諸路轉運使、副兼本 是歲,命權三司使 造給之; 詔可 且令有司 丁謂取戶稅條敕及臣民所陳農田利 議 市牛送河北。 且慮別置官煩擾,而諸州長東職當勸農,乃請少卿、監爲 叉以 、兵罷,民始務農創什器,遂權除 謂等又取唐開元中宇文融請 害戶,與鹽鐵判官張若谷、戶部 生熟鐵渡 河之

中國 運 福 縱 猶 一使揭榜示民。後又種於玉宸殿,帝與近臣同觀; 火 賣 者 取占城稻三萬斛,分給三路爲種,擇民田高仰者蒔之,蓋旱稻也(心)。 大中 輒縱燎原,則傷生類。 耕牛 穗 其行路野宿人,所在檢察,毋使延燔。」帝以江、淮、 一祥符四年,詔曰:「火田之禁,著在禮經,山林之間,合順時令。其或昆蟲未蟄,草木 長 -勿算 而 無芒,粒差小,不擇地而生。六年,免諸路農器之稅。 繼令羣牧司選醫牛古方,頒之天下。 諸州縣人畬田,並如鄉土舊例, 畢刈,又遣內侍持於朝堂示百官。 自餘焚燒野草, 兩浙稍旱卽水田不登,遣使 明年,諸州牛疫, 內出 須十月後方得 種法, 命 稻 比

先是,民訴水旱者,夏以四月,秋以七月,荆湖、淮南、江浙、川峽、廣南水田 路自今候登熟方奏豐稔,或已奏豐稔而非時災沴者,即須上聞,違者 不得過

者,長東倍存恤之。 遊,令開封府窳民,京城四面禁圍草地,許其耕牧。二年至,詔民有孝弟力田 制 期,過期者贞勿受;令佐受訴,即分行檢視,白州造官覆檢,三司定分數蠲稅,亦有朝旨特 增免數及應輸者許其倚格,京畿則特遣官覆檢。 傷甚,有觅覆檢者。至是,又以覆檢煩擾,止遣官就田所閱視,即定蠲 太祖時, 亦或遣官往外州檢視, 數。 時 儲蓄歲計 久罷败 不爲常

黜陟。 使,所至,取民籍視其差等,不如式者懲革之,勸恤農民,以時耕墾,招集逃散,檢括陷稅 凡農田 事悉領焉。 朝議置勸農之名,然無職局。四年,始詔諸路提點刑獄朝臣爲勸農使、使臣爲副 置局案,鑄印給之。 凡奏舉親民之官,悉令條析勸農之績, 以爲殿最

言賦役未均,田制不立,因詔限田:公卿以下毋過三十頃,牙前將吏應復役者毋過十五頃, 即位之初,下詔曰:「今宿麥既登,秋種向茂,其令州縣諭民,務謹蓋藏,無或妄費。」上書者 之說,至不敢舉事 止一州之內,過是者論如違制律,以田賞告者。 自景德以來,四方無事,百姓康樂,戶口 又聽數外置墓田五頃。而任事者終以限田不便,未幾卽廢。 蕃庶,田野日闢。 旣而三司言:限田 仁宗繼之,益務約已愛人。 一州,而卜葬者牽於陰陽

志

第

勢官富 市 頃歲中人 H 言 幇 又禁近 姓, 爲 占田 至漣 先 帝 臣置別業京 無 水 植 軍 限 福 後毋以 兼丼冒偽,習以 稱 詔 師及寺觀毋得市 市民田 爲例。 給僧寺, 繇是寺 成俗,重禁莫能 非 觀 田 舊制。 稍 益 初, 市 詔還民田 止. 眞宗 田 焉 0 明道 崩, 內遣· 二年,殿中侍 收其直入官。 中人持 ;金賜玉泉山 御史段 後承平 寖久, 少連 I僧寺

稼 郝 相 姓 甫 多去 禹 登 帝 溶 農爲兵, 知 敦 、鎭、趙等州, 田 本 事 務農, 事 斂穫,州縣毋或追 請 詔 命規度 屢 大臣條上兵農得失, 詔 教民 勸劭,觀稼於郊, 水利,募民 種 水田。 擾,以妨農時 耕墾。」從之。 京東 議 歲 水轉運司 更其法。 再出 刑 獄 是秋,詔曰:「仍歲 亦言:「濟、克間 須證 遣尙 又 (躬耕) 逮 書職方員外郎沈厚載出懷、 者速 籍田,以先天下。 決之。」 多開 饑 歉,民 田 , 丽 青州 景站 失 職 兵 初, 馬 衞 今秋 都監 患

於 事 事 膻 范 苑 rh 令, 中 擇 仲 帝 鄕 作 其 淹言:「古者三公兼六 每 民 (要者 以 寶 以 岐 水旱為 穀 殿,每歲召 後麥,市 以 輔 憂 臣 人以 兼 實元初,詔諸州 輔 領。」於是以 錢 臣 卿之職, 帛。 觀 川 謂民 穀 質昌 麥, 唐命 重 旬 一穀帛 自 Ŀ 朝領 相 是 刚 罕復 判 7, 冤刑 雪,著 農 尚 田 書六曹, 出 爲令。 罰 未 郊 ·及 則 施 農桑 或 慶 為 唇 兼 而 自 三年, 諸 仲淹 勸, 道 鹽鐵、 罷 詔 然 卒不 民 事 轉 犯 遂 法 果 運 止. 使 可矜 行 皇 者別 請 參 站 於 知 職 政

帝 H 天下 廢 闰 尙多, 民罕 上著 ,或棄田 流徙爲閒 民 天聖初,詔民流積十年者,其田 聽

能 以招輯流亡、募人耕墾爲言。民被災而流者,又優其蠲復,緩其期招之。 限,百日復業,蠲賦役,五年減舊賦十之八,期盡不至,聽他人得耕。 人耕, 三年而後收賦(云),減舊額之半;後又詔流民能自復者, 賦亦如之。 .勸民修陂池、溝洫之久廢者,及墾闢荒田、增稅二十萬已上,議賞,監司能督責部吏經 至是,每下赦令, 輒 韶諸州長吏、令佐 既而又與流民

畫,賞亦如之。

爲天下倡。後太守高賦繼之,亦以能勸課被獎,留再任。 特進一官,賜錢二十萬,復留再任。時患守令數易,詔察其有實課者增秩再任,而尙寬應詔 餘,流民自歸及淮南、湖北之民至者二千餘戶,引水溉田幾數萬頃,變磽瘠爲膏腴。 上其狀,三司使包拯亦以爲言,遂留再任。治平中,歲滿當去。英宗嘉其勤,且倚以興輯 州不可廢。 戶實之,或議置屯田,或欲遂廢唐州爲縣。嘉祐中,唐守趙尚寬言土曠可闢,民希可招,而 久之,天下生齒益蕃,闢田益廣。 得漢邵信臣(云)故陂渠遺跡而修復之,假牛犂、種食以誘耕者,勸課勞來。 獨京西唐、鄧間尙多曠土,入草莽者十八九,或請徙

餘戶(10)計之,是四戶耕田一頃,繇是而知天下隱田多矣。又川峽、廣南之田,頃畝不備,第 天下墾田:景德中,丁謂著會計錄云,總得一百八十六萬餘頃。以是歲七百二十二萬 百二 六 貨 \_Ł

志 第

+

食

朝相 頃畝 皆有 十年,而墾田 至道二年,三百一十二萬五千二百五十一頃二十五 以 八十四頃三十二畝。 Ŧī. 之數, 承 會計錄,而皇祐 賦約之。 ,重於擾民,未嘗窮按,故莫得其實,而 而 之數增倍。 賦 至天聖中,國史則云:開寶末,墾田二百九十五萬二千三百二十頃六十畝, 租 所不 中墾田二百二十八萬餘頃,治平中四百四十萬餘頃,其間 而開寶之數乃倍於景德,則謂之所錄,固未得其實。 加者十居其七。 以治平數視天禧則猶不及,而敍治平錄者以謂此特計其 率而計之,則天下墾田無慮三千餘萬頃 廢田 見於籍者猶四十八萬頃 一畝,天禧五年,五百二十四 皇祐 萬 相去不 治平 (賦租 七千 是時,累 及二 以 五 知 司 百

四,四四 著爲令。」 此 時 治 十年以上十五,五十年以上六分,百年以上七分;佃及十年輸五分,二十年輸七分, 平 其委安撫、轉運司 四年,詔 曰:「歲比不登,今春時雨,農民 敕戒州縣 吏,省 事 息民,無奪其時。」「諸路逃 桑蠶 穀麥, 衆作勤勞,一 田三十年者除其稅 歲之功,併在 +

謝景 之同役,因此即又逃竄, 神宗 温 言:「在 熙 寧元 法 年, 請 田 襄州宜城令朱紘復修木渠, 戶五 田土荒萊。 年內科役皆觅。 欲乞置墾田務,差官專領, 今汝州四縣客戶,不一 溉田六千頃, 籍四縣荒田,召人請 詔 遷 二年便為 權京 舊戶 西 糾 射 轉 抉, 運 與 使 更

溝 稅 者保 加 利 明 害者,皆得 年 任 爲輸之。 分遣 諸路常平官,使專領農田 自言; 已行 新法縣分,田 行之有效, 隨功 土頃畝、川 「水利。 利 大 小 ,酬賞。 吏民能 港陂塘之類,令、佐受代,具墾闢開修之數 民占 知土地種植 完逃 田 若歸業者,責相保 之法,陂塘、圩垾、 .任,逃 堤堰

授

諸

代

者,令照籍

有實乃代。

多寡 增 戶 等 賦 一,得差減 事。 中 書議 安 肅 宜 一申條 廣 勸民 在 信 戶 栽 禁。」於是司 順安軍 租數,活不及數者罰,責之補 桑。 、保州, 帝曰:「農桑,衣食之本。 '農寺請立法,先行之開封,視 令民卽 其地植 ·桑榆· 種 民不敢自力者,正 或所 宜. 木, 可 行, 因 頒 可 限閡戎馬。 於天下。 以 州 縣約以爲貲, 民 官 種 計 桑 其活茂 柘 升其 切得

泂 錢 千 徙 穀 地 百 阃 京西 凡七千頃,乞募人耕種。」從之。 七十 修 水 南 八 利 路流 頃 田 有 起 民買 奇。 熙 (耕牛者) 寧三年至 神宗元 発征。 |豐元 一九年, 年, 五. 府界及諸路 年,都水使者范子淵奏:「自大名抵乾寧,跨十五州, 詔 開 廢 田 , 興 凡 . \_\_\_ 水 萬 利 七百 =九十三處, 民力不能 給役者,貸以常平 爲 H + 六萬

臣,於租稅之外,巧取百端,以邀功賞。 不足,所衣者綈褐而不完。 間爲之災,幸而收成,公私之債,交爭互奪。 而息 之民得上封事。 養浮食;保甲則勞於非業之作; 事言民間疾苦。 哲宗 蠶婦治繭、績麻、紡緯, 即位,宣仁太后臨朝, 雖其言辭鄙雜,皆身受實患,直貢其誠,不可忽也。」 光抗疏曰:「四民之中,惟農最苦,寒耕熱. 直以世服田畝,不知舍此之外有何可生之路耳。 縷縷而積之, 首起司 保馬則困於無益之費,可不念哉! 今者濬發德音,使畎畝 。青苗則彊散重斂,給陳納新 馬光爲門下侍郎,委之以政。 寸寸而成之,其勤極矣。而又水旱、霜雹、 穀未離場,帛未下機,已非己有,所食者糠籺 耘,霑體塗足,戴日 ,
発
役
則 韶天下臣民皆得以 m 刻剝窮民, 收 作言, 而况聚斂之 蝗峸 戴 星

導構吠,退出良田自百頃至千頃,第賞。」 爲牧地, 宣德意,民以爲病。 民亦自言, 詔悉還之。 熙寧六年, 立法勸民栽桑,有不趨令, 至是,楚丘民胡昌等言其不便,詔罷之,且蠲所負罰 元祐四年,詔:「瀕河州縣,積水冒田。 則倣屋粜、里布爲之罰。 在任官能爲民經畫疏 然長民之吏不能究 金。 與不縣 抑 民

Щ

者以能課民種桑棗者,率優其第秩焉。 崇寧中,廣南東路 轉運判官王覺, 以開闢荒 政和六年, 立管幹圩岸、圍岸官法, 在官三年, 田幾及萬頃,詔遷一官。 其後, 知州 無際 部使

損 頃 入稻 堙塞者賞之。 田 .務,已佃者五千三百餘頃,尙慮令、佐不肯究心。」 詔比開墾鹻地格推賞。平江 京畿提點刑獄王本言:「前任提舉常平, 根括諸縣天荒瘠鹵地一萬二千餘 一府興

修

山

田

二千餘頃,令、佐而下以差減磨勘年。

選 15 官按籍 七十四頃 八 年, 根括。」 權淮南、江、浙、荆湖制置發運使任諒奏:「高郵軍有逃田四百四十六頃,楚州 了。 泰州五百二十七頃, 平江府四百九十七頃, 以六路計之, 何可勝數。 |韶逃田可專委縣丞⊆壹,無丞處委他官,餘並 從之。 欲諸縣專 九

審 迹, 九 六頃,召人出 頃,在外不得過三十頃,不免科差、徭役、支移。 H 定取 較戶產登降之籍,驗米穀貴賤之價,考租 爲 宣. 公旨。五  $\dot{+}$ 和 頃 二年,臣僚上言:「監司、守令官帶勸農,莫副 (回),限外之數,並同編戶差科。 租 年,韶:「江東 ,專充今年增 轉 運司 屯戍兵衣 根括 糧。」初,政和 到 逃田 七年,又 賦盈 一百六十頃一十六畝, 雖 虧之數。 中,品官限 奉御筆,許執奏不行。」 詔:「內外宮觀 上意,欲立四證驗之:按田 匹 田,一 證 具,則其實著矣。 捨置田 口口 兩浙 白 頃, 根 · 在 括 以差降殺,至 京不得過 到 <u>\_\_</u> 萊荒治之 几 命中 百 Ŧi. 五. + 書

|廣州 州學 建 炎元 教 授 年五 林 勳 一月,高宗卽位,命有司招誘農民,歸業者振貸之,蠲欠 獻本政書十三篇,大略謂:「國朝兵農之政,大抵因唐末之故。 租,免耕 牛 稅。 今農貧而 三年,

志

第

百

\_\_

+

六

食貨

上

千餘斛 綿 綿 說 又分爲四番,以直官府,以給守衞。 人,馬三千四 百 錢穀,以爲什一之稅。 畝 多 洞 網 倍 甚 /失職 里,爲三千四百井,率稅米五萬一千斛,錢萬二千緡。 了其有羨 備 兩,百 之。 了錢三千六百餘緡,無 兵驕 尋以勳爲桂州節度掌書記 里之縣,歲收絹四千餘匹,綿三千四 田之家毋得市 行之十年,則民之口算,官之酒酤, 百 而 匹。 不 可用,是以饑民竄卒,類爲盜賊。 此方百里之縣所出賦稅之數。 本朝二稅之數,視唐增至七倍。 由 事 其無田 則減 四分之三,皆以一同之租稅供之。 是民凡三十五年, 與游惰末作者,皆使爲隸農,以耕田之羨者(邑)。 歲取五之一 百斤二二; 與凡茶、鹽、香、礬之権,皆可弛以予民。」其 宜做古井田之制, 使民一夫占田 而役始 今本政之制,每十六夫爲一井,提 以爲上番之額, 每井賦二兵一馬,率爲兵六千八 非蠶 鄉則布六尺,麻二兩,所收視 **徧也。** 匹婦之貢, 絹三尺, 以給 悉 上 征役 則歲食米萬九 ); 無 五. 事 雜 則 百 封 +

僚言:「近詔州縣拘籍被虜百姓稅賦,而苛酷之吏不考其實,其間有父母被虜兒女存者,有中道脫者,有全家被虜而親 屬 戶 應得 財 姓 炎 產者,守令驗實給還,冒占者論 楽産 詔: 以 來,內 知 己 興 詔二年外許 國軍王綯 外 用兵,所在 知永興縣 :人請: 多逃 射, 超之田 陳升 十年 如 率先奉詔誘民墾田,各增 律 內雖已請 紹興二年四月,韶兩浙路收買牛具,貸淮 州 縣 奉行 射及充職 ネ 虔, 田 監司 者, 並聽 按劾。」從之。 秩。 歸業。 三年 九月, 孤幼及 先是, 卢 東人 親 部 臣 屬

偶歸者,一概黯沒,人情皇皇。」故有是命。十月,募佃江東、西閑田,三等定租:上田畝輸米一斗五升,

中田一斗,下田 七升。 四年,貸廬州民錢萬緡,以買耕牛。

民,其田已佃者,以附近閑田與之, 冤三年租稅; 無產願受閑田者, 亦與之。」上諭輔臣曰: 土尙 分,降三季名次, 酷及九分, 鐫一官。 「潍北之民襁負而至,亦可給田,以廣招徠之意。」 轉運,轉運歲上戶部,戶部置籍以考之。 地。問 '多,戶部復立格上之,每州增墾田千頃,縣半之,守宰各進一秩;州虧五百頃,縣虧五之一,皆展磨勘年。 Ŧi. 年五月,立守令墾田殿最格,殘破州縣墾田增及一分,郡守升三季名次,增及九分,遷一官;虧及一 荒田 . 開墾者;虧,謂熟田不因災傷而致荒者。 縣令差減之。 增虧各及十分者,取旨賞罸。 七月,都督行府言:「潭、鼎、岳、澧、荆南歸業之 又令縣具歸業民數及墾田多寡,月上之州,州季 其後以兩准、荆湖等路民稍復業,而曠 詔頒之諸

望詔 正 年,復買牛貸淮南農戶。 依舊承佃。 **疆宗**巨室阡陌相望,而多無稅之田,使下戶爲之破產。 乞委通判一員均平賦役。」九年,宗 少卿方庭實言:「中原士民奔进南州,十有四年,出違十年之限及流徙僻遠卒未能歸者, 「有可別立限年。」戶部議:「自新復降赦日爲始(lt),再期五年,如期滿無理認者,見佃人 六年,減江東諸路逃田稅額。知平江府章誼言:「民所甚苦者,催科無法,稅役不均。 中原士民流寓東南,往往有墳墓,或官拘籍,或民冒占,便行給還。」從之。十一

志

後施 税簿者沒官, 稅 轉 易 雖 法峻、民未喻,固 連 額 ---印 副 - -之天下,則經界正而仁政行矣。」上謂宰執曰:「椿年之論,頗有條理。」秦檜 十二年,左司員外郞李椿年言經界不正十害,且言:「平江歲入昔七十萬有奇, 九萬 十三年,以提舉洪州 使, 措置經界。 程克俊曰:「比年百姓避役,正緣經界不正,行之,乃公私之利。」以椿年爲兩 斛(云), 稅簿不 有 然實入纔二十萬耳。 田 ·謹書者罪官吏。 少而 椿年請先往 玉隆觀 供多者,願許 胡 平江諸縣,俟就緒卽往諸州,要在均平,爲民除害, 思、 時量田不實者,罪至徒、流,江山尉汪 陳首追正。」椿年爲之輕刑、省費甚 詢之土人, 皆欺隱也。 直顯謨閣徐林議沮經界,停官遠徙。 望考按覈實,自平江 衆。 大猷白椿 以民川 亦言其說 今按籍 始 不 浙 增 簡 然 路

能。 郎措 爲守,請復租 言 置 十七年,復以李椿年 諸 几 州縣違期 年,以椿 五. 一年(元),明 车, 年權 歸業者,其田已佃及官賣者,即以官田 詔戶 戶部侍郎,措置 ,部及所遣官委曲措置 年又 權 户 ,部侍郎,措置經 請復之,自是流民寖歸。 經界。 尋以母 務使賦稅均而 先是,眞州兵燼之餘,瘡痍 憂去,以兩浙 十八年,墾荒田 之可耕者給還。 無 擾。 轉運 又 至 因 副 七萬餘 十六年,王鈇 使王鈇 興國 未復, 軍 畝 一守臣 權 |洪 戶 興祖 部侍 以疾 宋 時

十九年,詔敕令所删定官鄭克行四川經界法。

|克頗峻責州縣,所謂「省莊田」者,雖疏

正。」二十年,詔:兩淮沃壤宜穀,置 於心,何畏焉?」事迄 果、桑柘莫不有征,而邛、蜀民田至什稅其伍。 之望提 通 IF. 害,今聞寖失本 行失當,田畝 上謂秦檜 上不違令,下不擾民,則仁政得矣。」召諸邑令謂 曉經 Ħ, <u>J-</u> 點 界者款 謂 刑獄,畢經界事 曰「若下田受重稅, 輔 臣曰:「經界事李椿年主之,若推 不 由議之。」會潼川 意。 分腴瘠,市居丈尺隙田 凡便民者依已行, 害民者與追正。」二十一年 成, 爲列 那最。 府轉運判官王之望上書,言蜀中經界利害甚悉。 將無以輸。」 檜曰:「臣已諭戶部侍郎宋覵, 力田 其後,民有訴不均者,殿中侍御史曹筠劾椿 , 科,募民就耕,以廣官莊。 亦充稅 行就緒,不爲不善。 通判嘉州楊承曰:「仁政而虐行之,非法 曰:「平易近民,美成在久,其謹 產。 於是降韶曰:「椿年乞行經界, ·四月, 知資州 今諸路往 宋貺罷。 楊 有未均處 往 師錫言: rþi 行之。 酸 二 十 阴 年,罷之。 去民十 年: 有 願 귮 意也 ·六年 與改 得 司 無愧 以 奉

民 力 乍 年 流民 請 **乃**償 軍 三月,戶 売 E 视 時 П 負 並邊 升言: 淮南上皆膏腴, . 部言:「蜀 安能 m 至,而 觅 租 便得牛、種?若不從官貸, 十年,次邊半之,滿三年與其業。 圳 無開耕之地。 狹 人夥、而京西、淮南膏腴官 然地 望凡荒閑旧許人剗佃。」戶部議: 未盡闢、民不加多者,緣豪強虛占良田 未 免爲 虚文, 田尙多,乞許 願往者給據津發。」上曰:「善。 可令相度支給。」 人承佃(三0),官貸牛、種, 期以二年,未墾者即 而 几 月 無 徧 耕之 但貧 通 纠

志

第

日

+

六

食

貨上

授以江、潍、湖南荒田,人一頃,為世業。所在郡以一歲奉充牛、種費,仍免租稅十年,丁役 如 所 請 京 西路 如之。 韶以時升爲司農寺丞。十月,用御史中丞湯鵬舉言,離軍添差之人,

荒,不輸租。 匿稅法。」詔可。三十年,初令純州平江縣民實田輸稅,畝輸米二升四合。 以疑百姓者,乞重寘于法。」從之。二十九年,知潭州魏良臣言:「本州歸業之民,以熟 二十八年,王之望言:「去年分遣官詣經界不均縣裁正,今已迄事。 今令結甲輸稅,自明年始,不實,許人告,以其田賞之。」戶部議:「期踰百日 此後更民尚敢扇搖 田爲

今欲召人請射,免稅三年;三年之後爲世業,三分爲率,輸苗一分,更三年增一分,又三年 奏三州雖在江南,荒田甚多,請佃者開墾未幾,便起毛稅,度田追呼,不任其擾, 麥甚廣,逃亡未歸,無人收穫。」詔諸郡量口均給,其已歸業者毋例擾之。 萬株以上,並論賞有差。」二月,三省、樞密院言:「歸正人貧乏者散居兩准,去冬准民種 月, 都省言:「淮民復業,宜先勸課農桑。令、丞植桑三萬株至六萬株,守、倅部內植二十 孝宗隆興元年,詔:「凡百姓逃棄田宅,出二十年無人歸認者,依戶絕法。」、乾道元 歸業者別以荒田給之。」又詔楚州給歸正人田及牛具、種糧錢五萬緡。 四年,知鄂州李椿 旋即逃去。 年正

六年二月,詔曰:「殷深惟治不加進,思有以正其本者。 凡是數者, 卿等二三大臣爲朕任之。」十有二月, 監進奏院李結獻治田三議二 今欲均役法, 嚴限 田 , 抑游

省 水 於蘇、湖、常、秀諸州水田塘浦要處,官以錢米貸田主,乘此農隙,作堰增令高闊, 務本,二日協力,三日因時。 務農桑。 力。」詔令胡堅常相度以聞。 不爲患。 米 方此饑饉,俾食其力,因其所利而利之。 與租 田之人,更相修築,庶官無所費,民不告勞。 大略謂:「浙 其後,戶部以三議切當,但工力浩瀚,欲曉有田之家,各依鄉 西低田恃堤爲固, 秋冬旱涸,涇浜斷流,車畎修築, 若堤岸高厚, 從之。 則水不能入。 則堤 尤爲 成成 而

原

畝

步

出

錢

所 開 貸 吳越 請 陌 ノ農 借 耕 勸 相 完 定民 給 民 民 望 七 稻 廣 墾 出 種 年二月,知揚州晁公武奏:「朝廷以沿淮荒殘之久,未行 荒田 三萬 種,依 ,給官告綾 麥, 然聞之官者十纔二三, 爲來春之計。 而 賑 不 濟格 加 紙 稅,故無 以備書塡, 推賞,仍上已 於是韶江東西、 、曠土。 咸懼後來稅重。 及官會十 種 望詔 頃畝 兩准更不 萬緡充農具等用。 湖南 議賞罰。 北 昔 晚 唐 增賦, 准 九年,王 東 庶民 民務稼穡 酉 路 ·租稅,民復業與創戶者, 以種 之奇奏增定力田 帥漕, 知 、勸。」詔 則增其租 糧不足, 官爲 [日 。 借 又 種 + 及諭 故播 詔 賞 户**,** 准 格格 東 大 司 種 總領 募 姓 雖阡 馬 少 仮

淳. 熈 志 第 五 年,詔: 旨 湖 + 六 北 佃戶開墾荒田,止輸舊稅。若包占頃畝,未悉開耕,詔下之日,期以

愈 fi

上

<del>甚</del>勤。 播種、免其歲上增種之數,庶得勸課之實。」 麥,歲上所增頃畝。然土有宜否,湖南一路唯衡、永等數郡宜麥,餘皆文具。 告訐之風,亦見盛世重農之意。」詔可。 奏。「設勸課之法,欲重農桑、廣種植 二年,不能徧 或以未陳起稅,爲人所訟,即以盜耕罪之,何以勸力田 耕者拘作營田,其增稅、剗佃之令勿行。」六年五月,提舉浙西常平茶鹽顏師 十有一月,臣僚奏:「比令諸路帥、 今鄉民於已田連接閒曠磽确之地、墾成 哉? 止宜實田 漕督守令勸 起稅,非特 望止論民以時 Ш 1 川力 諭 可戦 種

雖墾 路帥、漕、常平司,以常平麥貸之。 植 如之。八年五月,詔曰:「迺者得天之時,蠶麥旣登,及命近甸取而視之,則穟短繭 平司措置,再借種糧與下戶播種,毋致失時。十有一月,輔臣奏:「田世雄言,民有麥田 風厲之功有所未至歟?股將稽勤惰而詔賞罰焉。」是歲連雨,下田被浸,詔兩浙諸州 無種,若貸與貧民,猶可種春麥。 七年,復詔兩浙、江、淮、湖南、京西路帥、漕臣督守令勸民種麥,務要增廣。 臣僚亦言,江、浙旱田雖已耕,亦無麥種。」於是詔諸 自是每歲 薄, 非 軍 與

旱,乞更展一年。」詔如其請。 稅旣免,止輸穀帛之課。力不能墾,則廢爲荒地;他人請佃,則以疆界爲詞,官無稽考。 先是,知揚州鄭良嗣言「兩准民田,廣至包占,多未起稅。 九年,著作郎袁樞振兩准還,奏三豪民占田不知其數三二二 朝廷累限展首,今限滿適

以 野 之; 其餘開田 不加闢,戶不 ,給與佃 加多,而郡縣之計益窘。 人,庶幾流民有可耕之地,而田萊不至多荒。」 望韶州縣畫疆立券,占田 多而輸課少者,隨畝 增

冀來歲行之。 爲說辭,以惑羣聽,賢士大夫之喜安靜、厭紛擾者,又或不深察而望風沮怯,此則不能無 業有經矣。 給 ; 慮。一輔臣請行于漳州。 既輸之後,却視元額分隸爲省計,爲職田,爲學糧,爲常平,各撥入諸倉庫。 產錢, 而合一州租稅錢米之數, 以產錢爲母, 每文輸米幾何, 錢幾何, 閩 切 利,紹興已推行處,公私 獨任其必可行也。 中經界, 以搖之,前詔遂格。 隨產均稅,特許過鄉通縣均紐,庶幾百里之內,輕 紹熙元年,初,朱熹爲泉之同安簿,知三郡經界不行之害。 詔監司條具,事下郡。 但此法之行,貧民下戶固所深喜,然不能自達其情; 細民知其不擾而利於己,莫不鼓舞,而貴家豪右占田隱稅、侵漁貧弱者,胥爲 然必推擇官吏,委任責成;度量步畝,算計精確; 兩利,獨泉,潭、汀未行。 明年春,詔漕臣陳公亮同熹協力奉行。 |熹請祠去。 熹訪問講求,纖悉備至。 乃奏言:「經界最爲民間莫人之 五年,蠲廬州旱傷百姓貸稻種三萬二千一百石 臣不敢先一身之勞逸,而後 重齊同。 至是,知障州。 會農事方興, 今欲每畝隨九等高卜定計 豪家猾吏實所不樂,皆善 止於一倉一庫受納。 畫圖造帳,費從官 版圖一定,則民 熹 一州之利病 會臣 加講究, 僚請

志

蒙上,則殷汝嘉。」 聚於所近,不能均濟歟?官吏視成而不自省歟?其各恪意措畫,務使實惠不壅,毋以虛文 慘 乏食,去南畝,捐溝壑,咎安在耶?豈振給不盡及民歟?得粟者未必饑,饑者未必得 恒 慶元元年二月,上以歲凶,百姓飢病,詔曰:「朕德菲薄,饑饉荐臻,使民阽於死亡,夙夜 寧敢諉過於下耶?顧使者、守令所與朕分寄而共憂也, 乃涉春以來,聞一二郡老稚 | 歟?偏

後凡理訴官莊客戶,並用皇祐舊法。從之。 谷之民,得安生理。」刑部以皇祐逃移舊法輕重適中,可以經久,淳熙比附略人之法太重,今 約交還,毋抑勒以爲地客;凡客戶身故、其妻改嫁者,聽其自便,女聽其自嫁。 庶使深山窮 戶者,許役其身,毋及其家屬;凡典賣田宅,聽其離業,毋就租以充客戶;凡貸錢,止憑文 占田多者須人耕墾,富豪之家誘客戶舉室遷去。乞將皇祐官莊客戶逃移之法校定:凡爲客 寧宗開禧元年,變路轉運判官范蓀言:「本路施、黔等州荒遠,綿亘山谷,地曠人稀,其

徒無益;若使之從便雜種,多寡皆爲己有,則不勸而勤,民可無饑。望如所陳,下兩浙、 豆、麥之屬,蓋種稻則費少利多,雜種則勞多獲少。慮收成之日,田主欲分,官課責輸,則非 嘉定八年,左司諫黃序奏:「雨澤愆期,地多荒白。 知餘杭縣趙師恕請勸民雜種麻、粟、

以 지 准 續食,官冤振救之費。」從之。 江 東西等路,凡有耕種失時者並令雜種,主毋分其地利, 官毋取其秋苗, 庶幾農民得

絕之田 繼之。 匱以藏之,歷三年而後上其事于朝。 知 婺州 者,粲然可考。 後二年,魏豹文代師嵒爲守, 趙惥夫行經界於其州,整有倫緒,而惥夫報罷。 凡結甲册、戶產簿、丁口 行之益力。 簿、魚鱗圖、類姓簿二十三萬九千有奇,創 於是向之上戶析爲貧下之戶, 士民相率請于朝, 乃命趙師 賞 EH 隱 爲 逃 邑 庫

民 民 【越訴,重罪之。」 歸 業, 淳祐 占據 二年九月,赦曰:「四川累經兵火,百姓棄業避難,官以其曠土權耕屯以 不還。 自今凡民有 契券, 界至分明, 所在州 縣屯官隨 刨 歸還。 其有 給 違 軍 戾, 食,及

六年,殿中侍御史兼侍講謝方叔言:

主之所 習 駐 蹕 日 滋 豪強 錢 塘, 得 百百 專, 兼井之思 姓 百 日 識 有二十餘年 1貧,經 者 懼 一至今 焉。 制 日 日 大百 矣。 壞, 而 上下 極, 萬 外之境土 上生靈資生養之具,皆本於穀栗, 非限民名田 ·煎迫, 一日荒, 若有 有所不可,是亦救世道之微 不 內之生 可爲 之勢。 齒 日 繁, 所謂 權勢之家 而 富 貴操 穀粟之產, 柄 日 權 尮. 者 也 皆出: 岩 兼 非 井 蚁 於 朝

志

第

官 田 日 豆夫 誅 儈 侕 今 保 百 求 役不及。 百端,不 姓膏腴皆歸貴勢之家,租米有及百萬石者, 得已,則獻其產於巨室,以規免役。 以此 弱之肉, 彊之食, 兼丼浸盛, 民無以遂其生。 小民 小民 田田 百畝之田 日減 而保 於斯 ,頻年差充保役? 役不休,大官田 脖 也,可 不嚴

77.

終.

制

以

爲之防乎?

勢多田 勿 之時,與 一大臣 牽 貴近之言以搖 去 之家,和 年,諫官 其多田 摭 臣 上僚論 糴不 嘗以 厚貲 奏而 初意,大臣 容以 限 不 可長保,曷若捐 田爲說,朝廷付之悠悠。 行之, 加 之,保役不容以及之。 使經制以定, .勿避仇怨之多而廢良策, 金助 **兼**其以塞,于以

尊

朝廷,于 國 洪紓 不知今日國用邊餉, 敵 目 前 ? 人睥睨於外,盜賊窥伺於內,居 則天下 在 轉 幸甚 移 一而開 以裕 導之耳。 皆仰 國 和 糴 乞諭 陛下 然權 此

從之。

以 所 給 犯 還, 輕 + 一年九月,赦曰:「監 重 輒假 一, 不 顧 他 名 闻 居有 支破,竟成乾沒 分財產, 司、 州縣不許非 壹 例佔 或有典業不 籍, 殃及 法估籍 聽收贖,遂使產主無辜失業。 平 民。 民產, 或戶 戒非不嚴,而 絕之家 不 興 貪 〈命繼 官暴 吏, 違戾官吏,重 或經 往往不問 陳 訴 許

景定元年九月,赦曰:「州縣檢校孤幼財產,往往便行侵用,洎至年及陳乞,多稱前官用

寘

典憲

是歲,信常

饒州、

嘉

興府舉

行經

界。

過,不卽給還。 自今如尙違戾,以吏業估償,官論以違制,不以去官、赦、降原減。」

爲之區處,當必人情之悉孚,不令而行矣。」從之。 朱熹所以主經界而闢自實者,正謂是也。州縣能守朝廷鄉都任責之令,又隨諸州之便宜而 求焉,由一而至百,由百而至千,由千而至萬,稽其畝步,訂其主佃,亦莫如鄉都之便也。 按成牘而更業主之姓名。若夫紹興之經界,其時則遠矣,其籍之存者寡矣。因其鱗差櫛比而 嘉定以來之經界,時至近也,官有正籍,鄉都有副籍,彪列昈分,莫不具在,爲鄉都者不過 姓之所盡樂。 所謂自實也。 咸淳元年,監察御史趙順孫言:「經界將以便民,雖窮閻下戶之所深願,而未必豪宗大 自非有以深服其心,則亦何以使其情意之悉孚哉?且今之所謂推排,非昔之 推排者,委之鄉都,則徑捷而易行;自實者,責之於人戶,則散漫而難集。

故寧坐視邑政之壞,而不敢詰猾吏姦民之欺,寧忍取下戶之苛,而不敢受豪家大姓之怨。 等,姦弊轉生,久不迄事。 而 一經界之法, 必多差官吏, 必悉集都保, 必徧走阡陌, 必盡量步畝, 必審定等色, 必紐折計 自實卒不竟。豈非上之任事者每欲避理財之名,下之不樂其成者又每倡爲擾民之說。 三年,司農卿兼戶部侍郞季鏞言:「夫經界嘗議修明矣,而修明卒不行;嘗令自實矣, 乃若推排之法,不過以縣統都,以都統保,選任才富公平者,訂田

第

百二十六

食貨

之。」於是詔諸路漕、帥施行焉。 則 聞 畝 號 、稅色, 令 紹 興亦 鄕 令,信其賞罰,期之秋冬以竟其事,責之年歲以課其成,如潤官日成、月要、歲會以綜核 局 載之圖 漸就 釐正之; 緒, 册, 湖南漕臣亦以一路告成。 圖 使民有定產,產有定稅,稅有定籍而已。 | 册未 備,則令縣局程督之。又必郡守察縣之稽違,監司祭郡之怠弛,嚴 竊謂 東南諸 郡, 皆奉 臣守吳門,巳嘗見之施行。 ·行惟謹。其或田 畝未實,

11 用 不 田 則 每 紓 ,彙其始末而悉載于篇,有足鑒者 堪 軍 失之重 收 需 民 其 命 大 其租 初 浩繁, 力, 抵 州縣胥 一,輸納之際,公私 驰 南渡後水田之利,富於中原,故水利大興。 M 以 共力役以誘之,其終不 其弊極 助 和 蔵幣。 則歲幣重大, 吏與倉 多,其租 至其將亡, 庾 百 事 執事之人,皆得爲侵漁之道於耕 尤 例 國用常苦不繼, 重 迥 殊。 又限 免 宋亡, 焉 於抑配,此 私 民名田 租 遺 額 患猶不息也。 於是因民苦官租之重, 重 官田之弊也。 而 買其限 納 輕,承佃 而諸籍沒田募民耕者,皆仍私租 外 所有, 凡水田、官田之法, 者也。 獝 嘉定以後, 可; 謂 之公田 公租 季世金· 命有 額 司 又 人乍和 重 有 括 初 而 公 議 賣官 所 納 田 欲 謂 乍戰 重 田 見於史 省 安 以 邊 則 和 所 給 戰 佃

糴

倉米撥借。 去皆五六十里,有田九百五十餘頃,近歲墾田不及三之一。至是,始立額 紹 興元年,詔宣州、太平州守臣修圩。二年,以修圩錢米及貸民種糧,並於宣州常平、義 三年,定州縣圩田租額充軍儲。 建康府永豐圩租米、歲以三萬石爲額。 野 四 至

相

廣德湖、 收租不 令條上。」於是詔諸路漕臣議之。 其後議者雖稱合廢,竟仍其舊。 甚嚴 放湖 |水漑口 | 澇則決田水入海,故無水旱之災。本朝慶曆、嘉祐間,始有盜湖爲田者,其 ЦĨ. 、蕭山之湘湖等處尙多,望詔漕臣盡廢之。其江東、西圩田,蘇、秀圍田, 過數千斛,而所失民田常賦,動以萬計。 年,江東帥臣李光言:「明、越之境,皆有陂湖,大抵湖高於田,田又高於江、海。 政和以來,創為應奉,始廢湖爲田。 自是兩州之民,歲被水旱之患。 莫若先罷兩邑湖田。其會稽之鑑湖、 餘姚、上虞每 令監司守 鄭之 早則 縣

處舊 江 壞,歲旱,民皆阻飢。七年,守臣呂頤浩始募民修復,以廣耕稼。 γnʃ 四良 有 支渠以 初,五代馬氏於潭州東二十里,因諸山之泉,築堤瀦水,號曰龜塘,溉田萬頃。 其後堤 陂 口,多占山岡,望委守令講陂塘灌溉之利。」其後比部員外郎李泳 <三言, 淮西高原 塘, 、溉旱。 請給錢米,以時修濬 乃並 詔 諸 路 常平司 行之,每季以 知江陰軍蔣及祖亦請濬治本軍五 施 聞 十六年,知袁州張成己言: 卸滞以洩水, 修復

二十三年,諫 志 第 百 <u>-</u> x 議大夫 六 ·史才言:「浙西民田最廣, 而平時無甚害者, 太湖之利也。 食 鬒 Ŀ 四一八三 近年瀕

洲 諸水 湖 利 之地, 水 ,惟白茅一浦 併歸太湖 澇 <u>-</u> 則 視之。 多為 遠近 四年,大 兵 泛濫,不得 自太湖分二派 卒侵 最大。 理寺丞周環 今泥沙淤塞,宜决浦故道,俾水勢分派流暢,實四州無窮之利。 入湖 累 土 (三)言三臨安、平江、湖、秀四州下 | 滑高, m 東南 民 田 長堤彌望, 派由 盡 没。 松江 望 盡 入于海, 名 日 復太湖 壩 田 東北 舊迹, 0 旱則據之以 使軍 田,多爲 派 由 民各安, 諸 浦注之江。 積 溉, 水 所 而 田 嚋 浸。 民 均 田 其沿 綠溪 不 利 沾 從 江 其

씨

浙

漕

臣

萬、錢三十三萬餘緡,米十萬餘斛。」於是詔監察御史任古復視之。 浦  $\mathcal{I}_{\mathbf{L}}$ 有 崑 以 十九年,了滿又言三父老稱福山塘與丁涇地勢等,若不濬福山 浦 ,濟開五河,政和間提舉官趙霖復嘗開濬。今諸浦凐塞,又非前比,計用工三百三十餘 淹沒之想。 松江之一川, 山之東開一十二浦,分而納之海。 通江 十八年, 誠便,若依 天聖間,漕臣張綸嘗於常熟、崑山各開衆浦 兩浙 宜其勢有所不逮。 所請,以五千功, 轉運副使趙子 瀌、 是以昔人於常熟之北開二十四浦, 三十六浦後爲潮汐沙積,而開江之卒亦廢,於是民 月餘可畢。」詔 知平江府蔣璨言:「太湖者, 以激賞庫錢、平江府上供米如數給之。 景祐間,郡守范仲淹 塘,則水必倒注于丁涇。 旣而古至平江言:「常熟 數州之巨浸, 疏而導之江 亦親至海 而 叉於 獨 田 洩

隆 興 年 八 月 詔 江 浙 水 利 久不 -講修 勢家 置 田 堙 寒 流 水。 諸 州 守 臣 按 視 以 聞

緡。 溢 於 朱 是 欲官 民 九 夏 知 田 月 卿 湖 給 九 州 其 千 刑 秀 鄭 半, 州 餘 部 作 委 頃 侍 潚 虚 會愭 郎 悉 廢 吳 知 其 宣 獲 帝 平 倍 田 州 言:「咋 收。 許 江 府 去 尹 今 其 委 守 知 尙 陳 租 紹 秀 有 隬 興, 州 作 低 姚 戶 當 田 部 憲、 常 請 請 萬 州 開 知 符浙 常 餘 鑑 江 畝 州 湖 陰 東常 劉 廢 軍 本 唐 田 委 平 亦 文葉謙 稽 司 湖 FF 並 同紹 山, -6 乞 亨, 開 -興 百 宣 顷 重 府 姓 州 H 守 交 復 濬 太平 臣 佃 湖 港 審 Ź 州 瀆 細 畝 舊, 直 委 標 沈 遷 纔 水 詔 榀 兩 無: 湖 從  $\equiv$ 措 泛 州

平 姓 叉 江 之。 堘 害及 江 出 畦 東 府 乾道 錢 六月 南 分旁海 了 下 重 江 미 裹 陰 達 戶 知 之田 耕 年 出 秀 軍 于 種 四 條 州 力, 海 者 月 0 孫 0 若 於 利 旁 所 大 詔 於 農際 海 雅 便。 至 諸 漕 農家 守 代 臣 港 修治 還 令 詔 王 浦 炎開 作 同 置 「秀州 之。 言. 壩 共 牐 」於是 \_ 措 以 浙 啓 州 華亭縣 刦 置 西 閉 有 勢家 鹹 不 辽 柘湖 潮 炎 邴 惟 張 , 旣 新 浙 雖 口 涇牐井澱 開 澱 重 轉 利 以 諸 田 山 運 及 洩 湖 置 草蕩、 副 水 H 方,而 使 當 111 , 姜詵 而 湖 東北 凡 荷 早 租 蕩、 水 陳湖 亦 與守 戶 .患 通 獲 菱蕩 貸 實 陂 利 臣 支港 主 塘港 害 視 及 家 然 鄰 之, 陂 相 種 遂 Τ. 郡 湖 貫 糧 處 詵 力 ; 溪港岸 債 稍 設 尋 俟今年十 西 負 與 大 疏 北 導之, 秀常州 欲 際 可 並 率 入 旋 奏 則 蠲 大 于 築

志

第

種 月 。」三年 圓 恐下 修 戶 = 江 月 闙 陰 本, 軍 詵 使 常 良 還 田 州 蔡涇 復荒, 牐 開 及 望 濬 令浙 申 畢 港, 功 西 常 明 通 平 年 洩 司 春 積 貸給 · 興修 永 種 久 浸 利 糧 港俟休役 民 田 又 露 奏揩 111 堘 置、 岸。 华 酠 提 修 臣 督  $\dot{\mathbb{E}}$ 監 諭 平 修 江 民 等官 趁 府 時 姑 耕 緩 知

江

陰

軍

徐

藏

等

滅

嘧

勘

年

有

役 降 判 南 奠心 奿 官 宣. 書 JU 褒 抓 年 刻 1 城 年 司 石 田 以 及 堰 彭 安撫 上。 十三 炎 州 , 言: 「 寸 紹 萬 臣. 都 興 三千 興 梁介修 以 統 元 來, 司 畝 府 共用 復 有 戶 山  $\stackrel{\sim}{=}$ 奇 河 錢 堰 縣 凋 詔 世 疏 萬 奬 十餘 傳 諭 堰 漢 千餘 堰、灌 拱 事 蕭 荒 曹所 緡 廢, 漑 虚 作 之 遂 利 修 委 六 及於鄰 本 知 堰 朝 興 嘉 完 邦。詔 濬 祐 府 中, 大 吳 小 供修 提 介 渠 直 舉 六 復 史 秘 + 炤 閣 發 五 上堰法 卒萬 里, 利 路 X 凡 轉 浬 助 獲 運

寧國 然 惠民 里 几 水 圩 士 府 並 周 九年 鬥物。 魏 高 成 -(温), E 廣 百 舊 愷 堅 五 從昔善壞 圩 緻 + 略 儿 戶 餘 部 日 + 瀕 里, 餘 侍 水 大 包 里 郎 卿 江 , 新 圍 兼 岸 之壖 非修稼政, 諸 樞 種植 築 圩 密 九 都 在 其 楡 里餘 內, 承 迿 柳 旨 巨防屹然, 廣 ; 燕 葉衡 袤, 太平州 足 湖 捍 縣 使 言 風 圩 水 濤 黄 周 有 奉 之蓄 池 懷勤 詔 鎭 詢 百 覈 洩 之農 福 九 11: 實 不 定 + 寧 病 深 民, 圩 餘 國 用 而 周 里, 府、 一歎嘉。」 皆 實 四 爲 爲 通 +-太 膏腴者, 當 永 餘 平 利 塗 里 州 圩 圩 延 共 於 岸, 圩之為 福 是 DC 詔 百 内 獎 八 等 寧 刨 諭 ----或 Τi. 他 判 餘 -府

秀 水溢之災,燒、湯盛 而 實;高卬之地,雨不時 九年八月,臣僚言江西連年荒旱,不能預興水利為之備。 時,有不 至, 能 冤。 苗 | 輒就 民未告病者,備先具也。 稿。 意水利 不修, 失所以爲旱備乎? 豫章諸: 於是乃降詔曰:「朕惟旱乾、 那縣,但阡陌 唐韋丹爲江 近水 者、 苗 西

勿使失時。 **瀆,瀦陂澤,監司、守令,顧** 農爲生之本也,泉流灌溉,所以 觀察使,治陂塘五 雖有豐凶 百 九 , + 而力田者不至拱手受弊, <u>入</u>所, 非其職數 毓 嚾 五. 田 ? 穀 萬二千頃。 其爲朕相 也。 今諸 道名 丘 此特施之一道,其利 亦天人相因之理也。 陵原隰之宜,勉農桑,盡 山川 原甚衆,民未 如此, **股將**即勤惰而寓賞 知 地利 其利。 矧天下至廣也 一、平繇 然則 通溝

葑菼蕪翳,利失其舊,農人病焉。 無異時旱乾之患,其爲澤豈淺哉。 存 利港諸處,並已畢功。 劉穎特增一 乎其人。 淳熙二年, 秩,餘論賞有差。 四明爲州實治鄭,鄖之鄉東西凡十四,而錢湖之水實漑其東之七。 炳浙 轉運判官陳峴言:「昨奉詔徧走平江府、 始欲官給錢米, 三年,賜皇子判明州魏王愷詔曰:「陂湖川澤之利,或通或塞, 卿臨是邦, 剡奏徹聞,不忘嘉歎。」 歲不下數萬,今皆百姓相率效力而成。」 乃能講 求利便而濬治之,遂使並湖七鄉之田 常州、 江陰軍, **渝民併力開**濬 韶常熟知縣 **吏惰不虔**,

年,大理寺丞張抑言三阪澤湖塘,水則資之瀦洩,旱則資之灌溉。 志 第 百 **=** × 食 貨 上 近者浙西豪宗,每

湖 者,以違制 常、秀昔有水患, 占湖 論 爲 給據 田 與失察者, 築為 今多旱災, 長 堤, 併坐之。」 既 蓋出 中植榆柳,外捍茭蘆, 於此。 而漕臣錢沖之請每圍立石以識之,共一千四 乞責縣令毋給據,尉 於是舊爲田者, 警捕, 始隔水之出 監 可覺察。 有 圍 裹

八十九所,令諸

郡

遵守焉。

心 赦。」 于州 者盡開之。 嘉 漊澶 擇其勞效著明者賞之。 泰 止 一、悉爲 元 紹 爲 嘉 州 年,以 |熙二年, 韶守令到任半年後, 具水源湮塞合開修處以聞; 一家營私之計, 聞 興, Ш 于朝。 又令 大理 湖、 疇,有水 常開掘 知縣並以「點 可 三年遣官審 直留佑 則 慶元二 111 戶元 公然投牒以沮 圳 鬒 ΉJ 給 檢圍 <sup>一</sup>宗正 視, 瀦, 年, 佃 據。 及委臺諫察之。 田 有早 戶 寺主簿 事」入銜,每歲三四月, 部份 三月, 成法, 則 書袁 無 李澄措置 水 右正言施康年言:「近屬貴 乞戒飭; 미 說 戽。 友等言:「浙 二年二月, 自淳熙十一 不嚴禁之,後將 自今有陳狀者, 同 西 佑賢 . 尉 圍 任滿日,以興修水利 點 年立石 田 檢 澄 相 有 益 使還, 望, 指名 戚 無 谌, 之後,凡官民 不 姦民 皆 鳢 無復稔歳 奏追毁臨 干 九重愛民之 韋 百 寝狀, 畝 必罰無 圖 陂 剛 進, 裹 塘

開禧 二年,以准農流移,無田 可耕、詔兩浙州縣已開圍田、許元主復圍,專召准農租種

於是 嘉定 念 僚 言 狹 復 三年,臣 官 越 詔 之 戒 浙 鑑 有 西 |僚言:「竊聞豪民巨室並緣爲 提 湖 司 ",溉田 學司俟農隙開掘 每歲省 幾半會稽,興化之木蘭陂 視,厚其瀦蓄,去其 o 七 年, 一姦,加倍圍 復 壅底, 臨安府 毋容侵占,以妨灌溉。 民 田 西 一裹,又影射包占水 萬 湖舊界、盡蠲 頃 了; 歲 飲 其澤。 歲 增 蕩,有妨農民 皆次第行之。 今官豪侵占, 租 錢 七 灌溉 年, 塡 臣 淤

租 乾 權 民 撥 其 處 白 减 悉 歸 利 納 寶 几 慶 童 害 故 本 分。 之, 元 所 輕 也 年 重 利 國 寶 , 丽 少害 献 爲 又 右 /奏:「 之存毁,其租 元 l 諫議 多, 年 自 宜 史館 大夫朱端常奏, 丁未已來創 開掘以通 校 或 勘 歸 黄 水 總所,或隸安邊所,或 國 圍之田 道。 面 除嘉 對 」上然之。 7:「圍 · 始 泰間已開浙 因 田 自淳 殿 咸淳 司 獻 熈 西圍 + 草 分 -· 年, 蕩, 隸 田 车 諸 租 以 任 郡。 識 錢,蓋 江 事 石 東 者 上 者當 水傷, 欲 日: |税額尚存,州 因以 存之, 安邊 除 爲 復 九 功 所 年 圍 田 圩 縣迫 凡 者 , 早 IH 近 合

追 紹 興 日 前 -----所 收 1 年, 租 利 趙 子 詔 潚 速 奉詔 拘 其 措 田 置 措 鎭 置 江 府 蠲 沙 其冒 田 佃 欲 之租 輕 立 租 二十八年 課 令 見 IE 佃 月 者 就 耕 詔 戶 部 加 員 勢家 外 占 郎

志

第

百

四

江 沙田 恤 東  $\stackrel{'}{\boxminus}$ 白 詭 同 沙 受其害。 姓,名爲 十九年,以莫濛經量 浙 田 名冒占,其三等以下戶勿例 場為為 、蘆場,官戶十頃、民戶二十頃以上並 西 經量,實逼縣官按圖約紐,惟務增數, 人冒占, 歲失官課 江東、淮南漕臣趙子潚、鄧根、 因小 利擾之,必致逃移, 一沙田、蘆場失實,責監饒州 至多,故以命濛等。 根 括。」六月, 坐失稅 孫靈視諸路沙田、蘆場。 增租 [額。] 因極論之。 以孫蓋措置沙田滅裂, 以希進用。 分餘 旣 景德鎮稅,遂詔盡 而 如舊。 [殿中侍御史葉義問言: 「奉行 置提 二月,詔:「沙田 有力之家初無加 領官田 先是,言者謂江、淮 靇 罷之。 所 所掌之, 增 租 損, 蘆 詔 不 貧 場 隸 浙 民下 者 止 爲 西 不

唯恐 捐 占。 量 1/2 有 期以 陳 輕 三十二年 傷 康 租 伯 今冬自 |政,所以不同。」上然之,命止前 詔 等奏:「君子小人,各從 以 九月,趙 馮方措 [陳,給] 子 爲己業,與冤租 置。 滷 言「浙西、江東、 + 有一 其類。 月,方滋 稅之半; 小人樂於 詔 疏論沙 准 勿行。 東沙田 過期許 田。 生 往 事 人告,以全戶 上問:「沙田 ',不惜爲 年經量,有不 國 一斂怨 或以爲 所租 虚 不實處,爲 田 君 可取,或以為 「賞之。 子務存 其蘆 人戶 大體, 包 미 場

復令 梁俊彦與張津等措置。 乾道 ゾ 年,臣 僚 言:浙 西、江東、淮東路 年,輔臣奏:「俊彥所上沙田、蘆場之稅,或十 沙 田 蘆場,頃 畝 浩瀚,宜立 租 稅,補 取其一, 助 軍 或取其 食。」詔

措 間 二、或取其三,皆不分主客。」朝廷疑之。六年,以俊彦所括沙田、蘆場二百八十餘萬畝、其 置。 一或已允己業,起稅不一,及包占未起租者,乞並估賣、立租。 八年七月,詔提領官田所所催三路沙田、蘆場租錢倂歸戶部。 韶蔡光至、梁俊彥行在置司 十月、遣官實江、淮沙

田

、蘆場頃畝,悉追正之。

莊 諭 11  $\Pi$ 尺 淵 ,令民依 刑 ,其沒官 | 投買戶 | | | 建炎元年,籍蔡京、王黼等莊以爲官田,詔見佃者就耕,歲減租二分。三年,凡天下官 租 鄉例自 田 司 召人請 ,絕、沒官、賊徒田舍(言)及江 沒 依 入田 舊出賣。二十年,凡沒官田、城空田 買,佃 陳輸租。 亦 如之。 人願買者聽,佃及三十年以上者減價十之二。六年, 紹 興元年,以軍 漲沙田、海 ·興用度不足,詔盡鬻諸路官田 退泥田 、戶絕房廊及田,並撥隸常平 七年,以贼 徒田 o 五 舍及逃 年,詔 詔 諸 路 諸 H 轉 充官 總領 官 田

寺常: 腴 者給 住 -<del>-</del>-僧 絕 等 產 年,以 以 道院,中下 膽學。 大 理 戶 寺主 者給 部 議 簿 件 1 <u>l</u>. 者、流寓 撥無敕額 仲京言, 凡學田 庵院 自 劉變爲福州 田 詔 爲勢家侵佃 미 了, 始 初, 貿易取貲。 者, 閩 以 命提學官覺察; 福 建 元 邦· 迨張守帥閩,紹興二 之田 分三 又 命撥僧 等:膏

志

筝

百

+

六

食

貨

上

年秋。 衣,餘寬百 以 1姓雜 拊 循凋瘵, 科,民皆便之。 存上等四十餘刹以待高僧, 餘悉令民淸買, 歲入七八萬緡以助軍

四萬 宜 及 仰、已添租 -不 佃 糴 獨 興 年。 人失業,未賣者失租 令 錢 八千餘 絕欺隱之弊, 詔 陳迟 十六年, 一千貫以下范三年,一千貰以上五年,五千貫以上十年。 承買 几 未添租,並 以 月 斛 (荒田 賣 ,韶令出賣。 以諸路賣官田錢七分上供,三分充常平司糴本。 營田 田 者死三年租 又可 稽違, 並拘賣。 九十 均力役之法。」浙東 侍御史葉義問言:「今盡鬻其田,立爲正稅,田 各貶秩 二萬六千餘畝 七月,詔 二十九年,初,兩浙 龍 任。 諸 路提 九月,浙東提舉常平都絜以賣田 ,歲收稻、麥、雜 舉常平官督察欺弊,申嚴賞罰 刑獄使者邵大受亦乞承買官田 轉運司官莊 於是 紹所 豆等十六萬 在常平沒官、 田 四萬二千餘畝,歲收稻、麥等 初, 七千餘斛,充行在馬料 旣歸民, 盡鬻官田, 最 戶 多, 增一秩。 分水令張升 絕田 稅又歸官, 議者恐 佃 未

浩瀚 百餘 員 乾道二年,戶部侍 分岩 今欲遵元詔,見佃願買者減價二分。」詔曾懷等提領出賣, 出 賣, 可得六萬 即曾懷 五千 餘 元 貫; 西路營田 及兩 浙轉運司 四 千餘頃, 所括 已 已佃 佃 九 千 + 其錢輸左藏南庫別貯之。 餘萬 九百 畝 餘 了, 合 頃 而 租 言之,爲數 錢 Ŧi. 萬 五

DU 西 以 運 路 大 年 理 收租 戸部賣 諸 四月,江 官田 寺主 簿薛季宣於黃岡 ,以監登聞檢院回張賽賞等出賣江東、西路諸官田,以郎官薛元鼎拘催江、浙 |營田, 率爲 七年,提舉浙 錢 東路營田亦令見佃者減價承買,期以三月賣絕,八月住賣; 一百餘萬 有力者下價取之, 西常平李結乞以見管營田撥歸本司,同常平田 麻城立官莊二十二所。九年,以司農寺丞葉翥等出賣浙東 稅入甚微,不如置 [官莊,歲可得五 立官莊。 諸路未賣營田 十萬斛。」八年, 梁克家亦 轉

圓

賣官田

四

緡

非 福 以 诸 所 其 立. 建 路 大 之價, 、姓。 估 督 提 慶 不 錢 轉運、常 淳 充常 元 行 舉宋之瑞 責,不爲 熙元年,臣 田 元 輕 價之初,以上色之產,輕立 年 平 覆 平司, 重 八月, 糴 實 不 不 乞死鬻 本。 减 均。 僚言:「出 至,始限 凡 價 江 + 沒官田 莫若且令元佃之家著業輸租, 東 ·有 建 其 轉 劍 沙 一季,繼限一年,已賣者纔十三,已輸者纔 月, [賣官田,二年之間,三省、戶部困於文移,監司、州郡疲於出賣。 運提舉司 礫 、營田 汀、沼 不 余端 可耕 二沙田 價貫,揭榜之後,率先投狀; 沒官田 禮 以 處除之。 紹熙四 、沙蕩之類, 鄭僑 , 收 言, 年 以其租 住 福 賣以後續沒官 建地狹 歲猶 復括數賣之。 助民舉子之費、詔從之。 可 入稠, 得數 十萬斛。」從之。 無 若中下之產 田 紹熙 + = : 以 依 贍 四 鄕 養, 年,以 價 蓋買產 四年, 生子 復 气 無 召 臣 六年, 多不 人 之家,無 人承買, 詔諸路 僚言住 屬 詔

志

萬 沒人之田, 及圍 五 千緡 開 禧 :有奇,藉以給行人金、繒之費。 三年三、韓侂胄旣誅,金人講解。 田 、湖田之在官者皆隸焉。 迨與北方絕好,軍需邊用每於此取之。 輸米七十二萬二千七百斛有奇,錢 明年,用廷臣言,置安邊所,凡侂胄與其他權倖 百三十

之弊、 也。 浙 住 造 千萬 居之弊,「乞依祖 西 造 舉 権莫切 然未 安 前 景定 則 撫 畝 五. 尤有甚 見其 利 之田,則歲有六七百萬斛之入可以餉 四年,殿中侍御史陳堯道、右正言曹孝慶、監察御史虞處張睎顏等言廩兵、 魏 於冤和 克 具矣。」有旨從其言。 利,而 愚 於經孫 言:取四 宗限 糴,免和糴莫切於買踰限田。」 適見其害。 所言者。」 田 議 路民田立限 自 近給 兩浙、 因 朝士有異議者,丞 歷 述其 事 回買,所以 江東西官民戶踰限之田,抽三分之一買充公田。 中徐 為 經孫 害者 軍,可以免糴,可 一 
死 
和 奏記 因 八 歷紙 事 相賈似道 ·, 疏 丞相, 糴 異議者之非,帝曰:「當一 而 奏 益 不省 言江 奏:「救楮之策莫切 邦儲,議者非不 以重楮,可以平物 一西買 田 之弊甚 自 詳,若 以 於住 為 意 而 行之。」 公 和 安富, 造構, 且忠 浙 得 西

分、會子二分半; 斗者償 郡 口 買 百 公 十貫, 田 五千畝以下,以銀半分、官告三分、度牒三分、會子三分半 畝 起 六 租 斗者償 潚 石者償 \_ 百 三百 <u>-</u> 貫,九斗者償 貫 五千 畝以 \_\_\_ 上, 百 八十 以 銀半 貨, 分、 八 斗者償 官告 五 一百 千畝以下, 度 分、 六十貫, 度 牒二

邦傑之在常州,害民特甚,民至有本無田而以歸併抑買自經者。分置莊官惟租,州縣督莊 牒,民持之而不得售, 牒、會子各半;五百畝至三百畝,全以會子。 六 郡 騒 然。 所遣劉良貴、陳訔、趙與訔、廖邦傑、成公策等推賞有差。 是歲,田事成,每石官給止四十貫,而半是告、

官及時交收運發。

尋耀 间 悉 以委之。是歲七月,彗見于東方。下詔求言,京學生蕭規、葉李等三學六館皆上封章; 祁 京 書監高斯得亦應詔馳驛上封事, IL 校文天府,皆指陳得失。 年,選官充官田所分司,平江、嘉興,安吉各一員,常州、江陰、鎭江共一員,凡公田事 未幾,蕭規等眞決黥隸,枋得、山京相繼被劾,斯得雖予郡, 力陳買田之失人心、致天變; 謝枋得校文江東運司,

者以 死。 常寺 召 簿陸逵謂 盜賣官田 儿 咸 十有餘 年,以差置莊官弊甚,盡罷之。 淳三年,京師糴貴,勒平江、嘉興上戶運米入京,鞭笞囚繫,死於非命者十七八。 年。 論 :買田本以免和糴, 自 其租於先減二分上更減 今並 給佃主,令率其租 今勒其運米, 害甚於前。 令諸 [戶爲兵。]而|宋祚訖矣。 一 分。 郡公租以三 徳祐 一千石 元年三月,詔:「公田最爲民害,稔怨 似道怒,出達知台州 爲一莊,聽民於 分司 承 未至,怖 佃 

志第一百二十六 校勘記

#### 校勘記

- (二) 桑棗半之 「桑」原作「梨」,據下文和通考卷四田賦考、太平治蹟統類卷二改。
- (三)男女十歲以上 長編卷二作「十七歲以上」, 太平治蹟統類卷二作「十五以上」,宋刑統卷一二
- 以「十五以下爲小,二十以下爲中」,疑當作「男女十五歲以上」。
- 農田利害 「農田」原作「田農」,據宋會要刑法一之三、長編卷六一改。
- (원 (원 勸農判官 「官」原作「田」,據長編卷六二、玉海卷一七八改。
- 職當勸農乃請少卿監爲刺史閤門使以上知州者並兼管內勸農使餘及通判並兼勸農事 作「除」, 「管內勸農使」原作「管內勸農事」,「餘」字原脫,據長編卷六二、宋繪要職官四二之二 「職」原
- ( 六) 蓋旱稻也 「旱」原作「早」,據宋會要食貨一之一八、長編卷七七改。

改補

- 原作「三年」,據本書卷八眞宗紀、宋大詔令集卷一八二令儲蓄戒奢僭詔注改。
- (元) 三年而後收賦 「賦」字原脫,據通考卷四田賦考、長編卷一九二補。
- へたし 邵信 臣 按「邵」或作「召」,漢書卷八九本傳、本書卷四二六趙尚寬傳、長編卷一九二都作「召」。
- (10) 七百二十二萬餘戶 按宋會要食貨六九之七八、長編卷六六都作「七百四十一萬七千五百七十

戶」,玉海卷一八五作「七百四十一萬餘戶」,疑此處數字有誤。

詔 開廢田 四興水利 「興」字原脫,據宋會要食貨六三之一八八、長編卷二八九補

戴日而作 日」, 司馬光溫國文正司馬公集卷四八乞省覽農民封事箚子、長編卷三五九作

星」

音 韶逃田可專委縣丞 「韶」下七字原脫,據宋會要食貨一之三三補。

至九品爲十頃 「頃」原作「畝」。按宋會要食貨六之一,品官限田,每降一品減十頃,以此爲率、

降至九品應爲十頃。據改。

三 其有羨田之家毋得市田其無田與游惰末作者皆使爲隸農以耕田之羨者 「有」、「隸」 和句末

「者」字原脫,據本書卷四二二林勳傳、繫年要錄卷二六補。

宝 云 綿三千四百斤 自新復降赦日爲始 「三」原作「二」,據本書卷四二二林勳傳、繫年要錄卷二六改。 「新」字原脫, 據宋會要食貨六九之五七補。 本書卷二九高宗紀紹興九年

증 昔七十萬 有奇今按籍雖三十九萬斛 「七十」二字原倒,「九」字原脫。 據宋會要食貨六之三七

繫年要錄卷一四七補正。

正

月條:「以金國通和,大赦河南新復州軍。」即指此。

志

第

日

+

六

校

勘記

云 請 復 租 纡 原作「二」。 按下文說:"「明年又請復之。」知前所復應只一年。 據緊年要錄卷

五. 八改。

乞許人承佃 「乞」字原脫,據繫年要錄卷一七二補。

豪民 占田不知其數 「豪」字原脫,宋會要食貨六之二八說:「豪民所占之數,不知其幾。」據補。

 $\cong$ 李泳 原作「李詠」,據宋會要食貨七之四八、繫年要錄卷一六三改。

周環 繫年要錄卷一六七、中興小紀卷三八都作「環周」。

九年 原作「八年」,據宋會要食貨八之四、通考卷六田賦考改。 會要「乾道」誤作「乾元」。

呈 延福 原作「廷福」,據同上書同卷同篇改。

뭂 蔡洸 原作「蔡光」,據本書卷三九〇本傳、宋會要食貨一之四五改。

呈 投買戶絕沒官賊徒田舍 「官」下四字原脫、按宋會要食貨五之二五、繫年要錄卷九八都有此四

字,下文也有「以賊徒田舍及逃田充官莊」句,據補。

믕 監登聞 檢院 「監」字原脫。 宋會要食貨五之三六作「監登開檢院」, 與宋代登開檢院置有監官

之制 合,據 補。

景 開 了禧三年 「開禧」原作「開熙」。 按宋代無「開熙」年號, 本書卷三八寧宗紀載開禧三年誅韓侂

胄 ',據改。

# **宋史卷一百七十四**

## 志第一百二十七

### 食貨上二

### 方田 賦稅

爲 肥瘠而分五等,以定稅則;至明年三月畢,揭以示民,一季無訟,卽書戶帖,連莊帳付之,以 委令、佐分地計量,隨陂原平澤而定其地,因赤淤黑壚而辨其色;方量畢,以地及色參定 頒之天下。 心地符。 方田 以東西南北各千步,當四十一頃六十六畝一百六十步,爲一方,歲以九月,縣 神宗患田賦不均,熙寧五年,重修定方田法,詔司農以方田均稅條約幷式行

均稅之法,縣各以其租額(三)稅數爲限,舊嘗收蹙奇零,如米不及十合而收爲升,絹不 志 第 一百 二十七 食貨 \_E = 79 九九

及 滿 衆 十分 所 而 食 收爲 利 山 林 一寸之類,今不得用其數均攤增展,致溢舊額,凡越額增數皆禁。 、陂塘、溝路、墳墓,皆不立 稅 若瘠鹵不毛

物其 更勒 舉 縣,以三年爲任。 鉅 帖 司 野 乞通 甲頭、方戶同定。 |尉王 其分煙析產 土 凡 一宜,多爲等以期均當 田 曼爲指教官,先自京東路 方之角,立土爲埄至,植其野之所宜木以封表之。 一縣災傷不及一 每方差 典賣割移,官給 諸 路 一大甲頭二人、小甲頭三人,同集方戶,令各認 分勿罷 及開封 (目),勿拘 契, 府界秋田災傷三分以上縣權罷,餘候 行之,諸路做焉。 以五。 縣置簿, 七年,京東十七州 皆以今所方之田 六年, 韶土 有方帳,有莊帳,有甲帖,有 、選官四員,各主其方,分行郡 色分五等,疑未盡 「為正。 。 步 農

農

、

農

、 令旣 畝,方田官驗地 具, 河 乃以 北 \ |-|-西路提 |濟||州 郡 色,

111 縣,今府界十 八萬 林者 元豐 四 「或行或否。 千三百四 五 年,開 九縣,准 封府言: 十有 八年,帝 此 行 九頃云 「方田法,取稅之最不均縣先行, 之,十年 知官吏擾民, · 乃 定。 詔罷之。 請歲方五 天下之田已方而見於籍者, 縣。」從之。 卽 州 其後 加 歳稔農隙 及五 縣(丟), 乃行 至是二百四 歲不 · '; 而 週 縣 多 지지

規 利 ,貧者迫於不足,薄移稅以速售,而天下之賦調不平久矣。 崇寧三年,宰臣蔡京等言:「自開 阡 陌,使民得以田私 相 貿 (易,富者恃其有 神宗講究方田利害, 餘 厚 作法而 37. 價以

輸 不能容其巧;以推收,則更不能措其姦。今文籍具在,可舉而行。」詔諸路提舉常平官選官 於本路見任人內選差。 習 推 「納。十一月,詔:「方田官吏非特妄增田稅,又銀不食之山方之,俾出獨草之直,民戶因時 員,點檢官每路二員。未幾,詔諸路添置指教官不得過三員,又不專差點檢官,從提舉司 熟其法,論州縣官吏各以豐稔日推行,自京西、河北兩路始(x)。 ·行之,方爲之帳,而步畝高下丈尺不可隱; 戶給之帖,而升合尺寸無所遺;以賣買,則民 監司其悉改正,毋失其舊。」 五年,詔罷方田。大觀二年,復詔行之,四年罷,其稅賦依未方舊則 四年,指教官每三縣 加

廢業失所。

以為 諸 中, 數 句 不 第 受稅 路概行 畝 數及 药 等雖出十分之稅(己),地土肥沃,尙以爲輕;第十等只均一分,多是瘠鹵,出稅 謂 重 政 稅一分,上輕下重。 一,旣收入等,但可耕之地便有一分之稅,其間 和三年,河北西路提舉常平司奏:「所在地色極多,不下百數,及至均稅,不過十等。 如 十五五 其法。 第 若不入等,則積多而至一頃,止以柴蒿之直,爲錢自一百而至五百,比 十等地每十畝 畝,十等之下〔む〕,數及二十畝,方比 五 年,福建、利路茶戶 合折第一等一畝,即十等之上(云),受稅十一,不改元則; 欲乞土色十等如故外,即十等之地再分上、中、下三等, 、山園,如鹽田例觅方量均稅。 ,上等受一畝之稅,庶幾上下輕重皆均。」詔 下色之地 與柴蒿之地不相 遠,乃一例 次十等,全 雖 折畝 十等之 少,猶 均

荒閑 舊額 會昌 印 御 史臺受訴,有二百餘畝方爲二十畝者,有二頃九十六畝方爲一 有租 輸 田 宣 縣者是也。 納 和 上,召人請佃。 稅 元年,臣僚言:「方量官憚於跋履,並不躬親,行繵拍埄、驗定土色,一付之胥吏。致 民逃移歸業,已前逋 十有三錢 望韶常平使者檢察。」二年,遂韶罷之。 而增至二貫二百者, 自今諸司 一欠稅租,並與除放。 · 母得起請方田 有租稅二十七錢則增至一貫四百 諸路已方量者,賦 民因方量流徙者,守令招誘 十七畝者, 稅不以有無訴論, 虔之瑞金縣是 五 一十者 歸業; 悉 虔之 如

分道 按 賦 率。 稅 其弊也,先期 自 唐建中 初變租庸 而 苛 斂,增. 調法作年支兩稅,夏輸毋過六月,秋輸毋過十一月, 額 而繁征,至于 五 代 極矣。 遣使

錢米是-日菽, 日 赋,百姓各得專之者是也。 穀 宋制 七日雜子。 日 也。 帛, 嵗 日 賦, 日 金、 雜 其類 變之賦,牛革、蠶鹽之類,隨其所出,變而 鐵,日 帛之品十:一曰羅,二曰綾,三曰絹,四曰紗,五曰絁,六曰紬, 有 五: 物產 日公 日 是也。 城郭之賦、宅稅、地稅之類是也。 田 一之賦, 穀之品七: 凡田 之在官,賦民耕而收其租者是 日粟,二日稻 輸之是也。 三三日 日丁 麥, 口之賦, 歲賦 四 之物,其類 日黍, 百 也。 姓 五 七日雜折, 歲 日 民 日 輸 穄,六 有四 田 之 身丁

遲速,視收成早暮而寬爲之期,所以紓民力。 紙、薪、炭、漆、蠟,六日 「支移」。其入有常物,而 產之品六:一日六畜,二日齒、革、翎毛,三日茶、鹽, 日 絲 線,九日綿,十日布葛。 一雜物。 一時所須台 其輸 金鐵之品四:一日金,二日銀,三日鐵、鑞,四日 有常處,而以有餘補不足, 則 變而 諸州歲奏戶 取之,使其直輕 四日竹木、麻草、芻萊, 帳, 具載其丁口, 重相當,謂之「折變」。 則移此 輸彼, 移近輸 男夫二十爲丁 Fi. 日 銅、鐵錢 果、藥 遠 其輸之 一謂之 油 物

太祖 民 租 .調,有增羨者輒得罪,多入民租者或至棄市 即位,詔許 五. 代以來,常檢視見墾田以定歲租 民闢土,州縣毋得檢括, 止以見佃 吏緣爲姦,稅不均適, 爲額。 選官分涖京畿倉庾,及詣諸道,受 繇是百姓失業, 田多荒蕪。

六十爲老。

两税折科物(II),非

土地所宜

而

抑配者,禁之。

護,後聞擾民,罷之,止令鄕耆、壯 文,絹帛成 舊諸州 建隆四 尺,粟成升,絲綿成 無得三戶、五戶 年台,乃下詔禁止。 收稅畢, 符屬縣追吏會鈔, 、聚合成疋, 兩,薪蒿 Ţ 令諸州受租籍不得稱分、毫、合、龠、銖、釐、絲、忽,錢 防 成束, 援。 送納! 縣吏厚斂里胥以路州之吏,里胥復率於民, 煩擾。 金銀 成錢。 民輸夏稅,所在遣縣尉部弓手於要路巡 紬不滿半疋、絹 不滿 一疋者, 民甚苦 許計 必 成

諸 州 志 和籍 第 宗錄事 百 + |参軍 ti 按視 食 貨 上 二 判官振舉。形勢戶立別籍,通判專掌督之,二稅須於三限前

爲 半 帳 户 、畢輸 一,送州覆校定,用州印,藏長 歲起納二稅,前期令縣各造稅籍,具一縣戶數、夏秋稅、 東廳,縣籍亦用州印,給付令佐。 苗畝、桑功台 造夏稅籍以正月一日 及緣科物

秋

稅籍以四月一日,並限四十五日畢

定民 得 邊郡 晚,五 始 JЩ 禁繫。 ~ 牧租 月。 峽 一常限 租 五 開 月十五 或値閏月,其田蠶 月一日起納, 封府等七十州夏稅, 中國 掌納官 百 外更加 石 日起納,八月五 租 輸 牛革 二十石輸牛革 吏以限外欠數差定其罰,限前畢,減選、升資。 一月。 一,準錢千 七月十五 江南、 亦有早晚不同,有司 舊以五月十五日起納,七月三十日畢。 日畢。 一,準錢千。 日畢。 兩浙、荆湖、廣南、福建土多秔稻,須霜降成實, 五 百二回。 潁州 秋稅自九月一日起納, 等一十三州及淮南、江南、 川蜀尚循舊制,牛驢死,革 臨 時奏裁。 繼而以河北、 十二月十五 民逋租 兩浙、 河北、 盡入官, 踰限,取 河東諸州 福建、廣南、 日 河東諸州氣候差 早, 自 乃詔蠲之; 保 後 秋 十月一 歸辦,毋 区文並加 稅 荆湖、 多輸 日

金 估 多而 太平 傷官 興 國二年,江 金上 等舊佔兩十千,今請估八千 西 轉 運使言:「本路蠶桑數 少,而 絹上等舊估匹一千, 金價頗低。 今折徵,絹 今請估一千三百, 估 少而傷民,

餘

以

次增損。」從之。

咸 《平三年,以刑部員外、直史館陳靖爲京畿均田 使, 聽自擇京朝官, 分縣據 元額 定稅

弗 田 不 ,未嘗輸送,已命官檢括,令盡出常租。」帝曰:「遠方之民,宜省徭賦。」亟命停罷 諭 得增收 朝旨,翦伐桑柘,即韶罷之。六年,廣南 剩 數 逃戶別立籍,令本府招誘歸業; 西路轉運使馬漣上言三康、橫、賓、白州 桑功更不均檢,民 7戶廣 令 種植 尋聞 知袁州 民 居民 雖 狠

何蒙請以金折本州二稅,眞宗曰:「若是,將盡廢耕農矣。」不許

錢, 錢, 折 客戶爲主戶者,雖登于籍,而賦稅無所增。 (幕 職 歲 |州 未成丁、已入老丼身有廢疾者, 大中祥符初, 凡四 縣官招徠戶口旌賞條制。 十五萬四百貫。 連歲豐稔, 九年, 邊儲有備, 舊制,縣 詔諸路支移稅賦勿至兩次,仍許以粟、麥、蕎、 **免之。** 更能招增戶口者,縣卽升等,乃加其奉 至是, 河北諸路稅賦, 四年, 又除兩浙、 詔禁之。 並聽於本州軍輸納。 雅熙初,嘗詔荆湖等路民輸 福建、 荆湖 廣 南舊輸身 二年, 菽互相 至有 祈 Ţ Ţ 頒

以 五 其數計。 十三萬。 儿 滅 賦,穀以石計,錢以 其折 至道 末,總七千八十九萬三千,天禧五 變及移輸比壤者,則視當時所須焉。 年, 視至道之數有增有減、總六 千四百

宋克平 諸國 ,每以恤 民爲先務,累朝相承,凡無名苛細之斂,常加剗草,尺縑斗粟,未聞

志

第

百

+

七

食貨

上 二

不立 減 十而 河中府、 有 所增 稅一者有之, 三十而稅一者有之。仁宗嗣位, 首寬畿縣田賦, 詔三等以下戶 则畝轉易,丁口隱漏, 益 同華州請免支移,帝以問輔臣,對曰:「西鄙宿兵,非移用民賦則軍食不足。」特詔量 遇 一水旱徭役,則蠲除倚格,殆無虚歲,倚格者後或凶歉,亦輒蠲之。 兼丼冒偽, 未嘗考按,故賦入之利視前代爲薄 丁謂嘗言:二 而又田 ,毋遠輸 制

衆。 者猶 者例加稅,謂之『罰稅』,他州無此比。」詔除之。 五萬 運使方仲荀言:「此公田也,醫之可得厚利。」遣尚書屯田員外郎幸惟慶領其事,凡售錢三十 .餘緡,詔減緡錢三之一,期三年畢償。 十二萬八千餘緡,詔悉蠲之。後又詔 福州 王氏時有田千餘頃,謂之「官莊」,自太平興國中授券予民耕,歲使輸賦。 公田重復取賦者皆罷。天聖時,貝州言:「民析居 監察御史朱諫以爲傷民,不可。 自是,州縣有言稅之苛細無名者,蠲損甚 旣而期盡,未償 至是,發

類 煩 倂合。於是悉除諸名品,倂爲一物,夏秋歲入,第分粗細二色,百姓便之。 細,其類不一。官司歲附帳籍,並緣侵擾,民以爲患。 自唐以來,民計田輸賦外,增取他物,復折爲賦,謂之「雜變」,亦謂之「沿納」。而名品 明道中, 、帝躬耕籍田,因詔三司以

州 縣賦入有籍,歲一置,謂之空行簿,以待歲中催科; 閏年別置,謂之實行簿,以藏有

司 天聖初,或言實行簿無用,而率民錢爲擾,罷之。 但存催科一簿,一有散亡,則耗登之數無從鉤考。 景祐元年,侍御史韓濟言:「天下賦入 請復置實行簿。」詔再閏一造。 至

慶曆中復故。

體。 萬六千九百三十餘頃,均其賦於民。 以爲然,且請於廛、濤、縻、汝四州擇尤不均者均之。 孫琳嘗往洺州肥鄉縣,與大理寺丞郭諮以千步方田法括定民田,願詔二人者任之。」三司 徙,或因推割, 量數議賞。」旣而諫官王素言:「天下田賦輕重不等, 時患州縣賦役之煩, 用倖走移,若請占公田而不 詔諸路上其數,俾二府大臣合議蠲減。 既而||諮言州縣多逃田,未可盡括,朝廷亦重勞人,遂 輸稅。 如此之類,縣令、佐能究見其弊, 於是遣諮蔡州。 請均定。」而歐陽脩亦言:「秘書丞 又詔曰:「稅籍有僞書逃 |諮首括一縣,得田二 以增賦 亦

困遠 詔 有未便者聽自言,主者裁之。」皇祐中,詔:「廣西賦布,匹爲錢二百。 如聞有司擅損其價,重 令後勿復取。 申飭之。又損開封諸縣田賦,視舊額十之三,命著于法。 人,宜令復故。」州郡歲常先奏雨足歲豐,後雖災害,不敢上聞,故民賦罕得蠲者,乃下 陝西、河東用兵,民賦率多支移,因增取地里脚錢,民不能堪。 旣而詔河東亦然。又令諸路轉運司三支移、折變,前期半歲書于榜以諭民, 五年,詔陝西特蠲之,且

是,因下赦書,責 戒敕,莫能奉宣 久之,復詔 日:「, 折 變, 一詔令。 如聞諸路比言折科民賦, (轉運 貧 弱者尤以爲 司 自今有此, 裁損,歲終條 患。 州長吏 景祐 上。 即時上聞。」然有司規聚斂,罕能承帝意 多以所折復變他物,或增取 其後赦書數以爲言,又令折 初, 嘗詔 戶 在第九等死之, 其直,重 科寫 後 孤 罕估 獨 木 戶 良農。 亦皆 馬 雕 屢 至

無幾矣 損之。 之,有業者減半; 中, 三司首減郴永州、桂陽監丁米,以最下數一歲爲 始井除婺、秀二州 初,湖、廣、閩、浙因舊制歲斂丁身錢米,大中祥符間,詔除丁錢,而米輸如故。 嘉祐四年,復命轉運司裁定郴、永、桂陽、衡、道州所輸丁米及錢絹雜物, 後雖進丁,勿復增取。時廣南猶或輸丁錢,亦命轉運司條上。 丁錢。後龐籍請罷潭、泉、興化軍丁米,有司持不可 準,歲減十餘萬石。 既而障、泉、興化亦第 **)** 0 皇祐三年, 自是所輸 無業者 至 帝命 天 弛 聖

復 百 後 視 景 詔  $\pm i$ 田 京 均定,遣官分行諸路,而秘書丞高本在遣中,獨以爲不可均,纔均數郡田 十二,聊城、高唐總萬四千八百四十七,而滄州之民不以爲便, 德 自 知滄州 郭諮 增四十一萬七千餘頃,而歲入九穀迺減七十一 均稅之法罷,論者謂朝廷徒恤一時之勞,而失經遠之慮。 ,均無棣田,蔡挺知博州,均聊城、高唐田;歲增賦穀帛之類,無棣總一 萬八千餘石,蓋田賦不均,其弊如此。 詔 至皇祐中, 天下墾田 輸 如舊。 嘉祐 五年, 千 一

冶 逃 1-1 移 平中一千二百二十九萬八千七百。 六 ) L 景 十五,治 德 絶不 中,賦入之數總四千九百一十六萬九千九百,至皇祐 追者, 平中,又增一千四百一十七萬九千三百六十四。 景德中總六百八十二萬九千七百,皇庙中三十三萬八千四百 每歲以災害蠲除者,又不在是焉。 其以 一中,增四百四十一萬八千六 放令蠲除以便於民,若 五十七,

朱 稅 往 1 T 州 虚 籍 往 書。 Ш 軍 殘 丁 緩 員 神 稅米 缺, 期 外 宗 ,道遠,民以爲苦。 初 留意農賦,湖、廣之民舊歲輸 郎 故 熈 吏多增損, 1]: 周之純往廣東相度均之。 申約之。 寧八年,詔支移二稅於起 令輸錢於朱崖自 州縣又或令民輸錢,謂之「折斛錢」,而糴賤頗 輒 移稅 至是,用體 入他戶, 糴以便民 量安撫 例前半歲諭民 (B, 使民宿辦, 元豐三年,詔: 丁米,大中祥符以後屢裁損,猶 代 輸 朱 者 初 類 |平等議,根括四州 不能自 諸路 支移折稅, 並 明。 瓊州、昌化 軍稅賦舊額,存其正數, 無倉卒勞費。時 不均,熙寧四年,乃遣 用傷農。 具所行 軍丁 稅 海南 米, 月 i, 歲移輸 几 上之 州 有 軍 口

爲 七 萬 발 *H*. 槽 千 發 遣 九 百 明 司 年 有 , 除 奇 戶 部 宗准 IF 判官李琮 稅 南 并 轉運 積負 云 副 凡 使。 根究逃 九 十二萬二千二百貫、石、 M 絕 路 凡得 稅役,江、浙所得逃戶凡四十 逃絕、 詭 名 挾 匹、 佃 簿籍 枫 有 奇 不載 萬一千三百 宗蓋 并闕 用 丁 貫 凡 行合, 石 四十 萬

=

徙。 年,御 而 數立賞,以誘所委之吏,增加浩大,三路之民,大被其害。 賦輸遠方不均,皆遣使按之,率以爲常 望戒飭使者,量加以寬民。」帝每遇水旱, 史翟思言:「始,趙尙寬爲唐守,勸民墾田,高賦繼之,流民自占者衆,凡百畝 稅輕而民樂輸, 境內殆無曠 主。 近聞轉運司闢 輒輕拖賦 土百畝增至二十畝, 租 而唐州亦增民賦,人情騷然。 或因赦宥,又蠲放、 恐共 、勢雨 倚閣未嘗 旭 稅 致 轉

分爲率,歲隨夏秋料帶納一分,是爲五年十料之法 多,法令不一,王嚴叟爲開封,請隨等第立貫百爲催法。 哲宗嗣位,宣仁太后同聽政,務行裕民之政,凡民有負,多所寬減。 **兗州鄒令張文仲議其不便,遂令十** 患天下積欠名 自煩

之等。 里。災傷五分以上者免折變,折變皆循舊法 願支移而 陜西轉運使呂大忠令農戶支移,斗輸脚錢十八。 以稅: 願輸道 賦 戶籍在第一等、第二等者支移三百里,三等、四等者二百里,五等一 里脚價者,亦酌度分爲三等,以從其便。 御史劾之,下提刑 河東助軍糧草,支移毋得踰三百 司 7體量, 百 均其輕重 里。 不

難概立法,命仍舊焉。 紹聖中, 嘗詔郡縣貨物用足錢、省陌不等,折變官用 言者謂:「欲民不流,不若多積穀,欲多積穀,不若推行折納糶雞 中等。 俄以 所 在 時佔實值 多寡不

今常平雖有折納之法, 止用中價, 故民不樂輸。 若依和糴以實價折之, 則無損於

民

以 變之法,以納月初 遠 月,詔曰:「比 有移用 穀 一、 自今前 迺者漕臣失職,有不均之患,民或受害,其定爲令。 崇寧二年,諸路歲稔,遂行增價折納之法,支移、折變、科率、配買,皆以熙寧法從事,民 ); 則 四年,乃韶"天下逋 任民以所費多寡自擇CED,故或輸本色於支移之地,或輸脚費於所居之邑。 期督輸者,加一等坐之; . 聞慢吏廢期,凡輸官之物,違期促限,蠶者未絲, 農者未穫,追胥旁午,民 旬估中價準折,仍視歲之豐歉,以定物之低昂,俾官更毋得私其輕 一賦,五 年外戶 大觀二年詔:「天下租賦科撥支折,當先富後貧, 致民逃徙者, 口 不 存者,悉蠲之。 論 更加等。」 支移本以便邊餉,內郡罕用 舊凡以赦令蠲 賦,雖 自近 重 矛 無 而 . 過 間 所 及 折

民至 支移 一」自是: 鹭牛易 京 而 西 所 「舊不 成以 輸 逢 地 爲常。 猶 支移, 里 脚 不 錢 能 崇寧中, 不 繼 脚費,斗爲錢 及 轉 斗者, 免之。 運 將 口 乃用 漕 |者忽令民日:「支移所官 五. 是 十六,比元豐旣當 以 尋韶五等戶稅不及斗者,支移皆 取辨 理之譽, 言者 JE 稅之數,而 同, 極論 今特 冤; 其害。 反覆 免 政 若地里脚費, 紐折, 和 元 年, 數倍 遂詔應 於昔。 則宜

然 三蔡攸 時 等計 天 刑 下戶 司及 一提舉常平司參攷保奏。 霸二州戶 類多不實,雖嘗立法比較鈎考,歲終會其數,按籍檃括脫漏,定賞罰之格 口之數,率三戶四口,則戶版訛隱,不待校 而終莫能拯其弊,故租 税亦不 而 ·得而 知。 均焉 乃詔諸路 凡奏戶

皆倂 三萬 於初 務掌之,號「稻田務」。 多步 几 於 是時,內外之費浸以不給,中官楊戩主後苑作, 干 西 城 畝 百 所 者,輒使輸 餘頃 盡山東、 八民輸 復行 公田 河朔 公田 錢。 於府畿,易名 錢 天荒逃田 外,正 政 和末,又置營繕所, 稅不復 與河 公田 堤退灘 能 輸 南暨襄、 租 有言 稅舉入焉, 亦爲公田 唐, 汝州 酉 及 地可為稻 |涸池 皆內侍主其事 久之,後苑、營繕 ,北踰大河,民 出 [者, 因] o 用其言,置 所 括爲 所 田 有 公 田 田

於支移 戒 焉 則公私 而 重 少,徙 貧下戶各冤支移, 和 元 し豐就 之利 年 飲 也。 獻言者日 理 而 則 州 宜 一:物 縣之吏, 估 然。 直 有 旣 豪民財 豐匮,價 高, 但計 更益 吏, 一方 有 脚費, 所 故徙歉以 低 乏, ! 昂, 估豐賤之物, 俾民輸送, 折價旣賤, 輸官 視富 不計物之有 派費, 戶 . 反 重。 齎 挾輕貨 無,責民 因之逋負 了, 以 所 賤 **111** 困 位價 其費 於追 輸官 無 其 量 司门 利 自 申 至 必

逃田 、天荒、草田、葑茭蕩、湖濼退灘等地,皆計籍召佃 宣 和 初 州 縣 主 一吏催 科失職 湾逋 租 製廣, 令 轉 運 司 察守 立租,以供 貢 、勤惰? 應 聽專 奉。 置局 達 於 命官,有「指置 內侍 浙 75

水利農田」之名,部使者且自督御前租課。

仍支移新邊,謂之遠倉,民破產者衆。」七年,言者又論:「非法折變,旣以絹 今本路絹不用本色, 疋折草百五十圍, 圍估錢百五十, 稅錢三百輸至二十三千。 以絹較錢,錢倍於絹,以錢較麥,麥倍於錢。 三年,言者論 西蜀. 折科之弊, 其略謂:「西蜀初稅錢三百折絹一疋, 草十圍計錢二十。 展轉增加,民無所訴。」 折錢, 又以錢折 東蜀 如之。

子錢。 詔 政 輸 蠲 和三年,轉運使王璹復言官失租賦,詔依元豐法,第折以見錢,凡得三十萬緡。 稅 元祐 焉。 唐、鄧、襄,汝等州,自治平後,開墾歲增,然未定稅額 熙寧以後,給納並收,其數益增焉,至是悉罷。 舊稅租 元年罷之。 加耗,轉運司有拋樁明耗,州縣有暗樁暗耗之名,諸倉場受納,又令民輸頭 大觀三年,用轉運副使張徽言之請,復元豐舊制,俄又以訴者 元豐中, 以所墾新田差爲五等 欽宗立, 而罷。

庚子,詔被虜之家蠲夏秋租稅及科 高宗建炎元年五月庚寅,詔二稅並依**舊法**, 配 凡百姓欠租、閣賦及應天府夏稅,悉蠲之。

者,並許計所用之多寡,度物力之輕重,依式開具,使民通知,毋得過數科率。」八月,減大觀 紹興元年五月詔:「民力久困,州縣因緣爲姦,今頒式諸路,凡因軍期不得已而貸於民

建 益 范 汝 爲 平 , 詔 蠲 本 路 今 年 二 稅 及 夏 料 役 錢 。 罪,嚴貪墨之刑。」詔漕司究實以聞。二年正月,知紹興府陳汝錫違詔科率,謫 棄之而遁,則質其妻拏。 二月,韶諸路轉運司以增收租數上戶部,課賞罰。 悲 稅額三分之一。 [非所以稱朕惠恤之意,可以赦並免。] 十有一月,焚州縣已蠲稅簿,示民以不疑也。 五年 十有一月,言者論:「浙西科斂之害,農末殆不聊生。 上下相蒙,民無所措手足。 旣而手詔:「訪聞州縣以爲著令不過三分, 利歸貪 更,而怨歸陛下。 嚣田 而 償 」; 則 漳州 願重科敷之 無受者; 四月,

平江府歲計寬剩錢二十二萬八千緡有奇,依折帛錢限起發。自是以爲例。 之侵漁納賄者口也,按劾以聞。苟庇覆弗治,朕不汝貸。」是歲,兩浙轉運李迨取婺秀湖州 科敷,則所科歸之下戶。」詔戶部申嚴禁之。十有二月,詔淮西殘破州縣更冤租稅二年。是 甚悼之。 監司郡守, 殷所委寄以惠養元元者也, 今漫不加省, 復何賴焉! 其各勤乃職, 祭吏 月戊申,詔曰:「朕惟養兵之費,皆取於民,吾民甚苦,而吏莫之恤,夤緣軍須,掊斂無藝,朕 牛,每疋折米二石。九月,右司諫王縉(云)言:「諸寺院之多產者,類請求貴臣改爲墳院,冀免 六年八月,預借江、浙來年夏稅紬絹之半,盡令折米:|兩浙紬絹各折七千,江南六千有

佃 官川,輸租外発輸正稅(50)。 七年三月, 韶: 駐蹕及所過州縣欠紹興五年以前稅賦, 並蠲之。七月, 韶: 新復州軍請 己田謂之稅,佃田謂之租,舊不併納,劉豫嘗並取之,至是,乃從舊法。

輸稅 蠲 樓,割剝至於果蔬。」於是詔新復州縣,取劉豫重斂之法焚之通衢。 新復州軍稅租及土貢、大禮銀絹三年,差徭五年。 宣諭官方庭實言其不便,起居舍人程克俊言:「河南父老苦豫煩苛久矣,賦斂及於絮 初,劉豫之僭,凡民間蔬圃皆令三季

辭賜絹: 初, 俊絹五千疋, 例求免,何以拒之?望收還前詔。」詔從之。越數年間,俊復乞免歲輸和買絹,三省擬歲賜 有無。今俊獨得冤, 革未息, 神武右軍都統制張俊(三) 乞蠲所置產凡和買、科敷、詔特從之。後,三省言:「國家兵 十三年,淮東宣撫使韓世忠請以賜田及私產自昔未輸之稅倂歸之官,詔獎諭而可之。 用度至廣, 庶免起例。上以示俊,因諭之曰:「朕固不惜,但恐公議不可。」 俊惶悚, 則當均在餘戶,是使民爲俊代輸也。方今大將不止後一人,使各援 陛下哀憫元元, 俾士大夫及勳戚之家與編戶等敷,蓋欲寬民力,均

於人戶者,科杖。」 日住鈔,倉庫藏之。所以防偽骨、備毀失也。毀失縣鈔者,以監、住鈔銷鑿;若輒取戶鈔,或追驗 十五年,戶部議:「准法,輸官物用四鈔,日戶鈔,付民執憑;日縣鈔,關縣司銷簿; 曰監鈔,納官掌

食邑,畝輸三斗,後遂爲額。」詔減苗稅二分有半,租米二分。是時,兩淅州縣合輸綿、紬、稅 二十三年,知池州黃子游言:「靑陽縣苗稅〔三七八倍於諸縣,因南唐嘗以縣爲宋齊丘

卢 人跡 絹、茶絹、雜錢、米六色,皆以市價折錢,却別科米麥,有畝輸四五斗者。 部侍郎,責償甚急。 湖南 議者希朝廷意,謂流民已復,可使歲輸十二,頻歲復增,積逋至二十餘萬緡。 有土戶錢、折絁錢、醋息錢、麯引錢,名色不一。 蓋自檜再相,密諭諸路暗增民稅七八,故民力重困,餓死者衆,皆檜 荆南戶口十萬, 京西 寇亂以來, 括田,租 曹泳為 幾無 加於

許 罷獻羨餘,蠲民積欠,謹擇守臣,戒飭監司,則吏稱民安矣。」乃詔行之。 窠名,有丁鹽、坊場課利錢,租地錢,租絲租紵錢,歲入不過一萬五千餘緡。 其發納之數,有 令者惴惴惟財賦是念,朝不謀夕,亦何暇爲陛下奉行寬恤詔書、承流宣化者哉?」 吏部侍郎 苟以寬恤爲意,而拙於催科,旋踵以不職罷;能迎合上司,慘刻聚斂,則以稱職聞。是使爲 緡。又有見任、寄居官請奉、過往官兵批券、與非泛州郡督索拖欠,略無虛日。 今之爲令者, 大軍錢、上供錢、糴本錢、造船錢、軍器物料錢、天申節銀絹錢之類,歲支不啻三萬四千餘 興古議:「今銓曹有知縣、令二百餘闕,無願就者,正緣財賦督迫被罪,所以畏避如此。 二十六年,先是,右承議郎魯沖上書論郡邑之弊:「以臣前任宜興一縣言之,漕計合收

不寬恤而惟務科督,豈使民不爲盜之意哉?」於是詔諸路州縣,紹興二十七年以前積欠官 十九年,上聞江西盜賊,謂輔臣曰:「輕徭薄賦,所以息盜。 歲之水旱,所不能免,儻

錢三百九十七萬餘緡及四等以下戶官欠言,悉除之。 東西嶼,其租稅盡蠲之。 ' 自是水旱、經兵,時有蠲減,不盡書也。 九月,詔:兩浙、江東西水,

欲減常賦而未能,豈忍使貪贓之徒重爲民蠹?自今違犯官吏,並置重典,仍沒其家。」此學宗 赦免,著爲令。八月,詔:「州縣受納秋苗,官吏多收加耗,肆爲姦欺。方時艱虞,用度未足, 租等鈔,不卽銷簿者,當職官吏並科罪,民齎戶鈔不爲使,而抑令重輸者,以違制論,不以 旨之奉,止許長吏修貢,其餘並罷。州縣因緣多取,以違制坐之。」七月,諸縣受民已輸稅 錢,自紹興三十年以前並除之。諸路或假貢奉爲名,漁奪民利,使所在居民以土物爲苦,太 上皇帝已嘗降詔禁約。自今州軍條上土貢之物,當議參酌天地、祖宗陵寢薦獻及德壽宮甘 三十二年六月戊寅,孝宗受禪赦三凡官司債負、房賃、租賦、和買、役錢及坊場、 河渡等

無錫三縣一例隨產均輸。二年四月,知贛州趙公稱以寬剩錢十萬緡爲民代輸夏稅,是後守 均 時有代輸者。 紐正稅, 先是,常州宜興縣無稅產百姓,丁輸鹽錢二百文。下戶有墓地者,謂之墓戶,經界之時 又令帶輸丁鹽絹作折帛錢。至隆興元年, 五月、韶三温、台、處、徽不通水路,其二稅物帛、許依折法以銀折輸,數外 始用知縣姜詔言,令與晉陵、武進、

志第

百二

十七七

食貨上二

妄有科折,計贓定罪。」

不除。 故也。 令所修輸苗乞取法,受納官比犯人減 三年六月,減臨安府新城縣進際稅賦之半。 二萬四千四百餘石, 乾道 八年,蠲紹興府增起苗米四萬九千餘石 十有一月,蠲 元年 供給福州, 蠲 興化軍「猶剩米」之半。 臨安府屬縣欠乾道元年二稅至、坊場課 謂之『猶剩米』。 等, 四十年間,水旱相仍,不復減損」,故有是命。至八年, 州縣長官不覺察與同罪。 以知軍張尤蹈言「自建炎三年,本軍秋稅、歲餘軍儲外、猶剩 以知 縣耿秉言,囊錢氏以 暨上三等及形勢戶逋賦, 利、折帛、免丁等錢 進際爲名, 乃幷其半蠲之。 虚 七年 雖 額 遇敝 太 -, 敕 重

湖南 願開墾者,即許退田別佃。 稔,平糴以實 老攜 無 開陳首之門。 誘之使耕,猶懼不至,若履畝 窮之擾矣。 幼, 淳熙三年,臣 墾 遠來請佃,以田畝 田 稍 邊,則所省漕運亦博。 多 如臣 殊不思朝 自荆南、 僚言:「湖北 所 見, 廷往年經界, 且當 寬 安、復、岳、鄂、漢、沔汙萊彌望,戶口稀少,且皆 期限稍寬,取之有漸,遠民安業,一路幸甚。」詔戶部議之。 而稅賦輕也。 而稅,孰肯遠徙力耕,以供公上之賦 誘以 百姓廣 開 望且 耕, 獨 占官田 兩准 依紹興十六年韶旨 不宜恐以增稅。 若從議者之言,恐於公家無一毫之益,而 , 京西、湖北 量輸常賦, 依舊。 似爲過優, 使田 , 以 疇盡關, 十分 蓋以 ~哉? 為 四路被邊, 比議者欲從實起稅而 今湖北惟鼎、 奕, 歲收滋 江 南狹 年增輸一 廣, 鄕 土廣 百 澧地 良民 分,不 姓 遇 豐 有 扶 接

之折錢。若有故違,重置于法。臨安府刻石,徧賜諸路。」六年,以諫議大夫謝廓然言:「州 歲勤動,價賤不足以償其勞。 郡邑兩稅,除折帛、折變自有常制,當輸正色者,毋以重價強 縣違法科斂,侵漁日甚,其咎雖在縣令,而督迫實由郡守。 年八月,詔曰:「比年以來,五穀屢登,蠶絲盈箱,嘉與海內共享阜康之樂,尚念耕夫蠶婦終 司,如合除者毋更取之於州,州毋取之於縣,縣銷民欠籍,書其名數,論民通知。」詔可。五 四年,臣僚言:「屢赦蠲積欠,以蘇疲民,州縣不能仰承德意,至變易名色以取之。 宜下 縣令按劾,而郡守自如。」詔:「自

他年郡縣懷疑,不復檢放。惟寧國數最多,可令漕司覈實而蠲之。」 之。十一年,戶部奏:諸路州軍檢放旱傷米數近六十萬石。上諭|王准曰:「若盡令覈實,恐 民得保生業,無流移漂蕩之患。」八年,詔監司、太守察所部催科不擾者薦之,煩擾害民者劾 屯坐食之兵,稍損州郡供軍之數。使州縣之力寖紓,然後禁其苛斂,責其寬恤,庶幾窮困之 縣無復贏餘,於是別立名色巧取。今民貧賦重,惟有覈兵籍,廣屯田,練民兵,可以漸省列 七年夏,大旱。知南康軍朱熹應詔上封事言:「今民間二稅之入,朝廷盡取以供軍,州

今凡有過需橫取,監司悉行按劾,無詳於小而略於大。」

紹熙元年,臣僚言:「古者賦租出於民之所有,不強其所無。今之爲絹者,一 倍折而爲

錢,再倍折而爲銀。 願詔 .州郡:凡多取而多折者,重置于罰;民有糶不售者,令常平就糴,異時歲歉,平價 銀愈貴,錢愈艱得,穀愈不可售,使民賤糶而貴折,則大熟之歲反爲民

以糶

庶於民無傷,於國有補。」詔從之。

蠲民間房園地基錢,罷鄉村官酒坊,減鹽價,除田租,使虛譽達於吾境,故因轉對而有是言也。 民富而後邦可寧。不然,日復日,歲復歲,臣未知其所終也。」時金主環新立,萬里迓使客于淮,聞其 漢、唐之制乎。 賦斂,當節用度。用節而後財可積,財積而後國可足,國足而後賦可減,賦減而後民可富 無之,又以絹估直而倍折其錢矣。舊稅畝一錢輸免役一錢,今歲增其額,不知所止矣。旣 官謂之稅,舊以正絹爲稅絹,今正絹外有和買矣。舊和買官給其直,或以錢,或以鹽,今皆 一倍其栗,數倍其帛,又數倍其錢,而又有月樁錢、版帳錢,不知幾倍於祖宗之舊,又幾倍於 秘書監楊萬里奏:「民輸粟於官謂之苗,舊以一斛輸一斛,今以二斛輸一 此獨東南之賦可知也,至於閩賦之額外無名者,不可得而知也。陛下欲薄 一斛矣。 輸帛於

否不恤。財計之外,治理蔑聞,甚不稱朕委屬之意。國用有常,固在經理,而非掊克督趣以 今采之人言,乃聞科斂先期,競務辦集,而民之虛實不問;追呼相繼,敢爲椎剝,而民之安 四方臻於安富。 二年,詔曰:「朕惟爲政之道,莫先於養民。故自卽位以來,蠲除甚賦,頒宣寬條,嘉與 郡守、縣令,最近民者也。誠能拊循惠愛,以承休德,庶幾政平訟理之效。

爲 能也。 知本末先後之誼,此朕所貴於守令者。 繼自今以軫恤爲心,以牧養爲務,俾民安

業,時子汝嘉。」

分折錢,七分本色;納八分折錢,二分本色。 慶元二年,詔浙江東、西夏稅、和買紬絹並依紹興十六年詔旨折納。紹興十六年詔旨:

惠,則以今年下詔,明年減租,示民先知減數,則吏難爲欺,民拜實賜矣。」從之。 雖 率 頒 ·先期歸於吏胥、攬戶,及遇詔下,則所放者吏胥之物,所倚閣者攬戶之錢,是以寬恤之詔 ,愁歎之聲如故。 嘉 |熙二年臣僚言:「陛下自登大寶以來,蠲賦之詔無歲無之,而百姓未霑實惠。 嘗觀漢史恤民之詔,多減明年田租。 今宜做漢故事, 如 遇朝 延行大 蓋民輸

謂 借三歲未已也,至于四,至于五。 用宋元嘉六年爲斷之法,俾縣令得以究心於撫字,法藝祖出朝紳爲令之典,以 罄其永業,豈足支數年之借乎?操縱出於權宜,官吏得以簸弄,上下爲姦,公私 稅,本大曆之弊法也。 今日 淳祐八年, 救弊之策,其大端有四焉: 宜採夏侯太初併省州郡之議, 俾縣令得以直達 監察御史兼崇政殿說書陳求魯奏:「本朝仁政有餘,而王制未備。 常賦之入尙爲病,况預借乎?預借一歲未已也,至于再,至于三,預 竊聞今之州縣,有借淳祐 十四年者矣。 以百畝之家計之, 俱困 重其權; 於朝廷; 今之兩 臣 愚 遵

則預借可革,民瘼有瘳矣。」 光武擢卓茂爲三公之意,以激其氣。 然後爲之正其經界,明其版籍,約其妄費,裁其橫斂,

釐正也。望與二三大臣亟議行之。」詔可。 乎。今欲寬邊患,當紓民力,欲紓民力,當紓州縣,則邸第、寺觀之常賦,不可姑息而不加 肉; 色,盡蠲二稅。州縣乏興,鞭撻黎庶,鬻妻賣子〔三〕,而鐘鳴鼎食之家,蒼頭廬兒,漿酒藿 諸葛亮所謂危急存亡之時也。而邸第戚畹、御前寺觀,田連阡陌,亡慮數千萬計,皆巧立名 琳宫梵宇之流,安居暇食,優游死生。安平無事之時尤且不可,而況艱難多事之際 咸淳十年,侍御史陳堅、殿中侍御史陳過等奏:「今東南之民力竭矣,西北之邊惠棘矣,

令民具田宅之數而輸其直。既而以苛擾稽緩,乃立價:凡坊郭鄉村出等戶皆三十千,鄉村 Ŧī. 田 五 等、坊郭九等戶皆一千,凡六等,惟閩、廣下戶差減,期三月足輸送行在,旱傷及四分以 · 宅契紙, 自今民間爭田, 執白契者勿用。十有一月, 以調度不足, 詔諸路州縣出賣戶帖, 年三月,詔諸州勘合錢貫收十文足。 建炎二年,初復鈔旁定帖錢,命諸路提刑司掌之。紹興二年,詔僞造劵旁者並依軍法。 勘合錢,即所謂鈔旁定帖錢也。 初令諸州通判印賣

上者聽旨。

令所進<u>重修淳熙法</u>,有收舟、驢、駝、馬契書之稅,帝命删之,曰:「恐後世有算及舟車之 輸者十九郡不與焉。乾道五年,戶部尚書會懷言:「四川立限拘錢數百萬緡,婆州亦得錢三 間葬地,皆令投契納稅,一歲中得錢四百六十七萬餘引,而極邊所捐八郡及瀘、變至等未 輸送及十一萬緡者,知、通推賞,違期不首,及輸錢違期者,許人告,論如律。」淳熙六年,敕 至是,總領四川財賦王之望言,請從本所措置拘收,以供軍用,詔從之。凡嫁資、遺囑及民 十餘萬緡,他路恬不加意。」詔:「百姓白契,期三月自陳,再期百日輸稅,通判拘入總制帳。 三十一年,先是,諸州人戶典賣田宅契稅錢所收窠名,七分隸經、 總制,三分屬係省。

賦。 疋理十一引,東川十引。 逐盡起<u>元豐以來諸路常平司坊場錢,元豐以來封椿者</u>。 紹興十六年,減利、夔三萬疋,惟東、西川三十萬疋至今不減。 自獨有西師,為、利諸司已用便宜截三路上供錢。川峽布絹之給陝西、河東、京西者。四年秋, 建炎三年,張浚節制川、陝,承制以同主管川、、溱茶馬趙開爲隨軍轉運使,總領四川財 自紹興二十五年至慶元初,兩川並減至六引。 次奇零絹估錢,即上三路綱也,歲三十萬疋。四川 次科激賞絹,是年初科三十三萬正,俟邊事寧即 次布估錢,成都崇慶府、彭漢邛州、永康六

志

百 二 十

七

食

貨上二

軍儲稍充,而圖民始困矣。 及他名色錢。 部員外即喻汝礪括得八百餘萬緡,至是,取以贍軍矣。 百餘萬引。 郡,自天聖間,官以三百錢市布一疋,民甚便之,後不復予錢。至是,宜撫司又令民疋轍估錢三引,歲七十餘萬疋,爲錢二 慶元初,累減至一百三十餘萬引。 如酒、鹽等。 大抵於先朝常賦外,歲增錢二千六十八萬緡,而茶不預焉。 次常平司積年本息,此熙、豐以來所謂青苗錢者。 次對糴米,謂如戶當輸稅百石,則又科糴百石,故謂之對糴。 建炎元年, 遺駕

其不如法者 爲都轉運使。 者折科稍重,二者平準,所以無偏 益 更舊法,反覆紐折,取數務多,致民棄業逃移。 | 頗侵用軍期錢,開愬于朝,又數增錢引,而軍計猶不給。 紹 興 、五年, 都官員外郎馮康國言:「四川地狹民貧,祖宗時, 正稅重者折科稍輕, 正稅 重偏輕之患。 望並罷之,一遵舊制。」詔如所請,令憲臣祭 百有餘年, 民甚安之。 六年,以龍圖閣直學士李迨代開 近年, 漕、總二司 輕 輒

鼎罷,秦檜獨相。 及宣撫司參議官陳遠猷並兼四川 罷,趙鼎爲尙書左僕射。 七年三月, 迨以贍軍錢粮令四路漕臣分認, 而権茶錢不用, 蜀人不以爲是。 九年,和議成。 十有一月,以直祕閣張深主管四川茶馬,迨請祠。 簽書樞密院事樓炤宣諭陝西還,以金四千兩、銀二十萬兩 轉運副使。 席益以憂去,樞密直學士胡世將代之。 八年二月,命深 九月,浚 十月,

安 輸 撫 激 賞 使 庫, 上 皆 諭 取諸蜀者。 輔 臣曰:「燾可付以 會吳玠卒, 便宜 以世將爲宣撫副使, 如 JU Ш 削 日 横斂,宜令減以 以吏部尚書張燾知成都府兼本路 | 新民。 」成都 帥 民

自

壽

始

世將

奏以

宣撫司參議官井度兼

几

JII

轉運

副

使。

蠲

减

而

害不去,議

者

示

能

無咎開之作俑

計 臣 屢易,於開經 年正 月,趙開 畫無敢 卒。 變更。 自金 然茶、鹽、榷酤、奇零絹 人犯陝、蜀, 開 職饋餉者 布之征Cleb, 一十年, 軍用無乏,一時賴之。 自是爲蜀之常賦, 其後 屢

JII 司。 兩。 酒 總 宣. 錢 領 抓 几 图! 萬 M 中 月 司 五 宣 犎 錢 儿 年. 以 千 芷 糧 抓 以 鄭 月, 緡 司 事 召 剛 忤 錢 中為 剛中 剛 秦檜, 以 糧 中赴 0 奏減 ĴΪ Ш 十六年, 於是 行 、陝宣諭使。 總制 成 在 一,不 都 置. 錢 四川 路對糴米三之一。 剛 棄權 五 中 + 總領所錢 奏減 萬 十二年,世將卒, 工 部 緡 兩 侍 充 Ш 邊 郎, 糧官,以太府 米脚 費。 知 四月, 成 錢三十二 + 都 --改宣 府 年, 省 李 少卿 撫使。 DU 璆 萬 以戶 川 權 緡, 趙 都 几 不棄爲之。 部員外 轉運 + 激賞絹二萬 IJ 三年, 宣 使, 撫 , 郎符行· 司 剛中獻 以 事 其 又改 疋, 中 事 黃 總 冤 命 歸 領 金萬 創 不 宣 棄 DL 增 撫

增 兩 JII 添, 布 先 寬省民 是 佔 錢 剛 力。」 中 一十六 \_奏:「本| 詔 萬 李璆 五 司 千 舊 緡 符 貯 變路 備 行 中 邊歲 鹽 參 錢 酌 入錢 七 减 萬六千緡, 引 放 五 於 百 是 八 滅 + 坊場、 [JL 萬 Л 科 五 河渡淨 敷 千 虚 道 額 利 如 錢歲二 抽 撥 貫 供 、稅錢 歲 百八 計 几 十五五 一萬 刨 六千餘 山 萬 對 緡, 减

志

第

均

减

**緡**,又 减 兩 Щ 米脚錢四十二萬緡。 時宣撫司降賜庫貯米一百萬石,乃命行中酌 度對 糴 分數

年, 年 四 兩 餘 至 萬 Ш + 石 Ш 应 一,綾、 絹 緡 財 + 領 十三年折 年 賦 估 八 鹽 所 ·, 遣 絹 軍馬 年, 錢二十八萬 奏蠲諸路 酒 戸 重額錢 萬 錢 韶 ,部員外 /佔糴 四 粮 四 一千餘疋。 Ш 七十四 欠紹興 層,潼 宣撫 本等逋 宣 郞 撫 鍾 司, 司 国萬 世明同 川 十七年以前 先是, 欠二 降賜庫錢,除制置 緡 府 以璆爲四川安撫制置使兼知成都府, 秋 百九十二萬 激賞 自講 稅脚 四 |JI|絹 錢 制 和 折估糴本等錢一百二十九萬餘緡,米九萬八千七百 九千餘疋, 總總 四 後,歲減錢四 一萬 緡 兩 緡, 司 司措置裕民。 取撥二十 利路 合一 百六十二萬 科 百六十餘萬 解脚錢 萬 緡,餘令總領所貯之。 二十五 十二二 緡有 年,以符行中等言,減 太府少卿汪召嗣 絡 一萬 温; 蠲 奇,朝廷獨以爲重。 **緡,兩川** 州 縣 米 紹 海錢 興 總領 十九九 DU

滅 領 使 湯 几 兼 允 JII 是 知 兩川絹估錢二十八萬緡有 恭 時 成 供 、主管茶馬 都府,行 朝廷 之半。 雖 中 蠲 李澗 <del>--</del> 民 提 舉 舊逋, . 七 江州 年,用 成 都 而 太平 轉運 符 奇 蕭振 行 興 判官許 中督 國 等言, |潼||川 宮。 責猶 成都奇零折帛疋一千; 尹 减 | 潼川 三川 慢, + 六年,上 蜀 對 轉 人怨之。 糴 運判 米 以 + 官 蜀 六萬 王之望措置 於是以 民 久 九千 又 困 / 減韓球 供 蕭 餘 億 振 石, 寬 詔 爲 恤 所增茶額 變路 四 制置 一,於 丌 安撫 激賞 是 蕭 之望 振 四 制 絹 百 奏 總 五 置

六十二萬餘斤,茶司引息虛額錢歲九十五萬餘緡。

卒,中書舍人王剛中代之。二十九年,蠲四川折估糴本積 軍 旅 初 也,一 利州 舊宣撫司有積緡二百萬, 旦有急,又將取諸民乎。請留其半。」是歲振卒,李文會代之。二十八年,文會 守者密獻之朝,下制置司取撥。 欠錢三百四十萬緡。 版曰:「此所以備水

湖、廣 運對 餘 年 貫, 至隆興二 十二年州縣 **糴米脚錢三十五** 乾道二年,蠲奇欠白契稅錢三十七萬餘緡至。 歳計 自 明年始,與冤三年。 ,朝廷當自給之。」 年赡軍 侵用及民積欠六十六萬四千九百餘緡。 ·諸窠名錢物,暨退剝虧分之數,及漏底折欠等錢,並蠲之。 萬 緡。 當議 淳 熙十六年韶:「四川歲發湖、 |對減鹽酒之額,制置、總領同諸路轉運、 提刑 三年,蠲川、秦茶馬 四年,又韶:四川 廣總領所綱運百 諸州 兩司紹 蠲 欠紹 三十五萬六千 成 興 司條上。 ,十九年至 都 興 人戶理 三十一

本 疋号。 兩 路奇零絹估 路旱傷州縣租 紹熙三年,蠲潼川府去年被水州縣租稅,資普榮敍州、富順監凡夏輸亦如之。 叉韶:四川 錢引四 稅,官爲代輸及民已輸者, 州 縣鹽、酒 十七萬 一千四 課額,自 百 明 五 年 十餘道, 更放 悉 理今年之數。」四年, 三年。 潼 川 府激賞絹 十六萬六千九百七十五 獨紹熙三年成都、潼川 尋 文詔:

嘉定七 志 郛 年, 百 再蠲 ---+ 四 七 川 州 宜 縣 陆 鹽 上 = 酒 課 校 額三年, 勘 記 其合輸湖、 廣總領所綱運亦免三年。

年,蠲天水軍今年租役差科,西和州蠲十之七,成州蠲十之六,將利、河池兩縣各蠲十之五

## 校勘記

以經兵也

- 方田均稅條約並式 「方田」二字原脫,據長編卷二三七、編年綱目卷一九補。
- $\exists$ 租額 之規定(參考本書卷一七九校勘記〔1〕),田賦或亦如此,疑以「祖額」爲是。 長編卷二三七、通考卷四田賦考同。 編年綱目卷一九作「祖額」,按宋制茶鹽酒稅有祖額
- 繵 拍 立土為烽 峰」句同。 「烽」原作「峰」,據長編卷二三七、通考卷四田賦考、宋史全文卷一二上改。下文。行
- 以期均當 「期」原作「其」,據文義和通考卷四田賦考改。
- 三至 卽 州 而 及五縣 「及」原作「定」,據宋會要食貨四之九、長編卷三二三改。
- ハベン 自京西河 北 兩路始 「河」字原脫。 長編紀事本末卷一三八載此事作「京西、河北兩路」,據補。
- (十) 第 等雖 出十分之稅 「第一等」三字原脫,據宋會要食貨四之一二、通考卷五田賦考補
- (云) 卽十等之上 「卽」原作「折」,據同上書同卷同篇改。
- (元) 十等之下 「十」原作「一」,據同上書同卷同篇改。

- 一時所須 「須」原作「輸」,據通考卷四田賦考改。
- 兩稅 折科物 「稅」原作「物」,據宋會要食貨七〇之三、長編卷一一改。
- 建隆 四年 「建隆」原作「建炎」,據長編卷四、通考卷四田賦考改。
- 夏秋 「秋稅」二字原倒,據長編卷三八乙正。
- 定民租二百石輸牛革一準錢千五百 長編卷一三,「二百」作「二十」,無「千」字。
- 三 於起納前半歲諭民 「前」原作「錢」,據宋會要食貨七〇之一四、長編卷三〇〇改。
- 公 權發遣三司戶部判官李琮 「遣」字原脫,據宋會要食貨七〇之一三、長編卷三〇〇補。 長編繋
- 三世 此事於元豐二年九月。
- 則任民以所費多寡自擇 「任」原作「賃」,據通考卷五四賦考改。
- 귽 王縉 察吏之侵漁納賄者 「吏」原作「民」,據繫年要錄卷一〇七改。 原作「王搢」,據宋會要食貨九之三、繫年要錄卷一〇五改。

글

- 8 七月詔新復州軍請佃官田輸租外觅輸正稅 和之後,是。 按編年順序,本句和句下的注文應移置下文「焚之通衢」後。 繫年要錄卷一三〇繫此事於九年七月,在宋、金議
- 神武右軍都統制張俊 「都」字原脫,據宋會要食貨九之二五、繫年要錄卷七八補。
- 青陽縣苗稅 「稅」字原脫,據宋會要食貨一〇之一、繫年要錄卷一六五 補。

志

弟

百二:

+

ti

校

勘

記

四等以下戶官欠「戶」字原脫,據繫年要錄卷一八一、通考卷二七國用考補。

[E] 二稅 原作「三稅」,據宋會要食貨六三之二九改。

(IE) 鬻妻賣子 「賣」原作「買」,據文義改。

昙 瀘夔 「瀘」原作「盧」,按宋無「盧州」而四川有瀘州,繫年要錄卷一九四本條作「瀘州」,據改。

물 奇零絹布之征 按繫年要錄卷一三九,「奇零」上有「激賞」二字,上文建炎三年條也說:「次科

四兩川激賞絹條也有記載。

又「奇欠」,會要作「畸零殘欠」。

激賞絹。」朝野雜記甲集卷一

문 蠲奇欠白契稅錢三十七萬餘緡 按宋會要食貨六三之二六記述此事, 所蠲者僅是成都府路。

乬 一十六萬六千九百七十五疋 本書卷三六光宗紀作「六萬六千疋」。

## 宋史卷一百七十五

## 志第一百二十八

## 食貨上三

布帛 和糴 漕運

科、和市,皆無常數,唯內庫所須,則有司下其數供足。 **衡、泳、全州市平絁。 東京権貨務歲入中平羅、小綾各萬匹,以供服用及歲時賜與。 諸州折** 織羅務,梓州有綾綺場,亳州市縐紗,大名府織縐穀,青、齊、鄆、濮、淄、濰、沂、密、登、萊、 之物,則在京有綾錦院,西京、眞定、青益梓州場院主織錦綺、鹿胎、透背,江寧府、 二尺五分,民所輸絹匹重十二兩,疎薄短狹、塗粉入藥者禁之,河北諸州軍重十兩,各長四 布帛 宋承前代之制, 調絹、紬、布、絲、綿以供軍須,又就所產折科、和 自周顯德中,令公私織造並須幅廣 市。 潤州有 其纖 噩

志

第一百二十八

食貨上三

-二尺。|宋因其舊。

煩民。 直。自是諸路亦如之。或蠶事不登,許以大小麥折納,仍冤倉耗及頭子錢 路歲給諸軍帛七十萬,民間罕有緡錢,常預假於豪民,出倍稱之息,至期則輸賦之外,先償 務,女工五十八人悉縱之。 逋欠,以是工機之利愈薄。請預給帛錢,俾及時輸送,則民獲利而官亦足用。」 韶優予其 乏絕時,預給庫錢貸民,至夏秋令輸絹於官。」大中祥符三年,河北轉運使李士衡又言:「本 六銖、欹正、龜殼等段匹,不須買織,民間有織賣者勿禁。 馬元方爲三司判官,建言:「方春 開寶三年,令天下諸州凡絲、綿、紬、絹、麻布等物,所在約支二年之用,不得廣科市以 初,蓬州請以租絲配民織綾,給其工直,太祖不許。太宗太平興國中,停湖州織綾 詔川峽市買場、織造院,自今非供軍布帛,其錦綺、鹿胎、透背、

既而又減梓路歲輸絹三之一,紅錦、鹿胎半之。先是,咸平初,廣南西路轉運使陳堯叟言: 密花透背段, 輸錦綺、綾羅、透背、花紗三之二,命改織紬、絹以助軍。 準詔課植桑棗,嶺外唯產苧麻,許令折數,仍聽織布赴官場博市,匹爲錢百五十至二百。」 天聖中,詔滅兩蜀歲輸錦綺、鹿胎、透背、欹正之半,罷作綾花紗。明道中,又減兩蜀歲 自掖庭以及閭巷皆禁用。其後歲輒增益梓路紅錦、鹿胎,慶曆四年復減半 景祐初,遂詔罷輸錦背、繡背、遍地

減 至是,三司請以布償芻直,登、萊端布爲錢千三百六十,沂布千一百,仁宗以 其數。 献 三年,始詔寬三路所輸數。 自 西 邊用兵,軍須紬絹, 治平中,歲織十五萬三千五 多出 益、梓、 利三路,歲增所輸之數; 百 l 餘匹。 兵罷, 取直 其費乃減。 過厚,命差

稅 路 初 神 軍 限 督之。 宗 須。 卽 位,京師米有餘蓄,命發運司損和糴數五十萬石,市金帛上京,儲之權貨 京 東轉運 詔 運其錢于河北,聽商 司 '請以錢三十萬二千二百 人入中。 ·貫給貸於民,令次年輸絹,匹爲錢千,隨 、務,備 夏

之 。 收 富 和 井 轉 其本 買 國之務, 安 稅 運 詔 絹 石 絹 熈 一 儲 謂 寧三年,御 提 錢 ,匹皆輸錢 配 之北 廣淵 刑 分配 紬 故當 司 、絹、綿、布 一,於常 别 京,息歸之內帑。 在京東盡力以赴 時 估,民不願 千五百。」時王廣淵 史程顥言:「京東轉運 言 税折 利 小 於州 科 人 放買 市 如 鎭 ",令官· 王 事 軍砦等坊郭戶 右正 外,更取二十五 廣 功,不 沿沿輩 自 言李常亦言:「廣淵 爲 賣, 宜 轉 司 頭以 已給 運 和 假和買紬絹之名, 使, 買 , 迎合。 而 易錢 紬 萬 謂 抑 絹,增數抑配, **緡**,請以 和 配 數 買 乃詔 者 多, 如舊,無抑 正 以 之。 乞憫 顥 陳 所 配以錢 給 言 汝 自王 付 義 其災傷 內 率千錢課絹 帑 配。 有 所 而 一安石 進羨 司 别 取其五 額 顯言其迎合朝 又居! 定州 餘錢 秉 紬 政, 絹 一匹,其後 分之息, 極 安 五 錢 專 邊, 撫 + 五 以 萬 + 司 特蠲 取 緡,隨 廷意。 叉 萬 其刻 和買 息 緡, 損

志

第

百

+

八

食

貨

上

Ξ

備 又甚於靑苗。 邊,省蜀人輸送及中都漕輓之費 然安石右廣淵,顥、常言卒不行。二月, 詔移巴蜀羨財, 市布帛儲於陝西以

當五七歲帶輸。 請,因從之。近方鎭監司爭以寬恤爲事,不計有無,異日國用闕,當復刻剝於民爾。」 爲名,增預買紬絹十二萬。」詔罷其所增之數。八年,韓琦奏倚閣預買紬絹等,雖稍豐稔,循 七年,兩浙察訪沈括言:「本路歲上供帛九十八萬,民苦備償, 安石以爲不然,言於神宗曰:「預買紬絹,祖宗以來未嘗倚閣,往歲李稷有 而發運司復以移用財貨

千 至 預 提 、買數三十萬,即本路移易,從之。四年,遣李元輔變運川峽四路司農物帛。 ,舉司寬剩錢者,又或令以絹帛入常平庫,俟轉運司以價錢易取。 七百八十匹兩,三百四十六萬二千緡有 陝西,擇省樣不合者貿易,糴糧儲於邊,期以一年畢。 元豐以來,諸路預買紬絹,許假封樁錢或坊場錢,少者數萬緡,多者至數十 五年,戶部上其數凡八百十六萬 三年,京東轉運司請 中書言:物帛 萬緡。

增

司 以 、通判貶佚、展磨勘年有差,令損其直,後似此者勿受。 所輸錢 紹 聖 市 元年,兩浙絲蠶薄收,和買丼稅紬絹,令四等下戶輸錢,易左帑紬絹; 金 銀,遇蠶 絲多,銀 市 紗、羅、紬、絹 上供。 元符元年,雄州権場輸布不如樣,監 又令轉運

「預買之息, 尙 書省言:「民多願 重 於常 請預買錢,宜視歲例增給,來歲市紬絹計綱赴京。」左司員外郎 平數倍, 人皆以爲苦, 何謂 願 請? 今復創增, 雖 名 ·濟乏, 實聚斂之 陳瓘

術。」提點京 路 兩,又於 預買, 例外增買, 令所 東 產州 刑 獄 程堂 縣鄉民及城郭戶並準貲 請罷之。」乃詔 亦言:「 京東、河北災民流未復,今轉運司 諸路提舉 力高 剖 勿更給錢,俟蠶麥多, 下差等均給。 JII 峽 東西路歲額 路取元豐數最多一年爲 選官置 場 無慮 崇寧中, 百萬 匹

額

",舊不

給者如故

쿮 百 **学**医 路 給 所 處預於 以錢 許許 掌 江 封 迺 膊 椿 而 和 十二 運 圞 買 司 卒 各十萬 紬 月前 移 無有, 絹歲 運 給之。 过或民 緡 逮 五 給之。 一十萬 今 戶至 五 轉運 年, 匹,舊以錢、鹽 場自 其後 司得鹽不足,更下發運 循以爲常, 詩。 提舉常平張根 而 江 三七分預給。 民重傷 西十 郡和買數多, 復言:「本路 困 司 大觀 會積 自鹽鈔法行,不復給鹽, 初, 一歲所 和買、未嘗給錢, 法 詔假本路諸 負給償 匹給鹽二十斤, 司 請 封 令轉 盡 樁 比 錢 給 錢 運 及 嵗 鄰 司

又 六千,令民 紗 千至三萬 Ш 傠 書省言 各二萬 至期 輸輸 大觀 匹各有 輸 紬 元 庫物帛 豐庫。 絹 差。 六 匹, 不足, 二年,又令京東 江 又前 東 西 令兩浙 期督促,致多逃徙,詔遞加其罪。 如 四川 、京東、淮南、江 之數, 淮南、兩 輸崇 浙 寧 市 庫 絹 東 帛 西、成都、梓州 而 五萬 州 縣 及三萬 坊郭戶 和 買, 匹,並 有以 福 預買有家至四 建 鹽 輸 路 大 巾 席 羅 觀 折 庫 五 錢

志

百 匹,與仁府萬 延嗣戶業錢十四萬二千緡,歲均千餘匹,乃令減半均之。

貸,幾數百 預 聞 叉以 支以元豐例定,沮抑不行,令如期給散而已。 政 買通敷。 和 重十三兩爲則,不及則,準絲價補納以錢,兩率二百有餘。 先是,成都、 初 兩 浙和買丼稅紬絹布帛,頭子錢外,又收市例錢四十, 詔 萬 七年多,郊祀,河北、京東和買科取物帛絲綿等數並免,以供奉物給降,其所蠲 罷市例錢。 河北預買,官戶許減半,四年,令舊嘗全科者 諸路紬絹布帛比價高數倍, 江東和買,弊如江 而給直循用舊法, 例外約增數萬緡, ·如舊。 宣和三年,詔提刑司釐正 .西,比年纔給二百,轉運 既又以兩浙多官戶,令 言者請稍增之,度 以分給人吏。 以

數科 言 困 不以錢以 以常 ,其終也,官不給直,而賦 著業人,仍先除其數,俟流民歸業均數。 初,預買紬絹務優直以利民,然猶未免煩民,後或令民折輸錢,或物 平 錢前 他物、不以正月以 季 預備,如正 他月給者,並論以違 取益甚矣。 一月之期給之,毋貸以 十二月,詔令轉運 餘 路 制。 亦 他 然有司 如 物 而 損 司各會一 鮮 其數 能承 順焉。 路之數,分下州 京東州縣勿以 重 靖康 而 價輕,民力寖 元年,命 逃移戶舊 縣經畫, 轉運

建炎三年春,高宗初至杭州,朱勝非爲相。 兩浙轉運副使王琮言:「本路上供、和買、夏

准、閩、廣、荆湖折帛錢自此始。時江、浙、湖北、夔路歲額紬三十九萬匹,江南、川、廣、 錢,違者寘之法。 此始。 湖南、兩浙絹二百七十三萬匹,東川、湖南綾羅絁七萬匹,西川、廣西布七十七萬匹,成都錦 紬絹一百六十餘萬匹,半令輸錢,匹二千。 二年,以諸路上供絲、帛並半折錢如 稅紬絹,歲爲匹一百一十七萬七千八百,每匹折輸錢二千以助用。」詔許之。 五月, 詔每歲預買綿絹, 令登時給其直。 紹興元年,初賦鼎州和買折帛錢六萬緡,以贍蔡兵。 又韶江、浙和預買絹減四分之一, 以兩浙夏稅及 東南 折帛錢自 仍給見 例 八和買

**綺千八百餘匹,皆有奇。** 

易辦; 是多,初令江、浙民戶悉輸折帛錢。當是時,行都月費錢百餘萬緡,重以征戍之費,令民輸 匹多一千五百, 戶部又令折六貫文足, 是欲乘民之急而倍其斂也。 物不常貴, 則絹有時而 絹請折輸錢,朝廷從之,是欲少寬民力。 匹輸錢五千省, 比舊直已增其半, 較之兩游時直 **踴貴、請匹增爲五千足。戶部定爲六千足。殿中侍御史張致遠言:「江西殘破之餘,和預買** 和買,八分輸正色,二分折省錢,匹三千。四年,帥臣胡世將請以三分匹折六千省。又言絹直 紬者全折,輸絹者半折,匹五千二百省。折帛錢由此愈重。 三年三月,以兩浙和買物帛,下戶艱於得錢,聽以七分輸正色,三分折見緡。 錢額旣定,則價無時而可減。」於是詔江西和買絹匹折輸錢六千省, 願輸正色者聽 初,

兩浙 儲之以備軍用。 遠,宜就近儲之。詔除徽、處、廣德舊折輕貨,餘州當折銀者輸錢,願輸銀者聽,浙西提刑 司、三總領所主之。先是,江、浙路折帛錢歲爲錢五百七十三萬餘緡,並輸行都,至是,始外 增至兩倍以上,今減作一貫文折輸。」二十九年,中書省奏: 江、浙四路所起折帛錢,地里遙 九年 七千,和買六千五 正月,復河南,減折帛錢匹一千,未幾又增之。 百;綿,江南兩爲三百,兩浙四百。二十年,詔:「廣西折布錢因張浚 十七年,減折帛錢:江南匹爲六千,

認江東、兩浙運司諸處絹一萬六千六百餘匹,並蠲之。 雜錢之稅科折尤重,請賜蠲免。」九年,詔慘州額外創科雜錢一萬二千一百八十餘緡,及元 代還,奏三州自五代時陶雅守郡,妄增民賦,至今二百餘年,比鄰境諸縣之稅獨重數倍,而 乾道四年,減兩浙、江東西路白」乾道五年夏稅、和買折帛錢之半。六年,知徽州郟升卿

別 流聽旨。 紹熙五年,詔兩浙、江東西和買紬絹折帛錢太重,可自來年匹減錢一貫五百文,三年後 所減之錢,令內藏、封椿兩庫撥還。

此則吏不得而制民,民無資於詭戶,救弊之良策也。」說友又奏:「貫頭均科之法行,則縣 配 以絹敷,不分等則,以二十四貫定敷一匹,衮科而下,足額而止,捐其餘以惠末產之民。 慶元元年,戶部侍郎袁說友言臨安、餘杭二縣和買科取之弊:「乞將餘杭縣經界元科之

邑無由多取,鄉司無所走弄,而詭挾者不能以幸免,是以姦民頑吏立爲異論以搖之。」詔令 二年,吏部尙書葉翥等議請如帥漕所奏推行之,詔

最重。 免; 戶, 數,不滿一十三萬;而紹興一郡獨當一十四萬六千九百三十有八,則是以一郡視五郡之輸 偏重,均十二萬匹於兩浙。 匹(三)以一路計之,當十之三。 望將三等以上戶減半,四等以下戶權罷。」尋以杭之和買 而 張子顏措置。 而 如浙東七州,和買凡二十八萬一千七百三十有八;温州本無科額,合合、明、衢、處、婺之 走失愈重, 詭戶之患起。 [又贏一萬有奇,此重額之弊也。 以其嘗趁官課,難令再敷,至於坍江落海之田,壤地漂沒;僧道寺觀之產,或奉詔蠲 而省額未除,不免陰配民戶,此暗科之弊也。二弊相乘,民不堪命,於是規避之心生, 建炎元年, 緣田 民力困竭。 薄稅重,詭名隱寄,多分子戶。自經界後至乾道五年,累經推排,減落物力, 子顏等言:「勢家豪民分析版籍以自託於下戶,是不可不抑。 舊例物力三十八貫五百爲第四等,降一文以下即爲第五等,爲詭戶者志於 知越州翟汝文奏:「浙東和預買絹歲九十七萬六千匹,而越乃六十萬五百 若據畝均輸,可絕詭戶之弊。」淳熙八年, 乾道九年,祕書與趙粹中言:「兩浙和買,莫重於紹興,而會稽爲 又如賃牛物力,以其有資民用,不忍科配;酒坊、鹽亭 韶兩准漕臣吳琚與帥臣 然弊必有原,謂 絹

志

於省額除之;坊場、鹽亭戶見敷和買物力,及坍江田、放生池合減租稅物力,並覈實取旨。」 之戶,將實管田產錢一十五貫以上並科和買,其一十五貫以下則存而不敷,庶幾僞五等不 規避,往往 可逃,眞五等不受困。」於是詔:「紹興府欑宮田園、諸寺觀、延祥莊幷租牛耕牛合蠲 止就二三十貫之間立爲砧基。今若自有產有丁係眞五等依舊不科,其有產 和買,並

議, 年,邁定其法上之,詔依所措置推行,於是紹興貧民下戶稍寬矣。 其困。乞將創科和買二萬五十七匹有奇盡放,則民被實惠矣。」於是詔下戶和買二萬五 餘匹住催一年,又減元額四萬四千匹有奇;均敷一節,令知紹興府洪邁從長施行。 於集事,不暇覈實,一切以爲詭戶而科之,於是物力自百文以上皆不免於和買,貧民始不勝 敏頭均科之說至公至平, 韶施行之。十六年, 知紹興府王希呂言:「均敷和買, 囊 十一年,臣僚言兩浙、江東西四路和買不均之弊,送戶部、給舍等官詳議。 鄭丙、丘崈 紹熙元

中,嘗出內府綾、羅、錦、綺計直緡錢百八十萬、銀三十萬兩,付河北轉運使糴粟實邊。 【飛輓之勞,其名不一。」建隆初,河北連歲大稔,命使置場增價市糴,自是率以爲常。 和糴 宋歲漕以廣軍儲、實京邑。河北、河東、陝西三路及內郡,又自糴買,以息邊 咸平

出 詔 內庫 ·凡邊州積穀可給三歲卽 緡錢,或數 十萬,或百萬,別遣官經畫市糴,中等戶以下免之。 止。 大中祥符初,三路歲豐,仍令增糴廣蓄,靡限常數。 後又時

歐陽 於兩 河北 籍:酌所輸租而均糴之,謂之對糴,皆非常制。 商 詔岢嵐 糴 直 多折 者, 脩 池, (趨之)罷三路入中,悉以見錢和糴,縣官之費省矣。 又募商人輸獨粟於邊,以要券取鹽及緡錢、香藥、寶貨於京師 初 前後不可勝數。 一、火山 奉使河東還,言:「河東禁並 色給之。 謂之入中。 河東旣下,減其 軍 開 京東西、陝西、河北闕兵食,州縣括民家所積糧市之,謂之推置; 田 並 陝西糴穀, 邊壕十里外者聽 寶元中, 和賦。 有司言其地沃民勤,頗多積穀,請每歲和 又歲預給青苗錢, 出內庫珠直緡錢三十萬,付三司 邊 地不許 人 耕, 人耕, 然竟 麟、府州以轉餉道遠,遺常參官就置場和 天聖以來,罷 而私糴: 無益 邊備, 歲糴 北界聚麥爲兵儲, 不復給,然發內藏金帛 售之, 或 . 如故。 東南州軍,陝 市,隨常賦輸送,其 收其直以 大抵入中利厚而 最爲 取上戶 大 西 助 (患。」 遂 則受 邊 以 版 鹽 助

饀 路 給度牒,而 封椿,所給 熙 寧五 年, 出 甚廣,或取之三司,或取之市易務,或取之他路轉運司, 詔以 內藏錢 銀絹各二十萬 帛不與焉。 賜 河 東經略安撫 司,聽人賒買, 收本息封椿 或賜常平錢, 備 或鬻 自

志

第

京鈔 遣 議 更按視 :「依沿 )或饒 七 年 復命輔臣議,更以陝西並塞獨糧之法,令轉運司增舊糴三分,以所糴虧羨爲賞罰,仍 邊和 益 一誘之,以紓用度。」是歲,河東並邊大稔,詔都轉運使李師中與劉庠廣雜 而 陜 糴例,以一分見緡、九分西鈔,別約價,募入中者 州入中者寡,令三司 西和糴,或以錢、茶、銀、紬、絹糴於弓箭手。 具東南及 西鹽鈔法經久通行 利病以聞 凡 邊部入中有闕 知熙州 ,積五 則 王 多出 韶 年 建

歲 糴 以 心 轉 布,乞精選才臣講求利害。 支 災同 爲 糴 運 下 使。 錢,歲以 九萬二千有餘,而和糴數八十二萬 舊支錢、布相半,數既奇零,以鈔貿易,略不收半,公家實 八年, 無所濟,遇歲凶不蠲,最爲弊法。」繼而知太原韓絳復請和糴於元數省三分,罷支錢 . 秋稅蠲放,以 有 始詔 其後 司 河東察訪使李承之言:「太原路二稅外有和糴糧草,官雖量予錢、布, 議 其錢令並邊州郡 河東歲給和 以歲 經略使呂惠卿復請 轉運司應給錢補之, 和 糴 羅錢八 見數十分之,裁其二,用八分爲額, 詔委陳安石。 和 萬 市 別議 餘緡 封椿,即歲災以塡所蠲 立. 並 四 法, 災不及五分,聽以久例支移。 一罷,以其錢付 千有餘,所以歲凶仍輸者,以稅輕、軍儲 元豐元年,安石 除河外三州 漕 數,年 理 奏:「河東十三州二稅,以石計 司, 爲 隨 、費,百姓乃得 如 邊 戶 安石 郡宣 色高 豐則三歲 趸, 議 下 遂易和 裁定, 虚名。 餘 因 用 **死其輸** + 安石 毋 糴之名爲助 州 而所得細 欲 更給錢; 不 可闕 自 爲 口 今 朝 概 河 靇 均 東 故 凡

軍糧草。

之。 軍 服 西 點 毋 濟 網 泂 及 准 明 勝 北 預 兀 委 豐 和 西 浙、 倉, 路 ·, 雍 中, 几 周 王子淵 福建等路 年,以度支副 定 輔專其任, 馧 言 州 畿 河 北倉 衍 內 兼同 積、 和 剩 厚 曾 充 糴 寶盈 措 鹽 司 使蹇周 息錢, 置。 7農寺 二倉與瀛之州 實, 未 市 輔 並 幾, 見儲 易、 兼措置 輸 糴 淤 手詔 糧 便 田 料 河北 司 水 倉皆 周輔 總千一百七十六萬石 爲 利 本。 糴 |成, 周: 等司 便 今河 令嬴 司 所計置封 輔召 ō 朔豐 定、定、 明年, 拜戶 成, 澶. 椿 等州 韶以開封府界、 部、 宜 糧草並 侍 庸 詔賜同措置 收糴。 各 郎,以 置倉, 虚歸之。 左 是歲, 司 凡 諸路 王子 息 六 卦 中 年, 椿 大名 吳雅 淵 闕 <u>=</u> 三品 詔 額 東、 代 禁

知 時 司 奏 糴 急 等 馬 日 呂 ·: 外 名 計 光 自 惠 煕 耳 日 寧以 卿 郡 其 今京 坐 用 日 日 倉 來, 錢 坐 乏法 倉: 師 四 今 和 坐 有 + 糴、入中之外,又有坐倉、 熈 浩蓋 倉 -1 口 寧 致 得 年 因 二年, 之儲 斗米 米 小 百 郡 萬 於京師 芝 令諸 加 石 米 府 軍 庫 而 則 無錢 餘糧 庫 今京師乏錢, 减 有 東 餘錢, 願 南歲漕 更 糴 博羅、結羅、 糴 入官 軍 故反 百 人之米, 者, 萬 反 就 用 石 計 軍 俵糴 錢 價 人 使 轉易爲錢 百 糴 支錢, 積 兌糴 坐 米以 久 倉 陳 復儲 糴 給 寄糴 腐 辽 斗 次 其爲 米, 供 其 月 " 括 京 米 之 師 利 於 糴 此 糧 倉 害 極 勸 何 非 出 非 計 患 臣 於 珪 無 所 均

志

糴取 聽 錢,豈通 行於河北、河東、陝西諸路。 以以供 光 財利民之道乎?」不從。 日:「臣 京師,則 | 聞江、准之南,民間乏錢, 無所發泄, 必甚賤傷農矣。 元符以後,有低價抑糴之弊,詔禁止之。 明年,又慮 謂之錢荒。 元價賤,神、龍衞及諸司每石等第增錢收糴,仍 且民有米而官不用米, 而土宜秔稻, 彼人食之不 民無錢而 官必 若 使之出 官不

絹、絲、紬之類 綿、綾、絹增價博買,俟秋 其 .博糴:熙寧七年,詔河北轉運、提舉司置場,以常平及省倉歲用餘糧, 博糴斛斗,以平物價 成 (博羅 崇寧五年,又詔陝西錢重物輕,委轉運司措置,以銀 減直聽民以

聞。 往 未 幾,商 本 財 路 以 迥 其日結糴 充數 奏 劾之,君萬及高 人王震 總管王 五 言:結糴多散官或浮浪之人,有經 熙寧八年, 年, 君萬負熙、河兩州結糴錢十四萬六百三十餘緡、銀三百 以 星 遵裕皆坐借結糴違法市易,降黜 一變講 劉佐體 修闕 量川茶,因 政,罷 陝西、河東結 便結糴熙河路軍儲,得七萬餘石, 年方輸 糴 有 對 差。 者。 糴 詔措 崇 寧初 置 熙河財 蔡京行於陝西、盡 餘 兩。 用 孫迥究治 乃遣蔡確 沼運給 馳 以

無所糶 俵 糴 其 非 日 自 特省 俵 然價損,非惟實邊, 糴 六 七十 熙寧八年,令中書計 萬 緡歲漕之費, 亦免傷農。」乃詔歲以末鹽錢鈔、在京粳米六十萬貫石,付都 且. 運 米 河 百 北 萬 入中之價,權之在 石 費 約三十 -6 萬 我, 緡 遇 帝 斗 怪 斛 其多。 貴 住 糴 王 安石 卽 百 因言 姓 米

物 提 價 舉市易司 ()踴,權 止入中, 聽糴 貿易。 度民田入多寡,豫給錢物,秋成於澶州、北京及緣邊入米麥粟封椿。 便司 `兌用,須歲豐補償。 紹聖 三年, 呂大忠之言(三),召農民相 卽

鍛 常給錢,俟收,以時價入粟,邊郡弓箭手、靑唐蕃部皆然。 貸官錢之半,循稅限催科,餘錢至夏秋用時價 隨所輸貼納。 用 崇寧中,蔡京令坊郭、鄉村以 **俵多寡爲官吏賞罰** 

廣 其 日 兌糴:熙寧九年,詔淮南常平司於麥熟州 郡及時兌糴。元祐二年,嘗以 麥熟下諸路

糴

,詔後價若

與本

相當,卽許

變

(轉兌

糴

急 糴 價 運 ,恐緩急 故設 致 其 非 內郡寄 寄糴 難 不 。」於是寄糴卒不 相及,不若 元豐 7糴之法,以 二年,糴 致 權 商 便糧 人自 靇 輕 重。」七 草王 運。 李南 年, 子淵論綱舟利害,因言:「商人入中,歲小不登,必邀 詔 公、王子淵俱言:「寄糴法 河 北 瀛 定二州 所糴數以 行已久, 鉅 萬, 丽 且近 散 於 都 諸 倉, 那寄 緩 厚.

儲 有 乏,括索贏 其 日 括 糴 元符 糧 之家,量 元 年,涇原經略使章紊請並 存其所用,盡 糴 入官。 邊糴 買; 豫榜諭民, 毋得與公家爭糴, 即

久行 糴 轉 其 '有煩 均 日 糴 勸 費 先 糴 入其斛 疏 均 糴: 斗乃給 政和 坐 貶。 元 其直 年, 時 又 童貫 ,於有斛 詔 河北、河東做陝西均羅 (宣撫 斗之家未有害也。 陝西 議 行 之。 鄜 延 坊郭之人, 知定州 經略 使錢  $\Xi$ 漢之坐沮 卽 素無斛 言:「勸 斗, 格 糴 奪職罷。 必 非 須 可 以 外

Ξ

志

償 部 縣 兩 未 以 墎 浙 其 幾 直 州 和 亦 遂 量 糴 積 立 或不 爲 官 均 名 戶 雜 軍 度 輕 「, 低 州 法 蕃 重 裁其價, 縣之力,敷數過 部 均 三年, 患之。 糴 轉 以歲稔,諸路推行均糴 明 年, 運 司程督 荆 多, 湖 南 愈 有一戶而 北均 峻,科率倍於均 糴,以家業爲差。勸 糴 數百石 五 年, 糴,詔 沒者。」乃 言者謂:「均 約 經之法,其後寝及於新邊, 止之。 詔 諸 路 糴 宣 毋 法 和 輒 嚴 均 年 糴 然已 方臘 旣 而 而 平, 州

石

嘉 役 役, 亡之餘,疲 走 興役衆, 優民 所 自 殺 用 初, 熙寧以 令趙 科 至 鮮 察已 數 調 四 克辨 图 闸 Ŧ 益 來,王 湛。 繁。 脈 問 無 給 功、議者慮朝廷再舉,自是,帝大感悟, 道 部開 爲今之計, 陜西 又李稷 斃者不 頗得 宿兵 熙河,章惇營溪洞,沈起、 其事 爲 在 旣 鄜 正當 焉 多, 延 又以 漕 於是 元豐 「勞來將士,安撫 臣. 糧 督 文彦博 餉 四日 運, 年,六 飍 惡, 詔 奏言「關陝 、路大舉 許 欲 劉彝啓交阯之隙,韓存寶、林廣窮乞弟之 百 斬 械 姓,全其瘡 斬 知 州 西討,軍 河 申飭邊臣 以 東、 人戶 下 涇原 乏軍 , 演, 費 固 昨經調 最 漕 使得 境息兵,關中以 興者, 臣 甚 於他 一,以 蘇 發,不 民苦摺 息。 厲其餘,卒 路 遺 明 帝 餘 運, 年, 先 力, 多 優 慮 以 死 散 師 科

韶 陜西、麟 哲宗 卽 府州 位 諸 計五歲之糧而 老 大臣 維 持 Ë 初 政、盆 紹聖初, 挘 |終靜 乃詔 邊 河北鎮、 郡 類 411 調 定、 發, 瀛州糴十年之儲, 第令 諸 路 廣 糴 辽 備 餘州七年。 蓄 積, 及

章惇 萬數。 時, 其後陝西諸路又連歲興師,及進築鄯、 諫 也。 唯深祭臣 卽 日 今所在糧 時 内藏空乏, 伏 言, 見興師以 裁決 一草盡乏,漕臣計 陝西諸路以 斯事 來, 陝西府 0 岩 更詢 無所出,文移指空而已。 庫倉廩儲蓄,內外一空,前後資貸 軍 主議 賞銀絹 湟等州,費資糧不可勝計。 大臣,竊恐專務興師, 數寡, 請給於內藏庫,詔以絹五十萬匹予之。 今者,正休兵息民、清心省事之 上誤聖聽。」主 元符二年, 涇原經略使 (內藏金帛,不知 議 大臣, 其幾 Ŧ

帝謂近臣曰:「內庫絹才百萬,已輟其半矣。」

民,西安州日裕邊。 復令計斗給散,竟罷九折。 有一 價 收 而 二十六萬石,石三十緡,計七百八十萬。」帝慮其米仍麤,將士或有饑色,乃命九折。 亦相當。今邊臣不燭事情,精米、青稞與糙米、大麥一例抵斗給散,即公有一分之耗,私 五石,粒當大麥之三。異時人糧給精米,馬料給青稞,率皆八折,不惟人馬之食自足,而 湟州戍兵費錢一千二十四萬九千餘緡。 一分之贏 蔡京用 事,復務拓 會計一路歲費斛斗一百八十萬、雜色五十萬外,青稞一百三十萬,抵斗歲費 自夏人叛命,諸路皆謀進築,陝以西保甲皆運糧。 土,勸徽宗招納青唐,用王厚經置, 又於陝西建四都倉:平夏城日裕財,鎮戎軍日裕國,通峽砦日裕 五年(四),熙河蘭湟運使洪中孚言:「本道青稞畝 費錢億萬,用大兵凡再,始克之, 後童貫又自將兵築 明年,

志

第

錢。 濟。論民國事所當竭力,天下並輸免夫錢,夫二十千,准、浙、江、湖、嶺、閩夫三十千。」凡得 輸觅夫之直, 定為永法。 及是, 王黼建議, 乃下詔曰: 「大兵之後, 非假諸路民力, 其克有 富戶有及六十夫者,劉誼蓋嘗論之。及元祐中,呂大防等主回河之議,力役旣大,因配夫出 勝 山之役,雄、霸等州倉廩皆竭,兵士饑忿,有擲瓦石擊守貳、刃將官者。 臣爭務開邊,變、峽、嶺南不毛之地,草創郡邑,調取於民,費出於縣官,不可勝計。最後 <u></u>靖夏、制戎、伏羌等城,窮討深入,凡六七年。至宣和末,饋餉空乏,鄜延至不能支旬月。時邊 一軍,計口給錢廩,月費米三十萬石、錢一百萬緡。河北之民力不能給,於是免夫之議興。 大觀中,修滑州魚池埽,始盡令輸錢。 初,黃河 ·歲調夫修築埽岸,其不卽役者輸免夫錢。 熙、豐間,淮南科黃河夫,夫錢十千, 帝謂事易集而民不煩,乃詔凡河隄合調春夫,盡 燕山郭藥師所將常 |有||燕

牒,或以鈔引,類多不售,而吏緣爲姦,人情大擾。於是減其價以誘積粟之家,初不拘於官、 五萬石,無擾及無陳腐,撫州守臣劉汝翼至前兵不匱,及勸誘賑糶流離,皆轉一官。七年, 編之戶。凡降金銀錢帛而州縣阻節不卽還者,官吏並徒二年。廣東轉運判官周綱糴米十 南渡,三邊饋餉,糴事所不容已。紹興間,於江、浙、湖南博糴,多者給官告,少者給度

千七百餘萬緡,河北羣盜因是大起。

是, 錢 當發米四百六十九萬斛, 錢,乃就糴以寬江、浙之民。 以 折錢,諸路綱米及糴場歲收四百五 糴七十六萬(云),淮西十六萬五千, 饒州之糴石取耗四斗,罪其郡守。 二千,以關子 欠百萬斛有奇。 、茶引 乃詔 及銀充其數 臨安、平江府及淮東西、湖廣三計司, 兩浙一百五十萬,江東九十三萬,江西百二十六萬,湖南六十五萬,湖北三十五萬。 十八年, 十二萬斛。 湖廣、淮東皆十五萬。 自是和糴者計剩科罪。 **免和糴**? 命三總領所置場糴之。 二十九年,糴二百三十萬石以備振貸,石 二十八年,除二浙以三十五 十三年, 歲糴米百二十萬斛"浙 舊制: 荆湖歲稔, 米斗六七 兩浙、江、湖 萬 西 降 斛 凡

不可。 糴 **斛斗,**免令 肢 粒 輸 錢,在 銀、會、度牒於湖廣總所,令和糴米七十萬石 給會子及錢銀,石錢二貫五百文。淳熙三年,詔廣西運 石,江東提舉司三十萬石 米五 寶慶 孝宗乾道 十萬石 夫禁科抑,莫如增米價,此已試而有驗者,望飭所 · , 監察御 三年秋,江、浙、淮、閩淫雨,詔州縣以本錢坐倉收糴,毋強配於民。 湖南安撫 史汪 一農人亦甚 二 司糴米五 | 剛中言: 「和糴之弊,其來非一日矣,欲得其要而革 西 「轉運司五十萬石,湖南轉運司二十萬石, 有 十萬 利,此廣糴之良法也。」從之。 石 前軍。 兩浙 轉運司 五. 司,糴錢以歲豐歉 年,臣僚言:「若將民間合輸緡錢 司奉行。」有旨從之。 五十萬石, 開慶元年,沿江 准、 市直高 太平州一十萬石 浙 發運 紹定元年 之,非禁科 下增減給之。 四年,糴本 制置 司二百萬 使輸 司 -,錫 抑 招

准安州三十萬 收糴 「 以 供 軍 餉 , 高 郵 軍 五十萬石,漣水軍一十萬石,廬州一十萬石,並視時以一色會子發

軍餉外,京湖制司、湖南、江西、廣西共糴一百四十八萬石,凡遇和糴年分皆然。」 咸淳六年,都省言:「咸淳五年和糴米,除浙西永遠住糴及四川制司就糴二十萬石椿充

車, 食。 兵食爲重。 於是擅貿易官物者有之。八年,乃擇幹彊之臣,在京分掌水陸路發運事。凡一 雇民挽舟,吏並緣爲姦,運舟或附載錢帛、雜物輸京師,又回綱轉輸外州,主藏吏給納邀滯, 漕爲多。太祖起兵間,有天下,懲唐季五代藩鎭之禍,蓄兵京師,以成疆幹弱支之勢,故於 人之直,給付主綱吏雇募,卅車到發、財貨 輸送京師,毋役民妨農。開寶五年,率汴、蔡兩河公私船,運江、准米數十萬 是時京師歲費有限,漕事尚簡。 初,荆湖、江、浙、淮南諸州,擇部民高貲者部送上供物,民多質魯,不能檢御舟人,舟人 漕運 建隆以來,首浚三河,令自今諸州歲受稅租及筦権貨利、上供物帛,悉官給 宋都大梁,有四河以通漕運:日汴河,日黃河,日惠民河,日廣濟河,而汴河所 至太平興國初,兩浙旣獻地,歲運米四百萬石 出納,並關報而催督之,自是調發邀滯之弊遂革。 綱計其舟車役 石以給兵 所在 舟

几 六 沈 雍 故 負 元 侵盜官物,民破產不 裁得 年,汴河歲 调 熙四年,倂水陸路發運爲一司。 重致 年 乃主糧吏率取其口食。 萬石 ,罷京城水陸發運,以其事分隸排岸司及下 者,棄市,募告者厚賞之; 遠, 四 了, 菽二十萬石; 五 以勞民力。 j [運]<br />
江、淮米三百萬石,<br />
菽一百萬石; 廣南貢藤,去其麤者,斤僅得三兩。遂令鐵就治即淬治之,藤取堪用者 能償。 汴 廣濟河栗十二萬石:凡五 河挽舟卒多饑凍, 帝怒, 乃詔牙吏部送,勿復擾民。 山河、平河實因攤磧風水所敗,以收救分數差定其罪。 捕鞫得實, 主綱 東卒盜用官物,及用水土雜糅官米,故毁敗舟船 斷腕徇河上三日而後斬之,押運者杖配 太宗令中黄門求得百許人, 卸司。 黃河粟五十萬石, 菽三十萬石; 百五五 十萬石。非水旱蠲放民租,未嘗不及 先是,四河所運未有定制,太平 大通監輸鐵尙方鑄兵器,鍛鍊用之, 藍縷枯瘠 惠民 一商州 1,無使 興 端 河 詢 國 致 粟 拱

惠民河 御 京 河 師 達 江 置發運 以達 乾 而 南 淮 寧軍 至 京師 京 使 南 ,其運 師 領之。 兩浙 者,陳、 亦置 物 判 一發運 亦 諸 潁 湖 廷臣主之。 州 錢 路 司 許、蔡、 領之。 帛 租 雑 羅、於眞、揚 物、 廣南 栗帛· 光、 軍 壽六州 金銀、 器 自 上供 廣 、楚、泗州 濟 香藥、 河 亦 皆有 如之。 而 至京 置倉 京朝 犀象、百貨, 陝西 師 受納,分調舟船泝流入汴,以達 官廷臣 者, 諸 州 京東之十七州 層之。 陸運 菽 栗,自黄 至虔州 泂 北 衞 河三門沿流 而 州 後 由 東北有 水運。 石塘

其數。

至道

初,汴河運米

五百

八

十萬石。

大中祥符初

了,至七

百萬石

志

第

運送 減廣濟河二十萬石。 石。 三萬 川 三十七艘,天禧末減四百二十一。 益 天聖 京 諸 一千餘貫、兩、端、匹,珠寶、香藥二十七萬五千餘斤。 師 州金帛 嘉祐四年,罷所運菽,減漕船三百艘。 四年,荆湖、江、淮州縣和糴上供,小民闕食,自五年後權減五 咸平 及租、 中, 定歲運六十六萬匹,分爲 市之布,自劍門列傳置,分輦負檐至嘉州,水運達荆南, 後黃河歲漕益 先是,諸河漕數歲久益增,景德 減耗,纔運菽三十萬石, 一網 自是歲漕三河而已。 天禧末, 諸州歲造運船,至道末三千二百 歲創漕船,市材木,役牙前,勞 水陸運上供 四年,定汴河歲額六百萬 十萬石 公帛、 自荆 慶曆中,又 南遣 緡錢二十 綱 吏

家。 饒 綱發船,不復委本路,獨專其任。文移全併,事目繁夥,不能檢察。 卒得番休,逃亡者少; 汴船不涉江路,無風波沉溺之患。後發運使權益重,六路上供米團 日郡市賤貿貴,以趨京師。 汴舟詣轉般倉運米輸京師,歲摺運者四。 江、湖上供米,舊轉運使以本路綱輸眞、楚、泗州轉般倉,載鹽以歸,舟還其郡, 自是江、汴之舟、混轉無辨、挽舟卒有終身不還其家、老死河路 河 多涸, 舟卒亦還營,至春復集,名曰放凍。 操舟者財諸吏,得詣富 ,卒還其

皇祐中,發運使許元奏三近歲諸路因循,糧綱法壞,遂令汴綱至多出江,爲他路轉漕,

籍多空名,漕事大弊。

未幾,皆出江復故。 得歸息者。 販 五 運使不能斡歲入。 元 兵不得息。 之利 年汴船不得復出江 奏。 論者初欲漕卒得歸息,而近歲汴船多傭丁夫,每船卒不過一二人,至多當留守船,實無 久之, 而汴船工卒訖冬坐食,恆苦不足,皆盜毁船材,易錢自給,船愈壞而漕額愈不及 時元罷已久,後至者數奏請出汴船,執政不許。 宜敕 諸路 ·諸路增船,載米輸轉般倉充歲計如故事。」於是牟利者多以元說爲然,詔 綱不集。 預敕江、湖、兩浙轉運司(+),期以春年,各造船補卒,團本路綱,自嘉 至期,諸路船猶不足。|汴船旣不至江外, 江外船不得至京師, 嘉祐三年,下詔切責有司以格詔不行,及發運使不能總綱條, 治平三年,始韶出汴船七十綱 失商 轉 如 祐

阴 萬 向 **不預焉** 护 几 一萬石。 爲 共爲侵盜貿易, 是歲,諸路創漕船二千五百四十艘。 運 治平二年,漕栗至京師,汴河五百七十五萬五千石,惠民河二十六萬七千石,廣濟河七 至 江 、淮等路發運使,始 京師者又二十六萬餘 繇京西、陝西、河東運薪炭至京師,薪以斤計一千七百一十三萬,炭以秤計 又漕金帛緡錢入左藏、內藏庫者,總其數一千一百七十三萬,而諸路 甚則託 募客 風水沉沒以滅迹。 石 舟 ińī 未已,請充明年歲計之數。 與官舟分運,互 治平 四年,京師就米支五歲餘。 官 物 相 陷 [檢察, 折, 舊弊乃去。 歳不 減二十 萬斛。 歲漕常數旣足,募 是時 ,漕運吏卒, 熙 轉移相給 寧二年, 百百

所得 度,卒不果行。 貨二百萬貫,貨必陡貴。 豐歲則穀賤,募人爲海運,山東之栗可轉之河朔,以助軍食。」詔京東、 ?,無慮緡錢千萬,轉儲三路平糴備邊。」王安石謂:「驟變米二百萬石,米必陡 用常平法糶糴爲便。」詔如安石議。 三司 使吳充言:「宜 是歲,江、准上供穀至京師者三分不及一,令督發運使張頡亟辦來歲漕計。 自 當令發運司度米貴州郡,折錢變爲輕貨,儲之河東、 明年减江、淮漕米二百萬石,令發運司易輕貨二百萬 七年, 京東路察訪鄧潤甫等言:「山 河北: 東沿海州郡 陜西 路 賤; 緡, 轉運司相 一要便州 計五 驟 致 地

舊。」十二月,詔濬廣濟河,增置漕舟。 **罷廣濟河** 令眞、楚、泗州各造淺底舟百艘,分爲 物舊陸運者,增舟水運。 國 初 宣 浚河渠三道以通漕運,立上供年額,汴河六百萬石,廣濟河六十二萬石,惠民河六十 一徽南院使張方平言:「今之京師,古所謂陳留,天下四衝八達之地,利漕運而贍師旅。 廣濟河所運,止給太康、咸平、尉氏等縣軍糧,唯汴河運米麥,乃太倉蓄積之實。近 而惠民河斛斗不入太倉,大衆所賴者汴河。議者屢作改更,必致汴河日失其 押汴河江 南 、荆湖綱運, 十綱入汁。 其後 河成,歲漕京東穀六十萬石。 七分差三班使臣,三分軍大將、殿侍。 東南 諸路上 一供雑

元豐五年,罷廣濟河輦運司及京北排岸司,移上供物於淮陽計置入汴、 以淸河辇運司

**|**汴,運 沉溺 害以 爲 名。 綱, 之患。 聞 東南粟實洛下, 御 通作二百綱 史言廣濟安流而 江、准等路發運 韶各遷兩官,餘官 在部 至是,戶 副 進納官銓 上,與淸河泝流入汴, 使蔣之奇、都 ,部奏罷之。 減 年循資有差。 試不中者, 水監丞 是年,立汴 八年, 注 陳祐 遠近險易不 .押上供糧斛,不用衙前 河 甫 **罷歲運** 糧 開 綱賞罰,歲終檢察。 龜 百 Ш 同。 運 萬 河, 石 詔 轉運、 赴 漕運往 西京。 提點 土人、軍將。 來,死 紹聖二年,置 刑 風 獄 導洛入 濤 比 較 百 利 年

幾,復募土

一人押諸路

綱

如故

升名 准 吏艱 舉京師所 者,塞之,工久未訖 以 綱 五 諸局、 五. 運 依法 於督 次減 運 政 依格推賞外, ,兩浙及江東二千里內以四運,江 和 所及罷花石 陳良弼 一募官, 趣,根常存三十萬石 年 七 有差。 年, 立 同措置。 先募未到部小使臣及非泛補授校尉 張根 東 一、乾涸 綱, 仍許在外指射合入差遣一次。 南 爲 六路州 令逐路漕臣速拘舟船裝發綱運備邊。 月餘,綱 江 越兩 南 爲 西路轉運 軍知州、通判裝發 旬, 轉運之本,以寬諸郡,時甚稱之。 運 水復舊,綱運沓至,兩京糧乃足。 不通 副 ,南京及京師皆乏糧 東二千里外及江西三運, 使,歲漕米百二十萬石 上供糧斛任滿賞 召募土人 以上未許參 並罷。」七年,詔結 靖 責都 康 部 給 宣和 格, 湖南、北二運, 初, 人丼 中都。 水使者陳求道等,命提 自 汴河 進納 年, 一萬石 江 南 人管押 詔:「六路米 決 州 絕 至四 郡 各 有 應 僻遠,官 欠不 奉 十萬 至 准 百 司 步 及 江 南

志

支封 隨 河 出 道 東 內 椿 路 、陝西船運至河陽,措置陸運,或用鋪兵廂軍 藏 河 所宜 錢於河東買 庫 金帛及 河 東、陝西三路租稅薄,不足以供兵費, 河北地里差近,西路回遠,又涉磧險,運致甚艱。 上京権貨 /橐駝三百,運沿邊糧 、務緡錢, 皆不 草 翅數百萬 ٠, 或發義勇保甲,或差雇 屯田、營田 選使臣、 軍 歲 熙寧六年,詔鄜延路經略司 大將, 入 、無幾, 河北船運至乾寧軍, 糴買入中之外, 歲 夫力, 車 載 馱

來短 會迫 几 願 西 出 嚩 可就 轉 運 趣,民力不 驢 元 運司 至 運 豐 者三驢當五夫,五 m 一磨哆 嶺 更於 雇 四 司 計 年, 南 直 調 自入 口 万約: 均 中 相 皆大川,通 ·能勝。 河東轉運司調夫萬一千人隨 路 地 | 鄧| |州 陝西界至延州程數, 量 利 費三十緡。 一度遠 ·建 大三萬 軍 一城砦,使大 須調 一驢別差一 近, 車 無 以遣 發煩擾,又多不急之務, 涇原路 礙,自磨略至 每. 夫 回 百 車 空夫築立 驅 轉 日支米錢三十、柴菜錢十文,並 人差 自 喝。 運判官張 鎭 \_\_\_\_ 一夫雇直約三十千以上,一驢約 戎軍 兜嶺 (軍,坊郭上戶有差夫四百人者,其次一二百人。 官部押, 小 載 下道路亦然。 堡 大寧言:「飽 糧 應 草至彼, 接, 如絳州運棗千石 赴 鄜 如 延 此 · 饋運 運之策, 嶺以北 隨 則 軍 省民力之半。」神宗 馬所 先倂給 其本路程 卽 莫若 往麟、府, 在, Ш 險 以 車 八千,加之 少水, 陝西都 便。 塗 軍 前 日 每 · 支 夫畜 車 自 石 嘉之。 轉運 錢 1 乘 熙 米 期 往 難 率 直

橐駝二千與經制司, 厢 司 於諸州差層車乘人夫,所過州交替,人日支米二升、錢五十,至沿邊止。 軍 六年 , 詔 熙河蘭會經略制置 自熙、河摺運。 司,計置 事力不足,發義勇保甲。 | 臓州 人萬馬二千糧草(五),於次路州 給河東、陜西邊用非機速者, 運糧出界,止差 軍剗刮官私

並

作

- 小綱

製排

日

遞送

至州 斗,用錢四十貫,陝西運糧,民間倍費百餘萬緡,聞之駭異。 可逐處增價收糴,不得輕議般運(10),以稱恤民之意。 兵。」靖康 三路陸運以給兵費,大略如此,其他州縣運送或軍興調發以給一時之用,此皆不著。 尚四 大觀二 元年十月,詔曰:「一方用 五 1 年,京畿都 里, 擺置車三鋪, 每鋪七十人, 月可運八千四百石。 轉運使吳擇仁言:「西輔軍糧,發運司歲撥八萬石貼助,於滎澤下卸, 師, 數路調發,軍功未成,民力先困。 若般 綱水運及諸州支移之類仍舊。 今歲四方豐稔,粒米狼 所運 漸多,據數增添 京西 運糧,每名 戾,但 鋪

賤 折 求羨財以供侈費,用所親胡師文爲發運使,以糴本數百萬緡充貢,入爲戶部侍郎。 則官糴,不至傷農,饑歉則納錢,民以爲便。 收上價,謂之額斛。 轉般,自熙寧以來,其法始變,歲運六百萬石給京師外,諸倉常有餘蓄。 計本州歲額,以倉儲代輸京師,謂之代發。 本錢歲增,兵食有餘。 復於豐熟以中價收糴,穀 崇寧初,蔡京爲相,始 州郡告歉, 來者傚 則

志

之法壞矣。

尤,時有進 人獻,而 本錢竭矣; 本錢旣竭,不能增糴,而儲積空矣; 儲積旣空,無可代發,而轉

是東南 錢 發。 動以 推 重 **浴給之**, 舟 船 自是 萬 過 方綱米之來, 崇寧三年,戶部尙書曾孝廣言:「往年,南自眞州江岸,北至楚州淮堤,以堰瀦水,不通 般剝勞費。 數。 金帛、茶布之類直至京師,惟六路上供斛斗, 堰之勞,然侵盜之弊由 沿流 六路郡 欲將六路上供斛斗,並依東南雜運直至京師或南京府界卸納,庶免侵盜乞貸之 鄉 保 縣各認歲額 悉致 立法 遂於堰旁置轉般倉,受逐州所輸,更用運河船載之入汴,以達京師。 騷 擾,公私横費 ,雖湖南、北至遠處,亦直抵京師 此 而起。 合出。 天聖中,發運使方仲荀奏請度眞、楚州 又鹽法已壞, %循用轉般法, 吏卒 迴舟無所得,舟人 ,號直達 州 縣欲 其速過, 綱, 豐不 糜費與在路 逃散, 堰爲水牐 但 加 令 糴,歉不 ·供狀,以 折 亦隨 雖 自自 閱 代 免

平 Ė 璹 大 措 觀 置 三年,詔直 諸 路運 糧 · 這綱自來年並依舊法復行轉般, 舟 船 令發運司 督修倉敖,荆湖北路提舉常 壞

公、本法

虚

廢。

以 備中都緩急,二以防漕渠阻節,三則綱船裝發, 政 和 二年 復行直 達綱, 毁拆 轉般 、諸倉。 譚稹 資次運行,更無虛 上言:「祖宗 建 立真、 日。 楚、 自 **认**法廢, 泗州 轉般 河道 倉, 日

之法,

寓

益

淺

测,

順

流

視

六

路

豐

民

力。

運

渠旱乾,

則

有

汴

口

倉。

今所

患

者,

向

來

糴本歲五

白

萬

繒

支移殆

滤

과 用。 轉 並 並 無 多 萬 端 措 有 石 運 隨 額 置 自 判 官 次 正 上 阳 欠 第 轉 額 供 七 官 和 節 行 錢 蕭 般 預 八 直 日 五 至 八千石 鼅 物 達 序 起 年 有 之。 , 道 抛 井 辰 乃 六路 言 , 欠 路 降 有 里 1:「轉般 靖 斛 漕 旣 抛 度 舊 康 각 及牒及 失 遠,情弊尤 司 欠發 於 元年,令東南六路上供 舟 不 轉 道 船、 香、 自 般 斛 里 置 兵 斗錢 鹽 倉 不 | 舟船 梢 多 下 加 鈔 , 遠 各 卸, 洮 貯 如 截留 散 爲 大江 卻 而 百 十不存 糴 將 他路 人力不 萬 本, 東 P . 買, 額斛, 卸 西 別 回 令呂淙、 勞卸 均 降 綱 荆 糴 除 湖 尤爲 者。 納 긔 百 淮南、 南 斛 萬 盧宗 车 北 不 折 轉 ] 貫 豐 便。 欠之弊 有 兩浙依舊直達外, 運 付 原 終 可 均 上 盧宗 歲 以 詔 京, 糴 廣 不 發 生 原 斛 所 能 糴 於 運 斗,專 厚 有 行 稽 將 司 積 直 措 湖 留 達, 運 南 備 置 以待 而 者 江、 所 轉 候 沿 六 般。 起 轉 湖 路官 有 中 年 年 四 般 押 都 江 額 以 \*\* 之 路 斛 西 П

弊,民間 輸 餉 紹 綱 江 影 輸 興 送 東 初 江 会 西 高 岳 寧府。 宗 行 綱 有自毁其舟、自廢其田 因地之宜,以 荆南。 建 在 運 是輸送 炎 又 元 詔 量 车, 江 所 寧府,福建、兩浙路輸送二三平江 二廣、湖南北綱運如 詔諸路 又詔 用之數,責漕 兩浙之粟供行 諸路綱運見錢丼糧輸送建康府戶 綱米以三分之一 者。 臣將輸,而歸其餘於行在,錢帛亦然。 在,以江東之粟餉 過兩浙 輸送行在, ,許輸送平江 府,京畿、淮南、京東 准東,以江西之粟餉淮西, 餘輸京師。 部, 府; 其金銀、絹 福 建 二年,詔二廣、湖南 綱 運過江東、西,亦許 西、河北、 雇舟差· 帛 並輸送行 一夫,不 陝西 荆湖之聚 勝其 

運 就 相 對 糴 仍 糴 於沿流 ,道死者衆,蜀 紹 米。 興 四年,川、陝宣 諸郡 紹興十六年 復就 人病之。 興、利、閬州置 無吳玠 漕臣 調 兩川 趙開聽民 場 大運米 聽商 以 、栗輸 一十五 人入中。 內郡 一萬斛至 ,募舟輓之,人以爲 然猶慮民之勞且憊也 利州,率四十餘千 便。 致一 總領 又减 斛,饑 成都 所遣 水 官 病

宣、 歲用 鼎 科 太平 米 撥 三十 ----臨江 四萬 年, 荆 南 科撥 一、興國 几 兵 众歲 千 諸路路 石 用 、南康、廣德科撥 米 上供米: 九萬 於吉、信、南安 六千石 鄂兵歲! ,於德安、 |科撥; 用米 行在合用米一百十二萬石,就用兩渐米外,於建康 几 建康 荆南 十五 兵歲用 澧、純、 萬餘石,於全、永、郴、邵、 米五 潭、復、 十五五 荆門、 萬石 漢陽  $\cong$ 道、衡、 科 於洪、江、池 池 潭、 州兵 鄂

太平、宣科撥;其宣州見屯殿前司牧馬歲用米,丼折輸馬料三萬石,於本州科撥; 並諸路

轉運司樁發。 時內外諸軍歲費米三百萬斛,而四川不預焉

齊安、舒、蘄之民,遠者千里,近者亦數百里。 中產之家雇替一夫,爲錢四五十千;單弱之人一夫受役,則一家離散,至有斃於道路者。 夫皆調於湖北鼎、禮等處,道路遼邈,夫運不過八斗,而資糧犀屢與夫所在邀求,費常十倍。 嘉定兵興,揚、楚間轉輸不絕,濠、廬、安豐舟楫之通亦便矣, 至於京西之儲,襄、郢猶可徑達,獨棗陽陸運, 而浮光之屯, 仰饋於

究,亦時寓於蠲放焉。 惲。 非侵盜,且補輸已足,許敍復。」自是綱運欠失雖責償於官吏,然以其山川隃遠,非一人所能 分者亦許其補足。淳熈元年,詔:「不以所欠多寡,並與除放。 其有因綱欠追降官資者,如本 年,蠲欠百石以下者。九年,初,綱運欠及一分者送有司究弊,至是,臣僚申明綱運欠及一 故自紹興以來優立賞格,其有欠者亦多方而憫之。乾道初, 至於部送綱運,並差見任官,闕則選募得替待闕及寄居官有材幹者,其責繁難,人以爲 蠲欠五十石以下者;三

#### 校勘記

江東 西路 原脫 [,據本書卷三四孝宗紀、通考卷二○市糴考補。

 $\Xi$ 六十萬五 百匹 本書卷三七二翟汝文傳、繫年要錄卷六都作「二十萬五百匹」。 依下文「以一路

計之當十之三」推算,此處所舉數字相差甚大,本傳和繫年要錄所舉數字近

(三) 呂大忠之言 句首當脫一「用」字或「以」字。

五. 年 按本書卷二〇徽宗紀、十朝綱要卷一六、熙河蘭湟路建於崇寧四年,又宋羅顧新安志卷

七 洪尚書傳,洪中学於崇寧間移漕熙河蘭湟路。 此上失書崇寧紀元。

 $\Xi$ 劉汝翼 宋會要食貨四〇之二一、繁年要錄卷九九都作「劉子翼」。

(<del>2</del>) 浙西凡糴七十六萬 原脫,據上文歲糴百二十萬斛之數和繁年要錄卷一五八補。

(F) 江湖兩浙轉運司 「江湖」原作「江淮」,據宋會要食貨四六之一六、宋大詔令集卷一八四令江南

荆湖兩浙造船團綱般起赴真楚泗轉般倉發運司不得撥綱往諸道詔改。

(大) 熙寧砦 「砦」字原脫,據宋會要食貨四三之二、長編卷三一九補。

糧草 「糧」上原行「般運」二字,據宋會要食貨四八之一八、長編卷三三三刪。

8 不得輕議般運 「議」字原脫,據宋會要食貨四八之一九、靖康要錄卷一一補。

=江寧府福建兩浙路輸送 原脫,據宋會要食貨四七之一四、通考卷二五國用考

 $\stackrel{\frown}{=}$ 建康兵歲用米五十五萬石 按繫年要錄卷一八四,此下尚有「於吉、撫、饒、建昌科撥;鎮江兵

嵗

用米六十萬石」之文。

# 宋史卷一百七十六

## 志第一百二十九

### 食貨上四

### 屯田 常平 義倉

詔令修完城堡、通導溝瀆,而營田之議遂寢。 諫議大夫陳恕、右諫議大夫樊知古爲河北東、西路招置營田使,恕對極言非便。 丹患之,不得肆其侵突;順安軍西至北平二百里,其地平曠,歲常自此而入。議者謂宜度地 開,河朔連歲繹騷,耕織失業,州縣多開田,而緣邊益增戍兵。 形高下,因水陸之便,建阡陌,濬溝洫,益樹五稼,可以實邊廩而限戎馬。端拱二年,分命左 前 代軍師所在,有地利則開屯田、營田,以省餽饟。 時又命知代州張齊賢制置河東諸州營田,尋 宋太宗伐契丹,規取燕薊, 自雄州東際于海,多積水,製 行數日,有 邊隙

志第

百二十

九

食货上四

亦罷。

蒲 旣 官,發諸州鎭兵一萬八千人給其役。凡雄莫霸州、平戎順安等軍興堰六百里,置斗門, 其 取 田 又言宜因積潦蓄爲陂塘, 水 種稻 其種 · 、 緣山 利。 、蜃蛤之饒,民賴其利 灌 漑。 詔 ) 宅使 不 一課令種之,是歲八月,稻熟。 [導泉,倍費功力。 成、羣議愈甚、事幾爲罷。 初年種稻,值霜不成。 承矩按視,還,奏如懋言。 何承矩 請於順安砦西引易河樂堤爲 今河北州軍多陂塘,引水溉田 大作稻田以足食。 懋以晚稻九月熟,河北霜早而地氣遲,江東早稻七月即熟, 至是,承矩載稻穗數車,遣吏送闕下,議者乃息。 初,承矩建議,沮之者頗衆,武臣習攻戰,亦耻 遂以承矩為制置 會滄州 屯田 臨津令閩 河北沿邊屯田使,懋爲大理寺丞充判 旣而 , 省功易就, 三五年間, 公私 河朔連年大水,及承矩 人黃懋上書言:「閩地惟 於營葺。 知雄州 必 大獲 種 而莞 水

萬 墾 , 斜 其半,俟 田 度 因 耕 陳 |支判官陳堯叟等亦言:「漢、魏、晉、唐於陳、 許、鄧、潁暨蔡、宿、亳至于壽春,用水 而益之,數年可使倉廩充實,省江、淮漕運。民田未闢,官爲種植,公田 具,導溝瀆,築防 迹 久而古制 具在 請選官大開 可復 也。 堰。 畝約 屯田, 每屯千人三,人給一牛,治 收三斛, 以通 水 歲可 利, 收十五 發江、淮 萬 斛, 田 下軍散卒及募民充役。 五. 七州之間 十畝,雖古制一夫 置二 + 未墾、募民墾 屯 ,可, 百 給官 畝 得三百 今且 錢 市 利

年之功棄矣。 之, 歲登所取, 並 其利棄倍。」帝覽奏嘉之,遣大理寺丞皇甫選、 水田之制由人力,人力苟修, 如民間主客之例。 傅子曰:『陸田命懸於天,人力雖修,苟水旱不時,則 則 地利可盡 光祿寺丞|何亮乘傳按視經度, <u>\_\_</u> 且蟲災之害亦少於陸 田 水 然不果 H 旣

餘頃。 蠻河,溉田七百頃;又有屯田三百餘頃。 導汝水溉灌,歲收二萬三千石。 年罷,賦予民,至是復置,命京朝官專掌。 慕民戶二百餘,自備耕牛,立團長,墾地六百頃, 三務,調夫五百,築堤堰,仍集鄰州兵每務二百人,荆湖市牛七百分給之。是歲,種稻三百 餘戶,詔令未出租稅,免其徭役。然無助於功利。而汝州舊有洛南務,內園兵種稻,壅熙一 至咸平中,大理寺丞黃宗且言請募民耕潁州陂塘荒地凡千五百頃。 襄陽縣淳河,舊作堤截水入官渠,溉民田三千頃,宜城縣 知襄州耿望請於舊地兼括荒田,置營田上、中、下 部民應募者三百

餘萬石、束,約費茶鹽五十餘萬,燻更令遠民輸送,其費益多。 H 五 百頃,置下軍二千人、牛八百頭耕種之,又於軍城前後及北至木峽口,各置堡砦,分居 几 年, |陜西轉運使劉綜亦言:「宜於古原州建鎭戎軍置屯田。今本軍一歲給芻粮四十 請於軍城四 面立屯田務,開

志 第

其人, 屯戍。」從之。 **M** 寇則耕, 旣 而原、渭州 寇來則戰 亦開方田 就命 知軍爲 ,我人內屬者皆依之得安其居。 屯田 制置使,自擇使臣充四砦監押,每砦五 白

靜戎軍 年, 役,踰年而 水陸屯田 耿望又請於唐州赭陽陂置務如襄州,歲種七十餘頃,方城縣令佐掌之,調夫耘 是 時兵費浸廣 Ē 畢。 東壅鮑河, ,詔駐泊 知保州趙彬復奏決雞距泉, 都監王昭遜共成之。 言屯、 開渠入順安、威虜二軍,置水陸營田於其側 營田者, 輒詔 自是定州亦置屯田。 自州 邊 臣經度行之。 西至滿 城縣(四),分徐河水南流注運渠, 五年,罷襄州營田 順安軍兵馬都監馬濟請 命莫州部署石普護其 下務。 廣 於

百 制 餘頃 凡 置 在 景德初,從 九州 一諸營田 河 北 河北歲收二萬 軍 者 一、屯田 -皆遣官監務, 雖 京西 有其實,而 轉運使張巽之請,詔 事, 舊兼使者如 九千四百餘石,而保州最多,逾其半焉 歲入無幾, 置吏屬。 故。 利在 准 南、 止役務兵。 大中祥符九年, 蓄 兩 水以 浙 舊皆有 限戎馬 二年, 屯 改定保州、順安軍營田 而已。 田,後多 令綠邊有屯、營田 天禧 賦 民而 末, 諸州 收其租,第存 州軍, 屯田 一務爲 長 總四千 更並 屯 其 田

唐二州營田 後張巽改其法,募水戶分耕,至逖又參以兵夫,久之無大利。 既廢, 景德中, 轉運使許逖復之。 初, 耿望借種 田 人牛及調 天聖四 年,遺尙書屯 夫耨 歲

餘 H 員 唐州 外 郎劉漢傑往視,漢傑言:「二州營田自復至今, ,得不補失。」詔廢以給貧民,頃收半 得穀六萬餘 石,爲緡錢二萬餘。 所給吏兵俸廩、官牛雜費,襄州十三萬餘緡,唐州 稅 襄州 、得穀三十三萬餘石, 爲 緡錢 九萬

几

萬

除網

置 議 知 層田 崑 並 永 邊 興軍 H 其 置屯田,迄不能成。 官一領之,播種以時 ,今無復農事 後 陝西 范雍括諸郡牛頗煩擾,未幾途罷。 用兵, ,,可卽其地大興營田,以保捷兵不習戰者分耕, 詔 轉運司度隙地置營田以助邊計, 農隙則習武事。」疏奏, 右 IE 言田況言:「鎭戎、原、渭, 不用。 又假同州沙苑監牧地爲營田 後乃命三司戶部副使夏安期等 五百人為 地方數百 堡, 三兩堡 里

舊

而

弓縮 手 所 百 班 地 李若 指 里 以 治 何 手 皃 塞 75 地 愚 地 詔妄。 田 三年,河北屯田三百六十七頃,得穀三萬五千四百六十八石。 同 恐秦州 雖 不 提 實 耕 、點制 有之, 者 而 益 無 置 竇 多 慮萬 河北 舜 恐召 事 卿 子。」詔 頃, 屯 奏:「實 1人耕種 田 治千 遣 事。 王 止 -頃,歲三 克臣等按視, 三年,王 有閒 西蕃 驚 田 μJ 疑。」 得三 韶 頃四十三畝。」中書言:「起未嘗指 侍 + 復 ·萬斛。 御 奏 渭 史謝景温言「 (與師 源 知知 城 中 三五 秦州 同 丽 李 再下 下 聞 師 至秦州 中論 沈起妄指 沈 起, 熙寧初, 韶 成紀, 起 甘谷城 甘谷 奏 指 以內侍 旁河 示不 極 城 邊 地以 見韶 弓箭 見 五 押

志

頃。」遂 箾 韶 邊 度 推 奏,而 水 復 陸 官 部 屯 ini 田 故官、從其所請 師 中前在秦州與韶更相論 務 中 ,募民租 亦落待制。 佃 行之。 ,收其兵爲州 其後 韓編知 明年, 奏,互有曲 秦州 廂 河北 軍 屯田 乃言 直。」韶遂以妄指閒 司 「實有古渭砦弓箭 奏:「豐歲屯田, H 自 入不償費。」於是詔 著作 手 未 佐 請空地 郎責保平 几 千 軍 餘

田, 河州 括 詔 ん給 地 下 許 其 地 得 蕃 非 奏辟官屬 部 萬 事 陜 頃 近 五 万 ,蕃官二頃,大蕃 城 千 曠 經 餘 略 Ш 上 辽 安 地 頃 多 集事 【撫使郭逵言:「懷寧砦所 |未耕, 屯戍不可撤, 遠 招弓箭手, ,募漢蕃兵幾五千人,爲 官三頃 以 山坡 地 熙河 招 方有 多良 蕃兵弓箭手 八指 得 輸送之勤, 地 田 揮 百 , 詔 , 里, 七 年,詔 遷 以 ٠, 离官, 知延州 每砦 募弓箭 委提點秦鳳路刑 五. 賜金帛。 指 趙离請募民耕以紓朝廷憂, 手,無 揮, 閒 以二百五十人 而 田 熙州 三。」离 獄 鄭民憲 王韶又請以 又言之, 爲 興營 遂

所損 屯田以兵, 石 因 弓箭手 則 樞 省 公 密 轉 田 倣 使 所 輸 營田以民, 吳充 古助 平 得 +-糴 田 上 五萬 一疏日 法行 價 固有異制。 石。 如 之。 :「今之屯田 是 官 者其 熙 無 河 屯營牛具廩給之費, (便有六。」而 刀口 然襄州營田旣調夫矣,又取鄰州之兵,是營田不獨以民 ,誠未易行。 州 田 無 慮萬 提 點 五. 古者一 刑 二千頃 獄 借 鄭民憲言:「祖宗時 用衆 夫百 + 分 力而 取 畝 民不 又受田 以爲 勞, 公 十畝 田 屯 大荒不 大 爲 營田 約 公 收 中 田 皆 歲 而 置務, 莫若 官 畝 無

糧 耕, 劣爲賞 不 旱三分除 因 也 皮 無 弓箭手爲 或諸州 則兵民參錯,固無異也。 之 邊州 所 罰。 田 仰 、營屯,不限兵民,皆取給用,是屯田不獨以兵也; 給,又責其借力於公田,慮人心易搖,乞候 一,官無廩給之費,民有耕鑿之利,若 廂軍不習耕種、不能 經略安撫 助田法,一夫受田 弓箭手逃地 司 點廂軍田之, 并營田 而 百畝 召佃 水上,頗致 前 後施行,或侵占民田 ,別以十畝爲 租 ` 官置牛具農器,人一頃,歲終參較弓箭手、廂 課,許就 煩擾。 近於本城砦輸納,仍免折 可以爲便。然弓箭手之招至,未安其業, 公田, 至於歲之所入,不償其費,遂又報 (稍稔推行。」九年、詔:「熙河弓箭 ,或差借耨夫,或諸郡括 俾之自備種糧 至於招弓箭手不盡之地,復以 功力、歲畝 變、支移 牛,或兵民 收 軍 所 手 耕 而 種 優 種 種 水 惟 雜

箭 涇原、熙河 提 佃 是舉熙河 手, 役兵各 元 人加 豐 一營田 三年, 三路 還所隸。 頃,有馬者 康 選募廂 改定州 識 言:「新復 五. 軍及馬 年, 詔提舉熙 屯 田司爲水利司。 五. 土地,乞命官分畫經界, 遞鋪卒,願行 十畝 》,每五 河 等路弓箭手、營田 + 及章惇築沅州 者 頃 人給裝錢 為 營。」「四砦堡 選 二千。二 知 亦爲 蕃部 田 廂 共為 詔 屯田田 軍 皆 見 人給一 位之。 缺農作廂 務,其後 一司,隸 頃 耕之,餘悉給弓 涇 遂罷之,募民 軍 原路 ·,許於秦鳳 制置司 租

珠山 ig、『七寶 知 太 原府呂 山 山 惠 言其多出禾粟也 卿嘗 L 一營田 疏 曰:「今葭蘆 若耕其半,則兩路新砦兵費,已不盡資內地,况能盡闢 、米脂 裏外良田 '; 不 啻 一二萬頃,夏人名爲

志

第

百

+

九

食貨

上

рц

其間 年 兩 爲 內 不 遠 耕 置 之法,而 輸 地 者,皆 前 貴 小 堡 此 而 鋪 所 ,以冤困公之弊。 河 横 可 外三州荒閑之地, 不 相 山膏腴之地 為法 敢進耕者,外無捍衞也。 望, 耕之。 則 延州 於是就羅河外, ,皆爲 之義合、白草 財力稍豐,又通度蘆之道於鱗州之神木,其通堡砦亦 皆 我有矣。」 可墾闢以贍軍用。 與石州之吳堡、尅胡氏以 今於葭蘆、米脂相去一百二十里間,各建 而使河內之民被支移者, 凡昔爲夏人所侵及蘇安靖棄之以 南 量出脚 諸城砦,千里 乘之直,革百 如葭蘆 邊 砦, 面 皆 又

收禾粟、蕎麥萬 束; 將兵萬 頃 地 Ŧī. 防 又保 惠卿 百 七 拓 年,惠 餘 千餘 之費,仍在年計之外。 甲守禦費緡錢千三百,米石三千二百,役耕民千五 頃, 自 謂 卿 |麟、 所 人,馬二千餘 八千石,草十萬二千,不償所 雇 得極 府、 五. 縣 厚, 豐州 耕牛,發將兵外護, 可助邊 地七百三十頃 匹, 計,乞推之陝西。 慮經略司 費錢七千餘緡, , 來年再欲耕種,乞早約束。 而 弓箭 費。又借轉運 耕新疆葭蘆、吳堡間膏腴地號木瓜原 手與民之無力及異時 穀近九千石, 八年,樞密院奏:「去年耕 司 錢穀以爲 百,雇牛千具,皆彊民爲之,所 糗糒 認 近五萬斤, 子種,至今未償,增入 兩不耕者又 諭 惠卿毋蹈前 種木瓜原, 草萬 九百 者, 几 凡用 一千餘 六十 凡得 失。

募厢 軍配卒耕種死役。 泂 東 進 樂堡砦,自 已而營田司言諸路募發廂軍皆不閉田作、途各遭還其州 郎 延 南 北近三百里,及涇原、環慶、熙河 蘭會新 復城砦地土,悉

興 元年,知荆南府解潛奏辟宗綱、樊賓措置屯田,詔除宗綱充荆南府、 歸峽州、 荆門

之。 爲殿最。下諸鎭推行之。 也,今荒田 五人爲甲,別給蔬地五畝爲廬舍場圃。 堡砦,且守且耕,耕必給費,斂復給糧,依鋤田法,餘並入官。 省縣官之半焉。 豆麥夏秋各五升,滿二年無欠,給爲永業。 凡屯田事,營田司兼之,營田事,府、縣兼之。廷臣因規奏推廣、謂一夫授田百畝,古制 軍 鎭 無使 甚多,當聽百姓請射。 司 措置五州營田官,樊賓副之。 二年(+), 德安府、復州、漢陽軍鎭撫使陳規放古屯田,凡軍 其有闕耕牛者, 宜用人耕之法, 以二人曳一犂。凡授田, 兵屯以大使臣主之, 民屯以縣令主之, 以歲課多少 。 兵民各處一方,流民歸業寖衆,亦置堡砦屯聚 渡江後營田蓋始 凡民:水田 於此。 畝 其後荆州軍食 賦稅米一斗,陸田 士:相 險隘,立 仰給,

者,給佃者爲永業。 半有主,難如陝西例,乞募民承佃。」都督府奏如世忠議,仍蠲三年租,滿五年,田主無自陳 江東、西宣撫使韓世忠措置建康營田,如陝西弓箭手法。世忠言:「沿江荒田雖多,大 韶湖北、浙西、江西皆如之,其徭役科配並免。 五年,詔淮南、川陝、

六年,都督張浚奏改江、淮屯田爲營田,凡官田逃田並拘籍,以五頃爲一莊,募民承佃。 百 二 十 九 食 貨 Ŀ 四

荆襄

屯田

其法 中嶽李寀及王弗皆言營田之害,張浚亦覺其擾,請罷司,以監司領之,於是詔帥臣兼領營 田 吳玠及江、淮、荆、襄、利路帥悉領營田使。 錢七十千, 員 、外郎副之。官給牛、種,撫存流移,一歲中收穀三十萬石有奇。 五家爲保,共佃一莊,以一人爲長,每莊給牛五具,耒耜及種副之,別給十畝爲蔬 分五年償(云)。 命樊賓、王弗行之。 遷賓司農少卿,提舉江、淮營田,置司建康 尋命五大將劉光世、韓世忠、 殿中侍御史石公揆、監 張俊、 岳飛 ,弗屯 通,貸

安集流亡。」從之。 渠,募邊民或兵之老弱耕之,其耕牛、耒耜、種糧,令湖北、京西轉運司措置,旣省餽運,又可 漢,糧餉浩瀚。 襄陽古有二渠,長渠溉田七千頃,木渠溉田三千頃,兵後堙廢。 今先築堰開 以助軍儲,賜詔獎諭焉。三十二年,督視湖北、京西軍馬汪澈言:「荆、酆〇〇兩軍屯守襄 九月行之,以川陝宣撫吳玠治廢堰營田六十莊,計田八百五十四頃,歲收二十五萬石

必修,器用必備,田處必利,食用必充,耕具必足,定稅必輕,賞罰必行。且欲立賞格以募 人,及住廣西馬綱三年以市牛。 興元年,臣僚言州縣營田之實,其說有十,曰:擇官必審,募人必廣,穿渠必深,鄉亭 會有訴襄陽屯田之擾者,上欲罷之。工部尚書張闡言一今

中,官不收租,人自樂從。 軍食旣足,則饋餉無轉運之勞。此誠經久守淮之策。」詔從之。 二年,江、淮都督府參贊陳俊卿言:「欲以不披帶人,擇官荒田,標旗立砦,多買牛犂,縱耕其 使之就耕荆襄之田,非惟可免流離,抑使中原之民聞之,知朝廷有以處我,率皆襁負而至 終不可耕也。 面 日 耕官生田,或遠數百里徵呼以來,或名雙丁而役其強壯,老稚無養,一方騷然, 闸襄屯田之害,以其無耕田之民而課之游民,游民不足而強之百姓,於是百姓舍己熟田 異時墾闢旣廣,取其餘以輸官,實爲兩便。」詔除見耕者依舊,餘令虞允文同王珏措置 然自去歲以來,置耕牛農器,修長、木二渠,費已十餘萬,一旦舉而棄之,則荆襄之地 比見兩准歸正之民,動以萬計,官不能續食,則老弱饑死,強者轉而之他。 數年之後,墾田必多,穀必賤。所在有屯,則村落無盜賊之憂, 罷之誠是

以 民甚苦之。 護邊。 萬 乾道 石 軍。 五年三月(11),四川宣撫使鄭剛中撥軍耕種,以歲收租米對減成都路對糴米一十 從之。 知興元 然兵民雜處村疃,爲擾百端;又數百里外差民保甲教耕,有二三年不代者, 八月,詔鎭江都統 府晁公武欲以三年所收最高一年爲額,等第均數台記召佃,放兵及保甲 司及武鋒軍三處屯田兵並拘收入隊教閱。 六年,罷和

淳熙 + 年,鄂州、江陵府 駐箚 副都統制郭杲言:「襄陽屯田,興置二十餘年,未能大有益 揚州

屯田

八年,復罷廬州兵屯田

於邊 熟田 七百 五十頃,乞降錢三萬緡,收買耕牛農具,便可施功。 非田之不 良, 濫 人力有 所未 至。 今邊 延 [無事,正宜修舉, 如將來更有餘力,可括荒田接 爲 實邊之計。 本 司 有 荒

續開

墾。」從之。

之,爲數不貲,其利不在營田之下,乞倂括之。」初,玠守蜀,以軍儲不繼,治褒城堰爲屯田 軍敎閱, 輸租米一十四萬一千餘石,餉所屯將兵,罷民和糴,爲利可謂博矣。 民不以爲便。 十三年,四川宣撫安丙、總領任處厚言:「紹興十五年,諸州共墾田二千六百五十餘頃,夏秋 紹 田 熙 而營田付諸州募佃,遂致租利陷失,驕將豪民乘時占據,其弊不可概舉。今豪強 土荒閑,正當拘種之秋,合自總領所與宣撫司措置。 元年, 因漕臣郭大中言,約中其數,使民自耕。 知和州劉煒以剩田募民充萬弩手分耕。 民皆歸業,而歲入多於屯田 嘉定七年,以京西屯田募人耕 其逃絕之田, 關內外亦多有 乾道四年以後,屯兵

嘗於蜀之關隘雜兵民屯田、歲收粟二十餘萬石。 事 7,暇 則教以騎射。 平元年八月,以臣僚言,屯五萬人於准之南北,且田且守,置屯田判官一員經 初驰 田 租三年,又三年則取其半。 是後屯田之利旣廢,粮運之費益增, 十月, 知大寧監邵 潛言「昔鄭 紀其 宜詔 剛

帥 臣縱兵民耕之,所收之粟計直以償之,則總所無轉輸之苦,邊關有儲峙之豐,戰有餘勇,

守有餘備矣。」從之。

分田以耕,遇警則用以守城,在砦者則耕四野之田,而用以守砦。 嘉熙四年,令流民於邊江七十里內分田以耕,遇警則用以守江,於邊城三五十里內亦 田在官者冤其租,在民

者以所收十之一二歸其主,俟三年事定則各還元業。

論。 充,及遇水旱,收租不及,而催輸急於星火,民何以堪! 咸淳三年,詔曰:「淮、蜀、湖、襄之民所種屯田,旣困重額,又困苛取,流離之餘,口體不 其日前舊欠並除之,復催者以違制

以雜配錢分數折粟貯之,歲歉,減價出以惠民。 常平、義倉,漢、隋利民之良法,常平以平穀價,義倉以備凶災。 宋銀存其法焉。 周顯德中, 又置惠民

別 收一斗。 太祖 承五季之亂,海內多事,義倉寖廢。 民饑欲貸充 種食者,縣具籍申州,州長吏卽計口貸訖,然後奏聞。其後以輸送 乾德初,詔諸州於各縣置義倉, 歲輸二稅,石 煩

志第

百二十九

食貨上四

平,歲饑卽下其直予民。 勞,罷之。 京畿 大穰, 分遣使臣於四城門置場,增價以糴, 虚近倉貯之,命曰常

所奏。 皆增置常平倉。五年,諸路總糴數十八萬三千餘斛,糶二十四萬三千餘斛 後又詔當職官於元約數外增糴及一倍已上者,並與理爲勞績。一天禧四年,荆湖、川峽、廣南 多,止五萬石。三年以上不糶,即回充糧廩,易以新粟。災傷州郡糶粟(lē),斗毋過百錢。 視 自二三千貫至一二萬貫,令轉運使每州擇清幹官主之,領於司農寺,三司無輒移用。歲夏秋 事 市價量增以糴,糶減價亦如之,所減不得過本錢。而沿邊州郡不置。 者請於京東西、河北、河東、陝西、江南、淮南、兩浙皆立常平倉,計戶口多寡,量留上供錢 咸平 於是增置司農官吏,創願舍,藏籍帳,度支別置常平案。大率萬戶歲糴萬石,戶雖 中,庫部員外郎成肅請福建增置惠民倉,因詔諸路申淳化惠民之制。景德三年,言 韶三司集議, 如

不足以救恤。 `皆毋得移用。 站 中,淮南轉運副使吳遵路言:「本路丁口百五十萬,而常平錢栗纔四十餘萬,歲饑 願自經畫增爲二百萬,他毋得移用。」許之。後又詔:天下常平錢栗,三司 不數年間,常平積有餘而兵食不足,乃命司農寺出常平錢百萬緡助三司給 轉運

軍費。久之,移用數多,而蓄藏無幾矣。

哉?其悉除之。」 價出糶。 斂者或增舊價糶粟 fm,欲以市恩;皇祐三年,詔誠之。淮南、兩浙體量安撫陳升之等言: 「災傷州軍乞糶〔三常平倉粟,令於元價上量添十文、十五文,殊非恤民之意。」乃詔止於元糴 自 景祐初畿內饑,詔出常平粟貸中下戶,戶一斛。 五年,詔曰:「比者湖北歲儉,發常平以濟饑者,如聞司農寺復督取,豈朝廷振恤意 慶曆中,發京西常平粟振貧民,而聚

常狹,則義倉所入常少。及水旱振濟,則兼幷之家未必待此而濟,中下之民實先受其賜矣。」 事下有司會議,議者異同而止。慶曆初,與復上其議,仁宗納之,命天下立義倉,詔上三等 歟。特愛民濟物,不獲已爲之爾。且兼丼之家占田常廣,則義倉所入常多,中下之家占田 民則軍食不足,故民有流轉之患。是時,兼幷之家出粟數千石則補吏,是豈以官爵爲輕 戶輸粟,已而復罷 正稅歲入十萬石,則義倉可得五千石,推而廣之,則利博矣。明道中,饑歉,國家欲盡貸饑 二稅,二斗別輸一升,水旱減稅則免輸。 明道二年,詔議復義倉,不果。 景祐中,集賢校理王琪請復置:「令五等已上戶,隨夏秋 州縣擇便地置倉貯之,領於轉運使。計以一中郡

其後,賈黯又言:「今天下無事,年穀豐熟,民人安樂,父子相保。 志 一 百 二 十 九 食 貨 上 29 一遇水旱,則流離死

之外兩重供輸,或謂恐招盜賊,或謂已有常平足以振給,或謂置倉煩擾。 義 而不爲虐』者也,況取之以爲民耶?」下其說諸路以度可否,以爲可行纔四路,餘或謂賦 遠近交困 (倉, 韶天下州軍遇年穀豐登, 立法勸課蓄積, 以備凶災。 棄道 朝廷之臣,郡縣之吏,倉卒不知所 一一一一一般倉 廩振 之則 粮不 給,課粟富人則力不膽, Щ, 則民饑 而 轉輸 此所謂『樂歲粒米狼戾,多取之 死 者過半矣。 千里則 不 及 願放隋制立 事 移民 就 栗則 民 社

萬 設,蓋以準平穀價,使無 於義倉獨畏煩擾?人情可與樂成,不可與謀始,願自朝廷斷而行之。」然當時牽於衆論 不足仰以 帑,今國 憂乏食,則人人自愛而重犯法, 利,行之旣久,民必樂輸。 類皆妄議。 石者,不聞有劫掠之虞。且盜賊之起,本由貧困。臣建此議,欲使民有貯積,雖遇水旱,不 ,蓋愚民迫於饑寒,因之水旱,枉陷重辟。 於是黯復上奏曰:「臣嘗判尙書刑部,見天下歲斷死刑多至四千餘人,其間盜賊率十六 用頗乏,所蓄不厚。 振 給 若謂賦稅之外兩重供輸,則義倉之意,乃敎民儲積以備水旱,官爲立法,非以自 也。 若謂 置倉廩,斂材木,恐有煩擾,則今州縣修治郵 甚貴甚賤之傷。 若謂恐招盜賊,盜賊利在輕貨,不在粟麥,今鄉村富室有貯粟數 近歲非無常平,小有水旱,輒流離 此正消除盜賊之原也。 或遇凶饑,發以振捄,旣已失其本意,而 故臣請復民社義倉,以備凶歲。今諸路所陳, 若謂 有常平足以振給 餓莩,起爲盜賊,則是常平果 傳驛舍, 皆斂於民,豈 則常平之 費又出

不果行。

給,人米一升,幼者半之,次年二月止。有餘乃及諸縣,量大小均給之。 隸司農寺,州選官二人主出納,歲十月遣官驗視,應受米者書名于籍。 萬留五千石,五萬留六千石,七萬留八千石,十萬留萬石。田有餘,則鬻如舊。 內之數上之三司。 戶不滿萬,留田租千石,萬戶倍之,戶二萬留三千石,三萬留四千石 三年,常平入五十萬一千四十八石,出四十七萬一千一百五十七石。 人耕,收其租別爲倉貯之,以給州縣郭內之老幼貧疾不能自存者,領以提點刑獄,歲終具出 嘉祐二年,詔天下置廣惠倉。初,天下沒入戶絕田,官自鬻之。樞密使韓琦請留勿鬻,募 自十一月始,三日一 其大略如此。治平 四年,韶改 , 四

隨稅 以 傷,許展至 轉 斂 散散 邀倍息。 運 輸 司苗稅及錢斛就便轉易者,亦許兌換。仍以見錢,依陝西青苗錢例, 未得其宜,故爲利未博。今欲以見在斛斗,遇貴量減市價糶,遇賤量增市價糴,可通融 熙寧二年,制置三司條例司言:「諸路常平、廣惠倉錢穀,略計貫石可及千五百萬以上, 納斛斗,半爲夏料,半爲秋料,內有請本色或納時價貴願納錢者,皆從其便。如遇災 一次料豐熟日納。 又常平、廣惠之物,收藏積滯,必待年儉物貴然後出糶,所及者不過城市游手之 非惟足以待凶荒之患,民既受貸,則兼丼之家不得乘新陳不接 願預借者給之。

志 第

百

准南 諸路 凡此 錢 今通一 路 穀多寡, 施行, 一,皆以爲民,而公家無所利其入,是亦先王散惠興利 路 有 分遣官提舉,每州 俟有緒推之諸路。 無 貴發賤斂,以廣蓄積,平物價,使農人有以赴時趨 選通判幕職官一員, 其廣惠倉除量留給老疾貧窮人外, 典幹轉移出納, 以爲耕斂補 事 仍先自 餘並用常平倉轉移 了; 而 助之意 兼 井不得乘其 河北、京東、 也。 量

貸, 路各置提舉官二員,以朝官爲之,管當一員,京官爲之,或共置二員,開封府界一 乞遍下諸路 旣 而 條例司又言:「常平、廣惠倉條約,先行於河北、京東、淮南 轉運司 施行,當議置提舉官。」時天下常平錢穀 見在 三路, 千四四 百萬 訪問民間多願支 貫石 員,凡四 詔 諸 +

必用 是專 有法 創 立 ,州縣多事矣。 不能 出 制 初, 清苗 講 置三司 神宗既用王安石爲參知政事,安石 禁 求 法示之,職曰:「以錢貸民,使出息二分,本非爲 立 錢入 爲 條 新制,欲行青苗之法。 例 、民手,雖良民不免非 司。 唐劉晏掌國計,未嘗有所假貸。 安石 因請以著 作佐 理費用; 蘇轍自大名 郎編 爲帝言天下財利所當開闔斂散者,帝然其說, 校集賢 及其納 推官上書,召對,亦除 有尤之者,晏曰:『使民僥倖得錢, 書籍呂 錢、雖富民不免違限。 利。 惠卿 然出 爲制置司 納之際, 條例司檢詳文字。 `檢詳文字, 吏緣爲奸, 如 此 則 鞭 非 雖 自 遂

之,晏之功可立竢也。」安石自此逾月不言青苗。 賤必糴,有貴必糶,以此四方無甚貴甚賤之病,安用貸爲?』晏之言,漢常平法耳,公誠能行 國之福;使吏倚法督責,非民之便。吾雖未嘗假貸,而四方豐凶貴賤,知之未嘗逾時。有

萬 課 以彊民。時提舉府界常平事侯叔獻屢督提點府界縣鎭呂景散錢,景以畿縣各有屯兵,歲入 然不以爲便。廣廉入奏謂民皆歡呼感德,然言不便者甚衆。右正言李常、孫覺乞詔有司毋 以富者爲保首日也。王廣廉在河北,一等戶給十五千,等而下之,至五等猶給一千,民間喧 此 多散為功。富民不願取,貧者乃欲得之,卽令隨戶等高下品配,又令貧富相兼,十人爲保, 廣惠倉之法遂變而爲青苗矣。蘇轍以議不合罷。而諸路提舉官往往迎合安石之意,務以 司私行青苗法,春散秋斂,與安石意合。至是,請施行之河北,於是安石決意行之,而常平、 . 緡爲靑苗錢給散,恐民力不堪。 詔送條例司,召提舉司官至中書戒論之。 王安石言:「若 ,諸路必顧望,不敢推行新法,第令條例司指揮。」從之。 利僅能赡給;又民戶嘗貸糧五十餘萬石,尙悉以閣;今條例司又以買陝西鹽鈔錢五十 會河北轉運司幹當公事王廣康召議事,廣廉嘗奏乞度僧牒數千道爲本錢,於陝西轉運

## 三年,判大名府韓琦言::

達散 青苗詔書,務在惠小民,不使兼丼乘急以要倍息,而公家無所利其入。今

來必有 當者 惑,皆謂若不抑散,則上戶必不願請,近下等第與無業客戶雖 之錢,一千令納一千三百,則是官自放錢取息,與初詔 所 須得上戶爲甲頭以任之,民愚不慮久遠,請時甚易,納時甚難 立. 小亦依 一條約,乃自鄉戶一 行刑督索,及勒干係書手、典押、耆戶 鄉戶例支借。 等而下皆立借錢貫陌,三等以上更許增借, 且鄉村上等戶丼坊郭 長同保均陪之患 有物業者,乃從來兼幷之家, 絕相 達戾。 或願 故自 又條約雖禁抑勒,然 坊郭戶有物業勝質 詩, 制制 下以來,上下惶 必難催 今令多借 納。 將

民以爲 置使, 錢,則三分之息可爲已功, 初 **兼民被實惠,亦足收其羨**嬴 詔 時 미 且於京東、淮南、 去歲 也。 非陛下憂民、 便,此乃轉運司 河朔豐稔,米斗不過七八十錢,若乘時多斂,俟貴而糶,不唯合古制,無 今乃建官置司, 河北三路試行,竢有緒方推之他路。 祖宗惠下之意。 因軍 豈暇一 ·儲有 以爲每歲常行之法,而取利三分, 今諸倉方糴而提舉司已亟 更恤斯民久遠之患?若謂 闕,適自冬及春雨雪及時,麥苗滋盛, 乞盡罷提舉官, 第委提點刑獄官依常平舊法施 止之,意在移此糴 陝西嘗行其法, 今三路未集,而 豈陝西權宜之比 定見 遽盡 官有所 本盡爲青苗 成熟, 於 哉 失陷 浴諸路 行 得 於 兼 而

帝 袖出琦奏示執政曰:「琦眞忠臣, 股始謂可以利民, 不意乃害民如此。 且坊郭安得青

行。

苗 利之臣 修常平法以助民,至於收息,亦周公遺法也。如桑弘羊籠天下貨財以奉人主私用,乃可謂興 陳升之皆言坊郭不當俵錢,與安石論難久之而罷。帝終以琦說爲疑,安石遂稱疾不出。 [,而使者亦彊與之?」 安石勃然進曰:「苟從其所欲,雖坊郭何害?」因難琦奏,曰:「陛下 l;今抑兼丼,振貧弱,置官理財,非所以佐私欲,安可謂興利之臣乎?」<u>曾公亮</u>、

以爲疑,因令呂惠卿諭旨起安石,安石入謝。旣視事,志氣愈悍,面責公亮等,由是持新法 帝諭執政罷青苗法,公亮、升之欲卽奉詔,趙抃獨欲俟安石出自罷之,連日不決。帝更 詔以琦奏付制置條例司,條例司疏列琦奏而辨析其不然。琦復上疏曰:

則是貸 放 民,萬錢期 郊十一者,萬錢期出息一千,遠郊二十而三者,萬錢期出息一千五百,甸、稍、縣、都之 此 理,但漢儒解釋或有異同。獨禮「園廛二十而稅一,唯漆林之征二十而五」,鄭康成乃約 其謬妄,上以欺罔聖聽,下以愚弄天下。 臣竊以爲周公立太平之法,必無剝民取利之 清苗 (法,謂:「從官貸錢若受園廛之地,貸萬錢者出息五百。」買公彥廣其說,謂:「如此 制置司多删去臣元奏要語,唯舉大概,用偏辭曲難,及引潤禮「國服爲息」之說,文 (萬錢 .錢,凡春貸十千,半年之內便令納利二千,秋再放十千,至歲終又令納利二千, 出息二千。」如 者,不問 遠近,歲令出息四千。 此,則須 〈漆林之戶取貸,方出息二千五百,當時未 周禮至遠之地止出息二千, 今青苗取息過 必如此。今 則近

志 第

百

周禮禮 一倍,制置司言比潤禮取息已不爲多,是欺罔聖聽,且謂天下之人不能辨也。

制置 更過一群時,此天下不得不指以爲非,而老臣不可以不辨也。 有貸錢取利之法。今制置司遇堯、舜之主,不以二帝、三王之道上裨聖政,而貸錢取利 少,則納息更薄,比今青苗取利尤爲寬少。而王莽之外,上自兩漢,下及有唐,更不聞 所贏多少。假令萬錢歲贏萬錢催一千,贏五千催五百, 產業者,但計所贏受息,無過歲什一。」公彥疏云:「葬時雖計本多少爲定,及其催科,唯 司何獨舉注疏貸錢取息一事,以詆天下之公言哉?康成又注云:「王莽時貸以治 且古今異宜,周禮所載有不可施于今者,其事非一。 餘皆據利催什一。」若贏錢更 若謂泉府一職今可施行,則

取利 什一之外加斂之物,取利已厚,傷農已深,奈何又引周禮「國服爲息」之說,謂放青苗錢 鹽 目,謂之雜錢。每夏秋起納,官中更以紬絹斛斗低估,令民以此雜錢折納。又歲散官 與民,謂之蠶鹽,折納絹帛。更有預買、和買紬絹,如此之類,不可悉舉,皆周禮 乃周公太平已試之法?此則誣汙聖典,蔽惑睿明,老臣得不太息而慟哭也 況今天下田稅已重,固非遇禮什一之法,更有農具、牛皮、鹽麴、饕錢之類,凡十餘 田 稅

蓋欲多借錢與坊郭有業之人,以望收利之多,妄稱周禮以爲無都邑鄙野之限,以文其 制 置 司 又謂常平舊法亦糶與坊郭之人。 坊郭有物力戶未嘗零糴常平倉斛 斗,此

曲說, 唯陛下詳之。

饑寒流離, 況縣官法度之威乎?」<br/>呂惠卿曰:「青苗法願則取之, 不願不彊也。」<br/>光曰:「愚民 朝宰相,不信,而信二宦者乎?」先是,王安石陰結入內副都知張若水、押班藍元震,帝因使 助役等法,雖不用臣,臣受賜多矣。不然,終不敢受命。」竟出知永興軍 及拜官樞密副使,光上章力辭至六七,曰:「帝誠能罷制置條例司,追還提舉官,不行青苗、 病。」光曰:「臣陝西人也,見其病不見其利。朝廷初不許,有司尚能以病民,況法許之乎!」 知取債之利,不知還債之害,非獨縣官不彊,富民亦不彊也。」帝曰:「陝西行之久,民不以爲 「朝廷每更一事,舉朝洶洶,何也?」司馬光曰:「青苗出息,平民爲之,尚能以蠶食下戶至 二人潛察府界俵錢事,還言民皆情願,無抑配者,故帝益信之。初,羣臣進讀邇英畢,帝問 樞 密使文彥博亦數言不便,帝曰:「吾遣二中使親問民間,皆云甚便。」彥博曰:「韓琦三

畏。」後以言不行致仕。 以戶等給錢,皆令出三分之息,物議紛紜,皆云自古未有天子開課場者。 月,青苗令下,潛卽榜於縣門,又移之鄕村,各三日無人至,遂撤榜付吏曰:「民不願矣!」 富弼、知青州 當是時,爭青苗錢者甚衆,翰林學士范鎭言:「陛下初詔云公家無所利其入,今提舉司 歐陽脩繼韓琦論青苗之害,且持之不行,亦坐移鎮。 臺諫官呂公著、孫覺、李常、張戩、程顥等皆以論青苗罷黜。 知陳留縣姜潛之官才數 民雖至愚,不可不 知 汽亳州

志 第

府、寺疑潛壅令,使其屬按驗,無違令者。 潛知不免,卽移疾去。

判寺,兼領田役水利。 七年,帝惠俵常平官更多違法,王安石請縣專置一主簿,主給納役錢 罪,詔釋之。 其子弟,未嘗不以貸貰為不善治生。 今乃官自出舉,誘以便利,督以威刑,非王道之舉也。 及常平,不過五百員,費錢三十萬貫耳。 從之。 稅台。 取青苗錢, 況正月放夏料,五月放秋料,而所斂亦在當月,百姓得錢便出息輸納,實無所利。 子見飴蜜,孰不染指爭食?然父母疾止之,恐其積甘足以生病。 知 陝西轉運副使陳釋止環、慶等六州母散青苗錢,且留常平倉物以備用,條例司劾其 Ш 「陰縣陳舜俞不肯奉行,移狀自劾曰:「方今小民匱乏,願贷之人往往有之。 終身以及世世一歲嘗兩輸息錢,乃別爲一賦以弊生民也。」坐謫監南康 五月,制置三司條例司罷歸中書,以常平新法付司農寺,命集賢校理呂惠卿同 故青老戒其鄉黨, 是使民一 譬如孺 軍鹽 父兄誨

諸路常平錢穀常留一半外,方得給散。 四月,出知江寧府。然安石薦韓絳代相,仍以呂惠卿佐之,於安石所爲遵守不變。 助役錢, 盍罷之!」會百姓流離, 帝憂見顏色, 益疑新法不便, 欲罷之。安石不悅, 屢求去, 爲薪以易錢。旱災之際,重罹此苦。」帝頗感悟。太皇太后亦嘗爲帝言:「聞民間甚苦青苗、 帝以久旱爲憂,翰林學士承旨韓維言:「畿縣近督青苗甚急,往往鞭撻取足,民至伐桑 兩經倚閣常平錢人戶,不得支借。民間非時闕乏,

許以 錢; )物產爲抵,依常平限輸納。 錢不 ·盡其物者,還其餘直。 當輸錢而 又聽民以金帛易穀,而有司少加金帛之直。 願輸穀若金帛者,官立中價示民。 物不盡其錢,

萬 以 五 錢 百 五 銀穀 千四四 六年 詔三年四 十三 (帛貫、石、匹、兩定年額:散一 百 (云),戶部言:「準詔諸路常平可酌三年斂散中數,取一 ,四年散增二百七十九萬 五十九。 年散多斂 比元豐三年散增二百 少及散斂俱 少之處,戶部 九千九百六十四, 千一百三萬七千七百七十二, 一十四萬八千三百四十二, 下提舉司具析以 斂虧 一百九十八萬六千五 年爲格,歲終較其增 聞。 斂增 斂一千三百 百三萬 百一 九十六 四 千

JII 舉司 義 峽 **倉之法**,以二石 四 + 车 车, 路。 京東西、 元豐 詔 開 淮南、 封 一年,詔威、茂、潔三州罷行義 府界先自 m 輸 河東、 一斗,至爲 [豐稔畿縣立義 陜 西路義倉以今年秋料爲 「輕矣,乞今年夏稅之始,悉令舉行。」詔 **資倉法**。 (倉法,以夷夏雜居,歲賦不多故也。 明年, 始, 提 點 民輸稅不及 府 界諸縣鎭公事蔡承禧言 斗 免輸, 可,仍以義 頒其法 八年,并 倉隷! 於 提

鼅

路義

倉。

平倉法行之。 元 站 元年,詔:「提舉官累年 罷各縣專置主簿。」四月,再立常平錢穀給斂出息之法,限二月或正月以散及 積蓄錢 穀 財物,盡椿作常平錢 物,委提點刑獄 交管,依

24

路提點 呼,或排門抄箚; 司馬光奏:「先朝散青苗,本爲利民,並取情願。 監察御史上官均、右正言王覿、 追催、皆歸本戶。 半爲額,民間絲麥豐熟,隨夏稅先納所輸之半,願伴納者口心止出息一分。左司諫王嚴叟、 刑獄,申嚴州縣抑配之禁。」詔從之。 亦有無賴子弟謾昧尊長,錢不入家;亦有他人冒名詐請,莫知爲誰,及至 今朝廷深知其弊,故悉罷提舉官,不復立額考校,訪聞人情安便。 右司諫蘇轍、御 後提舉官速要見功, 史中丞劉擊交章論復行青苗之非。 務求多散,或舉縣追 欲下諸

平錢穀,止令州縣依舊法趁時糴糶,青苗錢更不支俵。 報。 足,建請復散青苗錢,四月之韶,蓋純仁意也。 封 稍 配。 出,雖貧亦足,若令分外得錢,則費用自廣。 而 利 , 乞罷青苗, 皆不蒙付外。 ·慮後日催納之患。二者皆非良法,相去無幾。今已行常平糶糴之法,惠民之外,官亦 ,何用二分之息,以賈無窮之怨?」於是王嚴叟、蘇轍、朱光庭、王覿等復言:「臣等**屢**有 光尋奏乞約束州縣抑配,蘇軾 臣 中書舍人蘇軾不書錄黃,奏曰:「熙寧之法,未嘗不禁抑配,而其害至此。 . 謂以散及一半爲額,與熙寧無異。 今許人願請,未免設法罔民,使快一時非理之用 願盡付三省,公議得失。」初,同知樞密院范純仁以國用不 又繳奏,乞盡罷之。 況子弟欺謾父兄,人戶冒名詐請,似此 時司馬光以疾在告, 已而臺諫皆言其非, 不 光始大悟,遂力疾入對。尋詔:「常 除舊欠二分之息,元支本錢驗見欠 民家量 本非抑 入爲

少,分料次隨二稅輸納。」

鄭僅 借, 約,參酌增損, 詔並送詳定重修敕令所。 振 濟, 輒移用者論 所存無幾。 、朝奉郎郭時亮、承議郎許幾董遵等皆言:「青苗最爲便民,願戒抑配,止收一分之息。」 紹 聖元年,詔除廣南東、西路外,並復置義倉,自來歲始,放稅二分已上冤輸,所貯專充 立爲定制。」淮南轉運 欲乞追還給散, 如法。 二年,戶部尙書蔡京首言:「承詔措置財利,乞檢會熙、 三年,舊欠常平錢斛人戶,仍許請給。 隨夏秋稅償納, 司副使莊公岳謂三自元祐罷提舉官後,錢穀 勿立定額, 自無抑民失財之患。」奉議 豐青苗 為 他 司 條 侵 郞

各留三分,餘並起發赴京,補還截撥之數。 是,諸路災傷,截撥上供年額米斛數多, 宣和五年,令州縣歲散常平錢穀畢,即揭示請人名數,逾月斂之,庶革僞冒之弊。 致闕 六年, 詔罷之。 中都歲 計, 令京東、江南、 兩浙、荆湖路義 倉穀 先

趙令 廣儲 高宗紹 請,糶州 九年, 興元年(110),倂提舉常平司於提刑司。 用宗正 縣義倉米之陳腐者。 丞鄭鬲言,以常平錢於民輸賦未畢之時,悉數和糴。 明年,以臣僚言復常平官, 講 二十八年,以 補 助之政以

詪

常平。 訪聞諸州軍皆擅用,請稽之。」 輸一升。今諸路州縣歲收苗米六百餘萬石,其合收義倉米數不少,間有災傷,支給不多。 年,戶部侍郎楊倓奏:「義倉在法夏秋正稅斗輸五合,不及斗者免輸,凡豐熟縣九分以上即 孝宗隆興二年,遣司農少卿陳良弼點檢浙東常平等倉。 福建轉運副使沈樞奏,水旱州郡請留轉運司和糴米以續常平,上卽爲之施行。 乾道六年,知衢州胡堅奏廣糴

輸送。至於屬縣之義倉,則令、丞同主之,每歲終,令、丞合諸鄕所入之數上之守、貳,守、貳 之數,截留下戶苗米,輸之於縣,別儲以備振濟,使窮民不至於艱食;惟負郭義倉,則就州 合諸縣所入之數上之提舉常平,提舉常平合一道之數上之朝廷,考其盈虧,以議殿最。」從 寧宗慶元元年,詔戶部右曹專領義倉。十一年曰己,臣僚言:「紹興初,臺臣嘗請通一縣

領 岳珂任江東轉運判官,以所積經常錢羅米五萬石,椿留江東九郡,以時濟、糶回,諸郡皆 寶慶三年,侍御史李知孝言:「郡縣素無蓄積,緩急止仰朝廷,非立法本意。 曩淮東總

及不 郡苟 蒙其利。 實者鐫罰,庶幾郡縣趨事,蓄積歲增,實爲經久之利。」有旨從之。 能節用愛民,即有贏羨。 其後 史爾忠知饒州 ,趙彥悈知廣德軍,皆自積錢糴米五千石。 若立之規繩,加以黜陟,所糴至萬石者旌擢,其不收糴與擾民 以是推之,監司、州

絹,紬 罰。」從之。 子, 稅,義米依舊追索。 外,又有所謂外義焉者,絹、紬、豆也,豈有絹、紬、豆而可加之義乎? 貼等人陪納之錢並與除放。」五年, 用虧,常平司責縣道陪納,縣道遂敷吏貼、保正長、攬户等人均納。 怨嗟之聲, 景定元年九月,赦曰:「諸路已糶義米價錢,州郡以低價抑令上戶補糴,正稅逃閣,義米 加 紬,豆加豆,猶可言也; 咸淳二年,以諸路景定三年以前常平義倉米二百餘萬石,減時直糶之。 有不忍聞。 貧民下戶所欠不過升合,星火追呼,費用不知幾百倍。 望嚴督監司,止許以秔帶義,其餘盡罷。 州縣 監察御史程元岳奏「隨秔帶義, 意椎剝,一切理苗而加一分之義, 自今視時收糴, 縱使違法加義, 法也。 其有 甚者赦恩已 循習病民者 破家蕩產, 鬻妻 今杭糯帶 則 見 蠲 義之 一繫吏 絹 加

#### 校勘記

- 每屯千人 「千」原作「十」,據宋會要食貨七之一、長編卷三七改。
- $\Xi$ 黄宗 且 原作「王宗旦」,據宋會要食貨一之一七、長編卷五四改。

- $\subseteq$ 静戎軍 原作「靖戎軍」,據宋會要食貨二之二、長編卷五一改。
- 滿 城縣 原作「蒲城縣」,據宋會要食貨四之二、長編卷五五
- (医) 渭源城 原作「渭原城」,據宋會要食貨二之三、長編卷二一六改。
- (云) 尅胡 原作「尅明」,據本書卷八六地理志、武經總要前集卷一七改。 長編卷三四四作 「尅鳥」,
- 原作「三年」,據宋會要食貨二之九、玉海卷一七七、宋史全文卷一八上改。

乃同

音

異字。

- (元) 分五年償 「五年」,宋會要食貨二之一五、繫年要錄卷九八、宋史全文卷一九下都作「二年」。
- 九九 九月 按宋會要食貨二之二〇、繁年要錄卷一一四都繫此事於紹興七年九月,此上應有「七年」
- 8 荆鄂 原作「荆湖」,據宋會要食貨三之八、繫年要錄卷二〇〇、宋史全文卷二三下改。
- 乾道五年三月 按此下有脫文。鄭剛中任川陝宣撫使,在紹興十二年至十七年間,本條所載, 據宋會要食貨三之一八、六三之一四六,乃四川宣撫使虞允文奏中追述鄭剛中事。
- $\subseteq$ 均敷 原作「均數」,據深會要食貨三之一八、六三之一四六改。
- 耀 栗 原作「糴栗」,據文義和長編卷六二改。
- 耀果 原作「糴栗」,據文義和長編卷一七一、通考卷二一市糴考改。

公古 以富者爲保首 「首」上五字原脫,據宋會要食貨四之二一補。

宝 監 南康軍鹽酒稅 「監」字原脫,據本書卷三三一陳舜俞傳、通考卷二一 市糴考補。

문 六年 據宋會要食貨五三之一三、長編卷三三二,「六年」上失書「元豐」紀元。 按編年順序,

本

段應移置下文「十年」段之後。

드 간 願伴納者 「伴納」,宋會要食貨五三之一四、長編卷三七六都作「併納」。

紹興元年 「紹興」應是「建炎」之誤。本段下文的「九年」和「二十八年」則是紹興紀年。 本書卷一六七職官志、中興小紀卷二、繫年要錄卷七都繫此事於建炎元年, 此處

 $\equiv$ 十一年 此處失書「嘉定」紀元。 承上文此指慶元十一年。 按慶元無十一年,通考卷二一市糴考繫此事於嘉定十一年

以時濟糶 「糶」原作「糴」, 據文義和續通考卷二七市糴考改。



# 宋史卷一百七十七

### 志第一百三十

### 食貨上五

#### 役法上

至押、錄,州曹司至孔目官,下至雜職、虞候、揀、掐等人,各以鄉戶等第定差。京百司補吏, 書手課督賦稅,以耆長、弓手、壯丁逐捕盜賊,以承符、人力、手力、散從官給使令,縣曹司 役法 役出於民,州縣皆有常數。 宋因前代之制,以衙前主官物,以里正、戶長、鄉

道路居民爲遞夫。後又詔諸州職官不得私占役戶供課。 須不礙役乃聽。 建隆中,詔文武官、內諸司、臺省、寺監、諸軍、諸使,不得占州縣課役戶,州縣不得役

志

第

百百三

+

食貨

上 Ħ

四二九五

京西轉運使程能請定諸州戶爲九

始令 大中祥符五 等,著于籍,上四等量輕重給役,餘五等免之,後有貧富,隨時升降。 諸縣以第一等戶爲里正, 年,提點刑獄府界段惟幾發中牟縣夫二百修馬監倉,羣牧制置使代以廐卒,因 第二等戶爲戶長, 勿冒名以給役。 自餘衆役, 詔 加裁定。 多調 廂 五 軍

韶禁之。

惟詔令有大興作而後調丁夫。

家,假佃戶之名,以避徭役。」乾興初,始立限田法,形勢敢挾他戶田者聽人告,予所挾 無限,皆得復役,衙前將吏得冤里正、戶長;而應役之戶,困於繁數,僞爲券售田於形勢之 然役有輕重勞佚之不齊,人有貧富疆弱之不一,承平旣久,姦僞滋生。命官、形勢占田

**3**6名浮圖籍,號爲出家,趙州至千餘人,詔出家者須落髮爲僧,乃聽**免**役。 東與轉運使議蠲冗役,以寬民力。 縣,而差役與諸郡等,願復爲縣。」轉運司執不 乃命募人充役。 役之重者,自里正 時 州縣旣廣,徭役益衆,太常博士范諷知廣濟軍,因言:「軍地方四十里,戶 初,官八品 一、鄉戶爲衙前,主典府庫或輦 以下 又令州縣錄丁產及所產役使, 死者,子孫役同編 可,因詔裁損役人。 運官物, 戶 , 至是, 往往 詔特蠲 一破產。 前期揭示, 自是數下詔 之。 景祐中, 禁諸縣非捕盜母 不實 民避 書, 者民 督 ?役者, 稍欲寬 口 不及 州 得 縣 其 或 自 長

范仲 競爲 擅 悉 一役 路 掊 復。 壯 轉 淹 克 執 運 辽 司 王 政 逵爲荆湖 市 條析州縣差徭 慶曆中,令京東西、 謂 恩。 天下 皇祐 ·縣多,故役蕃 轉 中,韶 運 ]使,率民輸錢免役,得緡錢三十萬,進爲羨餘, !賦斂之數,委二府大臣裁減,科役不均,以 州縣里正、押司、錄 河北、陝西、河東裁損役人,即給使不足,益以廂兵。 而民瘠,首廢河南諸縣,欲以 事旣代而 令輸錢免役者,論如違制 〉次及 他 鄕 州 村、 蒙 坊 詔 當時 郭 獎。 戶 以爲非 均差 繇 是 律。 旣 他 而 , 又 路 詔

禁役鄉

戶為

長

名衙

前

貲 制 長 縣 佐 貧 戶 五 棄 代之,二年一易。」下其議京畿 戶 者 力 視 田 少而 敗 高 韓絳、蔡襄極論 五. 戶 與 初 等簿 亡相 ,計貲爲 人,以免上等,或非命 下 知 ·不均。 役蕃,聽差乙 井州 繼 通 一,豈朝 錢 一縣計之,籍皆在第一 韓琦上疏曰:「州縣生民之苦,無 假有 五 一十萬; 廷爲民父母意乎? 江 一縣甲乙二鄉, 南 )縣戶多而 福建里正衙前之弊,絳請行鄉戶五則之法,寢請以產錢多少定役 番休遞役,即甲鄉 求死,以就單 役簡 河北 者。 等,選貲最 甲鄉第 請罷 河東、陜西、京東 簿書未 1 里正 十五 規 等戶 圖 重於里 高者一 虚 衙 年一 百 實,聽換 前 + 一端,苟免溝壑之患 五戶,計貲爲錢三百萬 一正衙: 周,乙鄉 户爲鄉 命 西 轉 轉 取 削 運 運 他 户衙 司 Ŧī. 司 戶。 有孀母 以 年一 度 前,後 州 里 利 軍見役 IE. 周。 害,皆以 改嫁,親族分居,或 主督租 每鄉 差 富者休息有餘 人放 人數 被差疎 為 乙鄉 賦 便。 此 爲額、令、 第一 請以 密 而 卽 等 戶 知 甲 與

趨江 當役五人,列第二等戶五十,以備十番役使。 之,轉運使、提點刑獄察其違慢。 則,又第其役輕重放此。假有第一等重役十,當役十人,列第一等戶百;第二等重役五, 重輕。至和中,命緣、襄與三司置司參定,繼遣尚書都官員外郎吳幾復趨江東,殿中丞蔡稟 一西,與長吏、轉運使議可否。因請行五則法,凡差鄕戶衙前, 遂更著<u>淮南、江南、</u>兩浙、<u>荆湖、福建之法,下三司强焉。</u> 藏其籍通判治所,遇差人,長吏以下同按視 視貲產多寡置籍,分爲五

「萬三千六百二十二人。 能件悉便利、大去勞弊者議賞。 自 麗里正衙前,民稍休息。 又詔諸路轉運司、 置寬恤民力司,遣使四出。 開封府界訪衙前之役有重爲害者條奏 自是州縣力役多所裁損,

害,集議裁定,使力役無偏重之害。」役法更議始此。 告其子曰『吾當求死,使汝曹免於凍餒』,遂自縊而死。 中外臣 避役者, 治平四年,詔曰:「農,天下之大本也,間因水旱,頗致流離,殆州郡差役之法甚煩,其詔 .庶條陳利害以聞。」先是,三司使韓絳言:「聞京東民有父子二丁將爲衙前役者,其父 又有鬻田減其戶等者。 田歸官戶不役之家, 又聞江南有嫁其祖 而役丼於同等見存之戶。 母及 與母析 望博訪利 居以

劉彝 轉爲 里 避戶等; 輸 工 金七錢,庫東邀乞,踰年不得還者。 熙寧元年,知諫院吳充言:「今鄉役之中,衙前爲重。 謝卿材、侯叔獻、程顥、盧秉、王汝翼、曾伉、王廣廉八人行諸路,相度農田水利、稅賦 商,不得已而爲盜賊。 骨肉不敢義聚,而憚人丁。故近年上戶寖少,中下戶寖多,役使頻仍,生資不給,則 宜早定鄉役利害,以時施行。」後帝閱內藏庫奏,有衙前 帝重傷之,乃詔制置條例司講立役法。 民間規避重役,土地 不敢多耕,而 二年,遣 越千

轍以議不合罷。 兩稅之外別立一科,謂之庸錢,以備官雇,不問戶之高低,例使出錢,上戶則便,下戶實難。」 條 [例司檢詳文字蘇轍言:「役人之不可不用鄉戶,猶官吏之不可不用士人也。 今遂欲

科率、徭役利害。

物力而舊無役者,今當出泉以助役。」久之,司農寺言:「今立役條,所寬優者,皆村鄉朴惷不 者,今當省使毋費。承符、散從官等舊苦重役償欠者,今當改法除弊,庶使無困。凡有產業 舊定分數爲投名衙前酬獎。如部水陸運及領倉驛、場務、公使庫之類,其舊煩擾且使陪備 官自賣,以其錢同役錢隨分數給之。其廂鎭場務之類,舊酬獎衙前、不可令民買占者,即用 下,博盡衆議。」於是條論諸路曰:「衙前旣用重難分數,凡買撲酒稅坊場,舊以酬衙前者,從 條例司言:「使民出泉雇役,即先王致民財以祿庶人在官者之意,願以條目遣官分行天

志

誅 能 求巧舞之姦,故新法之行尤所不便。 自達之窮毗; 所裁取者,乃仕宦無丼能致人言之豪右。若經制一定,則衙司縣吏無以施 欲先自一兩州爲始,候其成就,即令諸州軍做 視施

行,若實便百姓,當特獎之。」詔可。

輕制: 坊郭 者,以違制 等、坊郭自六等以下勿輸。 定、降其等。 百,以備 |布言:「畿內鄉戶,計產業若家資之貧富,上下分爲五等。 三年,鄉村 禄。 於是提點府界公事趙子幾奏上府界所在條目,下之司農,詔判寺鄧綰、曾布更議之。 凶荒 開封縣戶二萬二千六百 論 若官戶、女戶、寺觀、未成丁,減半輸。 欠閣,他縣做此。」然輸錢 五 年, 農隊集衆,稽其物產,考其貧富, 兩縣有產業者,上等各隨縣,中等倂一縣輸。 有奇,歲輸錢萬二千九百緡。 計等高下,而戶等著籍,昔緣巧避失實。 皆用其錢募三等以上稅戶代役,隨役 察其詐僞, 歲以夏秋隨等輸錢,鄉 以萬二百爲祿,贏其二千七 爲之升降; 析居者隨 乃詔責 若故爲高下 所 戶 和縣, , 自 四 析 重 而

爲法 前八百三十人,畿縣鄉役數千,遂頒其法 旣具,揭示一月,民無異辭,著爲令。 募法:三人相任,衙前仍供物產爲抵;弓手試武藝,典吏試書計;以三年或二年乃更。 於天下 令下, 募者執役, 被差者得散去。 開封一府罷衙

天下土俗不同,役重輕不一,民貧富不等,從所便爲法。 凡當役人戶,以等第出錢, 名

免役錢。 凡數錢,先視州若縣應用雇直多少,隨戶等均取; 其坊郭等第戶及未成丁、單丁、女戶、寺觀、品官之家,舊無色役而出錢 雇直既已用足,又率其數增取二分, 者,名助役

前幹公使庫,以軍校主之,月給食錢三千。後行於諸路,人皆便之。 三年,命集賢校理呂惠卿同判司農寺,已而林旦、曾布相繼典主其事。 四年,罷許州衙

以

,備水旱欠閣,雖增毋得過二分,謂之免役寬剩錢

降,聞外間扇搖役法者,謂 皆失實。」帝乃命提 第,不受, 遂突入王安石私第, 安石諭以相府不知, 訴之御史臺, 臺不受訴, 諭令散去。 有自下戶升入上戶,則四等有冤輸役錢之名,而無其實。」安石力言嘗取諸縣新舊籍 月,如期役之,與冤輸錢。 楊繪又言:「司農寺不用舊則,自據戶數創立 輸錢,多者一戶至三百千,乞少裁損,以安民心。」五月,東明縣民數百詣開封府訴超升等 安石曰:「提舉官據數取之,朝廷以恩惠科減,於體爲順。」御史中丞楊繪亦言:「靚等科配民 兩 浙提點刑獄王庭老、提舉常平張觀率民助役錢至七十萬。薛向爲帝言,帝問王安石, 輸多必有贏餘,若羣訴必可免,彼既聚衆僥倖,苟受其訴,與免輸 先是,帝既知東明事,及聞 一助役錢等第,下縣令著之籍,如酸棗縣升戶等 繪言,兩降手敕問王安石曰:「酸棗旣 對覆 升

志第

百三十

食貨

上五

錢,當仍役之。帝乃盡用其言。

升等事 行而 陳新法 科 酒 事 有常 簡 勝其盜 人有定數, 昨 奕, 輒 稅坊場幷州縣坊郭人戶助役錢數,酬其重難,惟此一法,有若可行,然坊郭十等戶 而 者團結保甲,民方驚擾,又作法使人均出緡錢,非時 觀之。」帝因安石 爲 產 輕 中書孫迪、張景温體量 郡縣賴之, ,更與少裁之。」安石曰:「朝廷制法,當斷以義,豈須規規恤淺近之人議論耶?」 一則自 搔 一十害,其要曰:「上戶常少,中下戶常多,故舊法上戶之役類皆數而重,下戶之役率常 用而冒法者衆,至於弓手、耆、壯、承符、散從、手力、胥史之類,恐遇寇則有縱逸,因 擾也。 今不問上下戶,概視物力以差出錢,故上戶以爲幸,而下戶苦之。歲有豐凶,而役 助錢歲不可闕,則是賦稅有時減閣,而助錢更無蠲損也。役人必用鄉戶, 重,今旣招雇,恐止得浮浪姦僞之人,則帑庾、場務、綱運不惟不能 司農新法,衙前 難更使之均出助錢。乞詔有司,若坊場錢 進呈役錢文字,謂之曰:「民供稅斂已重,坊郭及官戶等不須減, |不願 出錢之民,欲困以重役,楊繪復論之。 不差鄕戶,其舊嘗願爲長名者,聽仍其舊,却用官自 升降戶等,期會急迫,人情惶駭。」因 可足衙 前屋直, 而監察御史劉摯謂 則詳究條目, 典幹,竊恐不 广,緩急 爲其 召 徐

自鞫之。

楊繪謂是希安石意指,

而致縣令於罪也。

即疏辨之日三子幾若劾審五月十日前

雑摭

他事

致蕃於理。

又使子幾

於是提點趙子幾怒知東明縣賈蕃不能禁遏縣民來訟,

人,則失陷官物,五也。 著,姦細難防,二也。逐處田稅,多少不同,三也。耆長雇人,則盜賊難止,四也。 然難行之說亦有五一民惟種田,而責其輸錢,錢非田之所出,一也。 第 利 應無役,今例使均出雇錢,則百頃所輸必三十倍於三頃者,而又永無決射之訟,此其利也。 一,以百頃而較三頃,則已三十倍矣,而受役月日,均齊無異,況如官戶,則除耆長外皆 臣固無言;若所劾後乎此日,是以威脅令佐使民不得赴愬,得爲便乎?」又言:「助役之 , 而 難行有一 五。 請先言其利:假如民田有一家而 乞先議防此五害,然後著爲定制,仍先戒農寺無欲速就以祈恩賞 百頃者,亦有戶纔三頃者,其等乃俱在 近邊州軍, 就募者非土 衙前屋

之罪,伏請付吏部施行。」 朝廷欲鉗天下之口,而職在主民者,必皆視蕃爲戒,則天下休戚,陛下何由知之?子幾挾情 安可禁其所欲言!今因畿民有訴,而刻薄之人,反怒縣官不能禁遏。 劉摯亦言:「趙子幾以他事捃摭賈蕃爲過,且變更役法,意欲便民,民荀以爲有利害也, 臣恐四遠人情,必疑

提舉司無得多取於民以自爲功,如此則誰復妄議。」

於是同判司農寺曾布摭繪、擊所言而條奏辨詰之,其略日:

戶舊充弓手、手力、承符、戶長之類,今使上等及坊郭、寺觀、單丁、官戶皆出錢以助之, 畿內上等戶盡罷昔日衙前之役,故今所輸錢比舊受役時,其費十減四五;中等人

志

臣所未諭 故其費十減六七;下等人戶盡除前日冗役,而專充壯丁,且不輸一錢,故其費十減八 大抵上戶所減之費少,下戶所減之費多。言者謂優上戶而虐下戶,得聚斂之謗,

等,乃獨掩而不言,此臣所未諭也。 者,蓋欲多斂雇錢,升補上等以足配錢之數。至於|祥符等縣,以上等人戶數多減充下 況方曉諭民戶, 苟有未便, 皆與釐正, 則凡所增減, 實未嘗行。 言者則以謂品量立等 已嘗增減舊數。 提舉司以諸縣等第不實,故首立品量升降之法,開封府、司農寺方奏議時,蓋不知 然舊敕每三年一造簿書,等第嘗有升降,則今品量增減亦未爲非,又

又以謂近邊姦細之人應募,則焚燒倉庫,或守把城門,則恐潛通外境,此臣所未諭也。 但輪差鄉戶,不復募人。言者則以謂衙前雇人,則失陷官物;耆長雇人,則盜賊難止; 而 承符、手力之類,舊法皆許雇人,行之久矣,惟耆長、壯丁,以今所措置最爲輕役,故 凡州縣之役,無不可募人之理。今投名衙前半天下,未嘗不典主倉庫、場務、綱運

則 絲帛粟麥必賤,若用他物準直爲錢,則又退揀乞索,且爲民害。如此則當如何而可? 免役或輸見錢,或納斛斗,皆從民便,爲法至此,亦已周矣。言者則謂直使輸錢,

此

臣所未諭也。

期,臣不知昔之衙前、弓手、承符、手力之類,亦嘗倚閣減放否? 冈 年蠲 昔之徭役皆百姓所爲,雖凶荒饑饉, 一減之備,其餘又專以 )興田 利、增吏祿。 未嘗罷役;今役錢必欲稍有餘羨, 言者則以謂助錢 非 此臣所未諭 如稅 賦有倚閣 也 乃所以爲 减 放之

意,廣收大計,如兩渐欲以羨錢徼幸,司農欲以出 六萬。 。 兩浙一路,戶一百四十餘萬,所輸緡錢七十萬爾; 是兩浙 所輸纔半畿內, 然畿內用以募役, | 剩為 所餘亦自無 功,此 而畿內戶十六萬, 臣所未 幾。 諭 言者則 也 率緡錢亦十 辽 謂 吏 众緣法

不顧陛下之法、陛下之民,宜莫如蕃與御史也 賈蕃爲令,不受民訴,使趨京 蕃之不職不法,其狀甚衆,皆趙子幾所不得不問 師 證譁,其意必有謂 也。 御史之言,欲舍蕃 誠令用心無他,亦可謂不職 而治子幾,是

於是下其疏於繪、擊,使各言狀。

亦不 監 勘、監察御 下以司 司 過所謂十害者,而 、提舉官而 繪 錄前 農爲是耶,則事 史裏行,監 後 四 行之於諸路,其勢順易矣; 奏以自辨。 **衡州鹽倉**。 風憲之官,豈當與有司較是非勝負耶?」 虚 前奏,可以覆視; 擊言:「助役斂錢之法,有大臣及御史主之於內,有大臣親黨爲 然曠 以臣言爲 日 彌年,終未 非耶,則貶黜 有定論,爲不順乎民心而 詔繪知鄭州; 丽已。 雖復使臣言之, 擊落館閣校

志

第

議 所 遣 萬 部 不 訪 有 合,遂各爲 助 役錢 奇 使 偏 提點 數 行 諸 奏。 刑 路 利 獄 ,促成役書,改助役爲免役,不願就募而強之者論 路 帝是 周 轉運使李 約 亦占名 优 議 瑜欲 無異辭。 侍 御 定四 史 |劉綰 + 詔 萬 責 言 利路 瑜 判官鮮于侁 "、約,而 役歲 擢 須 経錢 |佐 日 爲 副 九萬餘,而 利路民貧 使 如 律 李 初, 瑜 詔 쬭 -取 萬 足

料 路 金 京 重 起 其 西 吏 催 禄 卿 使 坐 免 諸 一若雇 夜 首 者 路 又 募 不 役 剩錢,詔 召 初 書旣上之司 受代官 知 在 京師 直 湖 是 多 陽 焉 州 賦 少、役使 部 縣 (縣用常) 吏 祿 錢 劉 時 蒙 帛 農,乃頒 知 嵗 重 綱 會 長 平 趨京 議,蒙 葛縣樂京稱 輕 僅 -法給散: 有 几 ぶ募役法 一千緡。 不不 未究者, 不肯 收息 差 鄉 議 于天下,用免役錢 至 助 命監 戶  $\overline{\mathbb{C}}$ 八年,計 役之法不可 退 衙 一, 添 而 前 司 條上 給 詳 而 緡錢 具 吏 費 利 來 人 滅 久行, 害, 八餐錢, 上 三十八 禄內 + 仍須 Τī 卽 常 外胥 六。 仍 捘 萬 平 熈 立 劾 有 司 吏, 賜 去。 谿 爲 奇, 詢 詔 法。 --有祿 其故, 獎諭 京師 年 而 乃行 權 京 而 吏舊 東 江 仍落 贓者,用 不 免役錢 西 永 答, 提 有 興、 權 刑 祿 **遂**罷。 爲眞。 秦鳳 倉 以 提 及 秋 舉 法

給 運 比 之他 以 者,不許射買請佃 情 年, 路,民貧 輕 詔 贖 銅 役錢 錢 役 足之。 重, 千 詔 別 提舉 提刑 納 諸 路 頭 司 司以其田 公 子 倂 人 五 省冗 錢, 如 弓箭 役, 凡修官舍,作什器,夫力輦 給應募者,而覈其所直,準一年雇役爲錢幾何, 次 手 (第蠲 法 一, 給 減, 田 募 常留二分 人 八爲之。 寬 運之類 凡逃、 剩 以 絕、 一、皆許 爲 監 水 早 牧 取 以 閣 田 供 放 之 籍 費 而 於 備 不 蛼

>

此,他路宜亦如之。 其直於轉運司。」衢州西安縣用緡錢十二萬買田,始足募一縣之役。司農寺言,不獨兩浙 費多難膽,乃欲改法。 遂詔自今用寬剩錢買募役田,須先參會餘錢 如

以枝梧災傷,方許給買,若田價翔貴之地,則已之。

會通 當蕃息之錢 定立 令依式爲狀,縣受而籍之。<br />
以其價列定高下,分爲五等。 縣役錢本額而定所當輸,明書其數,示衆兩月,使悉知之。 |田產中價,使民各以田畝多少高下,隨價自占;仍丼屋宅分有無蕃息立等,凡居錢五 時免役出錢或未均,參知政事呂惠卿及其弟曲陽縣尉和卿皆請行手實法。 一。非用器、田穀而輒隱落者許告,有實,以三分之一充賞。將造簿,預具式示民, 既該見一縣之民物產錢數,乃參 韶從其請 其法:官爲

賦苗役,一稅一替。 頭、承帖法並罷。 司 '農寺乞廢戶長、坊正,令州縣坊郭擇相鄰戶三二十家,排比成甲,迭爲甲頭,督輸稅 其後,諸路皆言甲頭催稅未便,遂詔耆戶長、壯丁仍舊募充,其保正、甲

產者隨所在輸錢(三),等第不及者從一多處供之。 輸役錢冤其半,所冤雖多,各無過二十千。 一安石言給田募役,有害十餘。 八年,罷給田募役法,已就募人如舊,闕者勿補。 兩縣以上有物產者通計之,兩州兩縣以上有物 官戶

初,手實法行,言者多論其長告訐,增煩擾。至是,惠卿罷政,御史中丞)鄧綰言其法不

志第

便,罷之,委司農寺再詳定以聞。

設法聚斂,不無疑怨。乞募耆長、戶長及役人不可過減者悉復舊額,約募錢足用,其寬剩止 直,而民間輸數一切如舊,寬剩數多。募直輕而倉法重,役人多不願就募。天下皆謂朝廷 侍御史周尹言:「募役錢數外留寬剩一分,聞州縣希提舉司風旨,廣敷民錢,省役額,損雇 役錢及買撲坊場錢,更不以給役人,歲具羨數上之司農,餘物凡籍之常平司者,常留一半。 九年,以荆湖兩路敷役錢太重,較一歲入出,寬剩錢數多,詔權減二年。 尋詔自今寬剩

兩,見在八十七萬九千二百六十七貫、石、匹、兩。 **斛匹帛一千四十一萬四千三百五十二貫、石、匹、兩,絲綿二百一兩;支金銀錢斛六百四十** 八萬七千六百八十八兩、貫、石、匹;應在銀錢斛匹帛二百六十九萬三千二十貫、匹、石、 是歲,諸路上司農寺歲收免役錢一千四十一萬四千五百五十三貫、石、匹、兩:金銀錢

增添科出,謂之寬剩。自熙寧六年施行役法,至今四年,臣本州四縣,已有寬剩錢四萬八千 七百餘貫,今歲又須科納一萬餘貫。以成都一路計之,無慮五六十萬,推之天下,見今約有 十年,知彭州呂陶奏:「朝廷欲寬力役,立法召募,初無過斂民財之意,有司奉行過當,

年限定,不得過十分之一。所貴民不重困。」不報 六七百萬貫寬剩在官。 不知免役錢外有此寬剩數目,乞契勘見在約支幾歲不至闕乏,霈發德音,特免數年;或逐 歲歲如此,泉幣絕乏,貨法不通,商旅農夫,最受其弊。 臣恐朝廷

王安石去位,吳充爲相,沈括獻議莫若稍變役法,雜以差徭爲便。 御史知雜察確言括

反覆,貶括知宣州

倍攝官,乞裁損其數,則兩路身丁田米亦可少寬。」遂詔吏輩月給錢遞減二千,歲遂減役錢 未能蠲除,而又益以役錢,甚可憫也。至於廣東西監司、提舉司吏一月之給,上同令錄,下 郭戶免輸法太優,乃詔如鄉戶法裁定所敷錢數。 千,鄉村戶不及五十千,毋輸役錢,已而鄉戶不及五十千亦不免輸。 元豐二年,提舉司言坊 數,從便輸納。 十萬,而民出役錢至十九萬緡,先用稅錢敷出,稅數不足,又敷之田米,田米不足,復算於 千二百餘緡。三年,司農寺丞吳雍言:「議定准、浙役書,滅冗占千三百餘人,裁省緡錢近 役錢立額,浙東多以田稅錢數爲則,浙西多用物力。 夫<u>廣西之民,身之有丁,既稅以錢,又算以米,是一身而輸二稅,殆前世弊法。</u>今旣 淮東路估定物產,如其實直,以均敷取。 提舉廣西常平劉誼言:「廣西一路戶口二 初,許兩浙坊郭戶家產不及二百 至是,詔令通物力、 稅錢互紐爲

志

二十九萬,會定歲用,寬剩錢一百四萬餘緡,諸路役書多若此類。 乞先自近京三兩路修定,

下之諸路。」從之。

匹九十七萬六千六百五十七,役錢較熙寧所入多三之一。 七年,天下免役緡錢歲計一千八百七十二萬九千三百,場務錢五百五萬九千,穀帛石

能盡止。 而安石持之益堅。 王安石策,不正用雇直爲額,而展敷二分以備吏祿、水旱之用。羣臣每以爲言,屢疑屢詰, 雇直,不能不取之民;然民得一意田畝,實解前日困弊。故羣議雜起,意不爲變。顧其間采 帝之力主免役也,知民間通苦差役,而衙投〔三之任重行遠者尤甚,特創免役。 至是,雇役不加多,而歲入比前增廣,則安石不能將順德意,其流弊已見矣。 此其爲法旣不究終防弊,而聚斂小人又乘此增取,帝雖數詔禁戒,而不 雖均敷

# 哲宗立,宣仁后垂簾同聽政,門下侍郎司馬光言:

等、單丁、女戶及品官、僧道,本來無役,今使之一槪輸錢,則是賦斂愈重。 自行免役法 重難,別得優輕場務酬獎,往往致富,何破產之有?又曏者役人皆上等戶爲之,其下 或爲上下侵欺乞取,是致欠折,備償不足,有破產者。至於長名衙前,在公精熟, 按因差役破產者,惟鄉戶衙前。蓋山野愚戆之人,不能幹事,或因水火損敗官物, ,每經

豐歲 以來,富室差得自寬,貧者困窮日甚,監司、守令之不仁者,於雇役人之外多取羨餘,或 縣至數萬貫,以冀恩賞。 追 限,尙失半價,若值 凶年,無穀 又青苗、免役,賦斂多責見錢。 可糶,賣田不售,遂致殺牛賣肉,伐桑鬻薪,來年 錢非私家所鑄, 要須貿易,

生計,不暇復顧,此農民所以

重困

也

獎。 可復舊名,若更年深,富者安之,民不可復差役矣。 募人投充長名,召募不足,然後差鄕村人戶 凡免役之法,縱富彊應役之人,征貧弱不役之戶,利於富不利於貧。 所有見在役錢,撥充州縣常平本錢,以戶口爲率,存三年之蓄, 臣 愚以爲宜悉罷免役錢,諸色役人,並如舊制定差,見雇役人皆罷遣之。 , 每經歷 重難 差遣,依舊以優輕場 有餘則歸 及今耳目相 轉 衙前先 務 接,循 運司。 充酬

手、手力、耆戶長、壯丁之類,無大勞費,宜並用祖宗差法,自第一等而下通任之。」監察御史 慮 百以至千 元不及二 於是始 數百 元 萬,自可足衙前雇募支酬之直,則役之重者已無所事于農民矣。 站 、詔修定役書,凡役錢,惟元定額及額外寬剩二分已下許著爲準,餘並除之。 - 緡者。 分者,自如 元年,侍御史劉摯言:「率戶賦錢, 昔惟紀 舊則。 衙前一役,有至破產者爾。 尋詔耆戶長、壯丁皆仍舊募人供役,保正、甲頭、承帖 有從來不預差役而 今天下坊場, 官收而 概被斂取者, 有一戶而 官賣之, 外惟散從、承符、弓 歲計 人並 若寬剩 緡錢 輸數 無

志

第

百

三十

食

差占,一切非理之資陪,悉用熙寧新法禁之,雖不助猶可爲也。 取十人,則九十家出力為助,明年易十戶,復如之, 王巖叟請於衙前大役立本等相助法,以盡變通之利。 則大役無偏重之弊,其於百色無名之 借如一邑之中當應大役者百家,而歲

欲且 壯 丁並 無 ·丁,今悉雇募,用錢額廣,提舉司必從人戶增敷。蓋舊法役不盡雇,亦有輪差輪募之處, 如本法。」 募人供役,竊慮耆戶長雇錢數少印,無應募者。 殿 《中侍御史劉次莊言:「近制許雇耆戶長須三等已上戶。不知三等已上戶不願受雇,旣 則郡縣必陽循雇名,陰用差法,不若立法明差之爲便。」戶部言:「詔凡耆戶長、壯 兼四等以下戶舊不敷役錢,惟輪差

乞買 之幾 雏 則 然循聞關額常難補招,已就招者又時時竄去,引以爲比,不切事情。」其七弊曰:「戶及 田 臣 中 或 鹵 募役,其五 知密 十六七年, 書舍人蘇軾言:「先帝初行役法,取寬剩錢不得過二分,以備災傷。 番 莽其耕, 上及緩急不免點集,實不 一州,先募弓手,民甚便之,曾未半年,此法復罷。」因列其五利。 又將轉而他之。」而其六弊特詳,曰:「弓箭手雖名應 利難信,而 積而 不用,至三千餘萬貫石。 有十弊。」大指謂:「官市民田,慮不當價; 民受田 廢 田業, 非如州縣色役長 熙寧中,行給田募役法, 在官寺,則弓箭手之擾 心募,實 大略 王嚴叟言:「蘇軾 有司 與家居農民 就募,既非永 如邊郡弓箭 '奉行過當, 可知 無

陳五不可行,軾議遂格 四等必須上二等戶保任。任之而逃,則勒任者就供田役,此豈得云樂應也耶? 散從官以下色役,乃是用給田募役之名,行揭簿定差之實。旣云百姓樂於應募, 三等以上,皆能自足,必不肯佃田供役。今立法須二等以上戶方充弓手,三等以上方得供 」上官均亦 何以戶 降

### 司馬光復奏:

錢納官。 無顧藉,受賕,侵陷官物。又農民出錢難於出力,若遇凶年,則賣莊田、牛具、桑柘,以 年無休息。下戶元不充役,今例使出錢。 今免役之法,其害有五:上戶舊充役,固有陪備,而得番休,今出錢比舊費特多,年 提舉常平倉司惟務多斂役錢,廣積寬剩。 舊日所差皆土著良民,今皆浮浪之人應募, 。此五害也。

直可及十五千、莊田中熟所收及百石以上者,並隨貧富以差出助役錢,自餘物產,約此 備,別募命官將校部押遠綱,遂不聞更有破產之人;若今衙前仍行差法,陪備旣少,當 惟衙前一役,最號重難,固有因而破產者,為此始作助役法。自後色色優假,禁止陪 本縣令佐揭簿定差。其人不願身自供役,許擇可任者雇代,有逋逃失陷,雇者任之。 不至破家。若猶矜其力難獨任,卽乞如舊法,於官戶、寺觀、單丁、女戶有屋產月收僦 今莫若直降敕命,盡罷天下免役錢,其諸色役人,並依熙寧元年以前舊法人數,委

志

爲準。每州椿收,候有重難役使,即以支給。

可罷。 異同 縣許 州各爲 五. 尙 當此之際,願勿以人言輕壞良法 日 又差役復行,州縣不能不 慮 之敕,務要曲盡。 具措畫上之州,州 一役人利害,四方不 然免役行之近二十年,富戶習於優利,一 能 月上 齊同。 有 小擾, 一轉運司 乞許監司、守令審其可否, 可則亟行, 提舉官專以多斂役錢爲 轉運司季以 聞。 朝 廷委執政審 功, 旦變更,不 必競言免役錢 定, 如 未究 能 隨 不 路 懷

令大體,望選差近臣詳定。 小人,不當寘腹心地。」於是詔以資政殿大學士韓維、給事 知樞密院章惇取光所奏疎略未盡者駮奏之。 右正言王觀奏:「光議 初上,惇嘗同奏,待旣施 尚書左丞呂公著言惇專欲求勝, 中范純仁等專切詳定以聞 行, 方列光短, 不顧 命 其

縣舊役 近例率用 不可復用,請悉準見額定差。」先是,差法旣復,知開封府蔡京如敕五 王觀又言:「近制改募爲差,用舊法 人數,差一千餘人以足舊額。 剩 員,今悉改差民戶,故爲煩擾以搖成法,乞正其罪。」 右司諫蘇轍言:「開 人數爲則,而熙寧元年以後,募數屢經裁減,則 對府 成 用舊額盡差, 日內盡用開 如壇子之類, 封 、祥符兩 湾數

罷遣衙前數百人,民皆欣幸。 司 馬光之始議差役,中書舍人范百 其後有司求羨餘,務刻剝,乃以法爲病。 禄 言于光日:「熙寧免役法行,百祿爲 今第減助免錢額以 咸 不縣, 開封

寬民力可也。」光雖不從,及議州縣吏因差役受賕從重法加等配流,百祿押刑房, 鄉民 因徭為吏,今日執事而受財,明日罷役,復以財遺人,若盡以重法繩之,將見黥面 固執不可

#### 蘇轍又言

赭

[衣充塞道路矣。]|光日:「微公言,幾爲民害。」遂已之。

役人 錢 明 JU 十餘年,投屋者亦無 見賣坊場,遂有輸納不給者爾。 行,天下不復知有衙前之患;然而天下反以爲苦者,農家歲出役錢爲難,及許人添剗 何 應 降 用 反 百二十餘萬貫,若立定中價,不許添剗,三分減一,尙有二百八十餘萬貫。 止 召募非泛綱運,一歲共不過一百五十餘萬緡,則是坊場之直,自可了辨衙前 處分,不知官自出 更差鄉戶?今制盡復差役,知衙 差役復行,應議者有五:其一日舊差鄕戶爲衙前,破敗人家,甚如兵火。 一如舊法,則爲利較然矣。 若不與之錢,卽舊名 ::大敗闕,不足以易鄕差衙前之害。 今略計天下坊場錢,一歲可得 · 賣耶,抑仍用以酬獎衙前也?若 重難,鄉戶衙前 初疑 向使止用官賣坊場課入以雇衙前,自可足辦, 前若無陪備 《衙前多是浮浪投雇,不如鄉差稅戶可託。 仍前自備,爲害不 (思),故以鄕戶爲之,至於坊場,元無 仍用以酬獎,即召募部 小。 而衙前支 然行之 綱 而他 自新法 百 以 何 色

志 第 一,坊郭 百 Ξ + 人戶舊苦科配,新法令與鄉戶並出役錢,而冤科配,其法甚便。 食 貨 上 五 四 但敷錢

太 ,未爲經久之法。乞取坊郭、官戶、寺觀、單丁、女戶,酌今役錢減定中數,與坊場

錢用以支雇衙前及召募非泛綱運外,却令樁備募雇諸色役人之用。

其三,乞用見今在役人數定差,熙寧未減定前,其數實冗,不可遵用。

其四,熙寧以前,散從、弓手、手力諸役人常苦逆送,自新法以來,官吏皆請雇錢,

役人旣便,官亦不至闕事,乞仍用雇法。

方差鄉戶,鄉戶所出屋錢,不得過官雇本數。 其五 「,州縣胥吏並量支雇錢募充,仍罷重法,亦許以坊場、坊郭錢爲用;不足用,

韶送看詳役法所詳定,擇其要者先奏以行。

別州 增置(+)。 於法 輸。 令陪備圓融之類,悉申行之,耆壯依保正長法。 人,惟該募者得募,餘悉定差。 錢用之,一路不足,許從戶部通他路移用,其或有餘, 許 尋以衙 於是役人悉用見數爲額,惟衙前用坊場、河渡錢雇募,不足,方許揭簿定差。其餘役 用者支用外,並樁備招募衙前、支酬重難及應緣役事之用。 衙前最爲重役,若已招募足額,上一等戶有虛開不差者,令供次等色役。 前不皆有雇直,遂改雇募爲招募。 遂罷官戶、寺觀、單丁、女戶出助役法(K),其今夏役錢卽免 凡熙、豐嘗立法禁以衙前及役人非理役使及 坊場河渡錢、量添酒錢之類,名色不 毋得妄用,其或不 如一州錢 足, 不 供用,許移 毋得減募 鄉差役 一,惟

人,在職官如敢抑令別雇承符、散從承代其役者,轉運司劾奏重責。 時提舉常平司已罷置,

凡役事改隸提刑司。

開 今不減 專以戶稅爲差等,熙寧初,別定坊郭戶營運錢以助免役。乃在稅產之外,州縣抑認成額,至 月 稅錢更多,不過三役,並聽雇人。或本縣戶多役少,則上戶之役不須倂差,但可次敍休役年 稅錢一貫爲第一等,合於本等中差一役,稅錢兩倍於一役者倂差二役,又倍卽差三役;雖 役,必不均平,雖無今日納錢之勞,反有昔時偏頗陪費之害。 莫若裁量新舊,著爲條約:如 以 年。 遠 田之受種。 別行排定,以寬民力。」並送詳定所 近 殿中侍御史呂陶言:「天下版籍不齊,或以稅錢貫百,或以田地頃畝,或以家之積財,或 一等之上,無等可加,遂至稅緡、田畝、積財、受種十倍於此,亦不過同在一等。 憑此 , 至有停閑居業移避鄉村, 猶不得免。 一而均其勞逸。假令甲充役後可閑五年,乙稅錢兩倍於甲,可閑三年,丙又倍於乙,可 其以田土頃畝之類爲等幷其餘同等多少不侔者,並做此。又成、梓兩路差役,舊 雖皆別爲五等,然有稅錢一貫〔云〕、占田一頃、積財千緡、受種十石而入之一 今方議法,坊郭等第固不可偏廢,然須參究虛

河 :渡緡錢四百二十餘萬,欲於何地用之?|熙寧以前,諸路衙前多雇長 轍又言:「雇募衙前改爲招募,旣非明以錢雇,必無肯就招者,勢須差撥,不 名當役,如西川全 知歲 

志第

百

三十

食货上五

校勘記

役皆當均及以次人戶,如此則下戶充役,多如熙寧前矣。」 前並是鄉戶。 是長名,淮南、兩浙長名太半以上,餘路亦不減半。今坊場官旣自賣,必無願充長名,則衙 雖號招募,而上戶利於冤役,方肯占名,與差無異。 上戶旣免衙前重役,則凡

#### 校勘記

- (1)給散收息 「收息」原作「休息」,據宋會要食貨六五之一三、長編卷二三一改。
- (三) 隨所在輸錢 「在」字原脫,據長編卷二六七補。
- (三) 衙投 通考卷一二職役考作「衙役」,疑是。
- 竊慮耆戶長雇錢數少 「耆」字原脫,據上文及宋會要食貨六五之二七、長編卷三六四補
- () 知衙前若無陪備 人,以此欲差鄉戶。」宋會要食貨六五之四三同,據改。 「若」原作「苦」,欒城集卷三六論差役五事:「衙前若無差遣,不聞有破產之
- · こ 出助役法 助 役 指揮 :勿行。」疑「出」下脫一「錢」字。 決會要食貨六五之四六、長編卷三七一全句作:「官戶、僧道、寺觀、單丁、女戶出錢
- [+] 毋得減募增置 通考卷一三職役考作「毋得減募增差」。
- **元** 稅錢 二貫 「稅」下原衍「賦」字,據宋會要食貨六五之五〇、長編卷三七六刪。

# 宋史卷一百七十八

志第一百三十一

## 食貨上六

役法下 振恤

招,紛紜不定,寖違本意。」遂條舉始奏之文,嘗許州縣、監司陳列宜否。「自今外官苟見利 縣各從其宜,或已受差却釋役使去,或已辭雇却復拘之入役,或仍舊用錢招雇,或不用錢白 聞有命:雇募不足,方許定差。屢有更張,號令不一。又轉運使欲合一路共爲一法,不令州 外,多取民錢,若量入爲出,不至多取,則自足以利民。司馬光不然之,光言:「差役已行,續 縣許直上轉運司,州許直奏,使下情無壅。詳定所第當稽閱監司、州縣所陳,詳定可 中書舍人蘇軾在詳定役法所,極言役法可雇不可差,第不當於雇役實費之

志

第一百三十一

食貨上六

四三一九

下。」從之。 非其任 職 而務出奇論、不切事情者勿用,亦不可以一路、一州、一縣土風利害槪行天

用坊場、河渡錢給賦。不足,方得於此六色錢助用;而有餘,封樁以備不時之須。」 减五分, 餘戶等下此者悉冤輸, 仍自元祐二年始。凡支酬衙前重難及綱運公皂迓送飱錢, 未幾,詔:「諸路坊郭五等以上,及單丁、女戶、官戶、寺觀第三等以上,舊輸免役錢者並

雇代恐不能任事,略與擊同 鬥勞效應留者,願雇人代己者。 差,不聞有不樂而願出錢雇人。 任祭捕之責。欲乞五路必差正 責故也。 莫不與爲耳目,有捕輒獲;又土著自重,無逃亡之患。自行雇募,盜寇充斥,蓋浮惰不能任 中丞劉擊言:「弓手不可不用差法者,蓋鄉人在役,則不獨有家丁子弟之助,至於族姻鄉黨, 私 未便。」詔:「不願身自任役,許募嘗爲弓手而有勞效者,雇直雖多,毋踰元募之數。」御史 臣僚上言:「朝廷雖立差法,而明許民戶雇代,州縣多已施行。近命弓手須正身, 如五路弓手,熙寧未變法前,身自執役,最號彊勁,其材藝捕緝勝於他路。 立此三色,所冀新舊相兼,漸習禦捕。」侍御史王巖叟亦言 身,餘路卽用新敕,釐爲三色:舊有戶等已嘗受差者,曾有戰 惟是川蜀、江、浙等路,昨升差上一等戶,皆習於驕脆,不肯 近日復 恐公

監察御史上官均言:「役之最重,莫如衙前,其次弓手。 今東南長名衙前招募既足, 所

薄而 能哉? 法 差不及上戶,上戶必差弓手,則是以上戶就中戶之役,實爲優幸。 [:「近許當差弓手戶役得雇人爲代(1),此法最便。 無役,然則所當補恤,正 熙寧募法久行,何嘗聞盜賊充斥?彼自愛之民,承符帖追逮則可,俾之與賊角死,豈其 兩浙諸路(三)以法案差弓手,必責正身,至有涕泣辭免者。 在 中戶。今若增上戶役年,使中戶番休稍久,則補除相均 議者謂 『身任其役, 上戶產厚而役輕,下戶產 此豈可恃以爲用哉?今 則自 愛而 重 犯

占役之日多,少者以率減下,則均適無頗矣。 少差,而五等差所不及矣。衙前悉令招募,以坊場錢支酬重難,此法爲允。 多之鄕以十二年,戶少以九年,而應差之戶通輪一周。 殿中侍御史呂陶謁告歸成都,因令與轉運司議定役法。後議立增減役年之法曰:「戶 雖以等周差,皆許募人爲代,如此則四等往往 以一周月日而參之戶等, 戶稅

既立法許雇嘗爲弓手而有勞效之人,比之泛募,宜有間矣。」

令雜下,致久不決。」於是詔罷詳定局,**役**法專隸戶部 當是時,議役法者皆下之詳定所,久不能決。 於是文彥博言:「差役之法,置局衆議,命

之授班行者,如進納人例,須至升朝,方免色役。」舊法,戶賦免役錢及三百緡者, 諫議大夫鮮于侁言:「開封府多官戶,祥符縣至闔鄕止有一戶應差,請裁其濫。 侍御史王嚴叟謂:「此法不見其利。 借如兩戶,其一輸錢及三百千,其一及二百八九 令仍 凡保甲 錢

六

州役; 輸錢 発。 **法給屋食之直** 終不得冤。 十千,相去幾何,而應差者三年五年卽得休息,其應輸助者畢世入錢,無有已時,非至破家, 助役。 不出二三年,高疆戶皆成中戶。」其後又詔(三):舊輸免役錢戶及百千以上,令如六色戶 尚不及兩番,則申戶部,移用他州錢,以<del>於</del>差期。 此其勢必巧爲免計,有弟兄則析居,不則減賣其業,但少降三百千之數,則遂可 蓋欲以其錢廣雇,使番休優久。 l;若願就投募者,仍冤本戶身役,不願者,速募人代之。 凡戶少之鄉,應差不及三番者,許以六色錢募 鄉戶 衙前受役, 當休無代,卽如募

官,官東百端蠶食,比之雇人,苦樂十倍。 幾何,今者差役,中戶歲費幾何,更以幾年一役較之,約見其數,則利害灼然。 人,尤爲患苦。」尋韶郡縣各具差役法利害,條析以聞 元祐三年,翰林學士兼侍讀蘇軾言:「差役之法,天下皆云未便。 五路百姓朴拙,間遇差爲胥吏,又須轉雇慣習之 昔日 屋役, 而况農民在 中戶歲出

者,今止差爲弓手,雇人代役,歲不過用錢三四十千。 民知更不輸錢,嘗聽 **#** 四年,右正言劉安世言,御史中丞李常請復雇募,懷姦害政。 鄉寬戶多者僅得更休, 呼相慶,行之旣久,始覺不輸錢爲害。 鄉狹戶窄者頻年在役。 中下戶舊輸錢不過三二千,而今所雇 上戶極等昔有歲輸百千至三百千 何也? 差法廢久,版籍 先是,常言:「差法詔下, 不 ·明,重

矣。」而安世則以責民出錢爲非,乞固守差役初議,故以常爲罪。 二練事臣僚,使與賦臣取差雇二法便於百姓者行之。無牽新書,無執舊說,民以爲善,斯善 承符、散從之類,不下三十千。 然則今法徒能優便上戶,而三等四等戶困苦日甚。 望詔一

知杭州蘇軾亦言:

千,而今者倂出七十餘千,苦樂可知。 千,而今一役二年,當費七十餘千。休閑不過六年,則是八年之中,昔者徐出三十餘 改行差法,則上戶之害皆去(日)。 獨有三等人戶,方雇役時,戶歲出錢極不過三四

今乃限以番次,不許盡用(亞)。留錢在官,其名不正,又所雇者少,未足以紓中戶之 替閖不及三番,方得用六色錢募人以代州役,此法未允。何者?百姓出錢本為免役, 朝廷旣取六色錢,許用雇役以代中戶,頗除一害,以全二利。今惟狹鄉戶少,役者

前,不聞天下有闕額衙前者,豈嘗抑勒,直以重難月給可以足用故也。當時奉使如 皆雇募,此外悉用差法,如休役未及三年,即以助役錢支募,此法尤爲未通。 則支酬重難盡以給之,仍計日月除其戶役及免助役錢二十千;及州役惟吏人、衙前得 又投名衙前不足元額,而鄉差衙前又當更代,卽又別差,更不支錢,若願就長名, 自元豐

志

合增錢雇募,上之監司,議定卽行。 誘脅盡令應募,何如直添重難月給,令招募得行。乞促招闕額長名衙前刻期須足, 不循其本,乃欲重困鄉差,全不支錢,而應募之人盡數支給,又放免役錢二十貫,欲以 李承之之徒,所至已輒減刻,元祐改法,又行減削,旣多不支月給,如何肯就招募?今

錢均而無弊,雇人稍廣,中戶漸蘇,則差役良法可以久行而不變矣。 錢常存一年備用之數,而會計歲所當用,以贏餘而通一路,酌人戶貧富、色役多少預 行品配,以一路六色錢通融分給,令州縣盡用雇人,以本處色役輕重爲先後。 若 錢,此乃空言無實。丁口、產稅開收增減,年年不同,如何前知來年應用而預為樁科? 多少以爲之用,則敷錢多處,役戶優閑太久,六色人戶反覺敷錢數多。欲乞今後六色 於雇役乎盡之,然後名正而人服。惟有一事不得不慮:州縣六色錢多少不同,若各隨 今忽減作三年(ご。 亟行減下,臨期不足,又須增取,吏緣爲姦,不可勝防矣。 大抵六色錢以兎役取,當 朝廷移此錢他之。雖云量留一分備用,若有餘剩數,却量減下無丁戶及女戶所敷役 役率以二年爲一番,向來尚許一戶歇役不及三番,則令雇募,是欲百姓空閑六年。 幸六色錢足用有餘,正可加添番數,而乃減番添役,農民皆紛然妄 如此則

是時,論役法未便者甚衆。五年,再詔中書舍人王嚴叟、樞密都承旨韓川、諫議大夫點

爲則,而減半給之。投名衙前惟差耆長,他役皆免〔七〕。」 檢戶曹文字劉安世同看詳利害。戶部請:「河北、河東、陝西鄉差衙前,以投募人所得雇直

逐戶之下。每遇差役,即按籍自上而下,吏毋得移竄先後。坊場、河渡錢以雇衙前而有寬 役都鼠尾簿,取民戶稅產、物力高下差取,分五等排定,而疏其色役年月及其更代人姓名於 皆不及三年者,亦許用助役錢雇募,旣終一役,別有閑及三年者,復行差法。 役錢常留一分外,以屋直對計,或闕或剩,提刑司通一路移用。應差諸縣手力,合一鄉休役 直,其助役錢不足用, 卽於戶狹役煩鄉分先與雇代一役, 役竟按籍復差如初。 差人戶悉用投名人代之,願長投募者聽。」又詔:「諸州衙前已許量支雇直、餐錢,慮費廣難 元數。」州役之應鄉差者,若一鄉人戶終役皆未及四年,許以助役錢募人爲之。 支,轉運、提刑司其隨土俗參酌立定優重分數及月給餐錢,用支酬額錢給之,不得過舊法 六年,三省援三路投募衙前役例,概行他路。詔:「凡投募人免其戶二等已下色役,鄕 總計一州雇 諸州縣置差 諸州歲計助

三省言

剩,亦令補助其餘役人。

頻役之地。 朝廷審定民役,差募兼行,斟酌補除,極爲詳備;而州縣不盡用助役錢募人,以補 今括具綱目,下之州縣,使恪承之。

椿; 場、河 差。 屋錢役人,其沿迓送軍人有費,提刑司計數歸之轉運司。 五. 寬剩數內更留二分,以備支酬 之物力及本等七分者爲之。其三曰:寬鄉之縣,除已雇衙前、州胥外,餘役皆以序按 年、六年之人,使及年數。 州胥許雇、壯丁直差不雇外,凡州縣役人皆許招募,以就募月日補除應差而閑不及四 雇,其選受亦如之。 其五曰:壯丁皆按戶版簿名次實輪充役,半年而 按籍別定;未應造簿,止憑定額為準。若本等戶少,不充州縣合役之數,卽用 人承之;雇者有闞,別募人充數。二額悉已立定,如戶力應升應降,須俟三年造 分止,或時 路有 卸役不及應開年數,即用助役錢募人代役以足之。<br />
其二曰:狹鄉之縣役人,除衙前 其四曰:官雇弓手,先雇嘗充弓手之人,如不足,以武勇有雇籍者充。 其 又不足,戶部以別路逐色寬剩錢移用以補足之。其七曰:助錢歲歲樁 渡寬剩錢給之。 ·狹鄉役頻縣分,募錢不足,提刑司以一路助役寬剩錢 曰:應差之戶,三等以上許休役四年,四等以下許休役六年。若戶少無與更 支用, 即隨撥補,使常足五分之數。 仍通紐 每縣通計應差、應募役數若干,立定二額:差者訖役,以應差 一歲應用支酬 衙前之類,椿留至 衙前之類費錢若干,而十分率之, 其八日:軍 五 年, 通迭一全年寬剩總額, 其九曰:重役人應替而願仍 人應差迓送者 通融移用;又不足,以坊 更。 留 其六日"一州 他役 本以 分,每及 每 卽 人願就 次等戶 八代有 年於 簿 止 日

數。 就募者,許給雇錢受役。 雖願募不雇。若工藝人,須有貲產人二戶任之。 其十一曰:陝西鎮戎德順軍、熙州衙前,皆受田于官以當募直,內地戶願如其法應 其十曰:役人須有稅產乃得就募。 雇直雖多, 其有蔭應贖及曾犯徒刑, 皆不得加于舊法已募之

田募者聽之,仍以坊場、河渡錢〔○〕補還轉運司合輸租課

上監司,監司聚議,連書上戶部。 凡縣,歲具色役輕重、鄉分寬狹、凡役雇直有無餘欠,各以其實枚別而上之州。 仍別具一路移用及寬剩縣分錢數,致之戶部 州

先是,收到官田, 嘗令: 田已籍于官及見佃人逃亡, 悉拘入之, 留充雇募衙前。 至是,遂參

行

田募之法。

分,服除日仍舊。 有執父母喪而應在役者,三等以下戶除之,二等以上戶令量納役錢,在戶錢十分止責輸 八年,詔:「耆長、壯丁役期已足,不許連續爲之。」蓋知其利於財請,不願更罷故也。 民

輸錢免役,有過數多數者; 」范純仁曰:「四方異宜,須因民立法,乃可久也。」遂令戶部議之。 哲宗始親政,三省言役法尙未就緒,帝曰:「第行元豐舊法,而減去寬剩錢,百姓何有不 用錢雇役,有立直太重者;役色之內,又有優便而願自投募, 右司諫朱勃 (九) ||

志

不一,未有底止。」

不 ·必給雇者 請詳爲裁省。」中書言:「自行差法十年,民間苦於差擾,前後議者紛紜,

遣之。 月始。 置 提 剩錢,不得過一分,昔常過數、今應減下者,先自下五等人戶始。 刑 司之州爲治。 司連奏。」 於是詔:「復免役法,凡條約悉用元豐八年見制。 許借坊場、河渡及封樁錢以爲雇直,須有役錢日補足其數。 耆戶長、壯丁召雇,不得已保正、保長、保丁充代(10),其他役色應雇者放此。 如方俗利害不同,事有未盡未便而應更改增損舊法者,畫一條疏,與轉運、 鄉差役人,有應募者可以更代,卽罷 路置提舉官一員,視提 所輸免役錢, 自今年七 所 敷寬 刑

役者 年 免役錢方復未 雇 月 起輸 悉罷遣之。 直 叉 詔 實 ,其後 支,而酌一年中數,立爲歲額,以均數取。 ·用舊法取量添酒錢贏數,給推法司吏餐錢;不足,則抵當息錢亦許貼用。先嘗以 輸,且以助役錢給雇直,不足,雖免役寬剩錢 又自來年始。土俗差雇不一,姑仍其舊,俟起輸,至五 舊免役法行,壯丁間有差而不募者,其毋敷役錢 此外所取寬餘,不得過通額十分之一。 亦許 給用 如 故。 月盡 凡錢 行屋法,凡 額 所敷, 因 取三 差 在

定其數,凡元祐溢額所添廂軍皆罷減。 七月,戶 部看 ·詳役法所言:「幕職監當官之官、 其有抑鄉差之人仍舊在役, 或改易名字就便應募, 罷官,依元豐制, 悉用雇役人迓送 一而差

可避免等第科配者,各以違制論;許人陳告,以其半給之。元豐令:在籍宗子及太皇太后 出免役錢百千以上,每累及百千,悉與減免三分。凡人戶匿寄財產、假借戶貫、冒名官戶苟 悉計其在役月日應得更代者,以次蠲遣之。 諸路舊立出等高疆戶,戶力轉高,敷取難勝,應

皇后

總麻親得免役。

皇太妃宜亦如之。」詔皆如

提刑司自今毋預其事。」 直,並依元豐舊制,仍依已命,寬剩錢不得過一分。常平免役,元豐止用提舉官專領,轉運、 **元豐條制,以保正長代耆長,甲頭代戶長,承帖人代壯丁。 二年,申詔諸路:「役人額數、雇** 舊戶等簿, 如略 可憑卽用之,若漫滅等第,卽雖未及應造之年,亦令改造。 戶部舉行

直 錢許以舊寬剩錢通融支募,如土俗有不願就保正長雇役者,許募本土有產稅戶,使爲耆長 自不必更輪保丁充甲頭矣。 凡都保所雇承帖人,必選家於本保者,而雇直皆從官給,一年 耆長事責已輕,又有承帖人受行文書,即大保長苦無公事。元豐本制,一都之內,役者十 人, 副正之外, 八保各差一大長。 今若常輪二大長分催十保稅租、常平錢物, 一稅一替, 則 替,則自無浮浪稽留符移之弊。承帖雇直固有舊數,其今所雇保正之直眎耆長,保長之 [則际戶長,若應此三役不願替代者,自從其願。 壯丁元不敷屋直處,聽如其舊。 承帖雇 舊置重修編敕所看詳中外文字本,以去年所差鄉役未盡善,遂入議曰:「都、副保正 比

志第

壯 宁以 坐 罪 代 、、」詔皆從之。 之。 其所雇耆、戶長,已立法不得抑勒矣,若保正、長不願就雇而輒差雇者,從徒

矣,而 變,正 言,臣 虚 元 蔡京言:「諤之論多省、 豐也 取 雇役 諸 | | | | | | | | | | | | | | | | | 三年,左正言孫諤言:「役法之行,在官之數,元豐多,元祐省,雖省未嘗廢事,則多不若 竊 惟 上戶,意則美矣,而法未善也。 下下。 不能 (之直, 元豐重, 元 祐輕, 雖輕未嘗不應募, 則重不若輕。 且元豐, ·間熈、祐,是欲伸元祐之姦,惑天下之聽。」詔罷諤 無弊爾。 免役法復行將及一年,天下吏習而民安之,而譯指以爲弊, 雇法 輕重 也;元祐, 願 無以元豐、 了,明有抑揚,謂<u>冗豐不若</u>元祐明 差法也, 元 
枯爲間,期至於均平便民而 夫先帝建免役之法, 而熙寧、元豐有異論, 雇與差不可並行。 矣。 正言, 元祐 **諤於陛下追紹之日**,敢爲此 今役法優下戶使 固嘗銀雇, 止,則善矣。」翰林 朏 知廣 德軍 則所鉱 元祐 ]紛然 者熙寧 弗輸,而 無紀 學 有 更

爲 名、占破當直 後又詔 :「諸縣 者,坐 無得以催稅比磨追 一贓論 所管催督 租 甲頭、保長,無得以 賦 州 縣官輒令陪備 雜 事 輸 追保正、 物者 一,以違 副。 制 論 在 任 官以 涿帖

天下。 初 知開封 是 歲 詔 府 翰 以常 林學士 附司馬光行差法,祥符 平、 承旨銀 **死役、農田、** 詳定役法察京依舊詳 水利、保甲, 一縣,數日間差至一千一百人。 類 著其法, 定 重修 敕 總爲 令 一書, 侍御 史董敦逸言:「京在 名常平免役敕令, 乞以役法專委戶部。J 頒之 元 站

韶令疏析。京奏上,復令敦逸自辨,京無責焉。

後 又詔:「雖因 元符 肥 而 詔 二年,以蕭世京、張行爲郎。二人在元祐中,皆嘗言免役法爲是,帝出其疏擢之。 河北東西、淮南運司, 邊事起差夫丁,須以 應差雇實數上之朝廷,未得輒差。 府界提點司, 如人戶已嘗差充正 夫, 其河防井溝河歲合用 其免夫錢皆罷催。

六萬八千餘夫,聽人戶納錢以免。」

役併在一州,事理不均。臣僚謂奧輒毁紹聖成法,請重黜。 錢,事發卽逃。 加黜責。 不須給之屋直, 建中靖國元年,戶部奏:「京西北路鄕書手、雜職、斗子、所由、庫秤、揀、指之類,土人願就 詔純粹所乞不行。其後,知襄州俞奧以襄州總受他州布綱而轉致他州,是衙前 乞許輪差上等鄉戶使供衙役。」殿中侍御史彭汝霖刻純粹所言有害良法,宜 他路亦須詳度施行。」詔從之。 知延安府范純粹言:「比年衙前公盜官 奧坐責授散官,安置太平州 重

以元輸歷錢如舊法均給。 先降紹聖簽貼役法,行之天下。 胥屈直, 罷給役人雇錢, 皆害法意, 崇寧元年,尚書省言:「前令大保長催稅而不給雇直, 永興軍路州縣官乞復行差役,湖南 應改從其舊。 韶戶部並遵奉紹聖常平免役敕令格式及 是爲差役,非免役也。」詔提舉司 江西提舉司以物賤乞減吏

志第一百三十一 食貨上六

條。 年有一年之備。 非以爲利也。 二年,臣僚言:「常平之息,歲取二分,則五年有一倍之數; 黜仲甫,落職知 故紹聖立法,常平息及一倍,免役寬剩及三料,取旨蠲免,以明朝 而集賢殿修撰、知鄧州呂仲甫前爲戶部侍郎,輒以狀申都省,乞删去上 海州。 後又韶:常平司候豐衍有餘日,具此制奏蠲之。 免役剩錢, 歲取一分, 則十 廷取於民

盜賊公行,爲害四方。 遣,不得再 身州 縣, 觀 郷 元年,詔(三):「諸州 法 :占諸處名役,別募三等以上人充。」於是舊胥旣盡罷,而弊根未革, 老姦 擾民,蓋甚前日。 至是,復詔州縣募役依元豐舊法。 、縣召募吏人, 其後,又不許上三等人戶投充弓手,所募皆浮浪,無所顧藉, 如有非四等以上戶及在州縣五犯杖罪, **巨猾**,匿 悉從罷

逐改 年, 常平官檢察,及 命存留寬 名 政和 準 備錢,而嚴 元年,臣僚言:「元豐中,鞏州歲敷役錢止 剩 覈 錢 究。第州 砂得 立 一禁約,若擅增敷歲額及樁留準備過數者,並以 過二分,紹 取贏之因以聞。」從之。 聖再 加裁定, 止許存留一分。 一四百千,今累敷至緡錢近三萬。又元豐八 此時考詳法意,非取寬剩, 違制論。 今乞飭提舉

困? 」詔:「自今二等以上戶,因直降指揮非泛補官者, 宣 和 可減 元 年 阿顧 言 令官戶所減 者謂:「役錢 之數均入下戶,下戶於常賦之外,又代官戶減 一事,神宗 首防官戶免多,特責半輸。 輸賦、差科、免役並不得际官戶法減 今比戶 半 稱官,州縣募役 之輸, 岩 不 重

詔:「州縣昨因儆察私鑄,令五家爲保。 家,又差一人充甲頭及催稅 免,已免者改之。 進納人自如本法。」保長月給雇錢,督催稅賦。 人,十日一進,赴官比磨,求取決責,有害良民,詔禁之。 城郭亦差坊正、副領受文書,由此追呼陪費,或析 比年諸縣或每稅戶一二十

居、逃移以避差使。

其所置坊正、副可罷。」

費。未幾,廢保甲,復戶長,而庸錢不復給,遂爲總制窠名焉。 半,民戶役錢槪增三分。後復減之。 平法本於漢耿壽昌,豈可以王安石而廢之?」且當時招射士無以供庸直,詔官戶役錢勿減 自紹聖復雇役,而建炎初罷之。 兼官舊給庸錢以募戶長,及立保甲,則儲庸錢以助經 已而討論其法之不可廢也,參政李回言於高宗曰:「常

江之東西,以畝頭計稅,亦有不待推排者。 庫房廊、停場店鋪、租牛、賃船等外,不得以猪羊雜色估計,其後丼耕牛租牛以免之。若 行之口。然當時之弊,或以小民粗有米粟,僅存室廬,凡耕耨刀斧之器,雞豚犬彘之畜,纖 姓典賣產業(三),稅賦與物力一倂推割。至於推排,則因其貲產之進退爲之升降,三歲而一 然役起於物力,物力升降不殽,則役法公。是以紹興以來,講究推割、推排之制:凡百

戶則以物力之高下爲役次之久近。 保亦置長,五大保亦置都保正,其不及三保、五大保者,或為之附庸,或為之均丼,不一也。 保正、長之立也,五家相比,五五爲保,十大保爲都保,有保長,有都、副保正,餘及三

同編 升朝官,即爲官戶;身亡,子孫並同編戶。太學生及得解及經省試者,雖無限田,許募人 **弟姪子孫,原自非泛、七色而來者,仍同差役。** 二品四十頃,四品三十五頃,五品三十頃,六品二十五頃,七品二十頃,八品十頃,九品五頃。 戶。 ·夫品官之田,則有限制,死亡,子孫減半; 蔭盡,差役同編戶。 一品五十頃,二品四十五頃, 謂父母生前無官,因伯叔或兄弟封贈者。凡非泛及七色補官,不在限田免役之數;其奏薦 進納、軍功、捕盜、宰執給使、減年補授,轉至 封贈官子孫差役,亦

冤保正、長差役。 |文||義士已免之田,不許典賣,老疾身亡,許承襲。 夫 爲 戶。 單丁、女戶及孤幼戶,並免差役。凡無夫無子,則爲女戶。女適人,以奩錢置產, 其合差保正、長,以家業錢數多寡爲限,以限外之數與官、編戶輪差。 總首、 部將 仍以

知縣不得人,一充役次,即便破家,是以講究役法甚備 追 正 身。 凡募人充役,並募土著之人,其放停兵及嘗爲公人者,並不許募。 募人憑藉官勢,姦害善人,斷罪外,坐募之者。 高宗在河朔, 親見閭閻之苦,嘗歎 旣有募人,官不得復

御 史謝諤言:「義役之行,當從民便,其不願者,乃行差役。」上然之。朱熹謂義役有未盡善 乾道五年,處州松陽縣倡爲義役,衆出田穀,助役戶輪充,自是所在推行。 十一年台門

爲殿最;令役戶輪管以提其役,置募人以奉官之行移,則公私便而義役立矣。 居,信乎所謂未盡善之弊也。淳熙五年,臣僚奏令提舉官歲考屬邑差役當否,以詞訟多寡 其流日甚。 者四事。 凌寡暴孤。義役之名立,而役戶不得以安其業,雇役之法行,而役戶不得以安其 蓋始倡義役者,惟恐議之未詳,慮之未周,而踵之者不能皆善人,於是其弊日開, 或以材智把握,而專義役之利;或以氣力凌駕,而私差役之權。 是以虐貧優

降旨符,修爲一書,名曰役法撮要。五年,書成,左丞相原鐵上之。其法可以悠久,其或未 慶元二年,東部尚書許及之因淳熙陳居仁所奏,取祖宗免役舊法及紹興十七年以後續

久而輒弊者,人也。

常平、惠民諸倉粟,或平價以糶,或貸以種食,或直以振給之,無分於主客戶。不足,則遺使 萬民」是也。 振 宋之爲治,一本於仁厚,凡振貧恤患之意,視前代尤爲切至。諸州歲歉,必發 水旱、蝗螟、饑疫之災,治世所不能免,然必有以待之,周官「以荒政十有二聚

率追 軍 觀 者, 溜 馳 京 水 民共者 之,或倚閣以 放 籍, 發運 以 師苦寒,或物價 不 傳發省倉,或轉漕粟於他路; 爲 薄其 一呼不 到 濟 淖糜食之,或人日給 或募少 之地, 貧 不 司 罪; · 禁, 急、妨農者罷之。 '歲漕米,或數十萬石, 乏者,秋成,官爲理償。 壯 水鄉 須豐年。 運薪糧 民之流亡者, 興修工役。 、翔踊,置 則 僅給之。 升至 蠲 寬逋 蒲、 場出 易菽粟三升或五升。 糧。 魚、 關 瀕 ·負,休力役,賦入之有支移、折變者省之,應給 老疾幼弱不能 因饑疫公若 津毋責渡錢 關市之征,鬻牛者覓算, 米及薪炭,裁其 果、蓏之稅。 可歸業者, 或百萬石濟之。 或募富民出錢栗,酬以官爵,勸諭官吏,許書曆爲課 又不足,則出 脈溺 存者, 計日 道京 選官分路巡撫, 死者, 價予民。 1併給遣 內藏或奉宸庫 賦租之未入、入未備者,或縱不取, 詔州郡長吏優恤其民,間遣內侍存問, 師者, 聽官司收養。 官爲埋祭, 歸; 運米 諸城門振以米,所至舍以官 前後率以爲常。 無可歸者,或賦以 舟車除沿 緩 金帛 囚 水災州縣具船栰拯 厭溺 「繋, 黝 省 路 詞 死 刊罰。 者加賜其家錢栗。 力勝錢。 部度僧牒; 蝗爲害, 蠶 鹽岩 開 飢民 田 利 和 又募民獎 民,置之 或寡 第 或 劫 有 糴 東 聽隸 戒監 或寺 若 南 及 困 [11] 窖 科 與 取 舉 則

捕,易以錢栗,蝗子 司 '俾察官吏之老疾、罷愞不任職者。

初, 建隆三年,戶部郎中沈義倫使吳越還,言一揚、泗飢民多死, 郡中軍儲尚百餘萬

自當 別收一斗,貯以備凶歉。 解句,宜以貸民。」有司沮之曰:「若來歲不稔句,誰任其咎?」義倫曰:「國家以廩粟濟民, 召 和 氣,致豐年,寧憂水旱耶?」太祖 平廣南、江南,輒詔振其饑,其勤恤遠人,德意深厚 悦而從之。 四年,詔 州縣興復義倉,歲收二稅,石

倉,乘時增羅,唯恐其不足。 眞宗繼之,益務行養民之政,於是推廣淳化之制,而常平、惠民 太宗恭儉仁愛,諄諄勸民務農重穀,毋或妄費。 是時惠民所積,不爲無備, 又置常平

倉殆遍天下矣。

活五 歲糶米六萬石,著之皇祐甲令。富弼之移青州,擇公私廬舍十餘萬區,散處流民以廩之,凡 越之米價頓減,民無飢死。 甚衆,盜賊衰止,賜詔褒美。 知越州趙抃揭膀於通衢,令民有米增價以驟,於是米商輻凑, 累朝相承,其慮於民也旣周,其施於民也益厚。 一十餘萬人,募而爲兵者又萬餘人,天下傳以爲法。 慶曆初,詔天下復立義倉。嘉祐二年,又詔天下置廣惠倉, 仁宗、英宗一遇災變,則避朝變服,損膳徹樂。恐懼修省,見於顏色,惻怛哀矜,形於詔 若是之政,不可悉書,故於先王救荒之法爲略具焉 而又一時牧守,亦多得人,如張詠之治蜀, 知鄲州劉夔發廩振飢,民賴全活者 使老幼貧疾者皆有所養。

北京韓琦詔曰:「河北歲比不登,水溢地震。方春東作,民攜老幼,棄田廬,日流徙于道。 神宗卽位以來, 河北諸路水旱荐臻,兼發糴便司、廣惠倉粟以振民。熙寧二年,賜判

志

第

夜以 斛,不足以供振給,義倉不足,又令通一路兌撥。於是紹聖、大觀之間,直給空名告敕、補牒 皆令民出息,言不便者輒得罪, 賜諸路,政日以隳,民日以困,而宋業遂衰。 意,所存無幾。 毋使後時,以重民困。」而王安石秉政,改貸糧法而爲借助,移常平、廣惠倉錢斛而 )興,慘怛不安。 其經制之方,聽便宜從事,有可以左右吾民者, 哲宗雖詔復廣惠倉,旣而章惇用事,又罷之,賣其田如熙寧法。 而民遂不聊生。又詔賣天下廣惠倉田。 宜爲股撫輯而振全之, 自是先朝良法美 常平量留錢 爲青苗

死者暴露於道。 嘉祐末,復詔給焉。 中,於京畿近郊佛寺買地,以瘞死之無主者。瘞尸,一棺給錢六百,幼者半之,後不復給, 民,遂行於天下。嘗因京師大疫,命太醫和藥,內出犀角二本,析而視之。 令太醫擇善祭脈者,即縣官授藥,審處其疾狀予之,無使貧民為庸醫所誤,**天**閼其生。 侍李舜舉請留供帝服御。帝曰:「吾豈貴異物而賤百姓?」竟碎之。又蠲公私僦舍錢 先是,仁宗在位,哀病者乏方藥,爲頒慶曆善救方。 知雲安軍王端請官爲給錢和藥予 其一通天犀,內 十日。

南、北福田院,幷東、西各廣官舍,日廩三百人。歲出內藏錢五百萬給其費,後易以泗州施 京師舊置東、西福田院,以廩老疾孤窮丐者,其後給錢粟者纔二十四人。英宗命增置

志 第 一百三十一 食貨 人上六 雇乳母、女使,糜費無藝,不免率斂,貧者樂而富者擾矣。 米,厚至數倍。差官卒充使令,置火頭,具飮膳,給以衲衣絮被。 依乞丐法給米豆;不足,則給以常平息錢。 廢、貧乏不能自存應居養者,以戶絕屋居之,無,則居以官屋,以戶絕財產充其 十月一日起支,至次年二月終止,如有餘,即至三月終。」從之。凡鰥、寡、孤、獨、癃老、疾 年,知太原韓絳言:「在法,諸老疾自十一月一日州給米豆,至次年三月終。 利 二年,京師雪寒,詔:「老幼貧疾無依丐者,聽於四福田院額外給錢收養,至春稍暖則 錢,增爲八百萬。 又韶:「州縣長東遇大雨雪,蠲僦舍錢三日,歲毋過九日,著爲令。」熙寧 崇寧初,蔡京當國,置居養院、安濟坊。 州縣奉行過當,或具帷帳 河東地寒,乞自 、費,不限月。 給常平 止。」九

貧小兒可教者,令入小學聽讀,其衣襴於常平頭子錢內給造,仍免入齋之用。 養院、安濟坊、漏澤園。道路遇寒僵仆之人及無衣丐者,許送近便居養院,給錢米救濟。 監 以書所治痊失,歲終考其數爲殿最。 號,更使領事三年,願復領者聽之。」至是,蔡京推廣爲園,置籍,瘞人並深三尺,毋令暴露, 毛地三五頃,聽人安厝,命僧主之。葬及三千人以上,度僧一人,三年與紫衣;有紫衣,與師 司巡歷檢察。安濟坊亦募僧主之,三年醫愈千人,賜紫衣、祠部牒各一道。醫者人給手曆, 三年,又置漏澤園。 初,神宗韶:「開封府界僧寺旅寄棺柩,貧不能葬,令畿縣各度官不 諸城、砦、鎭、市戶及千以上有知監者,依各縣增置居 遺棄小兒,雇 孤

中制 减 半。 乳養,仍聽宮觀、寺院養爲童行。 安濟坊錢米依居養法,醫藥如舊制。 應居養人日給稅米口也或粟米一升,錢十文省,十一月至正月加柴炭,五文省,小兒 宣和二年,詔:「居養、安濟、漏澤可參考元豐舊法, 漏澤園除葬埋依見行條法外,應資給若齋 裁立 醮等

事

、悉罷。」

也。 於漏澤園, 隕 於戈甲、斃於道路者,則給度牒瘞埋之。 高宗南渡,民之從者如歸市。 兵食方急, 歲以爲常。 紹興以來,歲有水旱,發常平義倉,或濟或糶 儲蓄有限,而振給無窮,復以飮賞誘富人相與補助,亦權宜不得已之策 既爲之衣食以振共飢寒,又爲之醫藥以救其疾病; 若丐者育之於居養院;其病也,療之於安濟坊;其死 或貸,如恐不 及。 然當 也, 艱難 葬之

更懷 潼川守臣景興宗、廣安軍守臣李瞻、果州守臣王騭、漢州守臣王梅活飢民甚衆,前吏部郎中 有遏 萬石以上,取旨優賞;已有官蔭不願補授者,比類施行。 私 糶致盜者,詔閉糶者斷遣。 元年,詔出粟濟糶者賞各有差。糶及三千石以上,與守闕進義副尉;一萬五千石以上,與進武校尉 ,善良被害。 望戒守令多方勸論,務令樂從,或有擾害,提舉司劾奏。」從之。 殿中侍御史周祕言:「發廩勸分,古之道也,許以斷遣,恐貪 六年,湖、廣、江西旱, 詔撥上供米振之。 是歲

方, 窮谷深山之民, 無不霑惠, 以其法下諸路。 馮檝亦出米以助振給,興宗升一職,膽、騭、梅、檝各轉一官。 十年,通判婺州陳正同振濟有

州以常平錢依臨安府振之。 即位、生辰、上尊號、生皇子、晏駕、大祥之類,臨安之民暨三衙諸軍時有振恤,及放商稅、公私房賃。 乏之家,人給錢二百、米一斗行三及柴炭錢,並於內藏給之;凡遇寒、遇暑、遇雨、遇火、遇赦及祈禱 振之。二十九年,詔諸處守臣撥常平義倉米二分振糶,臨安府撥樁積之米。三十一年正月, 雪寒,民多艱食。 二十八年夏,浙東、西田損於風水。 詔臨安府丼屬縣以常平米減時價之半(三),振糶十日,臨安府城內外貧 在法,水旱及七分以上者振濟,韶自今及五分處亦 輔郡之民,令諸

石轉 即進 臣僚言:「諸路早傷,請以檢放展閣責之運司,糶給借貸責之常平台。,覺察妄濫責之提刑, 各與占射差遣一次;三千石轉一官,選人循兩資,各與占射差遣一次。 選限將仕郎〔三〕者聽;二千石補進武校尉,進士與冤文解一次;四千石補承信郎,進士與補上州文學;五 水貧民。 1 孝宗隆興二年秋,霖雨害稼,出內帑銀四十萬兩,變糴以濟民。乾道六年夏,振浙 官,選人循兩資,各與占射差遺一次。 補 迪功郎。 七年八月,湖南、江西旱,立賞格以勸積粟之家。無官人一千五百石補進義校尉,願補 文臣:一千石減二年磨勘,選人轉一官;二千石減三年磨勘,選人循一資,各與占射差遣一次;三千 武臣:一千石減二年磨勘,選人轉一資;二千石減三年磨勘, 五千石以上,文武臣並取旨優與推恩。 選人循一資, 千石補 九月, 西被 承節 不 理

志

嘉定十六年,詔於楚州所儲米撥二萬石濟山東、西。 體量措置責之安撫。」上諭宰執曰:「轉運司止令檢放、恐他日振濟不肯任責。」虞允文奏曰: 寧宗慶元 「去歲江、浙、湖北、淮西旱傷處已行振糶,其鰥寡孤獨貧不自存、無錢收糴者,濟以義米。」 轉運司 主一 元年,以兩浙轉運副使沈詵言米價翔踴,凡商販之家盡令出糶,而告藏之令設矣。 路財賦,謂之省計。 凡州郡有餘、不足,通融相補,正其責也。」淳熙 八年,詔:

某人借若干石,依正簿分雨時給"初當下田時, 行之人,與有稅錢衣食不闕者,並不得入甲。 口減半,五歲以下不預請。 凡借貸者,十家爲甲,甲推其人爲之首;五十家則擇一通曉者爲社首。 陸九淵在敕令局,見之歎曰:「社倉幾年矣,有司不復舉行,所以遠方無知者。」途編入振恤 每石只收耗米三升。 年,得息米造倉三間,及以元數六百石還府。 粟於倉,多則加息計米以償。 淳熙八年,浙東提舉朱熹言:「乾道四年民艱食,熹請於府,得常平米六百石 以故一鄕四五十里間,雖遇凶年,人不闕食。 甲首加請 一倍。 自後隨年斂散,歉,蠲其息之半;大饑,卽盡蠲之。凡十有四 社首審訂虛實,取人人手書持赴本倉,再審無弊,然後排定。 其應入甲者, 又問其願與不願。 次當耘耨時。 見儲米三千一百石, 秋成還穀不過八月三十日足,濕惡不實者罸。 每年正月,告示社首,下都結甲。 願者,開具一家大小口若干,大口一石,小 ,以爲社**倉**,不復收息, 請以是行於倉司。」時 甲首 其有逃軍及無 振貸,夏受 嘉定末, 附 都 簿載

**真德秀帥長沙行之,凶年饑歳,人多賴之。** 然事久而弊,或移用而無可給, 或拘催無異正

赋,良法美意,胥此焉失。

制 贼 專倚兵威以圖 日 西 有餘濟其所不足,則飢 衆。 萬 ·,不致文具。」從之。 置 勢自 湖 石 大 南 使 孤,可 振 慶三年,監察御史汪剛中言:「豐穰之地,穀賤傷農,凶歉之地, 欲望朝 出出 貧 司] 州 科 乏 、縣有米處,並聽販醬流通 ) 細民 **殄滅**,固 降米麥一 廷厲兵選士,盪定已竊發之寇 舉而 滅矣。 端平元年六月,臣僚奏:「建陽、邵武羣盜嘯聚,變起於上戶閉 者不至於貴糴,而農民亦可以得利。 無不可; 百萬 此 石 成 振濟。 周荒 然振救之政一 政散利 淳熙十一 ; 違, 許被害者越訴, 官按劾, 除盜之說 ; 切不講,饑饉所迫,恐人懷等死之心 發粟振 年(三),福建諸郡旱,錫米二十五 也。」八月,以 饑, 懷來未從賊者之心, 庶人 乞申嚴遏糴之禁,凡兩浙 河南州 更決配, 濟 雞無策, 軍新 復, 庶幾令 萬 惟以 令 知 石 ,附之者 糴 江、淮 振 避 江 其所 出惟 害, 若 東

米 千 令 臨 所,誘人入京販糶,賞格 九 安府 景定 五 收 萬二千一 元 糴 年 米四 臨安府平糴倉舊貯米數十 百餘 + 萬 貫, 石, 比 一共湊 用平 乾道 糴 + 七 ·七界 倉錢三百 年 加加 優。 千四 ·萬石 几 萬 ,糶補循 百萬貫, 七千八百 環,其後用 充糴本錢。 五 + 九 貫 而 二年, 不補,所存 封椿 以都 庫 + 城全仰浙 無 七 界會 幾。 有 子 西 旨

志

前諸路義米一百一十二萬九千餘石減價發糶,薄收郡縣聽民不拘關、會、見錢收糴。 秦、越肥瘠之視。 倉,然爲數有限,安得人人而濟之。<br />
願陛下課官吏,使之任牛羊獨牧之責,勸富民,使之無 由、實富家大姓所至閉廩,所以糴價愈高而楮價陰減。 守,更用賢守,此今日所當法者。 史趙順孫言:「今日急務,莫過於平糴。 咸 [淳元年,有旨豐儲倉撥公田米五十萬石付平糴倉,遇米貴平價出糶。二年,監察御 糴價一平,則楮價不因之而輕,物價不因之而 今粒食翔踴,未知所届,市井之間見楮而不見米。 乾道間,郡有米斗直五六百錢者,孝宗聞之,卽罷其 陛下念小民之艱食,爲之發常 重矣。」七年,以咸淳三年以 推 平義 原其

#### 校勘記

- 得雇 人爲代 「雇」原作「差」, 據長編卷三八九、幷參照下文「今既立法許雇」句
- (三) 兩浙諸路 長編同上卷作「兩浙諸邑」,似是。
- $\subseteq$ 書的 其後又詔 內容, 原文見宋會要食貨六五之五七及長編卷四一〇、卷四一二。 自此起至「速募人代之」一段,係概括元祐二年十二月、三年二月及六月前后三個詔
- 則上戶之害皆去 文字,此處「上」下當脫一「下」字。 據蘇軾蘇東坡集奏議卷六論役法差雇利害起請畫一狀和長編卷四三五所引

(至) 不許盡用 「許」原作「用」,據同上二書同卷同篇改。

(云) 今忽減作三年 「三」原作「二」,據同上二書同 卷同 篇改。

(七) 他役皆免 「役」原作「投」,據宋會要食貨六五之六〇、長編卷四四八改

2 坊場 河渡錢 「錢」字原脫,據長編卷四七七、太平治蹟統類卷二一補。

**へ**売し 右司諫朱勃 「勃」原作「紱」,據太平治蹟統類卷二一、通考卷一三職役考改。

00 不得已保正保長保丁充代 按宋會要食貨六五之六四、通考卷一三職役考「已」都作「以」。

大觀元年詔 自此以下至「依元豐舊法」一段,據宋會要食貨六五之七五,係概述三年間事。 除

大觀元年事外,其中「其後又不許上三等人戶投充弓手」,係政和六年事;「至是復詔州縣募役

依元豐舊法」,則係宣和二年事,志文失書政和、宣和時間。

 $\stackrel{\triangle}{=}$ 三歲 凡百姓典賣產業 而 一行之 「一」原作「下」,據同上書同卷同篇改。 「產」原作「典」,據通考卷一三職役考改。

十一年 承上文當指乾道十一年,但乾道只有九年。 宋會要食貨六六之二二、 中興聖政卷六

都 繫謝諤此奏於淳熙十一年,此處失書淳熙紀元。按編 年順序,應移置於下文淳熙五年之後。

宝 虐貧 所 論 義 優 役 富 未 盡善 「優」原作「擾」,據通考卷一三職役考,并參考朱熹朱文公文集卷一八奏義役利害狀 匹 事 條改。

志第一百三十一 校勘記

合さ 饑疫 「疫」原作「役」,按上文,振恤的主要事項爲「水旱蝗螟饑疫之災」,據改。

呈 軍儲 尚百餘萬斛 「百」字原脫,據本書卷二六四沈倫傳、長編卷三補。 沈倫卽沈義倫。

금 若來歲不稔 「不」字原脫,據通考卷二六國用考補。本書卷二六四沈倫傳作「若歲薦饑無徵」。

公约 日給秫米 「杭」原作「稅」,據宋會要食貨六〇之七、六八之一三六改。

糶及三千石以上與守闕進義副尉一萬五千石以上與進武校尉 五 作「進義」。 六都作: 按南宋武階有守闕進義副尉而無守闕進義校尉。 糶及三千石以上與守闕進義副尉,一萬二千石以上始與進義校尉,一萬五千石以上 宋會要食貨五九之二二、六八之 「副尉」原作「校尉」,「進武」原

則與進武校尉。據改。

 $\Xi$ 減時價之半 「價」字原脫,據宋會要食貨五九之三六補。 又會要「牛」下多一「分」字。

三 給錢二百米一斗 「斗」,同上書作「升」。

**=** 不理選限將仕郎 「限」字原脫,據宋會要食貨五九之四八、通考卷二六國用考補。

**糶給借貸責之常平** 糶 原作「糴」,據文義及宋會要食貨五九之四九改。

淳熙十一年 按此年繁於端平之後、景定之前,疑「淳熙」是「淳祐」之訛

# 宋史卷一百七十九

### 志第一百三十二

### 食貨下一

#### 會計

蹙,藩鎭益彊,率令部曲主場、院,其屬三司者,補大吏以臨之,輸額之外亦私有焉。 給,故興利者進,而征斂名額繁矣。方鎭握重兵,皆留財賦 宋貨財之制,多因於唐。 自天寶以後,天下多事,戶口凋耗,租稅日 自贍,其上供殊鮮。 削, 法既變而 五代疆 境偏 用不

以助軍實。 命文臣權 太祖周知其弊,及受命,務恢遠略,修建法程,示之以漸。 知 乾德三年,始詔諸州支度經費外,凡金帛悉送闕下,毋或占留。 ,所在場務,或遣京朝官廷臣監臨。 於是外權始削,而利歸公上,條禁文簿漸爲 建隆中,牧守來朝,猶不貢奉 時藩郡有闕,稍

志

第

百三十二

食貨

下

精密。 隱者寘於法,募告者,賞錢三十萬。 征、地課、鹽麴之類,通判官、兵馬都監、縣令等並親臨之,見月籍供三司,秩滿較其殿最,數 諸州通判官到任,皆須躬閱帳籍所列官物,吏不得以售其姦。 而小民求財報怨,訴訟煩擾,未幾,除募告之禁 主庫吏三年一易。 市

裁定。 官吏虧課當罰,長吏以下分等連坐。 十之一,至五千貫者遷其職。 主稱、藏吏皆斬,監臨官亦重寘其罪。 課,乃籍其貲產以償。太宗始詔以開寶八年爲額,旣又慮其未均,乃遣使分詣諸州,同長吏 先是,茶鹽榷酤課額少者,募豪民主之。民多增額求利,歲更荒儉,商旅不行,至虧常 凡左藏及諸庫受納諸州上供均輸金銀、絲帛暨他物,令監臨官謹視之。 雍熙二年,令三司勾院糾本部陷失官錢,及百千賞以 罷三司大將及軍將主諸州権課, 命使臣 一分掌。 欺而 掌務

置裁給,餘州亦如之。未幾,復爲三部。 爲率,每州軍歲計金銀、錢、繒帛、芻粟等費,逐路關報總計司,總計司置簿,左右計使通計 儲等簿以聞。」四年,改三司爲總計司,左右大計分掌十道財賦。令京東西南北各以五十州 國用之盈虛,大行羣吏之誅賞,斯乃舊典,其可廢乎。三司自今每歲具見管金銀、錢帛、軍 淳化元年詔曰:「周設司會之職,以一歲爲準; 漢制上計之法,以三年爲期。 所以詳知

決。 爲薪,俾擇其可用者造什物數千事。 宋聚 兵京師,外州無留財,天下支用悉出三司,故其費寖多。 嘗言油 衣、帟幕損破者數萬段,帝令煑之,染以雜色,制旗幟數千。 其愛民惜費類此。 太宗孜孜庶務,或親爲裁 調退材給

州、通判減監官一等科罰,州司典吏減專典一等論,大臣及武臣知州軍者止罰通判以下。 克,韶凡增額比奏。上封者言:「諸路歲課增羨,知州、通判皆書曆爲課最,有虧者則無罰。」 課以祖額口前界遞年相參。景德初, 乃令諸路茶、鹽、酒稅及諸場務,自今總一歲之課,合爲一,以額較之。有虧則計分數, 大半以金銀、綾綺、絁紬平其直給之。一天禧末,上供惟錢帛增多,餘以移用頗減舊數,而 眞宗 至道末,天下總入緡錢二千二百二十四萬五千八百。三歲一親祀郊丘,計緡錢常五百餘 嗣位,詔三司經度茶、鹽、酒稅以充歲用, 権務連歲增羨,三司卽取多收者爲額,帝盧或致掊 勿增賦斂以困黎元。 千二百,而 是時條禁愈密,較 鸁 數 不預 知

景德 天下總入一萬五千八十五萬一百,出一萬二千六百七十七萬五 郊 祀 錄以獻,林特領使,亦繼爲之。 七百餘萬, 東封八百餘萬, 祀汾陰、上寶 凡舉大禮,有司皆籍當時所費以聞,必優詔 册又增二十萬。 丁謂 爲三司 著

初 ) 吳、蜀、江 志 第 百 = 南、荆湖、南粤皆號富強,相繼降附,太祖、太宗因其蓄藏,守以恭儉簡易。 + 食 貨 下

佛老、外國耗蠹中土,縣官之費數倍於昔,百姓亦稍縱侈,而上下始困 其生,不爲巧僞放侈,故上下給足,府庫羨溢。 天下生齒尙寡,而養兵未甚蕃,任官未甚冗,佛老之徒未甚熾,外無金繒之遺,百姓亦各安 承平既久,戶 口歲增, 兵籍益廣, 於財矣。 吏員益衆。

滑州塞 若股 傳旨 皆賜服,至是亦罷給。 內外宮觀淸衞卒及工匠,分隸諸軍、八作司。 道家之奉有節,土木之費省矣。 自祥符天書一出,齋醮糜費甚衆,京城之內,一夕數處,至是,始大裁損。 所 呼索,費無藝極。 仁宗承之,經費寖廣。 決河, 御 御,止用塗 史知雜王 金。」時洞眞宮、壽寧觀相繼災,宰相張知白請罷不急營造,以答天戒。 故事,上尊號、諡號,隨册寶物並用黃金。 帝與太后知其弊,詔自今營造所須,先下三司度功費然後給。 鬷 復以爲言。 天聖初,首命有司取景德一 旣而玉清昭應宮災,遂詔諭中外,不復繕修。 舊殿直已上, 雖幼未任 歲用度,較天禧所出,省其不急者。 帝曰:「先帝、太后用黄 刺謁,遇乾元、長寧節 京師營造,多內侍 自是 又減

及

輒禁止。 之無所愛。 帝天資恭儉,尤務約已以先天下,有司言利者,多擯不取。 至於州縣征取苛細、蠲減蓋不可勝數 頁 (獻珍異,故事有者,或罷之。 山林、川澤、陂池之利,久與民共者,屢勅有司 聞民之有疾苦, 雖 原利, 毋

萬石,以一歲之入,僅能充期月之用,三分二在軍旅,一在冗食,先所蓄聚,不盈數載。 下久無事,而財不藏於國,又不在民,儻有水旱軍戎之急,計將安出?」於是議省冗費。 司 邑有禁兵三千,而留萬戶賦輸,僅能取足,郊祀慶賞, 諫韓琦言:「省費當自掖庭始。 至 寶元中,陝西用兵,調度百出,縣官之費益廣。 請詔三司取先朝及近歲賜予支費之數戶,裁爲中制,無 乃出自內府。 天章閣侍講賈昌朝言:「臣嘗治畿邑, 計江、准歲運粮六百餘 天 右

名者一切罷之。」乃令入內內侍省、御藥院、內東門司裁定,有司不預焉。

郊 其 御 賜,著爲式,皇后、嬪御進奉乾元節回賜物皆減半,宗室、外命婦回賜權罷。」於是皇后、嬪 爲 **鬻爵之法,亦不果行。其後西兵久不解,財用益屈,內出詔書:「減皇后至宗室婦郊祠** 而 半,後以元儼叔父,全給如故。帝亦命罷左藏庫月進錢一千二百緡。公卿、近臣以次減 各上奉錢五月以助軍費,宗室刺史已上,亦納公使錢之半。 所賜銀絹,舊四千、三千者損一千,千損三百,三百損百,百損二十,皆著爲式。 議 者或欲損吏兵奉賜。 帝謂:「祿廩皆有定制, 毋遽變更以搖人心。」尹洙在陝西,請 荆王元嚴盡納公使錢,詔給

萬 寶元元 三司 年未用 河北 使王堯臣 入二千一十 兵,三路出入錢帛糧草: 取陜西、河北、 四萬,出一千八百二十三萬,河東入一千三十八萬,出八百五十 河東三路未用兵及用兵後歲出入財用之數, 陝西入 一千九百 七 十八萬, 出二千 \_ 门 會計以聞。 五.

志

第

H

三 十 二

食

貨下一

陝西 是歲郊 特多故也。 一祠,故出入之數視常歲爲多,慶曆二年,入二千九百二十九萬,出二千六百一十七 用兵後,陝西入三千三百九十萬,出三千三百六十三萬,蓋視河東、北尤劇,以兵屯 又計京師出入金帛:寶元元年,入一千九百五十萬,出二千一百八十五萬,

萬,而

奇數皆不預

焉。

歲遺 吏員 錢 趣 百八 元年,入一 軍 三司,取一 議 總 六百 、受祿 十五 裁節,稍徙戍兵還內地。 至五十萬,自是歲費彌有所加。 會元昊請臣,朝廷亦已厭兵,屈意撫納,歲賜繒、茶增至二十五萬,而契丹邀割地,復增 任役者。 一萬。 者萬五 億二千六百二十五萬一千九百六十四,而所出無餘。 歲中數以爲定式。 寶元以後,募兵益廣,宗室蕃衍,吏員 千四百四十三,祿廩奉賜從 至是,饗明堂,增至一千二百餘萬,故用 詔翰林學士承旨王堯臣等較近歲天下財賦出入之數, 初,真宗時,內外兵九十一 命三司 戶部副使包拯行河北,與邊臣、轉運 西兵旣罷, 而調用無所減, 而增廣。 〈歲增。 又景德中,祀南郊,內外賞資金帛、緡 萬二千, 至是,兵 度不得 不屈。 乃下詔切責邊臣及轉運 一百二十五萬九千,宗室、 宗室、吏員受祿者九千七 堯臣等爲書七卷上之,送 司議罷省冗官,汰 相參耗登。

陛 下 憂勤于上,人民愁嘆于下。 至 和 中, 諫官范鎮 上疏曰:「陛下每遇水旱之災,必露立 今歲無麥,朝廷爲放稅免役及發倉廩拯貨,存恤之恩不爲 仰天,痛自刻責,而 更不 ·稱職,

陝西用兵以來,賦役煩重。 民不得終歲之飽; 然人民流離,父母妻子不相保者,平居無事時,不少寬其力役,輕其租賦; 及有小歉, 及近年,轉運使復於常賦外進羨錢以助南郊,其餘無名斂率不 雖加重放, 已不及事。 此 無他, 重斂之政在前 也。 歲大熟, 國家自

可勝計。」

卒無所建明。 則 制 密院益兵不已,民已困而三司取財不已。中書視民之困,而不知使樞密減兵、三司寬財者, 、天下民力庶幾少寬。」然自天聖以來,帝以經費為慮,屢命官裁節,而有司不能承上之意 國用之職不在中書也。 又言:「古者冢宰制國用,今中書主民,樞密主兵,三司主財,各不相知。 願使中書、樞密通知兵民財利大計,與三司量其出入,制爲國用, 故財已匱而樞

勤 十八。是歲,諸路積一億六千二十九萬二千九十三,而京師不預焉。 应 儉 自飭、然享國日淺,於經紀法度所未暇焉。治平二年,內外入一億一千六百十三萬八 治平中,兵數少損,隸籍者猶百十六萬二千,宗室、吏員視皇祐無慮增十之三。英宗以 五,出一億二千三十四萬三千一百七十四,非常出者又一千一百五十二萬一千二百

術,磨以 節, 神宗 二年數,比今支費不同者,開析以聞。 歲月,庶幾有效,非愚臣 宗室繁多, 偏 位, 尤先 官職 理 財。 冗濫, 軍族不精。 熙 寧初, 一朝一 命翰林學士司馬光等置局看詳 夕所能裁減。」帝遂罷裁 後數日 必須 、陛下與兩府大臣及三司官吏, 深思救弊之 ,光登對言:「國 [減局,但下三司 用不足, 裁減 在用 國用 头析 制度, 度大奢, 仍 賞 取

帝方 錢月 公主 置之宜 但 用 經 奉 不節,何 八 百 安石 略四 料, 凡一 緡。 以問 夷,故每以 執政,議置三司條 歲用 由給足?宮中一私身之奉有及八十千 聞 獻穆, 太宗 度 及 時宮人惟繫皂紬襜,元德皇后 財用 再三始言初僅 郊 祀 大 不 給為 、費、皆編 例司,講修錢穀之法。 憂。 得五 著 日 定式 與大 貫 爾, 臣 異時· 講 管用 求 者,嫁一公主至費 帝因論措置之宜,言:「今財 中宮月有 其故, 金線 命官考三司 緣禮,太宗怒其奢。 止 七 百 錢 七十 簿籍 者。」 -萬緡, 時 商 賦 天下 量 仁 沈貴妃 非 經 宗 不多, 承平, 久廢 初 料

簡州 也 歳貢 牛 I. 旣 有 羊 作, 而 司 請 綿紬,安州 司 井 非 積 延 造 兩 龍 毛 福 宮、 數萬 圖 宮 覆 倉廩、 市紅花萬斤,梓州市碌二千斤,帝皆以道遠擾民,亟命停罷。 斤, 檻 天章 氈 武 皆 龍 閣 庫, 之。 同 覆闌 糞 皆罷省。 壤 後呂嘉問 檻 青 三司 氈 四 三年, 不取 復 百 建 九 於 議 + 儀鸞 此 省儀 帝謂:「 司 而 鸑 闕 欲 司 顫 勤 供 禁中諸 三千, 遠民乎? 禁 中 三司 ·綵帛。 殿闌 隆率故 請命 全州 是歲, 河 弊, 東 詔 製 内 班竹簾, 乏。 外 不 勿給 必 帝

以 泛 抵 用者,皆 產爲抵,官預給錢,約期限、口數、斤重以輸。 京皆瘦惡耗死,公私費錢四十餘萬緡。」詔著作佐郎程博文訪利害、 制 置 司言:「諸路科買上供羊(四),民費錢幾倍,而河北権場博買契丹羊歲數萬 別其牢棧,以三千爲額,所裁省冗費十之四。其後,又用呂嘉問、劉永淵之言,治 民多樂從,歲計充足。 博文募民有保任者, 凡供 御膳及祀祭與 路遠,

竈

派冰,以

省工

費

法。 緡, 祿 錄 法 西、三班 至 天下之吏,帝以役法未就,緩其議。 可以省 監 中書 帝嘗 增至 安石 [1] 院、 患 天 十五 刑。 諸州六十八萬 請 樞密院、三司、吏部流內銓、 謂 增置官司費財。 增諸 古 然良 千; 「非特什一而已。 倉主典、役人祿至一萬 吏實寡,財 司理至簿、尉,防團 九千八 王安石謂增置官司,所以省費。 取 百餘緡。 如 帝又以倉吏給軍食,多侵盜,詔足其槪量,嚴立諸倉丐取 故,往往陷 三司 南 軍監推、判官增 時主 曹、 八千九百緡, 上新增吏祿數: 開 新 重辟,議 封府 法 者皆謂 吏祿 者不以爲善 至十二千。 且盡 ,受財者以倉法 吏祿 京師 帝曰:「古者什一而稅,今取 增選人之祿, 既厚, 歲增 其後又增中書、審官 則 四十一萬三千 人知自 論。 均其多寡。 安石 重,不 蓋 匹 敢冒 欲 百 令、 餘 東 財

道 半歲費 讱 陜 人錢銀 西 用 紬 兵,凡費 絹 千二 人

経 百萬 貫 -、匹、兩。」 百 l 餘萬 帝以 帝因欲知陝西歲用錢穀、 問王 安石 ·, 安石 日:「楚建 金帛 中考沈 及增 虧 起 凡數, 簿 書,計 乃詔

五.

志

聞。

薛向 條上。 王安石以爲擾, 力請罷之, 止詔三司帳司會計熙寧六年天下財用出入之數以

逐罷 費。 亦以爲言,乃詔置三司會計司,以解提舉。 河渡、房園之類租額年課,及一路錢穀出入之數,去其重複,歲比較增虧、廢置及羨餘、橫 計贏闕之處,使有無相通,而以任職能否爲 韓絳旣相,建言:「三司總天下財賦,請選官置司,以天下戶口、人丁、稅賦、場務、 其後 州一 心黜陟, 路會計式成,上之,餘未就緒,未幾 則國 計大綱可以省察。」三司使章惇 、坑冶、

用。 三司 '使之任,左曹隸尚書,右曹不隸焉。 天下之財分而爲二,視彼有餘,視此不足,不得移 宜令尚書兼領左右曹,侍郎分職而治,舊三司所掌錢穀財用事,有散於五曹及諸寺、監 元豐官制旣行,三司所掌職務散於六曹、諸寺監。元祐初, 司馬光言:「今戶部尚書,舊

者,並歸戶部。」遂詔尚書省立法

八年,所設官吏僅六百人,費錢三十九萬緡,而勾磨出失陷錢止萬緡。 命曾布删定法式。 有司 請以 )府界、 諸路在京庫務及常平等文帳悉歸戶部。 布因請選吏於三司顓爲一司,帳司之置始 初, 此 熙寧五 至元豐三年,首尾 朝廷知其無益,遂罷 一年,患天下文帳之

令戶部盡 帳 司,使州郡應上省帳皆歸轉運司,惟錢帛、糧草、酒麴、商稅等別爲計帳上戶部。 收諸路文帳。 蘇轍時為諫官,謂徒益紛紛,請如舊爲便。不行。 至是,

之。 裁省。 景德 命裁損。 事 之間,因時立政,凡改官者自三歲而爲四歲,任子者自一歲一人而爲三歲一人、自三歲一人 后、皇太妃所得恩澤,並四分減一。」於是上自宗室貴近,下至官曹胥吏,旁及宮室械器,皆 而爲六歲一人,宗室自袒免以上漸殺恩禮,此則今日之成法。乞檢會寶元、慶曆、嘉祐故 ,置司選官共議。」詔戶部取應干財用,除諸班諸軍料錢、衣賜、賞給、特支如舊外,餘費並 後乃詔:「元祐裁損除授正任以下奉祿,失朝廷優禮,見條悉除之,循元豐舊制 ,班行、選人、胥吏率皆增益,而兩稅、征權(fi)、山澤之利,與舊無以相過。 三年,戶部尙書韓忠彥、侍郞蘇轍、韓宗道言:「文武百官、宗室之蕃,一倍皇祐, 又詔:「方將裁損入流,以淸取士之路。 久之,事未就。 議者謂裁減浮費所細碎苛急,甚損國體。 命今後遇聖節、大禮、生辰,太皇太后、皇太 於是已議未行者 治平、熙寧 切寢 四倍

緡錢三十二萬,詔以坊場稅錢給之。 請 裁 並 損 東職 罷。 元豐 ,隸省、 劉摯遂乞悉罷創增吏祿,詔韓維等究度, 鈎考隱漏官錢,督及一分者賞三釐。 、曹、寺、監者,止以元豐三年錢數爲額,而吏三省者,凡兼領因事別給 於是吏祿之冗濫者,率多革去矣。然三省吏猶有人受 自元祐改法,賞薄而 然不果罷。 其後有司 更怠, 計 遂復其舊。 中都 吏祿, 歲費 井舊 時議

志 第

皆給

見緡,如元

豐之制

奉 而 不 改 者 故孫升、傅堯俞皆以爲言。 至紹聖、元符,務反元祐之政,下至六曹吏,亦詔

部給 所 職之臣,財利旣多散失,且借貸百出,而熈、豐餘積,用之幾盡。 李憲、宋用臣等,皆相繼正其罪。 人之罪。 官 體量茶鹽之法。 入不足給所出。 百官奉,常無數月之備。 先是,旣罷導洛、堆垛等局,又罷 左司諫翟思亦奏疏詆:「元祐以理財爲諱,利入名額類多廢罷,督責之法不加於在 願下諸路會元祐以前所儲金穀及異時財利名額、歲入經數,著爲成式。」 使者之刻剝害民,如吳居厚、呂孝廉、王子京、李琮,內臣之生事斂怨,如 章惇遂以財用匱乏,專指爲司馬光、呂公著、呂大防、蘇轍諸 旣而稍復講修財利。 熙河蘭會經制財用司, 李清臣因白帝,今中外錢穀艱窘,戶 減放 方今內外財用, 月計歲會, 市 易欠負及積欠租輸 選

歲 季 諸 鸁 首則列次年之數,聞於漕司,考實申部。 聞 路 縮 奏 轉運使 書其籍 つ。」二年 中靖國 財 ,官吏違負 元年,詔諸路轉運司以歲入財用置都籍, 賦 崇寧元年,又令:「歲以錢穀出入名數報 虧 鸁 ,以行賞罰。 上供 錢物, 諸路無額錢物,立式 以分數寫 又以督限未嚴,更一季爲一月。 科罪之等, 下提 提刑 定諸州祖 不及 刑 司 九分者罪以 司,括 保驗, 額,且計一 三年外未發數,期以一 以 上戶 徒, 然國之經費,往 路 部 多者 凡 戶 數,即有 更加之。 部 歳條

往不給。

道 司額外兵士,及罷在京料次錢三十八處。 Ŧī. 年,詔省罷官局,命戶部侍郎許幾專切提舉措置。 裁罷開封府重祿通引官客司并街

置局 將 付。 停 自 貞 貴及賤,自近及遠,行之公當,人自無詞。」時論韙之。 節度使下至遙郡刺史,除軍功轉授者,各減奉半,然後閑慢局務、工伎末作,亦宜減省。 論議。 今歲支遣,較之去年又費百萬。」有詔鐫減財賦,命御史中丞張克公與吳居厚、許幾等 大觀三年,罷諸路州軍見貢六尙局供奉物名件四百四十餘,存者才十一二,減數十二, 戶部侍郎|范坦|言:「戶部歲入有限,支用無窮,一歲之入,僅了三季,餘仰朝廷應 克公抗言:「官冗者汰,奉厚者減,今官較之元祐已多十倍,國用安得不乏。 乞

泛用 有 較 餘。 之數。 工 時 諸路 部 於是 金、銀、銅、鉛、水銀、朱砂等,亦嚴帳籍之法; 轉運司類以乏告,詔戶部編次一歲財用出納之數,諸路州縣各爲都籍,以待考 初,比部掌勾稽天下文帳,東習媮惰,自崇寧至政和,稽違積數凡二千六百 申敕六曹,以拘督一 歲多寡爲寺、監賞罰 令諸路各條三十年以還一歲出入及 七十

元豐、 紹聖 政和 -1 、崇寧、政和 年, 命戶部參稽熙、 歲財用出入多寡來上。 豐及今財用 有餘不足之數,又立旁通格, 淮南漕臣張根言三天下之費,莫大於土木 令諸: 路漕司 各條

志

第

日

三 十 二

食貨

節。 等威。」疏奏,不省。 淆公卿間,貴賤、賢不肖,莫之辨也。 賜第之多,然日削月胺,所在無幾。 韓琦,不聞峻字雕牆,僭擬宮省,奈何剝民膚髓,爲廝役之奉乎?其次如田產、房廊,雖不若 至如賜帶,其直雖不過數百緡,然天下金寶糜費日久,夫豈易得?今乃賚及僕隸,使混 其次如人臣賜第,一第無慮數十萬緡,稍增雄麗,非百萬不可。 如以爲左右趨走之人,不欲其墨綬,當別爲制度,以示 又如金帛以供一時之好賜,有不可已者,而亦不可不 佐命如趙普, 定策如

河北 籍 徐處仁詳定。 添折 重 轄司、太府寺、左藏庫互相鈎考,以絕姦弊。 和 税米(主)等。 初 ,罷講畫經費局。 京大不悅,尋亦罷。 俄慮 **凝擾**, 有司議勾收白地,禁權鐵貨,方田增稅,權酤增價,量收醋息, 悉罷之,倂焚其條約。 宣和元年,以左藏庫虧沒一百七十九萬有奇,乃別造都 未幾,又置裕民局,命蔡京提舉,

惜 給之數,皆供爲職錢,視嘉祐、 罰 用 .財省: 請者。 金箔 帝 初 費者,必以 五. -卽 及蔡京 六萬七千。 位,思節冗 為相 為陋。 ,增修財利之政,務以侈靡惑人主,動以周官惟王不會爲說, 費,中都吏重複增給及泛濫員 帝曰:「用金爲箔,以飾土木,一 至於 土木營造,率欲度前 治平時賦祿優矣。 京更增供給、食料等錢,於是宰執皆然。 規而 額,並詔 壞不可復收, 侈後 觀。 品裁損。 元豐改官制, 後苑嘗計增葺殿字,計 甚 亡 謂 也。」令內侍省 在京官司供 每 及 前 朝

時, 類 別 班 藝,民不勝弊。 御, 京 雜 學士、待制中外百五 爲 給 賜,神宗卒不允,且增選人及庶人在官者之奉。 舊,宰執 出, 幾罪,幾坐奪職。 ,臺、省、寺、監又增廚錢。 並 既罷相,帝惡其變亂法度,將盡更革。命戶部侍郎許幾裁損浮費及百官濫祿,悉循元豐之 П 以 職秩繁委, 廩給無度。 爲衰 一仍舊,而宰執亦增如故。 又三省、密院 于時天下久平,吏員冗溢,節度使至八十餘員,留後、觀察下及遙郡刺史多至數千員, 秩幾於執政」之言。 京城所 大率爭以奇侈爲功。 《亂減損之計」, 亦聽辭所增奉。 主之。 用度 吏員猥雜,有官至中 其後又有應奉 十員。 日繁,左藏庫異時月費緡錢三十六萬,至是,衍爲一百二十 自是罕敢言者。 原不便,與其黨倡言:「減奉非治世事。 侍 又增置兼局 歲運花石綱, 原又專用豐亨豫大之說,諛悅帝意,始廣茶利,歲以一百萬 御 侍御史毛注嘗奏論之,不行。 初,宰執堂食亦皆有常數。 史黃葆光論其弊,帝善之而未行; 司 、御前 一禮制公 ·大夫,一身而 然吏祿泛冒已極,以史院言之, 一石之費,民間至用三十萬緡。 生活所、營繕所、蘇杭造作局、御前 明堂, 帝以繼述爲事,當奉承 詳定國朝會要、九域圖志、一司敕令之 兼 十餘奉, 至是,品目猥多,有公使、泛支之 察京復得政,言者遂以裁損祿廩 故當時議者有「奉入 俄而詔 司 馬光請聽宰臣辭南郊給 神宗。」由是官吏奉 云「當豐亨豫 姦吏旁緣,牟取 供檢吏三省幾千 人船所,其名 萬 超越從 大之 緡進

無

志

第

百

=

+

\_

食

貨

下

百貫,餘每司不得過二百貫,以上舊給數少者,止依舊。」 千者,浮侈相誇,無有藝極。」自是詔:「遇天寧節宴,舊應給錢者,發運、監司每司不得過三 節,除公使外,別給係省錢,充錫宴之用。 乃詔三省、樞密院吏額用元豐法,其歲賜悉裁之,時翕然以爲快。 蔡京又動以筆帖於権貨務支賞給,有一 獨諸路監司許支逐司錢物,一筵之饌, 紙至萬緡者。 京所侵 私 臣僚上言:「諸州 ,以千萬計,朝論 有及數百 遇天寧 喧然。

不得而 翟 場,而天下市易務,炭皆官自賣。名品瑣碎,則有四脚鋪牀、榨磨、水磨、廟圖、淘沙金等錢, 學制學事司膽學錢,皆歸應奉司。 自崇寧以來,言利之臣殆析秋毫,沿汴州縣創增鎭栅以牟稅利。 盡記也。 宣和以後,王黼專主應奉,掊剝橫賦,以羨爲功。 所入雖多,國用日匱。 嶺南、川蜀農民陂罰錢 官賣石炭增二十餘

## 六年,尚書左丞宇文粹中言:

務存: 者 一路至數十萬計,假上供而織文繡錦綺,役工女者一郡至百餘人。 恤 限,支梧繁夥, 近歲南伐蠻獠,北贍幽燕,關陝、綿、茂邊事日起,山東、河北寇盜竊發。 河北 穀 麥未登,已先俵糴 衣被天下,而蠶 一切取足於民。 一織皆廢; ; 歲賦 陝西上戶多棄產 已納,復理欠負 Ш 東 頻遭大水,而耕稼失時 而 居京師,河 託 應 奉而 買珍 他 東富人多棄產 異奇寶,欠民積 路 取 辨 目 賦斂歲 前,不 而入

志第一百三十二 食貨下一

額。 抵當所 宗之時, 用。 入爲出, 然創 又有 陛下勤恤民隱,詔令數下, 諸 國計 沛然有餘。 解池 置 處雜收錢 書局 所 鹽鈔 仰,皆有實數。 者 比 一百餘萬。 晉礬、市舶 近年諸局務、 職事官之數爲多, 有額 遺 悉爲虛文。民不聊生,不惟寇盜繁滋,竊恐災異數起。祖 三司以七百萬之入,供一年之費,而儲 一利、內贍京師,外實邊鄙,間遇 應奉等司 上供四百萬,無額上供二百萬,京師商稅、店宅務、 檢計 截撥上供, 修造者比實用之物增倍, 丽 繁富路分一 水旱, 隨以 其餘以待不測之 歲所入, 亦不敷 其他妄耗百 振濟, 풆 量

掌、事 之費,悉議 久之,乃詔 干宮 裁省。 禁,應裁省者,委童貫 蔡攸等就尚書省置 帝亦自 1罷諸 一講議 路 (取旨。 應奉官吏,省六尙歲貢 財 利 時貫 司 ',除茶法已有定制,餘並講究條上。 以廣陽 郡王領右府故也。 於是不急之務,無名 攸請:內侍職

不可勝數。

若非

、痛行裁減,慮智者無以善其後

數下 之名,濟營私之欲,漁奪 無額 可省二百二十萬 ,裁省之令屢行。 七 年, 一供錢,淮南路 詔 諸路 帥 應奉司 添酒錢等,並行截節 臣、 有 百 監 司 所管諸色窠名錢數內:兩浙路鈔旁定帖息錢(g),湖、常、温 姓,無所不至。 便文而實惠不 [日 各條所部當裁省凡目以聞。 ,更不充應奉支用。 朕夙夜痛悼,思有以撫循慰安之。 至,蓋緣任用非人,興作事端,蓋耗 後苑書藝局等月省十九 十二月,詔 曰:「 比 應茶鹽立額結 邦 財。 年寬大之詔 萬緡,歲 假 秀州 掌上

局 數 土,並 觀 絕。 等 撥 造 韶 房錢 元 諸 瓞 採石 給 諸 處 還 路 採 司 所 舊個 田 糴本,及椿 斫 网 土之 靇 木 浙 人。 待 植 諸 類。 以製造 詔 路 減 額 置 充募兵賞軍 掖 六尙, 外人。 局 旋用 局 及花 所, 並依 靇 度, 石 並 都 綱等,諸路 減 醫 茶場 之用 祖 侍從官以上 宗 諸局 が依 法 應 舊 及 站非泛上 馧 齋 歸 西 大晟 醮 朝 一月廩, 城 道 廷。 所見管錢 府, 場, 一供拋降物色, 及罷 泂 鼅 除 坊 舊法 敎 非危. 3樂所, 諸 物 兼局, 合有 並 急泛科、 延 付 鼅 外, 有 福 以上 教 宮 司 坊額 並 、免夫錢 西 其拘 罷 並 城 外人。 道 令 所 官 有 收 租 並 及 司 到 課 鼅 撥 據 百 行 賜 內 所 姓 幸 宮 得 地

添 臣、 可。 虚 相 給 一緩急 知 湄 戶 食 是 源 之宜 部 诗 料 天 靈 、茶湯等錢 尙 下 天下 應 書聶 財 諸 上 賦 財 觀 多爲 至 用 山 清 宮禁所 亦 歲 四 衞 請 禁 入,有 卒、 + 以 中 萬 熙 后 須 私 御 八 子 豐後 財 千 妃 前 ", 上 戚 九百 逮 錢 里 更卒 增 溢 物、 1餘緡, 及文武臣 置 下 、朝廷 漏,而 廩 添 給 餼 凡熙、 錢錢 物、 民 僚 如 切付 重 之家 額 豐 戶 困 外醫官、 無法 部 之有 母 錢物, 言 妻封 該 者 司, 載 內中諸 請令戶 國太 者 格以 其措 靇 之。 关人 法 置 閣 部 度,示 夏斂、 分 周 都 位 知 太 次主管文字等使 天 大 夫人等請 取 下 數, 索 以 支用, 至 而 公。 不 各不 失盈 井 詔

服 御, 靖 放宮女, 康 元 年, 罷苑囿,焚玩好之物, 詔 ...「 ) ( ) ( ) ( ) ( ) 於兆 庶之上,永念民 務以率先天下 惟 邦 本, 滅冗官, 思所 以 澄濫賞, 閔 恤 安定之。 **汰貪吏**, 乃 爲民除害。 者 减 乘 輿

方詔 蠲革,何以靖民! 應民所疾苦,不在此韶,許推類聞奏。」於是凡當時苛刻煩細、一切不便於民者皆罷 減上供收買之額,蠲有司煩苛之令,輕刑薄賦,務安元元,而田里之間,愁痛未蘇, 今詢酌庶言,疏剔衆弊,舉其 綱目,以授四方。 韶到,監司、郡守其悉力奉 黛不

共九萬五千八百匹。 買,毋得抑配於民。」十有一月,免淮南州軍大禮絹。五年,以四川上供錢帛依舊留以贍軍 十一年,始命四川上供羅復輸內藏,其後綾、紗、絹悉如之。 鎭 江府御服羅,省錢七萬緡,助劉光世軍。 八千匹,著爲定制。 高宗建炎元年,詔:「諸路無額上供錢,依舊法,更不立額。」三年二月,減婺州上供額羅 閏八月(fi),減福建、廣南路歲買上供銀三分之一。 紹興二年,罷 四年二月,詔:「諸路州縣天申節禮物,並置場和 四路天申節大禮絹及上供紬、綾、錦、綺、

千餘 千三百餘 上 一供 緡 始,十三年年增二分。 淳 熙五 岳州 緡。 年,湖北漕臣劉焞言:「鄂、岳、漢陽自紹興九年所收賦財, 民 五千八百餘緡,今增至四萬二千一 力 凋 弊, 無所 鄂州元儲 從出。」於是以見增錢數立額,已後權免遞增 一分, 錢 一萬九千五 百餘緡 漢陽三千七 百七十緡, 今已增 十分爲率,儲 百緡,今增 至一 詔 夔州路九州 <u>+</u> 至二 一分充 萬 萬二

志

第

百

Ξ

+

食

貨

下

物

極邊全免,次邊展免一年。

戶 姓科買 上供 金、 銀、 絹, 自淳熙六年爲始盡免。 十六年, 蠲兩准州軍合發上供諸窠名錢

願 以 並輸送左藏西 銀折輸者聽, 紹定元年,江、浙諸州軍折輸上供物帛錢數,除合起輕貨,並用錢、會中半; 庫。 枫 不過三貫三百文。 |兩浙、 江東共四百一 十三萬八千六百一十二貫有 路不通水,

匹,羅 四 以 百 紬、絹、絲、綿 六十 大數 ---八 咸淳六年,都省言:「南渡以來,諸路 七千三百五 、貫、銀 匹, 拘催,害及 絲 、綾、羅 九萬 <del>一</del>十 六萬 十五匹,戶 百 H. 用咸淳二年 姓。」有旨:「自咸淳 千三百三十三兩, 九千 六 部編牒諸路 百 起 几 + = 截 中 綿 兩, 數 七 上供數重,自嘉定至嘉熙,起截之數雖減,而州縣猶 拘催 視今所減定額起催 年爲始,銀、錢、 百 紬 五. 辺 萬七千 萬 錢、 千四四 關、 九 會子二千四百 關、會用咸淳三年起截 百二 百三十八匹, + 五 兩, 九十五 綾五 絹 七 千一百 十三 萬 中數拘 八千七 萬 七十九 七 千八 百

方貢 肵 謂 赋 不以 經 總制錢者 期至,戶 宣和 部尚 書呂頤浩、翰林學士葉夢得等言「亨伯以東南用兵,嘗設經制 末,陳亨伯以發運兼經制使,因以爲名。建炎二年,高宗在 揚州

孟 東 添 慮 又 几 司 數 , 取 庾 酒 西 提 錢、添 於 百 荆 量 京東東 領 萬 派 湖 措 賣 南 酒錢及增一分稅錢,頭子、賣契等錢,斂之於細,而 置財 西、河北路 邊事 、糟錢、典賣 北、福建、二廣 用,請以總制司 ,未寧,苟不出此,緩急 (10),一歲得錢近二百萬 田宅增牙稅錢、官員等請給 收充經制錢,以憲臣 爲名,又 必致暴斂。 因經制 ,緡, 之額增析 領之,通判斂之,季終輸送。紹興 所補 頭子錢、樓店務 與其斂於倉卒,曷若 不細。 而爲總制 積之甚衆。 今若行於諸路州 錢,而 增三分房錢,令 積 總 及爲 於細微。」於是以 制 錢 河北 軍, 自 五 兩浙、 年,參政 此 轉運使, 歲 始矣。 入無

除 江 量 起 發 西 增 一文依 作二 提 Ŀ 財 舉 供 用 舊法 十三文足。 。 餘 司 司 言 言:「常平 一十三文充本路郡 二 | 諸路州縣出納係省錢所收頭 支用,餘 錢物, 除漕 增 到 司 錢 舊法 及 與經制 州 縣井漕司 貫 舊合得 (牧頭子 司 別 ----作 用。 錢 -|-窠 五. 三文省, 子錢,貫 今欲令諸路州縣雜稅出 名輸送。 一文足。 、收錢二十三文省,內一 今當依 餘盡 入 諸 經制窠名 色錢例, I 納 錢 貫 帳內, 增作二十三文足, 十文省作經制 (收頭 起發 子錢上, 助軍。

庫. 亦是陰奪省司 九 年 諫 議 大 之利 大曾統 若 Ŀ 謂 疏 言:「 監 司] 經制 、郡縣違法廢今, 使本戶 部之職 別建此司按之, 更置 一司, 則 無 又不 益 於 然。 事 夫朝廷置監 如 創 供 給 酒

志

第

百

Ξ

+

舉司。 制錢,本路提刑丼檢法幹辦官拘催,歲終通紐以課殿最。二十一年,以守、倅同檢察。 九 司之臟罰,監司之妄支,固未嘗少革其弊。 司以轄州郡,立省部以轄監司,祖宗制也。 年,韶專以通判主之。 若使經制司能事事檢察,則雖戶部版曹,亦可廢矣。 罷之便。」疏奏,不省。十六年,以諸路歲取經總 稅賦失實,當問轉運司; 且自置司以來,漕司之移用,憲 常平錢穀失陷,當問提

守、倅共掌之。 西庫,補助經費。」自是經總制錢每千收五十六文矣。 乾道元年,詔:「諸路州縣出納,貫添收錢一十三文省,充經總制錢,以所增錢別輸左藏 然遇兵凶,亦時有蠲免。

苗米,隨苗帶納錢並與除放。」 數。端平三年,詔:「諸路州軍因災傷檢放苗米,毋收經總制頭子、勘合朱墨等錢; 二年, 淳熙十六年,光宗卽位,滅江東西、福建、淮東、浙西經總制錢一十七萬一千緡。 詔平江府合發經總制錢歲減二萬緡。 嘉定十七年, 詔蠲 嘉定十五年終以前所 自今已放 虧錢 紹熙

所謂月樁錢者,始於紹興之二年。 時韓世忠駐軍建康, 宰相呂頤浩、朱勝非議令江東

曹臣 剩錢充月椿,以寬民力,遂減江東、西之錢二十七萬七千緡有奇。 不係省錢, 月樁發大軍錢十萬緡, 例均科,旣有偏重之弊,上供經制,無額添酒錢并淨利錢,瞻軍酒息錢,常平錢, 皆是朝廷窠名也。 於是郡縣橫斂,銖積絲累,江東、西之害尤甚。 以朝廷上供經制及漕司移用等錢供億。 當時漕司不量州軍之 十七年, 韶州郡以寬 及諸司封椿不封椿、係省

知 僧、絕戶不俟覈實而入官,逃產、廢田不與消除而 人之犯法而重其罰,恣胥吏之受賕而課其入,索盜贓則不償失主,檢財產則不及卑幼,亡 其非法、然以版帳錢額太重、雖欲不橫取於民,不可得已。 又有所謂板帳錢者,亦軍興後所創也。 如輸米則增收耗剩,交錢帛則多收糜費,幸富 抑納,他 如 此類, 不可徧舉。 州縣之吏固

備,不可臨 金帛盡; 則發 內藏 凡貨 入內府。 佐 財 事 之。 不領於有司者,則有內藏庫,蓋天子之別藏也。 厚斂於民。 |宋 初, 初,諸州 太祖 以帑藏盈溢,又於講武殿後別爲內庫,嘗謂:軍 貢賦皆輸左 「藏庫,及取荆湖,定巴蜀, 縣官有鉅費,左藏之積不足給, 平嶺 南、江南, 旅、饑饉當預爲之 諸 國 「珍寶、

志

滅 此 裔 蓋慮司 其後 等 太宗 於左 迺令揀 嗣 計之臣 藏 位 庫 潭泉、吳越 擇上 納 不能 諸州 一綾羅 節約,異時用 上供 等物 相 物, 次獻地,又下太原,儲積益 别 具 造 (月帳) 度 長籍,月申 有 於內東門進入, 闕 う復賦 樞密院 率於民, 股不以此 厚,分左藏庫爲 改講 外庭不得預 武 殿後 自供嗜 其事 庫爲景 內藏庫, 好 帝 福 也 因 殿 令內藏 謂 庫, 左右日: 俾隸 庫 使 內

則 內 藏 除 其籍 、候課 É 一乾德、 赋 開寶 有餘 n; 卽 以來,用兵 償之。 淳化後二十五 及 人水旱振 給、慶澤賜賚、 一年間,歲貸百 有司 萬 計 度之所 有 至 三百 闕者, 萬 者。 必 籍其數以貸於 累歲 能

藏 庫 廣 來 緡錢 錢 其 HI 地 納 景 德 造都 庫 白 旣 几 萬 一年,又 而 金銀、 帳 給三司 又以 及須知 八以新 香藥 珠 寶 衣庫爲內藏 有 庫 屢 、儀鸞 + 加 色,錢 賞 焉 司 有 屋 西庫。 眞宗 益 新舊二 之, 再 初, 臨幸,作 分爲 色,錦帛 劉 承 四 珪 庫 銘 十 三 嘗掌 刻 金 石 銀 色, 庫 , 香藥七 經制 大中 庫 , 多其所 珠 祥 色。 玉 符 五. 香 天禧 年, 置, 樂 又推 重 庫 修 完置 庫 ٠, 又 銷 出 庫以 帛 內 增

七 兩 萬 錦 天 綺 而 聖 斥舊蓄緡錢六十萬於左藏庫,率以爲常。 鹿 以 胎 後, 透背、 兵師 、綾羅 水旱 紗 費 穀 無常 合 五. 數 + 萬 歲 匹, 以 賚 佐 軍 異時三司用度不足,必請貸於內藏, 司。 出錢 又歲 百 入 萬 饒 緡 池、 紬 絹 江 FI 建 萬 新 匹, 鑄 緡 銀 錢 輒得 + Ħ 萬

之,敢忘厥志。 嘗 籍 計 或 擅 不 而 三萬三千五 至 之,其名爲貸,實罕能償。景酤中,內藏庫主者言:「歲斥緡錢六十萬助三司,自天禧三年始。 詩 置 明道 他 留 司 曉 聞 慶曆中,詔悉蠲之。蓋內藏歲入金帛,皇祐中,二百六十五萬七千一十一, 太宗 之御 以 用 帳 者 拘 初 藝藝 二年距今纔四年,而所貸錢帛九百一十七萬。」在太宗時三司所貸甚衆,久不能償 揭之日 者 , 坐 芯 催 籍 閣 彩 時 臨 馤 祖 之。 已,財貨 加 內藏 百 ,以參驗帳籍中定數。 題之初,詔立歲輸內藏錢帛之額,視慶曆上供爲數。 元 防之法。」即命幹當御藥李舜舉領其事 擅 嘗 五. |一字| Ħ 豐以來,又詔諸 五 欲 用 起發坊 一匹。 財 Ξ 積 封 季 出 -+ 庫,每千計用一牙錢記之。 縑 樁 失圖 一人,初 常帛二 場錢 庫以號之, 錢 其出以助經費,前後 法 食 百萬 勿寄市易務,直 玁 無關防。 貨 路 75 狁 易敵人首,又別儲於景 金帛、緡錢輸內庫者,委提點刑 FL 凡三十二庫。 晚年, 熾 ( ) 藝祖 舊以龍腦、珍珠鬻於權貨務,數年不輸直,亦不鈎考。 出其錢示眞宗曰:『善保此足矣。』今守藏 |赴內藏庫寄帳封椿。 造 不可勝數,至於儲積贏縮, 邦, 凡名物不同,所用錢色亦異,他人莫能曉,匣 後積羨贏爲二十庫, 思有懲艾, 繼 福 詔 諸路 殿。 爱設 元 金銀輸內藏 嘗謂 獄司督趣,若三司、發運 豐初,乃更景 當輸內庫 內府, 又揭討 輔 四三七 則有 臣曰:「比閱 基以 金帛、緡錢,踰 庫者, 治平一百九十 司莫得詳 募 福 三每虔夕惕 土 殿 歳以 內臣,皆 庫名,自 內藏庫

帳上

期

司

曾

孫保

心,妄意遵遺業,顧予不武姿,何日成戎捷。」

拘催 曹主 諸 密爾,又安能鈎考其出入多少,與夫所蓄之數哉?宜因官制之意,令戶部、太府寺, :庫皆得檢察。」明年,詔內藏庫物聽以多寡相除。 一行內藏受納,而奉宸內藏庫受納又隸太府寺。 元站 而已,支用多寡,不得轉質。 元年,監察御史上官均言:「自新官制,蓋有意合理財之局總于一司,故以金部右 總領之者,止中官數十人,彼惟 置庫百餘年,至是始編 然按其所領,不過關通所入名數,爲之 知謹扃鑰、塗窗牖,以爲固 閱云。 於內藏

於大觀 中書 運 官 懈 奏:「熙寧之制,江南諸路金銀課 崇 致 東庫。尋命仍舊以七分輸內帑,餘給轉運司。宣 弛,侵蠧 (寧元年, 詔:「祖宗置內藏庫貯經費餘財, 所以募士威敵, 振乏固本, 皆有成法。 內帑 漸以虧減。」乃詔諸路新舊坑冶所收課 一耗減,務在協力遵守,無令偏廢。」於是命倉部郎中丘括行諸路驅磨。 利並 輸內帑。 利金 元祐中,戶部尚書李常於中以三分助轉 和六年,申截留、借兌內帑錢 銀 並輸內帑,如熙寧之舊。 物之制。 後 三年, 比歲

法行 元豐三年,遂於司農寺南作元豐庫貯之,以待非常之用 時 叉 乃 聽民 有元豐庫,則雜 增直 以售, 儲諸司羨餘錢。 取其價 給 衙 前。 諸道権酤場,舊以酧 久之, 坊場銭 益多, 衙前之陪備官費者, 司 農請歲發百萬緡輸中都。 熙寧役

甲爲 藏,以備緩急。 利 貼 椿 數月,以北 輸 等錢,並 元 東 豐庫,補助 軍。」尋用 元祐 北 鹽錢,及鬻賣在官田屋錢,應前收椿管封樁權添酒錢、侵占房廊白地錢、公使庫遺 元年,右司諫蘇轍論河北保甲之害, 庫 輸元豐庫。 為司空呂公著廨,封樁幷附南 洪議。 若積 軍 費。 而 元祐三年,改封椿錢物庫爲元祐 崇寧以後, 不用,與東漢 別又置大觀 諸路封樁禁軍闕額給三路外, 庫,制同元豐,但分東西之別。 西園錢,唐之瓊林、大盈二庫 庫仍舊。 因言:「元豐及內庫 元豐六年, 庫。 未幾,分元豐 詔歲以 何異? 與常平、坊場、免役、紬絹 財物 最後,建宣和庫,有泉貨 Ш 願以三十萬 內藏庫緡錢 庫爲元豐南 委,皆先帝多方蓄 層募保 五十萬 北

欽宗然之。 內藏,必得旨然後敢取,戶部豈可擅取朝廷庫務物哉?若人人得擅取庫物,則綱紀亂矣。」 元 豐 庫北珠,宰相吳敏白帝,言:「朝廷有元豐、大觀 **靖康元年**, 韶諸路公使庫及神霄宮金銀器皿, 庫,猶陛下 所在盡輸元豐庫。 有內藏庫。朝廷有闕用,需於 戶部尚書聶山 輒取

幣餘、服御、玉食、器貢等名,蓋蔡條欲效王黼以應奉司貢獻要寵,事不足紀。

考,則以後宋史多闕云。 南渡,內藏 諸庫貨財之數雖不及前,然兵興用乏,亦時取以爲助。 其籍帳之詳莫得而

#### 校勘記

- 祖額 范雍言:「淮南十三山場並六権貨務,買賣茶課,各有祖額。」 原作「租額」。按宋制茶、鹽、酒稅,各地都有定額,叫做祖額。 通考卷一六征權考引止齊陳氏曰 如宋會要食貨三〇之七載
- 數,立爲祖 一額,比較科罰。」長編卷六〇載此事 也作「祖額」,據改。

「成平四年五月四日勅"諸州麴務自今後將一年都收到錢,

仍取端拱至淳化元年三年內中等錢

- 賜予支費之數 支 原作「日」,據長編卷一二三、玉海卷一八六改。
- $\subseteq$ 出二千一百五 百五十一 萬」。 一十一萬 張編卷一四○作「出一千五百五十一萬」,通考卷二四國用考作「出一 千
- 諸路 科買上 一供羊 「買」原作「置」,據宋會要職官二一之一二改。
- (宝) 令錄 錄 原作「祿」,據宋會要職官五七之四、長編卷二二六改。
- (圣) 征権 原作「征推」,據蘇轍變城集卷四一乞裁損浮費箚子、長編卷四一九改。
- (上) 折稅 米 本書卷二一徽宗紀、編年綱目卷二八都作「折耗米」,疑是。
- 鈔旁定帖息錢 「鈔」原作「錢」,據宋會要食貨三五之二、編年綱目卷二八改。
- (元) 閏八月 「閏」字原脫,據本書卷二五高宗紀、繫年要錄卷二七補。
- <u>(</u>8 河北路 原脫,據宋會要食貨六四之八五、繫年要錄卷一八補

## 志第一百三十三

食貨下二

#### 錢幣

太祖 錢。 徒一年,五貫以上棄市,募告者賞之。 不送官者罪有差,其私鑄者皆棄市。 初鑄錢,文曰「宋通元寶」。 凡諸州輕小惡錢及鐵鑞錢悉禁之, 詔到限一月送官, 限滿 錢幣 夾錫錢最後出, 錢有銅、鐵二等,而折二、折三、當五、折十,則隨時立制。 宋之錢法至是而壞。 銅錢闌出江南、塞外及南蕃諸國,差定其法,至二貫者 江南錢不得至江北。 蓋自五代以來,相承用唐舊錢,其別鑄者殊鮮。 行之久者, 唯小平

始 開 其禁, 蜀 平 牆 而 仍 鐵 用 錢 鐵錢。 **不**出 · 境, 開實中,詔雅州 令民輸租及権利, 百 | 丈縣 鐵錢 置監冶鑄, + 納 銅錢 禁銅 錢 0 人兩川 時銅錢已竭, 太平 興國 民甚苦之。 177

置爭以銅錢入川界與民互市,銅錢一得鐵錢十四

官以 像器 甫 詠 使 候 長,鐵錢 年,遂 、、祥等 集 銅 自 諸 開 鐵 錢 明 平蜀,沈倫等悉取銅錢 牟 錢 縣令、佐問 纔得 剛賤。 凶 轉 -,轉運 1/[ 以 運 卽 ĴЦ Ē )月俸所得銅錢市與民,厚取其直,於是增及三分,民益以爲苦,或發 · 漸令輸之。」詔令市夷人銅,斤給鐵錢五百,餘皆從之。 峽 銅 判官范祥皆言:民樂輸銅錢,請歲遞增一分,後十歲則全取銅錢。 易 錢 請市 輸 副使張諤言:「川峽鐵錢十直 銅錢 四五 租權利勿復徵銅 之,多潛持兩端,莫敢正言。 夷人銅,斤給鐵錢千, 一百,後竟罷 一,坐罪者甚衆。 《上供,及增鑄鐵錢易民銅錢,益買金銀裝發,頗失裁制,物價滋 之。 錢。 詠、祥等皆坐罪免。既而又從西川 知益州辛仲甫具言其弊,詔使臣吳承勳馳 可以大獲銅鑄錢。 一銅錢一, 仲甫以大誼責之,乃皆言其不便。承 輸租 前十 民租當輸錢者,許且輸銀絹 取二。舊用鐵錢千易銅錢 然銅卒難得,而 、轉進 使 詔 傳 古冢、毁佛 劉 如所 勳 審 度 轉運 復命。 請 副 四

萬貫 4 廣南 太宗卽位,詔昇州置監鑄錢,令轉運使按行所部,凡山川之出銅者悉禁民采,並以給 冮. 南 亦 聽 權 用 舊錢,如 Ш 蜀 法。 初,南唐李氏鑄錢,一 工爲錢 千五 日

州 官鑄 產銅之地,大鑄 吉等州未有銅錢, 太平 興國二年, 銅錢,銅錢旣不渡江 樊若水言:「江南舊用鐵錢, 各發六七萬緡, 益以 俾市金帛輕貨 )新錢,則民間錢愈多, 於民 上供 非 及博 便。 糴 今諸 鐵錢自當 穀麥。 州銅錢 於昇、 不用,悉鎔鑄 尚六 |別 Ŀ 饒等 -萬

至 宋 是,詔所在用七十七錢爲百 初, 自 凡輸官者亦用八十或八十五為百,然諸州私用則各隨其俗,至有以四十八錢為百者。 唐天祐中,兵亂窘乏,以八十五 錢爲百,後唐天成中, 減五 錢,漢乾祐初, 復減三錢。

爲

農

(器什物,以給江

北流民之歸附者。

除銅錢渡江之禁。」從之。

論 酉 北 罪,至五 邊內屬戎人,多齎貨帛於秦、階州易銅錢出塞, 貫以上送闕下。 銷鑄爲器。 乃韶吏民闌出銅錢百

法,惟 間 錢 訪 獝 萬 雜 得 舊 永平用 鉛三十六萬斤、錫十六萬斤,歲鑄錢三十 貫 饒 南 用 舊大 唐 州 承旨丁釗,能 永平監歲鑄錢六萬貫,平江南,增爲 出 唐開元錢 小一錢。 州 境, 每 是時,以 料最 千 知饒、信等州二 錢 善, 與 碿 銄 卽詣 建 錢 銅錢 七 闕 百七十等,外邑鄰兩浙者亦不 面 數少,令建州鑄 陳。 山谷産 八年,詔 七萬貫,而銅、鉛、錫常不給。轉運使張 萬 銅、鉛、錫, 貫。 增市鉛、錫、炭價,於是得 大鐵錢 補 釗 殿前 (並行) 乃便宜調 承旨,領 尋能 用 民采 鑄,而 州 取 官私 銅銅 銅 八十一 111 且 所有 詢 舊鑄 萬 鐵

志

第

雍 熙初,令江南諸州官庫所貯雜錢,每貫及四斤半者送闕下,不及者銷毀。 民間

尙多,復申乾德之禁,稍峻其法。 京城居民蓄銅器者,限兩月悉送官。

法。 端拱元年,內侍蕭延皓使嶺南還,以民間私鑄三等錢來上,且言多與蠻人貿易,侵敗禁 因詔察民私鑄及銷鎔好錢作薄惡錢者,並棄市;輒以新惡錢與蠻人博易者,抵罪

及前詔斤數、有官監字號者皆許用,不分新舊。 江 北諸 州所用錢非甚薄惡者,新舊大小無用。 江南雖用舊大錢,淳化四年, 乃詔每貫

第令川峽仍以銅錢一當鐵錢十。 成三千餘貫,衆皆以爲不便。 鐵錢悉輦送官,民間小錢許送監,計數給以大錢,若改鑄未集,許民大小兼 堅請改鑄 先是,淳化二年,宗正少卿趙安易言:嘗使圖,見所用鐵錢至輕,市羅 一當十大錢,御書錢式,遣詣川峽路諸州冶鑄,所在 會安易入奏事,因留不遣,遂罷冶鑄。 並爲 御書錢 五年, 監; 一匹,爲錢二萬。 用。 安易復請, 旣 諸州舊貯小 而 歲纔

自今更受民輸,但常所 荆湖、嶺南民輸稅須大錢,民以小錢二或三易大錢一, 通行錢勿却,官吏毋得以奉錢換易。 官屬以奉錢易於民 至道二年,始禁道、 以 賀州錫, 规 利。 官

益

一其價市之,以給諸路鑄錢。

咸平初,又申新小錢之禁,令官置場盡市之。 舊犯銅禁, 七斤以上處死, 奏裁多蒙减

斷,然待報常淹緩。 四年,韶滿五十斤以上取裁,餘從第減

日止收半功,本司每歲量支率分錢以備醫藥。」十二月,令鑄匠每旬停作一日。 |天禧三年, 景德四年,詔曰:「鼓鑄錢刀,素有程限,憫其勞苦,特示矜寬。自今五月一日至八月一

"犯銅、鍮石,悉免極刑

<u>唯建州增銅五兩,減鉛如其數。至道中,歲鑄八十萬貫,景德中,增至一百八十三萬貫。</u> 大中祥符後,銅坑多不發,天禧末,鑄一百五萬貫。 南安軍舊皆有監,後廢之。凡鑄錢用銅三斤十兩,鉛一斤八兩,錫八兩,得錢千, 時銅錢有四監:饒州日永平,池州日永豐,江州日廣寧,建州日豐國。 京師、昇鄂杭州 重五斤。

貫,諸路錢歲輸京師,四方由此錢重而貨輕。 用。後以鐵重,多盜鎔爲器,每二十五斤鬻之直二千。大中祥符七年,知益州凌策言:「錢 輕則易齎,鐵少則鎔者鮮利。」於是詔減景德之制,其見使舊錢仍用如故。 大錢貫十二斤十兩,以準銅錢。」嘉、「邛二州所鑄錢,貫二十五斤八兩,銅錢一當小鐵錢十象 鐵錢有三監:邛州日惠民,嘉州日豐遠,興州日濟衆。 益州、雅州舊亦有監,後並 歲鑄總二十一萬

景站 初,詔三司以江東、福建、廣南歲輸緡錢合三十餘萬易爲金帛,錢流民間

**緡**,毋漏其法。 成 易成,申雜以鐵,流澀 有 (事,自度言無効,乃求爲江東轉運使,欲用其法於江州。 奇贏,亦得錢千,費省而利厚。 中爲三司度支判官,建議以藥化鐵與銅雜鑄,輕重 中外知其非是,而宰相主之,卒無成功。 而多不就, 工人苦之。 詔申用其法鑄於京師。 初命申鑄萬緡,逾月裁得萬錢。 大率鑄錢雜鉛、錫,則其液流速而 如銅錢法,銅居三分,鐵六分,皆 朝廷從之,因詔申即江州鑄百萬 申性詭譎,少

三體。 命以「皇宋通寶」爲文,慶曆以後,復冠以年號如舊。 初,太宗改元太平興國,更鑄「太平通寶」,淳化改鑄,又親書「淳化元寶」,作眞、行、草 後改元更鑄,皆曰「元寶」,而冠以年號,至是改元寶元,文當曰「寶元元寶」, 仁宗特

自天聖以來,毀錢鑄鍾及爲銅器,皆有禁。 慶曆初,闌出銅錢,視舊法第加其罪,錢千,

爲首者抵死。

梓州 鑄減輕大錢,未得報,先移合州相地置監。州以上聞,朝廷以易簡、輔、固爲擅鑄錢, 路轉運使崔輔、判官張固亦請卽廣安軍魚子鐵山采礦炭,置監於合州,並銷舊小錢以 五年,泉州青陽鐵冶大發,轉運使高易簡不俟韶,置鐵錢務于泉,欲移銅錢于內地,

坐貶

當 錢 以五當一,罷官爐日鑄,且行舊錢。而契丹亦鑄鐵錢,易並邊銅錢 六,錢輕貨重,患如陝西。 於是奎復奏晉、澤、石三州及威勝軍日鑄小鐵錢,獨留用河東。 行,大約小銅錢三可鑄當十大銅錢一,以故民間盜鑄者衆,錢文大亂,物價翔踴,公私患之。 阜民、朱陽二監鑄錢。 十,助關中軍費。 當小錢十;又請因晉州積鐵鑄 興, 因敕江南鑄大銅錢,而江、池、饒、儀、號又鑄小鐵錢(mì,悉輦致關中。 陝西移用不足, 未幾,三司奏罷河東鑄大鐵錢,而陝西復采儀州竹尖嶺黃銅,置博濟 旣而 知丼州鄭戩請河東鐵錢以二當銅錢一,行之一年,又以三當一或 始用 陝西都轉運使 知商州皮仲容議, 小錢。及奎徙河東,又鑄大鐵錢於晉、澤二州,亦以一 張奎、知永興軍范雍請鑄大銅錢與小錢 采洛南 縣 紅 崖 河東鐵錢旣行,盜鑄獲利什 山 魏州青水冶 數州錢雜 兼 青 大

錢 利 有 人稍 折當之虛名,乃受虧損之實害。 太多,致姦人盜鑄,其用日輕。 一當小錢三,小鐵錢三當銅錢一,河東小鐵錢如陝西,亦以三當一,且罷官所置爐。」自是 慶 曆末,葉清臣爲三司使,與學士張方平等上陝西錢議,曰:「關中用大錢,本以縣官 無利,猶 :未能絕濫錢。其後,詔<u>商州</u>罷鑄青黃銅錢,又令陝西大銅錢、大鐵錢皆以一 比年以來,皆虛高物估,始增直於下,終取償於上,縣官 救弊不先自損,則法未易行。請以江南、儀商等州大銅 取

志

第

百

三 十

=

食

貨下

當二,盜鑄乃止。 者語人曰:「是於周景王所鑄無異,上其感心腹之疾乎。」已而果然,語在本傳。 然令數變,兵民耗于資用,類多容怨,久之始定。 方大錢之行, 有劉義叟

時興元府西縣增置濟遠監,而韶州天興銅大發,歲采二十五萬斤,詔卽其州置永通

後濟遠監廢,儀州博濟監旣廢復置。

嘉祐四年停鑄十年,以休民力,至是,獨興州鑄錢三萬緡。 至治平中,饒、池、江、建、韶、儀六州鑄錢百七十萬緡,而嘉、邛以率買鐵炭爲擾,自 皇祐中,饒、池、江、建、韶五州鑄錢百四十六萬緡,嘉、、邛、興三州鑄大鐵錢二十七萬

後乃詔京西、淮南、兩浙、江西、荆湖五路各置鑄錢監,江西、湖南十五萬緡、餘路十萬緡爲 額,仍申熟錢斤重之限。 寒、郢轉致郢、唐等州置監鑄錢,可以紓錢重之弊。<br />
神宗是之,而王安石沮之,其議遂寢。 行於天下。 皮公弼奏:「自行當二錢,銅費相當,盜鑄衰息。 |熙寧初,同、|華二州積小鐵錢凡四十萬緡,詔賜||河東,以鐵償之。 四年,陝西轉運副使 京西轉運使吳幾復建議:郢、唐、均、房、金五州多林木,而銅鉛積於淮南,若由 又以興國軍、陸衡舒鄂惠州旣置監六,通舊十六監,水陸回遠,增 請以舊銅鉛盡鑄。」詔聽之。自是折二錢遂

提點之官

凡 五. 莊 諸 + 萬 路 大 後 率務於增額 衞 州 黎陽監歲增折二凡五 韶 惠州永通、阜民監台)舊額八十萬,至七年,增三十萬, 萬緡,西京阜財監歲增市易本錢 凡 十萬緡, 及折

僞 以 堪 靑 梧 濟 衆監 給 置 用 銅 州 以 改 者 夾 及可 鄜州 歳 鉛 別 錫易得,萬州以多鐵礦,皆置監。 增 以待 爲 脆 等五 永興、 七 模以 惡易毀,罷之。 萬二千餘緡,陝西三銅錢監各歲增 交子 監候罷改鑄,幷其工 鄜、 鑄。 所 耀、河中、 用 商、虢、洛南 而 止 然私 陝去鐵冶遠, 一錢往往雜用,不能禁,至是 增三監,耀、鄜權置 作歸永興等四監, 又詔秦鳳等路即 聽改 五萬 鑄 [緡。而 年罷; 兩監,通永興、華、河中、陝舊監爲九, 專鑄 鳳 法 睦 大錢, 商、洛南、華、虢 州 .弊,乃詔禁私錢 翔府斜谷 則置 所鑄 神泉,徐州 大鐵錢 這監, 最近鐵 約 在官惡錢不 則置 而 補 及所 治,聽 所 寶豐, 鑄 廢 錢

八年, 詔 河 東 鑄 錢 -6 + 萬 緡 以外,增鑄小錢三十萬緡。 於是知太原韓絳請做陝西令本 重

模 精,以息 私 鑄 之 弊。

爭 下 監,歲鑄 初 詔 薛 京 折 師 向 畿 鑄 錢 內 鐵 錢 並 + 罷 於 萬 ,其行 陝西,後許彦先鑄於廣 .緡, 轉移 於 JU || || || || || || || || || || 方 蓋 如 故 南。 元 豐以後 旣 而 民不 西 師 便用,神宗 大舉, 邊 . 用 置 欲 遂 闕, 配 之,王 徐州 一安石 一寶豐 固

于時 志 第 同、 百 Ξ 秦、隴等州 + Ξ 食 貨 錢 下 監 ,廢置 一移徙不 一,銅鐵官多建言鑄錢,事 亦 · 杰 一行,而 又自弛

將安 用,獲利五 以 然自太祖 **寳貨,今乃** 不與天下共其 鏠 足於民間 此 禁,民之銷毀與夫闌出境外者爲多。 邊關 在。 平江 矣。 夫鑄錢禁銅之<u>法舊矣</u>,令敕具 重 與四 車 . 南,江、池、饒、建置爐,歲鼓鑄至百萬緡。 利 比年公私上下並苦乏錢,百貨不通,人情窘迫,謂之錢荒。 而 如此 夷共用,又自廢罷 出 世。 |則逐州置鑪,每鑪增數,是猶畎澮之益,而供尾閭之泄也。| 海舶飽載而 故 事,諸監所鑄錢悉入于王府,歲出其奇羨給之三司,方流 回, 銅 禁,民間銷毁 聞沿邊州軍錢 、載,而自熙寧七年預 張方平嘗極諫曰:「禁銅造幣, 無 出外界, 復 可 辦。 積百年所入, 宜乎貫朽於中藏, 但每貫收稅錢 行新敕, 銷鎔 十錢 删 得精 盜鑄者抵罪至死, 去舊條, 不 而已。 知歲 鈪 所鑄 布于 兩,造作器 削除錢禁, 錢本 錢,今 天 中 下。 示 充 國

諸 監之可減者,凡 元 豐 八年,哲宗 增置鑄錢監 嗣位, 復申錢幣闌出之禁, 十四皆罷之。 如嘉祐編敕; 罷徐州寶豐鼓鑄 詔 部條

用 限 東 鐵 行,有 錢, 仍定加饒之數,每百緡,河東、京西加饒三千,在京、餘路四千。 陝 西 而官帑銅錢以 稅物者以十分率之,止許易二分,人毋得 鐵錢,至 陝府以東 時計置,運致 刨 銅錢地,民 內郡。商 以 鐵錢換易,有 旅 願 於陝西 過五 干。 內 輕 郡入便銅錢, 八年, 重不等之患。 命公私 給據請於別路 給納 元站 六年 貿易 乃議 並 專

劵,仍敕 經三司投牒,乃輸 先是,太祖 公諸州 、凡商人齎券至,當日給付, 時取唐飛錢故 於庫 開寶 三年,置 事,許民入錢京師,於諸州便換。 |便錢務,令商人入錢詣務陳牒, 違者科罰。 至道末, 商人入便錢一百七十餘萬貫 其法: 卽辇 商人入錢左藏 致左藏 庫, 庫,先 給以

天禧末,增一百一十三萬貫。 至是,乃復增定加饒之數行焉

錢, 仍限 隸運司移發輸京師。 廣, 此, 費且不給,今已廢監,又禁折二銅錢不通行,非便。」乃聽行使如舊 及河東晉、絳、石、慈、隰州,京西西京、河陽、許、汝、鄭、金、房、均、鄧等州,餘路則禁。 猝難鈎致,且與鐵錢一等,<br/>
慮鐵錢轉更加輕。」<br/>
乃令折二銅錢寬所行地,<br/>
聽行於<br/>
陝西一 理亦非便。 二年毋更用,在民間者聽以輸買納,在官帑者以輸上供,卽非沿流地或素無上供者,所 折二銅錢又定<u>鈉致之法。</u>初欲復舊,止行於本路。 議者謂:「關東諸路旣已通行,奪彼 且陝右所用折二鐵錢,止當一 尋詔更鑄小銅錢。 河東安撫、 小銅錢,即折二銅錢盡歸陝西,不直般運費 提刑司言:「頃絳州垣曲縣置監鼓鑄銅

供備庫使鄭价使契丹還,言其給輿箱者錢,皆中國所鑄。乃增嚴三路闌出之法。

紹聖 熙 豐間 詔 陝西悉禁銅錢,在民間者令盡送官,而官銅悉取就京西置監。 銅錢千遂易鐵錢二千五百,鐵錢寖輕。元符二年,下陝西諸路安撫司 銅鐵錢嘗並行,銅錢千易鐵錢千五百,未聞輕重之弊。 及後銅錢日少,鐵錢滋 永興帥臣陸 博究利 師閔

志

平其價。」詔用其言,而豪賈蓄家多不便。 言:「旣揀毀 私 錢, 禁銅 靇 冶, 則物價當減。 願下陝西州縣,凡有市買, 並準度銅錢之直,

復用 錢。 通 錢 通交易有 "; 而 銅錢。 無窮之錢,而供流 謂 如 輕 徽 宜 宗 此則流注無窮,久遠自無輕重之患。」繼而言者謂:「鐵錢重滯, 重灼見利害者。 銅錢止用糴買。 |弛其禁界,許鄰近陝西、河東等路特不入京城外,凡|解鹽地州縣並許通 無 嗣位,通 當公私匱乏之時,諸路州縣官私銅錢積貯萬數,反無所用。」乃詔銅鐵錢聽民間 者,限以十州之地,欲無滯礙,安可得乎?又諸州錢監鼓鑄不已,歲月增多, |判鳳州馬景夷言:「陝西自去年罷使 |轉有限之用,更數十年,積滯一 銅錢流注天下,雖千百年未嘗有輕重之患。 隅,暴如丘山,公私爲害,又倍於今日 銅錢,續遣官措置錢法, 獨鐵錢局 難以 齎遠,民間 於 未聞有深究 行 路 折二 所 皆 鐵 以 願 口

餘緡。所鑄光明堅韌,與見行錢不異。」詔可。 言:「江、池、饒、 卽 聽 中靖國 兼 鑄。 元年,陝西轉運副使孫傑以鐵錢多而銅錢少,請復鑄銅錢, 建錢 崇寧元年, 額不敷,議 前 减 陜 西 銅增鉛、錫, 轉運判官都貺復請權罷陝西鑄 然課猶不登。二年,居厚乃請檢用前後上供鑄 歲可 省銅 五. 十餘萬 斤,計增 鐵 錢。 候銅 鑄錢 戶 部尚 鐵錢輕 書吳居厚 五 萬 九千 重稍

錢條約,視其登耗之數,別定勸沮之法。

得昔人招天下亡命卽山鑄錢之意。 之,第鑄於陝西鐵錢地而已。 限 料改鑄當 轉 一今歲鑄三十萬緡,鐵錢二百萬緡。 運 副 會蔡京當政,將以利惑人主,託假紹述,肆爲紛更。 使,迎合京意,請鑄當十錢。 五大銅錢,以「聖宋通寶」爲文,繼而并令舒、睦、衡、鄂錢監,用陝西式鑄折十錢, 所鑄銅錢通行諸路,而陝西、 五月,始令陝西及江、池、饒、建州,以歲所鑄 募私鑄人丁爲官匠, 丼其家設營以居之, 號鑄錢院, 謂 有許 天啓者, 京之黨也, 河東、四川係鐵錢地者禁 時爲 小平錢增 陝西

行 錢 寶 以 鍮 於 豐 官 石 一、御州 一,俾民 器 M 帑所有 自 物,並官造鬻之,輒鑄者依 路 熙寧以來,折二錢雖行民間,法不許運致京師,故諸州所積甚多。 以所 黎陽監,並改鑄折二錢爲折十,舊折二錢期一歲勿用。 其公私 折二錢改鑄折十錢。三年, 有 折二錢換納於官,運致所增監改鑄折 銅錢兌換運輸元豐庫,仍於潯州 LI私有法. **遂**罷鑄 加二等。 小平錢及折五錢。 命諸 置 鐵錢監,依陝 十錢。 路轉運司 廣產鐵,令鼓鑄 於沿流順便地, 大嚴私鑄之令,民間 西料 置監於京城所,復 例鑄當二 至是,發運 小鐵錢,止 隨宜 錢 司因請 一增置 徐州 所用

錫 居三之一。 叮 年 立 錢綱 詔 頒 驗樣法。 漢其式 於 諸路 崇寧監 7,令赤 以 所 仄烏背, 鑄 御書當十錢來上,緡用銅 書畫分明。 時趙挺之爲門下侍郎, 九斤七 兩 有奇, 繼拜右僕 鉛半之,

志 第

百

Ξ

+

 $\equiv$ 

食

貨

下 二

练,繼 射,與蔡京議多不合,因極言當十錢不便,私鑄寖廣。 荆湖南 淮南重寶錢亦作當五用焉 令福 北、江南 毋得廕贖。 建、廣南毋行用,第鑄以上供及給他路。 東西、兩浙 其置鑄錢院, 並以折十錢爲折五,舊折二錢仍舊。 蓋將以盡收所在亡命盜鑄之人, 凡爲人附帶若封識影庇私鑄 乃令提刑司歲較巡捕官一路所獲多 慮冒法入東北也,令以江爲 然犯法者不爲 錢者,悉論 咔 乃

旋復詔京畿、京東西、河北、河東、陝西、熙河當十錢仍舊,兩浙作當三,江南、淮南、荆湖作 兩浙 河東、河北、陝西、熙河作當五。通寶錢所鑄未多,在官者悉封椿,在民間者以小平錢納換。 江、池、麓、建、韶州錢監,歲課以八分鑄小平錢,二分鑄當十錢。 十二分之令, 五 年,兩浙盜鑄尤甚,小平錢益少,市易濡滯。遂命以折五、折十上供,小平錢留本路; 盡鑄小平錢。 荆湖、江南、兩浙、淮南重寶錢作當三,在京、京畿、京東西、 俄韶廣南、江南、福建、 繼復罷鑄當

倍之息,雖日斬之,其勢不可遏。」未幾,詔當十錢止行於京師、陝西、河東、河北,俄幷畿內 不繼,或以一當百,或以一當千,此權時之宜,豈可行於太平無事之日哉。當十鼓鑄,有數 時錢幣苦重,條序不一,私鑄日甚。 御史沈畸奏曰:「小錢便民久矣,古者軍興, 錫賞

四三八

興

價者。 用 致 之。 銅直增二分,償以小錢,隱藏者論 餘路悉禁,期一季送官,償以小錢, 東南諸監增鑄 小平錢,以待償錢,而私 如 法。 換納到者輸於元豐、崇寧庫,而私錢亦限 錢亦改鑄焉 尋詔 鄭州、 西京亦聽 第用折十 錢, 禁貿 (易爲 季自

**趸**。 私錢,計 並聽搜索; 私 史張茂直 參用,而 眅 而受納不揀選、容私錢其間者,以差定罪法。 法滋密矣。 折 十錢爲 始令四輔、 私 小平錢三,以小錢易於官,在京以四 請嚴私販當十之令,綱舟載卸,皆選官監索,保無藏匿,舟車兜擔,即疑慮 鑄 而 小平錢輒 幣旣 福建民或私鑄轉入淮、浙、京東等路者,所由州縣官司皆治漏逸之罪,不以赦 畿內、 重, 行用。 開封府許搜索舟車,賞視舊法增倍。 旦更令,則民驟失厚利,又諸路或用或否,往往不盡輸於官, 立搜索告捕罪賞,越江、准入汴錢至京者,一依當十錢法。 小平錢易之。 又以 私錢猥多,不能悉禁,乃令外路 京師出納及民間貿易,並 水陸所由, 官司 失察者皆停 私販 大 冒法 小 包 御 錢

縣置 木置封鍵於闄闠中, 大觀元年,張茂直復言:「州縣督捕 聽民以私錢自投, 加峻, 如自首法。 私 小黃錢投委江河,不敢復出。 當三、當五錢,舟船附帶者,亦多棄 請令東 南 州

時蔡京復相,再主用 Ξ 折十錢。 二月,首鑄御書當十錢,以京畿錢監所得私錢改鑄,尋 之江河,請下諸路撈應。」

志

第

Ħ

-|-

Ξ

食

貨下

\_

以

漉

銅

式

頒

行諸路。

復 京畿 兩 監 ,以轉運使宋喬年領之, 用提舉京畿鑄錢司爲名。 喬年鑄烏背遮銅錢來上, 詔

錢 強 海 爹 見 小 司 詔 絡 平 一盜之家,籍其財以待賞,居停鄰保並均備告驗, ,各分州郡舉行,按舉能否,月檢會法令,使民知禁。 興 五 島,連坐者十餘人,時皆寃之。於是頒行大觀新修錢法於天下,申命開封府尹少、外路監 諭 (大獄。 錢 中外。 千緡,州 京 用舊 則 之初爲折十錢,人不以爲便,帝亦知之。 鑄 式 於諸路。 初遣 京再得政復行之,知盜鑄者必衆,將威以刑。會有告蘇州章經盜鑄數千萬緡 縣稽於施行,監司失察,不以赦原。 改鑄當 李孝壽,又遣沈畸、蕭服,末以命知蘇州孫傑、發運副使吳擇仁。 十錢 旣而 當十錢少,復置眞州鑄錢監,以本路所換錢不依式者及諸司當二 故崇寧四年以後, 私錢 是歲,京畿既置錢監,乃專鑄當十大錢,而 依私茶法、給隨行物; 用孫傑言,盜鑄依准東重法 稍更其法,及京去位,遂 州常椿盜鑄賞 綖坐 地,囊橐 刺流

以 錢 鐵錢三折銅錢 行 事 勢,度 明年 於 興元 越 令江、池、饒、建州 府等界。 關 津,拒捍 一,事聞,責奎以妄肆胸臆,致幣輕物重,奎遂卽罪。 至是,又以 搜索者,雖 錢監, 鐵錢猥多,禁陝西鐵錢 輕以 自來歲以鑄當十五分鑄小平錢。 違 制 論、載 御物 入蜀 者 同之。 有 董 初, 崇寧 申嚴 五 爲走馬承受,遂令 私鑄之法, 年,始禁陝 卽託 西鐵 權

之幾 百 數,錢必稍 錢, 年 得 自當十錢行,以一夫而負八十千,小車載四百千,錢旣爲輕齎之物,則告牒爲滯貨,鹽鈔非 之貨,交易得錢,必太半入中末鹽鈔,收買吿牒,而餘錢又流布在市井,此上下內外交相養。 1物增 舊額 所 虚 折三行用。 比 多而 十 [擡之息則不行。 (H) 緣海縣鎭等皆禁。時蔡京復罷政矣。 政 利 在送官, 舊輕十倍。 和 價。 年,其法 州 小平錢。」張商英爲相,奏言:「當十錢爲害久矣。舊小平錢有出門之禁,故四方客 不 元 路 重。」詔許陝西鐵錢 壅 申當十錢行使之令,益以京東、京西,而河北並邊州縣鎮砦、四権場及登、 若不 提刑 年 一, 爲 十千給銀絹各一匹兩,限竟毋更用。 詔:「錢 如此 日 早革, 卽 司言:「舊銅鐵錢輕重相尋,以大鐵錢一折小銅錢二,今大鐵錢五止當一 | 弊而 利博矣。 又流入川界,錢輕物重,頗類陝西。 、則錢法、鈔法不相低昂,可以復舊。 臣今欲借內庫丼密院諸司封椿紬絹、金銀丼鹽鈔,下令折十錢 重則 不勝。 弊無已時。 物輕,錢輕則 往歲圖利之臣鼓鑄當十錢,苟濟目前,不 入蜀仍舊,盡釋其禁,且命以今物價 姦猾之民規利 其官私見在當十錢,可並作當三,以爲定制。 物 重,其勢然也。 冒法,銷毀當二、 四年,詔:「鼓鑄當十錢多,盧法隨以弊,其止 俟錢入官, 擇其惡者鑄小平錢, 存其好 欲將折二 今諸路所鑄 、小平 大鐵錢以一折 錢,所 量 - 究悠久, 一宜裁之。 小平錢,行之久而 在盜 鑄 公私 一流錢 雖稍減 爲

限民

半

旅

銅

尚慮豪

害,用

無

益 多,

猾 憚 於 折 閱 胥動浮言,可內自京尹,外逮監司、郡縣,悉心開諭。」

令饒 以 餘 小 平 錢 萬 自 、贛錢監鑄 當當 人,察原罔上毒民,可謂烈矣。 改鑄當二錢,以紓用度, 十錢行,抵冒者多。 小 平錢,每緡用鐵三兩,而倍損 大觀四年,星變,赦天下。 然有司猶數告乏。 時御府之用日廣,東 以其銅, 稍損其鉛。 **靖康元年**, 凡以 南錢 私錢得罪, 額 罷政和敕陝西路用 繼又令江、池、饒錢監, 不 ·敷,宣和以後尤甚。 有司上名數, 銅錢 亡慮 乃

年

配千

里法。

暨廣 用其 錫錢擾民,凡東 銅 錢 路 地 二,每 聽 始 南皆鑄 初 察京 存 聽 會罷 % 緒用 舊監 兼鑄 焉。 政 主行夾錫錢, 詔鑄於陝西, 亦命 銅 一,以 小 、南所鑄 八斤,黑錫半之,白錫又半之。 平錢。 二年, 鑄 大觀 銅 皆罷。 、鐵錢 江南 元年,京復相,遂降錢式及錫母於鑄錢之路, 復命轉運 東 ; 西、福 明年,并河北、 產 銅 司 建、 及提刑司 郡 縣聽 兩浙 存,用 許鑄 河東、京東等路罷之,所在監、院皆廢。 參領其事, 轉運副使許天啓推行。 既而 改鑄 使鐵錢。 河東轉運使洪中孚 小 平錢 衡州 三年, 、熙寧、 京復罷政, 鑄錢院專用鼓鑄 鄂州 其法以夾錫錢 請通行於天下 寶泉、 詔 舒州 以 兩 唯 浙 同 ·, |京 折 河 岩 鑄 安 欲

政 和元年,錢輕物重, 細民艱食,詔:「應陝西舊行使鐵錢地, 並依元豐年大鐵錢折二,

四三九三

公私通行,夾錫錢同之,毋得分別。見存鐵錢,毋改更鑄夾錫,河東官私折二、夾錫錢同之,」

法 使命, 滴置偏州。 徐處仁言雖 張深俱被劾。 威力脅制 詳考詔旨 鐵錢並折二通行。 童 宣撫陝西,以詔 日 ,謂鐵錢復行,與夾 未盡 姓, 時關中錢甚輕,夾錫欲以重之,其實與鐵錢等,物價日增,患甚於當 頓減物價於一兩月之間。 一,所見爲長,望速詢其實。 尋亦罷行夾錫錢,且禁裁物價,民商貿易,各從其便。 知閿鄉縣論九齡俄坐以銅錢一估夾錫錢七八,并知州王寀、轉運副 亟平物價,帥臣徐處仁切責其非, 錫並用。 慮姦民妄作輕重,欲維持推行,俾錢物相直,非欲以 今宣撫司裁損米穀、布帛、金銀之價,殆非人情。 如臣言乖謬,願同處仁貶。」詔卽妄有建明,毀辱 坐貶。 錢即經略鄜延,抗疏言 繼而童貫復請 + 與舊 使

罰。 夾錫、須要銅錢者,聽人告論,以法懲治。 廣西、湖北、淮東如之,且命諸路以銅錢監復改鑄夾錫,遂以政和錢頒式焉。 未幾,以夾錫錢不以何路所鑄,並聽通行。 「輕不與銅等,而法必欲其重,乃嚴擅易擡減之令。 一年,蔡京復得政,條奏廣、惠、康、賀、衡、鄂、舒州昨鑄夾錫錢精善,請復鑄如故, 市井細民朝夕醫舒餌熟食以自給者,或不免於告 凡以金銀、絲帛等物貿易, 夾錫錢旣復推 有弗 受

改鑄 夾錫錢 陝西用「政和通寶」舊大鐵錢,與夾錫錢 在民間者赴官換納。 鄭居中、 劉正夫爲相,以爲不便,令淮南夾錫錢期三日 慮流 轉諸路,四年,韶毋更行用,致令諸監

志

第

官私 靇 命鼓鑄, 鑄 夾錫錢 俱 禁 不 專給關中。 了; 止 用,仍罷 用舊法鼓鑄。 一鼓鑄,夾錫錢悉輦椿關中。 夾錫行, 重和元年,權罷 小民往往以藥點染, n京 西 鑄 尋韶河東、陝西外,餘路並罷; 夾錫錢,繼以關中糴買, 與銅錢相亂, 河北漕臣張翬等嘗坐貶 用之通 俄韶井河 远流,復

鑄,尋復舊,泉司供給銅、錫六十五萬餘斤。 作之費,視前日自若也,每鑄錢一千,率用本錢二千四百文。時范汝爲作亂, 悟州六監,歲鑄錢百五十六萬緡,充逐路支用。 **虔州,倂永豐監於饒州,歲鑄纔及八萬緡。** 先是, 江池饒州、 建寧府四監, 歲鑄錢百三十四萬緡,充上供;衡、舒、 以銅、鐵、鉛、錫之入,不及於舊,而官吏稍廩 建炎經兵,鼓鑄皆廢。 紹興初,併廣寧監於 權罷建州

三煉成銅。 銅之數爲額。 十三年,韓球爲使,復鑄新錢,興廢坑冶,至於發冢墓,壞廬舍,籍冶戶姓名,以膽水盛時浸 趙伯瑜以爲得不償費, 大率用鐵二斤四兩,得銅一斤。 斂民間銅器, 浸銅之法"以生鐵鍛成薄片, 罷鼓鑄,盡取木炭銅鉛本錢及官吏闕額衣糧水脚之屬,湊爲年計。 韶民私鑄銅器者徒二年。 饒州與利場、信州鉛山場各有歲額,所謂膽銅也。 排置膽水槽中浸漬數日, |贛、 鐵片爲膽水所薄, 饒二監新額錢四十萬器, 上生赤煤,取刮鐵煤入爐 無銅可輸者, 提點官 至鎔

錢爲銅,然所鑄亦纔及十萬緡。

萬緡爲額。復饒、贛、韶鑄錢監,以漕臣往來措置,通判主之。殿中侍御史王珪言泉司不 越數寄隱,許人告。 令命官之家留見錢二萬貫,民庶半之,餘限二年聽轉易金銀,算請茶、鹽、香、**攀鈔引之類**, 大索民間銅器,得銅二百餘萬斤,寺觀鐘、磬、鐃、鈸旣籍定投稅外,不得添鑄。二十九年, 可廢, 二十四年,罷鑄錢司歸之漕司。二十七年,出版曹錢至八萬緡爲鑄本,歲權以十五 復以戶部侍郎榮薿提領,許置官屬二員。二十八年,出御府銅器千五百事付泉司,

本司、銅三十九萬五千八百斤、鉛三十七萬七千九百斤、錫一萬九千八百七十五斤、鐵二百 比歲所收不過十五六萬緡耳。歲額:金一百二十八兩,銀無額至,以七分入內庫,三分歸 下工部,權以五十萬緡爲額。又明年,纔鑄及十萬緡。今泉司歲額增至十五萬緡,小平錢 諸道拘到銅器二百萬斤,附以鉛、錫,可鑄六十萬緡。然拘者不可以常,唯當據坑冶所產。」 以後數也。紹興以來,歲收銅二十四萬斤,鉛二十萬斤,錫五萬斤云,僅可鑄錢一十萬緡。 一萬八千緡,折二錢六萬六千緡。歲費鑄本及起綱糜費約二十六萬緡,司屬之費又約二萬 東南十一路一百一十八州之所供,有坑冶課利錢、木炭錢、錫本錢,約二十一萬緡, 以李植提點鑄錢公事,植言:「歲額內藏庫二十三萬緡,右藏庫(も)七十餘萬緡,皆至道

网, 三十二萬八千斤,比歲所権十無二三。 視舊制,銅少鉛多,錢愈鍥薄矣。 每當二錢千,重四斤五兩, 小平錢千, 重四斤十三

夾以 决配海外。 鑄 |泳平監官、左藏西庫監官、戶部工部長貳官責降有差。 錢 期兩 沙泥 司 孝宗隆興元年,詔鑄當二、小平錢,如紹興之初。乾、淳迄于濕康、開薦皆如之。乾道六年,倂 歸發運司,尋復置。八年,饒州、贛州復各置提點官。 月鬻于官,每兩三十。 復神泉監,以所括銅器鑄當三大錢,隸工 重鑄,號「沙毛錢」(10),詔嚴禁之。 湖州舊霧監,至是官自鑄之。二年,禁銷錢爲銅器者,以違制論,爐戶 淳熙二年,倂贛司歸饒州。 部 九年,大江之西及湖、廣閒多毁錢, 以新鑄錢殽雜,提點鑄錢及 慶元三年,復禁銅

萬,而 百 萬 輸三司,是內帑年纔得十一 舊 隸 額,內帑歲收新錢 封樁者半,內藏者半,左藏咸 一百五萬,江、池、饒、建四監。 萬六千餘緡,而左藏得九十三萬三千餘緡。 無焉 而每年退卻六十萬,三年一郊,又以一 今歲額止十五

有禁。 處,不許私發番船。 又 自 淳熙 置 九年, 市 船于浙、于閩、于廣,舶商往來,錢寶所由以泄,是以自 詔廣、 紹興末,臣僚言:泉、廣二舶司及西、南二泉司,遣舟回易,悉載金錢。 泉、明、秀漏泄銅錢 坐其守 臣。 嘉定元年, 「臨安出門, 三省言:「自來有市舶 下江海,皆

志 第 百 Ξ + Ξ 食 貨下 \_ 緡錢之入敵境者,不知其幾。 四 司 '既自犯法,那縣巡尉其能誰何。至於淮、楚屯兵,月費五十萬, 於是沿邊皆用鐵錢矣。」 見緡居其半, 南北貿易

萬貫 八年,以江州、 運 子中以舒、蘄、黃皆產鐵,請各置監,舒州同安監,蘄州蘄春監行了,黃州齊安監。 六年,先是,以和州舊有錢監,舒州 司 通領四監。 淮南舊 其大小鐵錢,令兩准通行。 「鑄銅錢,乾道 興國軍鐵冶額虧,守貳及大冶知縣各降一官。 江之廣寧監, 興國之大治監, 初,詔 兩准、京西悉用鐵錢,荆門隸湖北,以地接寢、峴,亦用鐵錢。 七年,舒、蘄守臣皆以鑄錢增羨遷官,然准民爲之大擾。 山口鎭亦有古監,詔 臨江之豐餘監, 撫之裕國監。 司農丞許子中往准西措 子中所領三監, 且鑄折二錢。 歲各認三十 以發

萬 萬,不易爲也。 十二年,詔舒、廝鑄鐵錢,並增五萬貫,以「淳熈通寶」爲文。 額,如更增鑄,優與推賞。 貫。 淳熙五年,詔舒州歲增鑄十萬貫,以三十萬貫爲額,蘄州增鑄五萬貫,以十五萬 明年, 又減十萬貫,與蘄州並以十五萬貫爲額。 又有增鑄之賞、恐其難繼。」詔除之。八年,以舒州 御史黃洽言:「興天下之利者,不窮天下之力。 十年, 併舒州之宿城監入同安監 水遠,薪炭不便,減額五 舒、蘄歲鑄 匹 置為 --五

光宗紹熙二年,減蘄春、同安兩監歲鑄各十萬貫。嘉泰三年,罷舒、蘄鼓鑄; 四三九七

復之。

之鐵錢,則取給於漢陽監及興國富民監,後倂富民監於漢陽監,以二十萬爲額。 邊徑嚴禁漏泄,及於邊界三里內立堠, 以鐵錢易之,或以會子一貫易銅錢一貫。 嘉定五年,臣僚言江北以銅錢一折鐵錢四,禁之。 如出界法;其易京西銅錢,如兩准例。 其銅錢輸送行在及建康、鎭江府。 時銅錢之在江北者,自乾道以來,悉 凡沿江私渡及 京西、湖北

四川 大錢。 州 五 行 小平錢。 年 【監歲鑄折三錢一萬二千五百貫。 使 銅錢,淳熙間易送湖廣總所儲之,後又交卸於江陵。 ,置利州紹興監,歲鑄錢十萬緡(li)以救錢引。 前宋時,川、陝皆行鐵錢,益、利、慶皆卽山冶鑄。 利之昭化、嘉川縣亦有 三年, 兩界錢引,全籍鐵錢稱提, 二十三年,詔利州並鑄折二錢,後又鑄折三錢。 制 司 欲盡收舊引, 爐,新產 又於紹興、惠民二監歲鑄三十萬貫,其料並同 止有利州 鐵三十餘萬斤。 今大安軍淳熙、新興、 紹興監歲鑄折三錢三萬四千五百貫有 二十二年,復嘉之豐遠、邛之惠民二監, 乞從鼓鑄。」嘉定元年,即利州 紹興九年,詔陝西諸路復行鐵錢。 迎恩三爐,出生鐵四十九萬 淳熙十五年,四川 當三錢。 **餉臣言:「諮** 奇,邛州 鑄當五 五

寶慶元年,新錢以「大宋元寶」爲文。 端平元年,以膽銅所鑄之錢不耐久, 舊錢之精緻

者泄 · 於海舶,申嚴下海之禁。 嘉熙元年,新錢當二丼小平錢並以「嘉熙通寶」爲文,當三錢

「嘉熙重寶」爲文。

淳祐 四年,右諫議大夫劉晉之言:「巨家停積,猶可以發洩,銅器鉟銷,猶可以止遏,唯

入海 舟,往而 不返。」於是復申嚴漏泄之禁。

於都 四,麻 形若 法爲 類 貴之操柄。 弊少息矣。 漢 ,而不 無用。 तीं 物之珍奇 Ш 八 潭鵝羊山銅戶 年, 嶽 臨川 畿甸之近,一 ,乘風駕浪,深入遐陬。 在於錢之積。 監察御史陳求魯言:「議者謂楮便於運轉,故錢廢於蟄藏,自稱提之屢更,故圜 急於扶楮者,至嗾盜賊以窺人之閫奧,峻刑法以發人之窖藏,然不思患在 所得幾何,所失者不可勝計矣。 此端本澄原之道也。」有旨從之。 隆興、 可悅者,本無適用之實,服御之間 數百 桂林之銅工, 尤多於諸郡。 繩以法, 夫錢 餘家, 《貴則物宜賤,今物與錢俱重,此一世之所共憂也。 錢之不壞於器物者無幾。 由內及外,觀聽 販於中國者皆浮靡無用之異物,而泄於外夷者乃國家富 京城之銷金,衢、信之鍮器,醴、泉之樂具,皆出 津新, 昭示 姑以 ( 儉德 , 長沙一郡言之,烏山 則鉟銷之姦知畏矣。 今京邑鍮銅器用 自上化下,風俗丕變, 銅爐之所六 之類, 香、藥、象、犀之 蕃 則漏泄之 舶 巨艘, 十十有 於錢 公行

志 第 以 百 價低減,復申嚴下 Ξ + Ξ 食 鬒 下 海之禁。 校 勘 十二年,申嚴鉟銷之禁及僞造之法。咸淳元年,復申嚴鉟銷、漏泄 記

# 之禁。寶祐元年,新錢以「皇宋元寶」爲文。

#### 校勘記

- 饒信等州 按下文說「領三州銅山」,長編卷二四、玉海卷一八〇,饒、信之外多一 |虔州, 疑此處
- 「信」下脱「虔」字。
- 得銅八十一萬斤 宋會要食貨一一之四、長編卷二四、玉海卷一八〇都作「得銅八十五萬斤」。
- 呈 又鑄小鐵錢 鐵」 原作「錢」,據宋會要食貨一一之六、長編卷一六四、通考卷九錢幣考改。
- (E) 韶 八作「韶」,據改。 惠州永通阜民監 「韶」原作「韶」。按永通監在韶州,見本書卷九〇地理志,編年綱目卷
- (至) 登萊密州 長編紀事本末卷一三六作「登萊雜密州」。
- 〔六〕版曹錢 「戶部錢」。按戶部亦稱版曹,諸家著述屢見。 「曹」原作「漕」。朝野雜記甲集卷一六鑄錢諸監條作「版曹錢」,繫年要錄卷一七七作 據改。
- (4) 右藏庫 按汪海卷一八三,太宗時曾設左右二藏庫,但旋即合一爲左藏。此處「右藏」當爲「左
- (3) 錫五萬斤 「萬」原作「百」,據繫年要錄卷一八五、熊克中興小紀卷三九改。

簸 之誤、

二錢,銀元額」。

6 沙毛錢 「毛」原作「尾」。按本書卷三五菱宗紀有「禁砂毛錢」的記載,中興聖政目錄有「禁私

鑄沙毛錢」條,羣書考索後集卷六○有淳熙九年詔江西諸路州軍「並不得用沙毛」之文。據改。

「蘄」原作「新」,據逐海卷一八〇、通考卷九錢幣考幷參照下文「減蘄春、同安兩監歲

鑄各十萬貫」句改。

丁蘄春監

(1三) 歲鑄錢十萬緡 「歲」字原脫,據繁年要錄卷一五四補。

# 宋史卷一百八十一

## 志第一百三十四

### 食貨下三

### 會子 鹽上

其出入,私造者禁之。仁宗從其議。界以百二十五萬六千三百四十緡爲額。 主之。後富民貲稍衰,不能償所負,爭訟不息。轉運使薛田、張若谷請置益州交子務,以権 質劑之法,一交一緡,以三年爲一界而換之。六十五年爲二十二界,謂之交子,富民十六戶 會子、交子之法,蓋有取於唐之飛錢。一眞宗時,張詠鎭蜀,惠蜀人鐵錢重,不便貿易,設

<u> 交子務于潞州。轉運司以其法行則鹽、礬不售,有害入中糧草,遂奏罷之。四年,復行於陝西,</u> **神宗熙寧初,立僞造罪賞如官印文書法。河東運鐵錢勞費,公私苦之。二年,乃詔置** 志 第一百三十 四 食貨下三 四四〇三

不可 償 未 而 幾竟罷 二十三界之數,交子有兩界自此始。 行。 永興軍鹽鈔場,文彥博言其不便,會張景憲出使延州還,亦謂可行於蜀不可行於陝西, 紹 聖以後,界率增造,以給陝西沿邊糴買及募兵之用,少者數十 而措 五年, 交子二十二界將易, 而後界給用已多, 詔更造二十五界者百二十五 置熙河財利孫迥言:「商 人買販,牟利於官,且損鈔價。」於是罷陝西交子法 時交子給多而錢不足,致價太賤,旣而竟無實錢,法 萬緡,多者或至數百 一萬,以 萬

絡 而成都乏用,又請印造,故每歲書放亦無定數。

法。 告者,皆罪之; 趙挺之以爲閩 給。」從之。 通,欲權罷 靇 崇寧三年,置京西北路 在京 , 井永興軍交子務, 在京官吏, 併歸買鈔所。 私造交子紙者,罪以徒配。 印製。 乃蔡京鄉里,故得冤焉。 在官者,如舊法更印|解鹽鈔; 專切管幹通行交子所,做川峽路立僞造法。 四年, 明年, 令諸路更用錢引, 尚書省言:「錢引本以代鹽鈔, 民間者,許貿易,漸赴買鈔所如鈔 時錢引通行諸路,惟 準新樣印製, 通情轉用幷鄰 閥、浙、湖、 而諸 JU JII 路行 廣 法分 如舊

天聖 準書放數,仍用舊印行之,使人不疑擾,自後並更爲錢引。 大觀元 界逾二十倍,而 年, 詔 改 四川交子務爲錢引務。 價愈損。 及更界年, 新交子一 自用兵取湟、 一當舊 者四 |鄭| 二年,而陝西、河東皆以舊錢引 西寧, 故更張之。 藉其法以 以 辺 助 十 三 邊 界引 較

天聖額 準常 棄 成 置 入 務納 都 之 **411**( 成 都 用 路 法。 換 書放,銅錢地內勿用。 轉 換易,故 陝西 若出入無弊, 運 言者論其非法,持坐遠謫。 |判官,提舉川引。 河東 四川有壅遏之弊,河、陝有 引 可直 仍遣文臣二人監之。 八百, 後引 四年,假四川提舉諸司封樁錢五十萬緡爲成都務本, 價益賤,不可用,持復別用印押以給官吏,他無 流通用之, 三年, 道途之艱,豪家因得以損直斂取。 韶錢引四十一界至四十三界毋收易, 八月, 官吏奉舊並 知威州張持奏:「本路引一千者今僅直 用引, 請稍給錢 乃詔 便用。」擢 自後 永興 即 侵移者 押者皆 持為 軍 止 如 更

平

置 儲 請 間 赴 +-舊以 務 以 Ξī. 四 場買 爲 界 -|-成 政 本錢 勿 都 和 本 印。 界引俟 納,由是人以 元 核 便 年,戶 未至,引價 岩 用 利 嵗 者 通 界滿勿換給,自四十四界爲改法之首。」而戶 .部言成都漕司奏:「昨令輸官之引,以十分爲率,三分用民戶所有,而七分 久, 行及乏用, 如 擅支封椿錢法。 至諸州則 七 大損,故州官官錢亦減數收市,今本錢已足,請勿減 分爲疑。 聽於界內續增其新引給換之,餘 有 料 請自 次交雜 詔 可。 今無計以三七分之數,並許通用,願買納 之弊,故有 |靖康 元 年, 是詔 令川引 、陪群 如舊醫之,或於給錢之所易錢 並 如如 度欲 蓝舊即 此行 成 都府務納 辺 、數以祛民惑。又 + 辺 者聽。 界,其四 以 民

大 凡 志 舊 第 嵗 百 造  $\equiv$ 界, + 兀 備本錢 鈫 貨 三十 下 = 六萬緡,新舊相 因。 大觀中,不蓄本錢而增造 四 四〇 Ŧi. 無藝,至引

之用,至今引價復平。

及張商英秉政,奉詔復循舊法。 宣和中,商英錄奏當時所行,以爲自舊法

錢銀中半入納。 十萬緡,淮東公據四十萬緡,皆自十千至百千,凡五等。內關子作三年行使,公據二年,許 令權貨務儲見錢印造關子。二十九年,印公據、關子,付三路總領所:淮西、湖廣關子各八 言:「朝廷措置見錢關子,有司寖失本意,改爲交子,官無本錢,民何以信?」於是罷交子務, 本,未免抑配,而権貨務又止以日輸三分之一償之,人皆嗟怨。六年,詔置行在交子務。臣僚 |婺州,召商人入中,執關於權貨務請錢,願得茶、鹽、香貨鈔引者聽。 於是州縣以關子充糴 高宗紹興元年,有司因婺州屯兵,請樁辦合用錢,而路不通舟,錢重難致。 乃造關子付

者補進義校尉。若徒中及庇匿者能告首,免罪受賞,願補官者聽。當時會紙取於徽、池,續造於成都, 上供等錢,許盡輸會子;其沿流州軍,錢、會中半;民間典賣田宅、馬牛、舟車等如之,全用 左藏庫。 三十年,戶部侍郎錢端禮被旨造會子,儲見錢,於城內外流轉,其合發官錢,並許兌會 會子初行,止於兩湖,後通行於准、浙、湖北、京西。除亭戶鹽本用錢,其路不通舟處 明年,詔會子務隸都茶場。三十二年,定偽造會子法。邓人處斬,賞錢千貫,不願受 又造於

會子者聽。

錢,三分收會。 九年,定捕造僞會之賞。 以民間會子破損,別造五百萬換給。又詔損會賈百錢數可驗者,並作上供錢入輸,互室以低 請算茶、鹽、香、攀鈔引,權許收換第一界,自後每界收換如之。 其州縣諸色綱錢,以七分收 零百半之,凡舊會破損,貫百字存、印文可驗者,即與兌換。 五年,令行在權貨務、都茶場將 界造新換舊。以戶部尚書曾懷同共措置,鑄「提領措置會子庫」印。每道收靡費錢二十足, 價收者坐之。四年,以取到舊會毀抹付會子局重造,三年立爲一界,界以一千萬貫爲額,隨 百、三百文會。置江州會子務。乾道二年,以會子之弊,出內庫及南庫銀一百萬收之。三年, 孝宗隆興元年,詔會子以「隆興尙書戶部官印會子之印」爲文,更造五百文會,又造二

造第十界立定年限。 界會子各展三年。臣僚言:「會子界以三年爲限,今展至再,則爲九年,何以示信?」於是詔 會子,而南庫以金銀換收者四百萬,流行於外者纔二百萬耳。光宗紹熙元年,詔第七、第八 齎到鈔錢,令權貨務月終輸封椿庫,以備循環換易會子。三年,詔第三界、四界各展限三 年,令都茶場會子庫以第四界續印會子二百萬貯南庫。當時戶部歲入一千二百萬,其半爲 淳熙元年,詔左藏南上庫給會子二十五萬,收買臨安、平江、紹興、明秀州額外浮鹽,其

志

南劍 17 1411 爲錢一千貫。 四千七百萬餘賞,十三界五千五百萬餘賞。 除已收換,尚有一千三百六十萬餘貫,十二界、十三界除燒毀尙有一萬二百餘萬貫。十二界 搭 入輸。 州 慶元 守臣趙崇亢、陳宓,皆以稱提失職,責降有差。 元年,詔會子界以三千萬爲額。 官告綾紙、乳香,乳香每套一貫六百文。凑成二千餘〔〕,添貼臨安府官局,收易舊會, 十一界會子二分,十二、十三界會子各四分。以舊會之二,易新會之一。泉州守臣宋均、 詔封樁庫撥金一十五萬兩,兩爲錢四十貫。 度牒七千道,每道 嘉定二年,以三界會子數多,稱提無策,會十一界

欲爲 增; 方收 去年 未數 以自造,價且五倍於前,故昔之爲僞者難,今之爲僞者易。人心循利,甚於畏法,況利可立 來者未已,若非 可濟 僞 且 减 至今,楮價粗定,不至折閱者,不變更之力也。 事。」有旨從之。淳祐二年,宗正丞韓祥奏:「壞楮幣者只緣變更,救楮幣者 一載,近者甫及朞年,非有破壞塗汙之弊, 紹 尚 以 定五 則楮 十五、十六界會子言之,其所入之數,宜減於所出之數。 或難之。 |年,兩界會子已及二億二千九百 價 僞造,其何能致多如是?大抵前之二界,盡用川紙,物斜旣精,工製不苟,民 ·有可增之理。」上曰:「善。」三年,臣僚言:「今官印之數雖損, 道十七界之更印,已雜用川、杜之紙,至十八 餘萬。 今當以所收之會付封樁庫貯之,脫有 端平二年,臣僚言:「兩界會子,遠者會 今已罷諸造紙局及諸 、界則 今收換之際, 全用杜紙矣。 挒 科買楮皮,更多 而偽造之券愈 無 元額旣溢 如 收減。 緩急,或 紙旣 自 口

準關 復日 嘉泰末,兩界出放 车, 慮。 川、陝副帥 者,上也; 致, 七十萬貫,以鹽酒等陰爲稱提。 界會子更不立 三界通行,爲三千七百 年,以行在紙 m 以蜀 增 詔添 子一貫,同見錢 ]]] 咸 刑未即加者乎。臣愚以爲抄撩之際,增添紙料,寬假工程, 淳 印 引自張浚開宣府,趙開爲總餉,以供糴本,以給軍需,增印日多,莫能禁止。 印三百萬, 四年,以近頒見錢關子,貫作七百七十文足,十八界每道作二百五十七文足,三道 會子一十五萬貫 引增至四 禁捕之法,厚爲之勸,厲爲之防,使人不敢爲僞者, 吳玠請置銀會於 限,永遠行使。 局所造關子紙不精,命四川制 凡五千三百餘萬緡,通三界出放益多矣 干 (轉使,公私擅減者,官以贓論,吏則 五百餘萬, 之望止添 八十餘萬,至紹興末,積至四 河池、不許。 十一年,以會價增減課其官吏。 印一 是以餉臣王之望亦謂添印錢 立額不令再增。 百萬 蓋前宋時,蜀交出 孝宗隆興二年, 司 抄造輸送,每歲以二千萬 光宗紹熙二年, 千一百四 配籍。 放 餉臣 + 次也。」七年,以十八界與 引以救目前,不得不爲朝 兩界,每界一百二十餘萬 景定四年,以收買逾限之田, 五. 七萬 趙沂添印二百萬。 年,復 務極精緻, 韶川引展界行使。 一餘貫 申 作四 巌 所貯鐵錢,僅及 關子減落之禁。 使人不能爲僞 綱 七年 淳 <del>十七</del>七 熙 廷

志

五

遠

數百 定。 制司 咸 乃諭 自後引 里,期限已逼,受給之際,更復爲姦。 開 万出 禧 末, 人除易一千三百萬引,三界依舊通 金銀、度牒一 直鐵錢五 餉 臣陳咸以歲用不足, 百有奇,若關外用銅錢,引直 千三百萬,收回半界, 嘗爲小會, 卒不 於是商賈不行,民皆嗟怨, 行, 期以歲終不用。 又檄總所取金銀就成都置場收兌,民心稍 百七十錢 ·能行 而已。 嘉定 然四川 初, 每緡止 諸州, 引之直, 直 去總所遠者千 |鐵錢四百以 僅售百錢。

萬 引 錢 网 五 絡 收 -及 百 舊引, 嘉定三 分, 萬 制 如 網,以 司空名官告,總所樁金銀、度牒對鑿,餘以九十三界錢引 交子價減 金 丽 銀三分, 一年春, 收前宣撫程 引 直 途復. ,官用錢買之, 制、總司收換九十一界二千九百 其 金銀品 如 故。 松所增之數; 色官稱,不無少虧,每舊引百,貼 昔高宗 方得 因論四川 無 弊 凡民間 交子, 、輸者,每引 餘 高橋; 最善沈 百 該 其千二百 貼 称 納 八 八千。 )收兌; 提 二十引。 之說, 其 萬緒,以茶馬司羨餘 又造 金 謂 銀 濫 官中 九 品搭, 自 十四四 元 常有 华、 答 界錢 三年 錢百 用 新 51

欲以 給 十年 展 九年(三) 年收兌,遂 為 界,著爲定令,則民 几 川 至 安撫 兩界、三界通 制置大使 旅 使; 司言:「川 不 復 然率以 犪 疑。」從之。 引每界舊例三年一易。 三年界滿 方出令展界, 自開禧 以 致民 軍 興以 聽 惠 用 今 度

實站 四年臺臣奏:「川引、銀會之弊,皆因自印自 用,有出無收。 今當拘其印造之權、歸

有旨從之。咸淳五年,復以會板發下成都運司掌之,從制司抄紙發往運司印造畢功,發回 料川引並毁,見在銀會姑存。 , 廷, 做十八界會子造四川會子, 視淳祐之令, 作七百七十陌, 於四川州縣公私行使。 舊引旣淸,新會有限, 則楮價不損,物價自平,公私俱便矣。」 啉

制

司,用總所印行使,歲以五百萬爲額。

以交子及錢中半。如往來不便,詔給交子、會子各二十萬,付鎭江、建康府權貨務,使准人 錢丼會子依舊過江行用,民間交子許作見錢輸官,凡官交,盡數輸行在左藏庫。 詔 郡守、漕臣條其利害,皆謂所降交子數多,而銅錢丼會子不過江,是致民族未便。於是詔銅 會子旣用於淮而易以交子,於是商賈不行,淮民以困。右司諫陳良祐言交子不便,詔兩淮 之過江、江南人之渡淮者,皆得對易循環以用。然自紹興末年,銅錢禁用於淮而易以鐵錢, 別印二百、三百、五百、一貫交子三百萬,止行用於兩准,其舊會聽對易。凡入輸買賣,並 紹興末,會子未有兩准、湖廣之分,其後會子太多而本錢不足,遂致有弊。乾道二年,

儲 西,每貫準鐵錢七百七十文足,以三年爲界。 三年,詔造新交子一百三十萬,付淮南漕司分給州軍對換行使,不限以年, 先付南庫交收。紹熙三年,詔新造交子三百萬貫,以二百萬付淮東, 慶元四年,詔兩淮第二界會子限滿,明年六 其運司見 一百萬付

第

百

三 十

四

食

貨下

=

百五十萬。 月,更展一 十四年、十五年,皆及三百萬。 嘉定 十一年,造兩淮交子二百萬,增印三百萬。十三年,印二 自是其數日增,價亦日損,稱提無術, 百萬, 但 屢 增 愛與展 即

界而已。

所給 錢收之。 Ħ 不曾兌易, 四年,以淮西總所關子二十萬,都茶場鈔引八十萬,付湖北漕司收換,輸左藏庫,又命降銀 五. 例湖北會子二百萬貫,收換舊會,庶幾流轉通快,經久可行。」從之。 百萬,降付湖廣總所收換破會。十一年,臣僚言:「湖北會子創於隆興初,迄今二十二年, 百丼一貫直便會子,發赴軍前,並當見錢流轉。 止行於本路,而荆南水陸要衝,商賈必由之地,流通不便。乾道三年,收其會子印板。 初, 襄、郢等處大軍支請,以錢銀品搭。 五年,韶戶部給行在會子五十萬,付荆南府兌換。淳熙七年,詔會子庫先造會子 稱提不行。」詔湖廣總領同帥、漕議經久利便。帥、漕、總領言:「乞印給一貫、五 孝宗隆興元年,始措置於大軍庫儲 印造之權既專,印造之數日益 見錢, ;且總所 即 造

五百 做行在例立界收換。 餉臣梁總奏:「自來不曾立界,但破損者即行換易,除累易外,尚有 四十餘萬,是在民間行用。 十三年, 韶湖廣會子仍以三年爲界。 紹熙元年, 乞別樣制作兩界,印造收換。」從之。 詔湖廣總所將見行及椿貯新舊會取

车 劉 义 而 年,撥第八界湖會三百 光 1/0 貼 其 造湖 加 嘉定 搭茶引一 95 廣第六界會子二百萬 會總所 五. 又 年,湖廣餉臣王釜, 千五五 清 于朝 以第六界新 百 緡 派 給新 萬 方許 貫付湖廣總所, 楮十 會 收買, <u>.</u> 請以 萬, 萬 嘉熙二年, 緡, 度牒、 軍 期以 民賴之。 令軍 易兩 一月。 茶引兌第五界舊會、 民以 撥 第七 界破會,自後因仍行之。 一四四 然京湖二 舊楮二 界湖會九百 1年,造 加 十 一 湖 易 廣 其 每度牒 州 萬 會子三 付督 止 繼 置 道, 三湯, 視 ---又 令軍 萬 參 政 易 價千五 不 行 民 破 便。 府。 會。 以 百絡 楮 制 就 # 臣

鹽 變革不常,而 周宣 鹽之類 所謂 有 尤 议 二三引 重 廳 私 也。 眅 池 之禁。 宋 而 成 自 者,日 门削 平 諸 顆 或 鹽 门, 天 周官所謂監 下 鹽 利皆 歸 鹽也; 縣官 鷺海 官 嚣、 懲井、 通 商 鷺鏮 隨 州 郡 丽 所 成 宜 者, 然

末

亦

始 籍 種 民 Fi 51 八 爲 池 月乃 爲 哇 夫, 鹽 旷 官 日 安邑池 廩給· 解州 之,復 解 白歲歲 縣 其家。 安邑 種 网 鹽 募巡 池 千 席 邏 墾 (国), 之兵 地 爲 解池減二十席, 百 畦 人, 引池 目 爲 水沃 護寶都 之, 以給 謂 本州及三京, 嵗 Ż 種 月 鹽, 日 水 墾 耗 京東之濟 畦 則 鹽 四 成。 月

地, 七十二萬八千餘貫。 及 陝 河 兗 東 澶 西 州諸 官立 I濮單 之晉、絳、慈、隰州 則 京兆 至道二年,兩池得鹽三十七萬三千五百四十五席,席一百一十六斤半。 軍州 縣之在河北者。 標識、候望以曉民。 鳳 翔府、 廣 濟軍,京西之滑、鄭、陳、潁、汝、許、孟州,陝西之河 同華耀乾商涇原邠寧儀渭鄜坊丹延環慶秦隴鳳階 , 淮南之宿、亳州, 颗、 末鹽皆以五斤爲斗,顆鹽之直每斤自 其通商之地, 河北之懷州及澶州諸縣之在 京西則蔡襄鄧隨唐金房均郢州、 中府、 四十四至三十四錢,有 成州 河 陝虢州 南 者。 光化信 保安鎮 、慶成軍 凡禁權之 湯軍 / 戎軍

院 法,而 九年, 鹽,是助寇資而結民怨矣。」繼又有上疏言其不便者,鼎請候至邊部斡運,及乘傳至 之後,令商人入芻粟〔至〕,運懈鹽於邊貨醫,其直與青鹽不至相懸,是以民食賤鹽,須至畏 又以內殿崇班杜承睿同制置陝西青白鹽事。 林特、知永興軍張詠詳議,以爲公私非便,請復舊商販。 11 商 咸平中, 度支使梁鼎言:「陝西沿邊解鹽請勿通商, 蕃部青鹽難售。今聞運解鹽於邊,欲與內地同價,邊民必冒法圖利,卻入蕃界私販青 |陜西轉運使張象中言:「兩池所貯鹽計直二千一百七十六萬一千八十貫, 販。 旋運鹽赴邊,公私大有煩費,而邊民頓無入中云,物論紛擾。 |承睿言:「鄜、延、環、慶、儀、潤等州洎禁青鹽 官自鬻之。」詔以鼎爲陝西制置使, 韶切責鼎, 罷度 於是命 文使。 大中祥符 判 慮尚有遺 解池 鹽鐵 卽 么

望行條約。」眞宗曰:「地利之阜,此亦至矣,過求增羨,盧有時而闕。」不許。

年,詔犯者自一斤論罪有差,五十斤加役流,百斤以上部送闕下。 淳化五年,改前所犯者止配本州牢城。代州寶興軍之民私市契丹骨堆渡及桃山鹽,雍熙四 坐死,蠶鹽入城市百斤以上,奏裁。自乾德四年後,每詔優寬。太平興國二年,乃詔闌入至 者乃坐死,民所受蠶鹽以入城市三十斤以上者,上請。三年,增聞入至三十斤、鬻嫌至十斤 二百斤以上, 先是,五代時鹽法太峻。建隆二年,始定官鹽闌入法,禁地貿易至十斤、醬賺鹽至三斤 **鬻鱇及主吏盗販至百斤以上,蠶鹽入城市五百斤以上,並黥面送闕下。** 

運。 升,歲給戶錢四萬。爲鹽歲百五十二萬六千四百二十九石,石五十斤,以席計,爲六十五萬 五千一百二十席,席百一十六斤。禁權之地,皆官役鄉戶衙前及民夫,謂之帖頭,水陸漕 而通商州軍並邊案、延、環、慶、渭、原、保安、鎭戎、德順,又募人入中芻粟,以鹽 天聖以來,兩池畦戶總三百八十,以本州及旁州之民爲之,戶歲出夫二人,人給米日二

侵越。 元年,歲入纔二十三萬緡,視天禧三年數損十四萬。 請一切罷之,專令入中並邊芻粟,及爲 凡 通 天聖初,計置 陷 一州軍,在京西者爲南鹽,在陝西者爲西鹽,若禁鹽地則爲東鹽,各有經界,以防 [司議茶鹽利害,因言:「兩池舊募商人售南鹽者,入錢京師榷貨務。<mark>|乾</mark>

四

四五五

志

約束、 申防禁,以絕私販之弊。」久之,復詔入錢京師,從商人所便。

乾興至天聖八年舊法,歲課損二百三十六萬緡。康定元年,詔京師、南京及京東州軍,淮南 增緡錢十五萬。其後歲課減耗,命翰林學士宋庠等以天聖九年至寶元二年新法較之, 京、二十八州軍権法,聽商人入錢若金銀京師権貨務,受鹽兩池。行之一年,視天聖七年, 出緡錢六十餘萬功經費,四利也;歲減監官、兵卒、畦夫傭作之給,五利也。」十月,詔罷三 皆得食眞鹽,三利也,錢幣國之貨泉,欲使通流,富家多藏鏹不出,民用益蹙,今歲得商人 今悉罷之,二利也;船運有沉溺之患,綱吏侵盜,雜以泥沙硝石,其味苦惡,疾生重腿,今 輦運,兵民不勝疲勞,今去其弊,一利也; 詔 微 翰林學士盛度、御史中丞王隨議更其制度。 而爲害博,兩池積鹽爲阜,其上生木合抱,數莫可較。宜聽通商,平估以售,可以寬民力。」 三京、二十八州軍,官自 皆禁如舊。未幾,復弛京師權法,并詔三司議通淮南鹽給京東等八州,於是克 **、<b>藿**鹽,百姓困於轉輸。 陸運既差帖頭,又役車戶,貧人懼役,連歲逋逃, 因畫通商五利上之曰:「方禁商時,伐木造船 天聖八年,上書者言:「縣官

師、宿、亳皆食淮南鹽矣。

予券趨京師権貨務受錢若金銀;入中它貨,予券償以池鹽。 自 元昊反,聚兵西鄙,並邊入中獨粟者寡。 縣官急於兵食,調發不足,因聽入中芻粟, 繇是羽毛、筋角、膠漆、鐵炭、

官之急。 以 逛,以衙前主之。 置場增價出之。 凡商 瓦 百二十斤。 售。 木之類, 人虛估受券及已受鹽未鬻者,皆計直輸虧官錢。 久之,東、南鹽地悉復禁權,兵民輦運,不勝其苦,州郡騒然。 並邊務誘人入中芻粟,皆爲虛估,騰踊至數倍,大耗京師錢幣,帑藏益 虚費 切以鹽易之。 復禁永興、同、華、耀、河中、陝、虢、解、晉、絳、慶成 池鹽,不可勝計,鹽直益賤,販者不行,公私 又禁商鹽私入圖,置折博務於永興、鳳翔,聽人入錢若圖貨, 猾商貪吏,表裏爲姦,至入椽木二,估錢千,給鹽一大席,爲鹽二 內地州軍民 紅無利。 間 慶曆二年,復京師権法, 十一州軍商鹽,官自 鹽, 所得鹽利,不足以佐 悉收市入官,官爲 易鹽趨蜀 縣 中

禁鹽: 指 尋 漁 五 知 亦 制 之害也 東、西、南 遭 、鎭戎、 地 計 太常博士范祥,關中人也,熟其利害, 喪去。 田 切通 況皆請用 授以 徳順 儻一變法,歲可省度支緡錢數十百萬。 乃畫策以獻。 是時韓琦爲樞密副 鹽,第優其直; 商,聽鹽 八年,祥復申其說,乃以爲陝西提點刑獄 要券,卽 地 近烏、 入 池 蜀 白池,姦 四年,詔祥馳傳與陝西都轉運使程戡議之,而戡議與祥不合,祥 東、南 ~; 罷 驗劵, 九州軍入中芻粟,令入實錢,償以 鹽又聽 按數 人私以青白鹽入塞,侵利亂法。 而 出,盡 入錢永興、鳳翔、 常謂兩池之利甚博,而不能少助邊計者,公私 弛 兵民輦運之役。 (兼制置<u>解鹽事,使推行之</u>。 河中; 歲課 鹽,視入錢 乃募人入中池鹽 又以延、 入錢總爲 慶、環、渭、原、 州軍遠近及所 鹽三十七萬 其法 一,子劵優 使, 舊 賏

-1:

炭、瓦、木之類,皆重爲法以絕之。 內之民,得安其業,公私便之。 入緡錢市並邊九州軍芻粟,悉留權貨務錢幣以實中都。 又令三京及河中、河陽、陝、虢、解、晉、絳、濮、慶成、廣濟官仍醫鹽,須商賈流通乃止。 其估,還,以池鹽償之, 以所入鹽官自出醫,禁人私售,峻青白鹽之禁。 其先以虛估受券及已受鹽未鬻者,悉計直使輸虧官錢。 行之數年,點商貪賈、無所僥倖,關 並邊舊令入中鐵、 以所

元年入錢爲歲課定率,量入計出,可助邊費十分之八。 百七十八萬;至和元年,百六十九萬。時鮮已坐它罪貶,命轉運使李傪代之。三年,遂以 視慶曆六年,增六十八萬;視七年,增二十萬。又舊歲出権貨務緡錢,慶曆二年,六百四十 錢可得二百三十萬,皇祐三年(云),入緡錢二百二十一萬;四年,二百一十五萬。 之。田況爲三司使,請久任祥,俾專其事。 七萬,六年,四百八十萬。 之便,第請商人入錢及壓、環等八州軍鬻鹽,皆重損其直(+),即入鹽八州軍者,增直以售 三京及河中等處禁官鬻鹽。而三司謂京師商賈罕至則鹽貴,請得公私並貿,餘禁止。 皇祐元年,侍御史知雜何郯復言改法非是。 至是,権貨務錢不復出。其後,歲入雖贏縮不常,至五年, 擢祥權陝西轉運使,賜金紫服。 祥初言歲入絡 明年,遣三司戶部副使包拯馳視,還言行 以四年數 皆聽 %及

久之,並邊復聽入獨聚以當實錢,而虛估之弊滋長,劵直亦從而賤,歲損官課,無慮百

志 第 百 Ξ + 匹 食 貨 下  $\equiv$ 

錢。 萬 其 + 亡 劵 請置 在嘉 嘉 リ: 祐 郭 |官京師,蓄錢二十萬緡,以待商人至者,券若 祐三年已前 三年,三司使張方平及包拯請復用祥,於是復以祥總鹽事。 增損,所以平其市估,使不得爲輕重。 , 每券別請輸錢一千, 然後予鹽。 义言商 詔 以 都 鹽估賤,則官爲售之。券紙六千,鹽席 i鹽院監官兼領,自是稍復舊。 人持券若鹽鬻京師,皆虧失本 祥請重禁入 獨果者, 未幾

觧

卒,以

啊

運副

使薛向繼之。

治平二年,歲入百六十七萬

以 席 州 虢 傭 ", 遂 慶成 猶 天代之,五州 初 蠲其半。 算. ,解以法 之民, 加 舊。 中間 官司旁緣侵剝,民以爲苦, 旣 嘉祐六年,向悉罷之,并奏減八州軍醫鹽 之民 通商 以 (始安。 ",恐失州 積 鹽多,特罷 . 縣征算,乃計所歷所至合輸算錢,倂率以爲入中之數。 種 鹽 乃詔 歲或二歲三歲,以寬其力。 三歲一代。 價。 嘗積 兩池 逋 課 畦 戶,歲役解、 鹽至三百三十七萬餘 後又減畦戶之半,稍 河中、陜、 自後

以 初 者 其亂 益 嘗 上 衆,往 青白 請。 法,不 河 鹽出鳥、 往 東 嘉 許。 、邊人 犯法抵 献 、犯青白 自 白 死而 范 兩 稍 祥 池,西羌擅其利。 莫肯 議禁 遷 鹽禁者 配 八 州 徒者於近 止。 如 陝西 軍 至 和 商 地, 中, 法。 鹽 自李繼 重青白 詔 自是禁法稍寬。 慶曆中,元昊納 蕃 部 遷 · 鹽禁, 販青 [叛,禁毋入塞,未幾罷,]]而 白 而官鹽佔 鹽 抵 款,請歲入十 熙寧初, 死者, 貴, 土人及 止投海 詔淮南轉 萬 島, 石 茶部 售縣官 復禁。 運使張靖究 **翆黨爲** 販 青 民害 乾興 白

范純 陝 西 仁言賞罰失當,因數向 鹽、馬得失。 涛指向欺隱狀,王安石右向, 靖竟得罪,擢向爲江、 五罪,向任 如 初。 **乃**請 即永興軍置賣鹽場,又以邊費錢 准等路發運使。 萬緡, 諫官

儲永興軍

毁之 轉運司 然商 **收當** 及立 虚 萬 鈔,而 i. 人欲變易見錢,而官不爲買,即爲 置揚以市價平之。今當定買兩路實賣鹽二百二十萬緡,以當用鈔數立額,永興路八十 法八事,大抵謂買鈔本錢有限,而 四路請買鹽引,仍令秦鳳、永興鹽鈔,歲以百八十萬爲額。 几 '錢十萬緡買西鹽鈔,又用市易務賒請法募人賒鈔變易,即民間鈔多而滯,則送解池 韶從其請,然有司給鈔溢額, 循視其故。 千,秦鳳路一百三十八萬五千,內熙河路五十三萬七千(五),永與軍遣官買鈔,歲支 年 韶以皮公弼、熊本、宋迪分領其事,趙瞻制置。 鹽 ,詔陝西行蜀交子法,罷市鈔; ·爲鹽鈔本,繼又增二十萬 益 輕,以鈔折兌糧草,有虛擡邊糴之患。 出鈔過多,買不盡則鈔賤而糴貴,故出鈔不 兼 并 所 抑, 或論其不便,復舊。 九年,乃詔御史劾陝西官吏,止三司額外 則鈔價益 請用交子法, 使其數與見錢相當, 又以內藏錢二百萬緡假三司, 遣市易 賤; 七年, 八年,中書奏陝西鹽鈔利害 而邊境有急,鈔未免多出 中書議陝西鹽鈔, 可 無限。 11] 出 濟

十年,三司言:「鹽法之弊,由熈河鈔溢額,故價賤而芻糧貴。又東、西、南三路通商郡邑

出

當 賣。 飅 鈔 法 榷 如 法 賣 加 立 席纔三千五百 納 官 官 限 錢。」皆 兩 杰 鹽 應 、告賞, 處 一、故商 買舊鈔,其已出鹽,約期聽 通 禁権官賣, 商 聽商 行 地各舉官一員, 旅 之。 不行。 , 西鹽鈔席 人自 而 提舉司 別 陳, 今鹽法當改,官賣當 定官賣鹽 减 東、 其 賣鹽並 一千,官盡買。 鹽 南鹽席加錢二千五 席限 地,市易 商人自言, 用 十日自言 新 價, 司已 罷。 錢承買舊鈔,商 先令解州 準新價增之,印鹽店 買 乃令 請先收 鹽 白 一亦加 加 西鹽 場院 ·舊鈔 納錢,爲印 納 驗 人願對 席 錢 商 加三千, 印識 人鈔書之, ,給符 行算 之舊 識 爲易舊符, 給新 請 驗。 鹽 者聽, 8 乃許 引 東、 , ,官爲 南 聽以 行 Δľ. 舊 加 統納之 舊 期令 法 即 識 鈔 臨

隰州 熙 泂 河 武 1 寧 中 府 舊 令提 西京 酸杂 ', 市 等州 制 舉解 易司 信陽軍 泂 縣 封丘 南 ,皆官自賣 鹽 始 北 榷 考城 司 曹、 通 開封 運 商 濮以 鹽 貨鬻 畿 東明 曹濮 縣 西, 未 幾, 及 仍 等州 白馬、 秦、鳳以 澶 詔 復 曹、濮、 三司講 用 中牟、 八年, 商 東, 人議, 懐、 求 皆 大理寺丞 陳留、 利 衞 食 以 害 解 唐 濟、 長 뗾 鄧襄 弘 垣、 單 景温提 自 解 均房 胙 仁宗 城 商 、舉出 同、 時, 韋城, 蔡郢 |華、 解鹽 賣 隨 曹濮 解鹽、於是開 金晉絳 陝、 通 商, 澶 泂 懷濟單 1 官 虢 府、 陳 不 許汝潁 封 復 解 府 州

鹽 以犯 價 旣 人家 增, 財 民 給 不肯買 之。 買官 乃課 鹽 民買 食 不 く官鹽 虚 , 留經宿 隨 貧富: 者, 作 業爲 同 私 多少之差。 鹽法 於是民間 買 賣 私 騷 鹽, 怨 聽 鹽鈔舊法 告,

萬。 許告,沒其鹽 賣 澶、濮、濟、單、曹、懷州,南京,陽武、酸棗、封丘、考城、東明、白馬、長垣、胙城、韋城九縣,官 襄邑、中牟、管城、尉氏、鄢陵、扶溝、太康、咸平、新鄭聽通商,其入不及官賣者,官復自賣; 不便,沈括爲三司使,不能奪。 每席六緡,至是二緡有餘,商不入粟,邊儲失備。 如故。 安石去位,括在三司,乃言官賣當罷。於是河陽、同華解州、 詔商鹽入京,悉賣之市易務,每席毋得減千; 民鹽皆買之市易務,私與商人爲市 王安石主景温,括希安石意,言通商歲失官賣緡錢二十餘 召陝西轉運使皮公弼入議,公弼極言官賣 河中、陝府、陳留、雍丘

又並 范祥舊法平市價,詔假三司錢三十萬緡,市鈔於京師。先是,解鹽分東西,西鹽賣有分 新法價平。 運使皮公弼請增十萬,以助邊糴,至是,又爲二百四十二萬。商人已請西鹽,令加納錢,使與 鈔法,歲約增十二萬緡,毋復分東西,悉廢西鹽約束。解池鹽鈔舊以二百二十萬緡爲額,轉 東、南鹽鈔,市易務計爲錢五十九萬三千餘緡,三司闕錢,請頗還其鈔,令賣之於西,買者其 三給錢, 邊州軍市獨糧,給鈔過多,故鈔及鹽甚賤,官價自分爲二。於是增西鹽價比東鹽,以平 皮公酮 其七準沿邊價給新引,庶得民間舊鈔, 元豐三年,三司舉張景温賣解鹽息羨,進官賜帛。 鹽法,酌前後兩池所支鹽數,歲以二百三十萬緡爲額〔〕。又令京師置七場,買 而新引易於變易。 詔用其議。公弼請復

萬 以 有 Ŧi. 定數。起熙 鈔多難 一千餘 明年,權陝西轉運使李稷言:「自新法未行,鈔之貴賤,視有司出之多寡。 售,歲給陝西軍儲鈔二百萬,裁其半,然鈔多,卒不能平價 席,餘鈔五 寧 1 年多,盡元豐三年,通印給 十九萬有餘,流布 官私 ,其勢不得不賤。」遂下三司住給 一百七十七萬餘席,而 鹽池所出 纔 新法已後,鈔 五 年,戶部猶 百一十七

孫路以聞,詔犯 戶部議鬻其鈔。」詔皆從之。 皆毋得販易,雖有專旨,聽執奏。其已買鈔,自本司拘之,若民間鈔少或給本路緡錢,即上 京置場,以鹽鈔醫見錢而輸之都 應償者,以轉運司年額鹽鈔給之,所鬻鹽錢,以待轉運司糴買。 八千二百。時,陝西民多以朴硝私煉成顆,謂之倒硝,頗與解鹽相亂 在京買鈔之本。 自鬻,以萬 元站 元年, 五千五百席爲額,聽商 者減私鹽法一等坐之。 戶部及制置 入中解鹽,並効熙河鈔,而價隨事增損以折,澶懷滑州、陽武鹽價,定爲 既而又以商人入納解鹽減年額賣鹽費錢二三萬七千餘將,增 l解鹽司議:「延、慶、渭、原、環、鎭戎、保安、德順等八州軍, 鹽院庫,遇給解鹽額鈔盡歸之本司, 旅入納於八州軍折博務,算給交引,如范祥舊法。 仍舉承務郎以上一員,於在 ,毋更給轉運司。 紹聖三年,制置 鹽 價 皆官 他 便 錢 錢

萬緡,自買解鹽,賣之本路,民已買解鹽盡買入官,掊克牟利,商旅苦之。 初 ,神宗時,官賣解鹽,京西則通商。 志 第 百 <u>:::</u> + 75 食 貨 下 Ξ 有沈希顏者爲轉運使,更爲権法,請假常平錢二 哲宗卽位,殿中

岷 解 潤 侍 州 鹽 河 御 ,提舉措置催 官 史黃 販易規 北 并鹽鬻於本路, 降 高陵 劾希 利 、櫟陽 俄以 顏 促陝西、河東 罪,元祐 水壞解池 涇陽 而京東、 等縣 元年,京西始復舊制通商,然猶官賣,元符 木桃薛 聽 河北 河中府解州 如侗、 嗣 鹽 昌 亦通行 门提舉 華等六州 小池 焉。 開 修解州 鹽、 三年, 軍,官 同華等州私 仍自 鹽 詔 池 陜 賣 西 (鹽, 而 轉 十 運 鹽 元年乃罷 禁官司 副 階州 使 兼 石 於折 制 之。 鹽 置 博 解 通 永 務 뗾 遠 興 使 軍 軍

然議 復; 之便,厚灌以水,積 斤。 四年 者謂 初, 崇寧元年, 解梁東 一池成 解 池 灌 解州 有 水盈 凡開 大 水 賈瓦 鹽 尺、暴 而 三千 澤, 成, 南 綿 味苦 以 70 北圓池修治 一百餘 亙 烈 百餘里, 不 日 一,鼓以 畦, 適 口 百 · 哇 眼 南 官皆賀 歳得億 風, 言,拍 須臾成鹽,其利 萬計 內侍 赔 布 自元 王 種 仲千 污通 符 過得鹽百 ]固博; 者董其役, 初, 霖潦池 荷欲溢! 七十八萬二千七 以課 壞, 蓝額,不: 至是, 額 製溢 俟 乃議 爲 風 百 功 餘 B 修

倍。 見緡 舊法 京西 l,袋輸 门蓮守 議遣 無窮,以收己功,乃令解鹽新鈔止行陝西。 崇寧初, 韓敦立等分 而 官錢六千, 言事 力行 之,無 者以 路 而 鈔法 提 庸 鹽本不及 舉 輕 屢變,民聽 改。 及 雖 圞 千 池 印 ,施行 已復,京仍欲舊 其請,未幾,蔡京建言:「 疑 惑,公家失輕 未 久, 五年,韶:「鈔法用之,民信已久,飛錢裕國 收息及二 解 重之權, 鹽 地 百 客 河北、京東 萬 商 算 緡 旅 東 困 北末鹽, 往 如 通 來 末鹽,客 之費, 至 令権 陝西 貨 乞復 運 務 其 至 认 范 利 納 及 祚

志

第

年,以鈔價雖裁,其入中 减二分。」先是, 其 在 河 利 東 四分之上。且帶行舊鈔,輸四分者帶五 甚大,比考前後法度,頗究利害,其別 器用見錢三分,舊鈔七分。 給 糴 買, 思豪商 聽商族赴 擅利源輕 州 郡, 権 貨務換請 復增 重之柄, 羅價, 後又韶減落鈔價踰五千者,論 東 分,輸五分者帶六分; 客持鈔算請, 南 率减 爲 鹽 號 鈔。 鈔直, 驗,給解鹽換請新鈔。先以 貼 使並 輸輸 坐牟 見緒四 邊糴 大利。 分者 價增高, 若不 以法。 乃詔 在舊三分之上, 願 **贴輸錢者,依舊** 乃裁 陝西舊鈔易東南末 五百萬 限之。 緡 赴 陝 西 五分者 崇寧四 鈔

者聽 匿 至者,止令所至州軍批引;其已入京未貨者,都鹽院全袋拘買鬻之,許坐賈請買碎賣 王仲千所請通入京西北路陳潁蔡州 有 一者如 司 議 別議。 及 私 解池已復,依舊法印 大觀四年,張商英爲相,議 鹽 法。 在京仍通行,其經由州縣鄭州、中牟、開封府祥符、陽武縣境內,亦許通放。 解鹽未到,官鬻所得東北鹽,解鹽到卽止。己請鈔已支者悉毀,已支未請 鈔請 復通行解鹽如舊法,而東北鹽毋得與解鹽地相 商旅 、信陽軍,權止之。 商族已算請東北鹽,元指定東原,未 已買東北鹽,隨處官司期三日盡籍,輸官償其價,隱 繼 而 而

錢,是鹽鈔一席得六千鐵錢斛斗矣,深損公家,其隨時增減聽之。二年,蔡京復用事 雖 以銅錢六千爲鈔面 政 和元年,詔陝西鈔依鈔面實價,輒增減者,以違制論。 ,然鈔貴則入粟增多, 鈔平則入穀減少。 未幾,復以陝西通行鹽鈔,舊 若限以六千, 陝西唯行鐵 ず,法仍

崇寧中 醫之; 减落, 變改 於折閱 鹽,立限 詔 官皆賀 解 鹽 鈔 **糴買不行,三省趣講畫以聞,** 不 地 · 非征 骏南, 以 不可 刨 制置解鹽使李百 Ė 見 改 鹽各利一 行東 陳 如 用者悉同敗楮。 限竟鬻未盡者,運往解鹽地,踰 舊 加 北鹽,復盡收入官,官給其直,在京於平貨、在外於市易務樁管, 私 慮商 方,故解鹽 一鹽法。 旅疑惑,遂詔諭諸路口,鈔法更不改易,扇搖者論 禄等第賞 重和 六年,兩池漫生鹽,募入倍力採取, 止行本路,東南醫海 元 年, 有差。 貫遂請罷領解鹽 詔復行 七年, 者論. 解鹽舊法。 議 如 利博, 復行 私鹽法。 俄 解 踰 行於數路。 而 鹽 年,権貨 三省條奏:舊東北鹽地客 時 京畿、京西復置官 童貫宣撫關 且議 、歲虧數百 旣復 加賞; 如法,仍倍之。 行 解 繼生紅鹽,百 萬貫, 河, 提 如 舉。 實主之。 商旅 又 解 鈔 齀 眅 初 苦 卽 解 價 法

直赴池 商 旅 イ 靖 顾 ..請臘,省復入京批鈔之擾。 康 酾 元 年 則 ·, 解 用 鹽 鈔 鈔 面 請 入納算請, 錢 加 舊法 並參照熙寧、元豐以前 繼定每席鈔爲八貫省,盡收入鈔面,其入納糧草者,許 舊法, 又增改解 鹽 及 東 北 鹽 地

戶, 或謂之竈戶。 沙 為 甌, 戶有鹽丁,歲課入官,受錢或折租賦,皆無常數,兩浙又役軍士定課醫焉 京 東、 河北、兩浙、淮 南 福 建、廣南, 凡六路。 其醬鹽之地 日 亭場 民 日亭

諸路鹽場廢置,皆視其利之厚薄,價之贏縮,亦未嘗有一定之制。 末鹽之直,斤自四十七至 八錢行,有二十一等。至道三年,鬻錢總一百六十三萬三千餘貫。

中,始詔百姓輸錢以十分爲率,聽減三分。 贈 官收其算,而罷密、登歲課,第令戶輸租錢。 鬻之。慶曆元年冬,以淄、濰、青、齊、沂、密、徐、淮陽八州軍仍歲凶菑,乃詔弛禁,聽人貿易, 商,後增登州四場。舊南京及曹、濮、濟、克、單、軍、廣濟七州軍食池鹽,餘皆食二州鹽,官自 收算如淄、濰等州。 其在京東日密州濤洛場,一歲鬻三萬二千餘石,以給本州及沂、潍州,唯登、萊州則通 自是諸州宮不貯鹽,而百姓蠶鹽歲皆罷給,然使輸錢如故。 其後院、軍皆以壤地相接,罷食池 鹽, 得通海

買賣鹽場,自改法抵今一年有半,得息錢三十六萬緡。察、居厚皆進官,加賜居厚三品服。 詔運賣鹽錢儲之北京,令河北都轉運使蹇周輔、判官李南公受法于居厚,行之河北。 千餘緒,而息幾半之。吳居厚爲轉運判官,承察後治鹽法,利入益多。 用今稅法置買賣鹽場。」其法,盡竈戶所醬鹽而官自賣,重禁私爲市者,歲收錢二十七萬三 元豐三年,京東轉運副使李察言、南京、濟、濮、曹、單行解鹽;餘十有二州行海鹽,請 六年,較本路及河北

齊州 復給 四務,又增滄州三務,歲課九千一百四十五石,以給一路,而京康之淄、青、齊旣通商,乃不 雄、霸州,德清白也、通利、永靜、乾寧、定遠白也、保定、廣信、永定、安肅軍則通商。後濱州分 ,若大名、眞定府,貝、冀、相、衞、邢、洛、深、趙、滄、磁、德、博、濱、棣、祁、定、保、瀛、莫、 河北日濱州場,一歲露二萬一千餘石,以給本州及棣、祁州雜支,幷京東之青、淄

衆,邊民怨望,非國之福,乞且仍舊通商。」其議遂寢。 不煩故也。 臣嘗痛燕薊之地,陷入契丹幾百年,而民忘南顧心者,大率契丹之法簡易,鹽麴俱賤,科役 遺 [利,余靖時為諫官,亟言:「前歲軍興,河北點義勇強壯及諸科率,數年之間,未得休息。 多鹽鹵 自開實以來,河北鹽聽人貿易,官收其算,歲額爲錢十五萬緡。 小民稅地不生五穀,惟刮鱇煎鹽以納二稅,禁之必至逃亡。 昔太祖推恩河朔,故許通商,今若権之,價必騰踊,民苟懷怨,悔將何及。 上封者嘗請禁權以收 鹽價若高,犯法亦 河朔

可,且言「商人販鹽,與所過州縣吏交通爲弊,所算十無二三。請敕州縣以十分算之,聽商 人至所鬻州軍倂輸算錢,歲可得緡錢七十餘萬 (110)。」三司奏用其策,仁宗曰:「使人頓食貴 豈朕意哉?」於是三司更立権法而未下,張方平見上問曰:「河北再権鹽何也?」上曰: 慶曆六年,三司使王拱辰復建議悉權二州鹽入官,以專其利。 都轉運使魚周詢以爲不

其半。 將施行焉。 **緡,遂以爲定制。** 人私挾它鹽,丼沒其貲。 獻 雖 能 不 以 始 議 相 禁, 鹽 未下,民已戶知之,當直以手韶罷,不可自下出也。」上喜,命方平密撰手詔下之。 已,若権 議 ·率拜迎,於<u>澶州爲佛老會七日,以報上恩,且刻韶</u> 商 課均之兩稅,而 久之,緡錢所入 立法,非再権。」方平曰:「周世宗権 邊 湊成 予劵爲驗,州縣驗劵縱之,聽至所鬻州軍倂輸算錢; 人受鹽滄、濱二州,以囊貯之,囊毋過三石三斗,斗爲鹽六斤,除三斗爲耗 隙 川鹽貴,契丹之鹽 文彥博論其不便,乃詔仍舊。 一千餘 開, 所得鹽利能補用兵之費乎? 熙寧八年,三司 按兩 益 弛其禁,許之,今兩 耗,皇祐 朝 時知滄州 綱 目卷一 盆 中,視舊額幾亡其半。 售,是爲我斂怨 使章惇又請権河北 二、朝野雜記乙集卷一 田京,與伯 稅鹽錢是 河北鹽, 瑜 」上大悟曰:「其語宰相立罷之。」方平 而使契丹獲福 合議 也。 犯輒處死。 F 鹽, 六東南收兒會子條, 陝州 北 豈非再 园, 京。 召提舉河北、 錄 韶試行之,踰 卽 権乎? 事參軍王伯瑜監滄州 後父老過其下, 也。 世宗北 所 貯 契丹鹽1 過數,予及受者皆罰,商 且今未權,而 伐, 父老遮道泣 京東鹽稅周市入議 都說是 年, 入益多,非 **歲課增三萬餘** 必稽首流 勿算 契丹 飅 河朔父 用

一餘第

111

活法

兵莫

盜

贩

願

校勘記

志 第 百  $\equiv$ + 75 校 勘 記 年以諸色名件

拘回舊會,合計二千四百九十九萬餘網。此處下當有「萬」字。

 $\Xi$ 七年 按繫年要錄卷一〇九、紹興七年二月丙午:「川、陝宣撫副使吳玠初置銀會子於河池、乞

今不改。」此處失書「紹興」紀元。

 $\subseteq$ 之。」此處失書「淳祐」紀元。 九年 按宋史全文卷三四上淳祐九年九月甲子條說:「四川制臣余所請交引以十年爲界, 韶從

(四) 安邑池每歲歲種鹽千席 「歲」字作「戶」,似近是。 此處所列數字,同下文兩池年產量相差很遠,通考卷一五征權考上一

(至) 令商人入芻粟 「令」原作「今」,據本書卷三〇四梁鼎傳改。

(六) 而邊民頓無入中 「入中」原作「入市」,據長編卷五四改。

(+) 皆重損其直 「重」,長編卷一六七作「量」。

(六) 皇祐三年 「三年」原作「初年」,據長編卷一八七、編年綱目卷一四改。

**(元)** 內熙河路五十三萬七千 「內」字原脫,據宋會要食貨二四之八、長編卷二六三補

<del>6</del>9 印識之舊鹽 志 則作「印識舊鹽」,此處「之」字疑行。 宋會要食貨二四之一三、長編卷二八〇都作「點印舊鹽」;而長編注引國史食貨

皮公所鹽法酌前後兩池所支鹽數歲以二百三十萬緡爲額 宋會要食貨二四之一五、長編卷二 記

八一

- $\equiv$ 減年額賣鹽費錢 「賣」原作「買」,據來會要食貨二四之二八、長編卷三九六改。
- 吕语 永興軍 ·渭河北 「渭」下原衍「州」字,據文義和長編卷四九四冊。
- 四門 高陵檪陽涇陽等縣 「陵」字原脫,「涇」下「陽」字原置「高」字下。 按永興軍路無高陽和涇縣,其

高陵、涇陽縣都正在潤北。 據本書卷八七地理志、九城志卷三補改。


- (1) 修治畦眼 「治」原誤作「沼」,據通考卷一六征權考改。
- 公 詔 諭諸路 「諭」 原作「輸」。按宋會要食貨二五之一一宣和二年三月十二日詔:「可下諸路曉

諭,今來鈔法更不可改革。」編年綱目卷二八略同。「輸」字當爲「諭」字之訛。 據改。

- 宝 斤自四十七至八錢 「斤」下原衍「至」字,據通考卷一五征權考删。
- 등 德清 原作「德河」,據本書卷八六地理志、通考卷一五征權考改。
- (14) 定遠 按九城志卷二,永靜軍本周定遠軍, 景德元年改。上文已有永靜軍,此處不應又書定

遠軍,「定遠」二字複出。

日的七十餘萬 「七」原作「之」,據長編卷一五九、通考卷一六征權考改。



## 

## 志第一百三十五

## 食貨下四

鹽中

百萬 「臣在河北,亦知商賈有自請於官,乞罷權買,願輸倍稅。 天下根本,祖宗推此為惠,願陛下不以損民為利,而以益民為利,復鹽法如故,以爲河北數 鹽法,所在價增一倍,旣奪商賈之利,又增居民之價以爲息,聞貧家至以鹽比藥。 利,纔半歲,獲息錢十有六萬七千緡。 哲宗卽位,監察御史王嚴叟言:「河北二年以來新 生靈無窮之賜。」會河北轉運使范子奇奏,鹽稅欲收以十分,遣范鍔商度。 元豐七年, 知滄州趙瞻請自大名府、澶、恩、信安、雄、霸、瀛、莫、冀等州盡權賣以骨其 主計者但知於商賈倍得稅緡以爲 嚴叟復言: 伏惟 河朔

志第

百三

十五

食貨下四

豈 利 者 務 利 司 輸輸 '; 不 失 增 增爲 入心 知 爲 稅, 稅之請, 知 七分。 以及 商 也。」 公家之利? 賈將於 仁宗 、等戶保任, 明年,遂罷 則 民間 鹽 直 稅 謂 意 춢 股 復增賣價以爲害也。 調 給 河北 已行 慮 藏之官 小引, 河 権法, 焉 北 軍民 量 示 道 若藏之民。 175 、驟食貴 里爲限, 舊通 商。 慶曆 際, 卽 六年, 今陛下即位之始 可令依舊。 非官 六年,旣 L監鎖 提舉 不行三司 店, 河 是時 北鹽 聽以 了, 宜 計歲增幾六十萬緡 稅 権買 便鬻之, 法仁宗之意,不宜 司 請 (之法, 令商賈 鹽稅舊 (販鹽 額 從 於 以 轉 1 Ъi. 分 場 小 運

引 賞。 行 省 年 前 之。 日 京畿、 並 三年, . 稅額 紹 得 赴 聖 帶 権 中, 74 貨務改 支。 且 輔 大改 契丹 泂 及 北官 初,茶鹽用換鈔對帶之法, 、鹽法, 滑 給 鹽 州 新 復 益 法 賣 河陽 售, 舊 一鈔引, 鹽,繼詔 稅 慮 所產 鹽 心
啓
邊 許 並 擨 一易爲 通 如 一際。」 地 眅 京東法。 鈔 悉墾 一明年, 已請 鹽 民旅皆病,然 爲 舊 凡未 給事 元符三年,崇儀 田 法 稅 賣稅 車 中上 鹽 盜 河北猶未及也; 貨 鹽 官均 刮 賣 鈔 煎鹽 者 引 亦 使林豫言:河北権 及已請 ,自陳,更買 芝 弊, 以 為言, 算 知 或 河 皆不 至是, 併河北 (新鈔 陽 到 果行 王 倉已投 滯 序以 鹽,未 賣 ,已請 暨 勸 宣 京東 未 和 必 誘 捘 敷 鈔 挑 元

其在 兩浙 日杭州場,歲醫七萬七千餘石 7;明州 昌國東、 西兩監二十萬一千餘石, 秀州場

志第一百三十五 食貨下四

石 + 以 萬 給本州及越、處、衢、婺州 八千餘石 温州天富南北 監、密鸚永嘉二場, 天聖中, 杭、秀、温、台、明各監一, 七萬 四千餘石 ,台州黃巖監一萬 温州 又領場三, Ti. 而一路 千餘

歲

課

視

舊減六萬八千石,以給本路及江東之歙州

之。 必 請 萬, 河 糶 溢 增 流 陋 裁官估 而 其後 錢。 五 通 慶 層 發 錢 運 歲之內, 復故 靇 兩 運 下三司議,三司奏荆湖已嘗增錢, 初,制置 浙轉運使沈立、李肅之奏:「本路 民苦官鹽估高, 司 鹽綱,令鋪 難之,立、 旣而 私 司言:比年河流淺涸,漕運 眅 江州置轉般 坐罪 肅之 戶 衙 (者三千九十九人) 弊在 無以 前自 固 請 為食, 試 趨 倉,益置漕船 用 山 場取 其法二三年,可 諸路皆言其不 鹽 餘四路三十八州軍 鹽課緡錢歲七十九萬 艱阻, 靡費益甚, 請量增江、淮、兩浙、荆湖六 一, 如 及傭客 此 於官鹽佔高,故 則 、鹽善而 1舟以 見 便。 利 運, 害 久之, 韓絳安撫江 估 制置 詔 <u>ر</u>ت 請 印 私 司 人不 嘉祐 斤增二錢或 版不 因請六路 一门冒 三年, 止, 禁私 南還 而 纔及 Ξī. 儿 官 ---錢 售, 課 亦 Ξī 念 官課 十三 州 詔 路 俟 軍

官本 萬 以 爲 集鹽 生 立 皆以實 嘗 策 論 防 制 東 錢 + 倉 鹽 卷以 場 利 其售 使不爲掊克率 害,條亭戶、倉場、 進 額 ),其言亭戶困 外鹽 者, 斂, 給粟帛必良; 乏尤 漕運 絕私 甚。 之弊,謂 販, 然自 減官估, 亭戶逋歲課久不能 三「愛恤 皇站 果能 以 亭戶 來, 行 使不 屢下 此 Ŧī 至 輸者, 者, 詔 困 書 歲 輒 悉蠲之。 印 及 增 休 之, 緡 息 命 漕 錢 卒使有 給 所以存 二百

恤 之意 谌 厚 ', 而 有 司 罕 有 承 順 焉

圳 贼 神 饒 宗 課額 以 熈 寧以來 問 湖 王 失。 安 鹽 侵 石 二年, 枕 了對日 廣 德、 温 |昇 有萬奇 趙抃 州 台 ٠, 者獻 故 言 明 課 衢 Ŧi. 言欲撲 口 州 州 增 撲 共領監 , 鹽 如 一, 所 网 蘇 浙 六、場十有 收 鹽 常 課 而 則 敵 與民, 難 兩 比 浙 四 뾭、 乃遣 路 然鹽 湖 抃 奇 價苦高 從發運 今宜 但 見 衢 制 使薛 置煎 湖 私 贩 गि 鹽 撲, 向 者衆, 亭 詢 卢 不 度 及 轉爲盜 知 利 差 |衢 害。 圞 鹽

楊 爲 肵 錢 占j 枫 村 得 及 越 天 浙 **秉因定**: 富 水 戶 及 爲 州 雜 王i. 韵 勢稍 錢 督 錢 最 餘 年 究利 北 清 多 姚 百 捕 天 伏 淡 以 萬 場 縣 私 富 害 火盤數以 盧 織 曲 緡 販 石 場為 般 竹 鳴 堰 以 秉 , 異 以六 待 權 爲 鶴 場 诗 + 運 盤 發遣 償 西 分 ; 竈 以 絕私 一,塗以 . 南 分爲 明 時 戶 丽 及湯村 州 兩 露鹽 蓋 諸 뿰, 嚴 慈 額 浙 石 其分數約 場 溪 察 提 ; 自三竈至十竈爲 灰 皆定 縣 楊村 點 拌 則 與官爲 鳴 故 刮 和 刑 分數 色少 獄 艥 鶴 下 得 則 淋 接 市 場 鹽 鹽 黃 皆 鹵 仍 多寡 錢 法 鹽 和 專 九 塘 自 場 之湯 分 提 石 得 舉 縣 而 不 堰 舉 田 楊 六 爲 時 以 至 村 毋 鹽 之節。 -L; 償 村 東 岱 爲 事 事 imi 埸 其 鹽 Ш 改 近 -6 露鹽 直 Ŀ 官 分 制 海 秉 接 自 黿 前 昌 水 圳 湯 岱 陸 與著 鹹 或 酾 戶 什 村 Ш 官 盆 歙 怔 以 故 用 場 其民, 叉 困 作 等 及 雖 鐵 爲 東 佐 州 用 盤 \_\_\_ 八 |秉 南 天富 鄓 竹 以相 分 ; 故 與越 先 盤 爲 曾 請 鹽 煉以 温 默 幾 而 色 並 州 儲 行 州 察 青 錢 鹽 海 發 准 海 雙 清 色尤 白 運 水, 而 穗 及 東

狀

場

以狀聞,有司乃以朝旨不行,右正言鄒浩嘗極疏其害。 兩浙鹽亭戶計丁輸鹽,逋負滋廣,二年,詔蠲之。後更積負無以償,元符初,祭訪使 一場隸越,客始幅湊。 治。

降職。

議措

置。

酒

募 坊戶 願占課額,取鹽於官賣之,月以錢輸官,毋得越所 酤 地; 而又嚴捕盜販者,罪不至

杖者皆同妻子遷五 一百里 仍益開封府界、京東兵各五百人防 捕

以增課擢太常博士,升一資。歲餘,三司言兩澌漕司寬弛,鹽息大虧,命著作佐郎翁仲通 張靚代之,且體量其事。 等以聞。 急 一,可以止刑。 時 惟杭、 七年,以盧秉鹽課雖增,刑獄實繁,盧無辜卽罪者衆,徙其職淮南, 越、湖三州格新法不行, 久之,乃詔兩湖提舉鹽事司,諸州虧課者未得遽劾,以增虧及違法輕重分三 | 觀言|| 東在事,| 越州監催鹽償至有母殺子者, 詔劾其罪, 然竟免, 仍 發運司 劾奏虧課,皆獄 王安石爲神宗言捕鹽法 以江東漕臣 更

舊 積 析以 鹽 鹽以 朋; 五 聞 州 -1 萬囊。 白 鳴鶴場鹽課弗登,撥隸越州,宣和元年〔三〕,樓异爲明州,請仍舊,且於接近台州給 萬計,未見功緒,此而不圖,東欲取於越,西欲取於台,改令害法,動搖衆情。」令 詔曰:「明州鹽場三,昨以施置不善,以鳴鶴 猶有二

湖 兩 网 餘 浙 ,成 浙 之江 南 州 石 之杭 路 之江 海 共 、響視 漣 大大 陖 陵 在 水 蘇 府 寧府 監 准 聖 舊 軍 湖 安 如阜 南 1 滅 海 常潤 日 六 年 復 宣 倉小海 口 楚 潭鼎鄂 十九萬 始 場十 洪 州 州 袁 鹽 吉筠 江 \_\_\_ 場六 城監,歲醫四 七 萬 岳 陰 千 衡 軍 江 五 + 永州 Ŧi. 千 池太平饒信歙 五 百四四 餘 天 萬六千餘石 、聖中, 石, 漢陽 十餘 ----各給 軍 萬七千餘石 通 石 了以給 本州 無州 楚州 ,各給 海州 軍 場各七 本 板浦 及京東之徐州, 廣德 本 路及江南 州 通 惠澤、洛要三場歲 臨 家州 及 州 冮 淮南 利 軍 東西、 豐監 兩 場 之廬和舒 浙之常、 准 三四四 荆 海州 南 湖 之光、 南北 十八八 蘄 灣四 場 潤、 黄 泗、 萬 四 州 |湖 + 九千 路 漣 濠 -1 陸 無 萬七 舊 壽 水 州 爲 餘 軍 軍 給 場 Ŧ. 荆

以 歸 受通 廣南 東 凡 鹽之入, 南 爲 泰 鹽 錢 楚 利 Ħ. 五. 置 視 倉 其出, 天下 倉以受之,通 鹽 爲最厚。 視 一於漣 去 鹽 一、楚州 水軍 道 鹽之入官, 里 ·,以受海 遠近而 各一 , 泰州 淮南 上下 州 漣 ·其估,利有至 三,以受三州 水 福 建、 鹽 兩浙之温 江 南 十倍者 鹽 荆 台明斤爲錢四,杭 又置 湖 歲漕米 轉般倉 至 =; 准 南 於眞州 秀爲錢 受鹽以

糧草 銀 錢 ,足贍邊兵,中納金銀,實之官庫,且免和雇 帛 咸 平 則 公 年 私 皆 彨 便, 書 丞 爲 直 利 史館 實 多。 孫 晃請:「令江 設 慮 准 南 因 南、 '江 荆湖 車乘,差擾民戶,冒寒涉遠。 南 荆 通 湖 商賣鹽,緣邊 通 商 , 或至 年 折 額 中 稍 糧 草,在 虧 借 則 如 荆 或 京 湖 家 運 折 納 錢 1.4

四四三九

課額 議。 元年,入錢貨京師總爲緡錢一百十四萬。 貫,淮南逛米千石, 。」晁議途寢。 恕等謂:「江、湖官賣鹽,蓋近醫海之地,欲息犯禁之人,今若通商,住賣官鹽,立乏一年 至天禧初,始募人入緡錢粟帛京師及淮、浙、江南、荆湖州軍易鹽。 以地里脚力送至窮邊,則官費民勞, 會通、泰醫鹽歲損,所在貯積無幾,因罷入粟帛, 何啻數倍。」詔吏部侍郎陳恕等 乾興

第令入錢,久之,積鹽復多

錢及 往往 江 昔時漕鹽 萬石,至無屋以貯,則露積苫覆,歲以損耗。 徒配相繼 、浙、荆湖, 利也;江、湖遠近皆食白鹽,二利也;歲罷漕運糜費,風水覆溺,舟人不陷刑辟,三利也 明道 栗帛,計直予鹽。 起爲盜賊,其害如 舟 而莫能止。 二年,參知政事王隨建言:「淮南鹽初甚善。 可移以漕米,四利 綱吏舟卒,侵盜販醫,從而雜以沙土。 比歲運河淺涸,漕輓不行,遠州村民,頓乏鹽食,而淮南所積一千五百 此。 鹽一石約售錢二千,則一千五 願權聽通商三五年,使商人入錢京師,又置折博務於揚州,使輸 也,商人入錢,可取以償亭戶,五利也。」 又亭戶輸鹽,應得本錢或無以給,故亭戶貧困 涉道愈遠,雜惡殆不 百萬石可得緡錢三千萬〇以資國用, 自通、 泰、楚運至眞州, 可食, 吏卒坐鞭笞, 自眞州運至

同 畤 皆謂 ·范仲淹安撫江、淮,亦以疏通鹽利爲言, 志 第 聽通商恐私 百 = -|-五 販 肆行,侵蠹縣官,請敕制置司益漕船運至諸路,使皆有二三年之 食 貨 **-**F 四 卽詔 知制誥丁度等與三司使、江淮制置使

運 ii] 高 禧 畫 一本錢以償亭戶。 郵 元 年制 貿易者 ",聽商 母得出城,餘州 人入錢粟京師及准、浙 詔皆施 聽 記記 景站 縣鎭, 三年, 江 毋 南 至 諸路博易無利, 一鄉村 、荆湖州軍易鹽 其 入 、錢京 遂 師 在 者增鹽予之,丼敕 通、楚、泰、海 而 入錢京 師 如

入 中 取 至 東 河 內 -先得 鏠 數 東 鹽,不復入錢京 南 地 倍 +-者 鹽 諸 原 萬 定 券受鹽者, 利 州 . 於 厚 券至京師 元年,詔商 行 持券至京 京 三說法,亦以鹽代 商 師 旅皆願得鹽 河東 師 迺 ,反爲蓄 聽 師 人入獨粟陝西並邊,願受東南鹽者加數與之。 ,償以 兼 陝西 給, 益 賈所 乏。 謂 錢及金帛各半之,不願受金帛 入芻粟直 京師 八年, 之對 抑, 皇祐 所 贴, 鹽 河 給緡錢,糴二十萬石 北 錢 百 自 一年,復 -八 行 是入 萬, 斤舊 四 說 人錢京師 止 入錢京師 售錢 法,鹽居 給 圞 十萬 稍 直 復 法, 其 七 止 故 萬, 者子茶鹽 視舊 , 慶曆 而 至是 河北 並 錢 邊 一六萬, 又損 數 會河北穀賤,三司 年, **芻粟,皆有虛** 稍 香藥,惟其所欲。」 爲 增 又韶:「入中陝 商 六萬 予 人以 鹽 五. 賤估 而 千, 並 i 因請 且令 售券 騰踴 邊 西 而

京師 緡 入緡錢二百二十七萬, 嘉 初, 祐 天 中 聖 諸路 九年 漕 • 三司 運不 足,権 請 権貨務入錢 而淮南、兩浙、福建、江南、荆湖、廣南六路歲售緡錢, 貨 務 課 益 售東南 不登,於是 鹽, 以 卽 百 發運 八十萬三千 司 置官 專 緡爲 領 運 額, 鹽 公 後 事 增 至 皇祐中二 治平 几 白 中, 萬

循 厚。 斤。 爲盜,依 盜 鹽爲 梅、 **販廣** 繇是不 事 江 南 惠、 . 阻險要,捕不能得,或赦其罪招之。 湖運鹽旣雜惡,官估復高,故百姓利食私鹽, 鹽以 江 廣 西 ·逞無賴盜販者衆,捕之急則起爲盜賊,江、准間 射 則 八州之地。 、虔州 利。 地連廣 每歲秋冬,田 所至劫 南,而 人穀帛, 事纔畢,恆數十 福建 之汀州 掠人婦女,與巡捕吏卒鬥格, 歲月浸淫滋多, 亦與虔接,虔鹽弗善,汀故不產鹽,二 百爲羣,持 而並海民以魚鹽爲業,用工省而得利 雖衣冠士 甲兵旗 而虔州官糶鹽 鼓、往來虔、汀、潭、 人, 狃於厚利 至殺傷 (も)歳緩及百 更卒, 州 或以 則起 民多 潮 萬 販

虔州 斤於 使 許 南雄 元以爲 慶曆中,廣東轉運使李敷、王繇請運廣州鹽於南雄州,以給虔、吉,未報,即運四 江 西 亦請自 不 加 可 江 ', 遂 西轉運 具本錢取之。 止 司 不以 爲 韶尚書屯田 便, 不往 取。 員外郎施元長等會議,皆請如湛等議, 後三司戶部判官周湛等八人復請運 廣 而 百 蓌 簡入 餘 運 萬

州 通 嘉 祐 商 以 來,或請商 或謂第歲運准 販 廣南鹽入虔、汀,所過 | 南鹽 七百萬斤至虔,二百萬斤至汀, |州縣收算; 或請放虔、汀、潭、循、梅、 民間 足鹽, 寇盗 当息 潮、惠七 或請

志

争

百

 $\equiv$ 

+

Ŧī.

食

貨

下

匹

等請 官自 增糶六十餘萬斤 + 屬 縣 點. 1置鋪役 選 五 司 一等戶 江 及 西 知 夏秋 漕 州 兵卒,運 船 通 團 稅率百 判議,謂 爲 廣南、 一十綱,以三班使臣部之,直取通、泰、楚都倉鹽。 :錢令糴鹽二斤,隨夏稅入錢償官。 虔州食淮南鹽已久,不可改,第損近歲所增官估,斤爲錢四十,以 福建鹽至虔、汀州,論者不一。先嘗遣職方員外郎黃炳乘傳會所 繼命提點鑄錢沈扶覆視 韶用炳等策, 可 然歲纔 否,扶

督責耆保,有 弊,鹽遂差善。 綱二十五艘,鏁栿至州逎發。 之,江西 人欲販鹽,輒先伐鼓山谷中,召願 二十斤、徒不及五人、不以甲兵自 江 西提點刑獄察挺制置鹽事,乃令民首納私藏兵械給巡捕吏卒,而販黃魚籠挾鹽不及 鹽皆 伐鼓 團 又損糶價,歲課視舊增至三百餘萬斤,乃罷炳等議所率糴鹽錢。 綱 者 運致如虔州焉。 輒捕送, 盜販者稍稍畏縮。 輸官有餘,以畀漕舟吏卒,官復以半賈取之,繇是減侵盜之 1隨者, 、從者與期日,率常得數十百人已上, 與俱行。 止輸算勿捕 朝廷以挺爲能,留之江西,積數年乃徙。 准南既團新綱 **漕鹽,挺增爲十二綱,** 至是, 異時,汀州 州縣

几 綱及 傭客 荆湖 舟 亦病 、載鹽以往,是歲運及四十 鹽惡,且歲漕常不足,治平二年,纔及二十 ·萬石。 四年,至五 十三萬餘石 五萬餘石。 撥准西

慶曆初 了,判戶部勾院|王琪言:「天禧初,嘗以|荆湖鹽估高,詔斤減三錢或二錢,自後利入

九錢致 度支判官韓縝,相 廣 復之便。」詔從之。仍定歲運准鹽十二綱至虔州。及章惇察訪湖南,符本路提點刑獄朱初平 歲一易,仍以鹽純雜增虧爲綱官、舟人殿最,鹽課遂敷,盜販衰止。自挺去,法十廢五六,請 乃議稍減處鹽價,更擇壯舟云了,團爲十綱,以使臣部押。後蔡挺以贛江道險,議令鹽船三 至 寢 Ei] 奏言:「虔州運路險遠,准鹽至者不能多,人苦淡食,廣東鹽不得輒通,盜販公行。 喜,迎合惇意,推倣湖南之法,乞運廣鹽於江西。 損 農寺置 置 四十七錢。 一般運廣鹽,添額出賣,然未及行。 熙寧初, 興國 千萬斤於江西虔州、南安軍,復均准鹽六百 舊,江 一斤,若運廣鹽,盡會其費,減准鹽一錢,而其鹽更善,運路無 請復舊估, 軍 工以補訊 西鹽場許民買撲,周輔悉籍於官賣之。 江西鹽課不登,三年,提點刑獄張頡言:「虔州官鹽鹵濕雜惡, 嶺南盜販入處,以斤半當一斤,純白不雜,賣錢二十,以故處人盡食嶺南 繼請 可歲增緡錢四萬。」許之。 舊額。」詔 減淮南鹽價,然卒不果行 周輔立 法以 元豐三年,惇旣參政,有郟亶者,邪險銳進,素爲惇所 聞。 治平中, 周輔! 即遺蹇周輔往江西相度。 具鹽法丼總 .\_\_\_ 遂以周輔遙領提舉江西、廣 十六萬斤於洪、吉、筠、袁、撫、臨江 淮南轉運使李復圭、張獨、蘇頌 目條上,大率峻剝 阻。 請罷運 輕不及斤, 周輔承望惇意 東鹽事 准鹽,通 於民,民被 准鹽官以 而

價

志

亦 轉 等州,並 郎,復奏 體 周 獄 推行 訪 運 輔奏:「虔州、 范 判官陳偲措置。 利害,宗知周輔方被獎用,止謂鹽法宜變通而已,不敢斥言其害。 岶 兀 周輔 體 準江 |湖南郴、道州隣接韶、連,可以通運廣鹽數百 量,未 周 鹽 西、廣東見法,仍舉郟亶初議,郴、全、道三州亦賣廣鹽。詔委提舉常平張士澄、 輔 一法,發運使蔣之奇奏立知州、通判、鹽事官賞罰,下戶部著爲令。 報 南安軍推行鹽法方半年,已收息十四萬緡。」自以爲功。 改 漕河北。 明年,士澄等具條約來上,詔施行之,額利增加,一方騷然。 明年, 提舉常平劉誼言道途洶洶, 及 峋 奏至, 但以州縣違法塞詔 萬,卻均舊賣准鹽於潭、衡、永、全、邵 以賣鹽 爲 六年, 患 詔命發運副 竟無 周輔爲 詔 更張 江 于時准 東 **戶部侍** 使李琮 提點 刑

之七(元),而 民 無( 所得錢,必舉倍稱之息。 紹 聖三年,發運司言准 蠲 其息,鹽本集,復給其三分,憑由 南亭戶貧瘠,官賦本錢六十四萬緡,皆倚辦諸路,以 欲以 羅本錢十萬緡給之,不足,畀以憑由,即欲質於官,與平 一段棄 故不 ·時至,

吏 如 通 **企製量** 一十萬 法 寧元. 不 四、 卒 緡 或 年,蔡京議更鹽法,乃言東 禁命吏、 支鹽 井 列 失倫 七條一、許客用 **廕家、貢士、胥** 次者 論 以 徒; 私 船運 南 史爲賈區請鹽 鹽 鹽商 致,仍嚴 本或闕,滯於客販,請增給度牒及給封樁 所 繇 立 官司、 輒 五、議貸亭戶; 踰 場務、 疆 至 一夾帶 堰牐 私 六、鹽價太低者議增 津 鹽 渡等 之禁;二、 輒 加 岢 鹽 5 坊場 留者, 場官 錢

以 易末 千 孪 Ŧi. 茶鈔 官 邊 鹽 百 綱 二,私 、官告。 并 等升 令措置官博盡利害以 滅 東 在 者 北 河 坐徒徙之罪,官吏留難 仍以十分率之,止聽算三分,其七分兼 一分及官告、度牒、雜物等換給。 北買者,率百緡毋得下五千, 阻者坐之。 聞。 遂 變 明年, 企鈔法, 、文鈔展限等條皆備 詔鹽舟力勝錢勿輸 置買鈔 東南末鹽鈔毋得下十千,陝西鹽鈔毋得下五 末 所於権貨務。 鹽 **三鈔換易** 新 鈔 ົວ 五 定民間買 用 分, 凡以 絕阻遏, 餘以 鈔 至者, 、鈔之價,以抑豪強 (雑物, 且許舟行越次取 並以 而 舊鈔止許 末 鹽 乳

崇寧 新 舊 免 分 五 者 年,詔 貼 鈔 鈔 者 加 帶 几 舊 納 及 如 JL 見錢 錢 年 見 年 三分,五 算請 條 是 + 又 月 算 外, 彻 以 不 前 東南 東 更許 贴 算 分者帶 南 所 納 請 帶 末 末 鹽價 帶 見錢,以十分率之,毋過二分。 鹽, 不 鹽, 匹 日 貼 願折以 分, 前 輕 如 輸舊鈔之上。 贴 重不等,載定六路鹽價,舊價二 不帶六等舊 而 輸三分錢 東 金銀、 南 鹽並 物帛 鈔, 一鈔者, 六等者,謂 收 見 輸 者聽 網換 兀 聽 分者帶二分, 先 其 請新 貼三、貼 給 便。 大觀 鈔 面 如 元 者, 一十錢以 年 止 亭戶貸錢, 四、貼 帶 ,乃令算 五 如 五 分者帶三分。 几 一等舊鈔 上皆遞增以 五 分 六當十 五 請 舊 分 東 ٠, 輸 鈔、幷 法 南 其 息二分者蠲之。 貼 末 給 十錢, 輸 後 鹽 鹽 河 又 之敍, 貼 輸及帶 其 貼 几 換 輸 請 在 JU

時 鈔 志 法 第 紛 易, 百 Ξ 公私 -|-五 交 弊。 食 貨 下 年,侍御 깯 ·史毛注言:「崇寧以來,鹽法頓易元豐舊制, 匹 不許諸

大者。」 課額。 數販易,以足歲額;稍或愆期,鞭撻隨之。一縣歲額有三五萬緡,今用爲常額,實爲害之 產高下,勒認鹽數之多寡。上戶歲限有至千緡,第三等末戶不下三五十貫,籍爲定數,使依 法,必重奏劾譴黜,州縣孰不望風畏威,競爲刻虐? 由是東南諸州每縣三等以上戶,俱以物 路以官船迴載為轉運司之利,許人任便用鈔請鹽,般載於所指州縣販易,而出賣州縣用為 提舉鹽事司苛責郡縣,以賣鹽多寡爲官吏殿最,一有循職養民不忍侵克,則指爲沮

3

鈔 通,物價亦平,官司上下,無有二價,斗米止百餘錢,東草不過三十,邊境倉廩,所在 爲河北之備,東北鹽爲河東之備,解池鹽爲陝西之備,其錢並積於京師,隨所積多寡給 銀、紬、絹;陝西解鹽鈔則支請解鹽,或有泛給鈔,亦以京師錢支給。惟錢積於京師, 鈔於三路。 行於三路, 朝廷自昔謹三路之備,糧儲豐溢,其術非他,惟鈔法流通,上下交信。東南末鹽錢 如河北糧草鈔至京,並支見錢,號飛錢法,河東三路至京,半支見錢,半支 至則給錢,不復滯留。 當時商旅皆悅, 爭運糧草,入於邊郡。商賈旣

自 [崇寧來鈔法屢更,人不敢信,京師無見錢之積,而給鈔數倍於昔年。 鈔至京師,

志第一百三十五 食貨下四

無錢 耀買 分,権貨務惟得七十千之入,而東南支鹽,官直百千,則鹽本已暗有所損矣。 不 致 使官價幾倍於民間,斗米有至四百,束草不下百三十餘錢,軍儲不得不闕,財用不得 (之直。 可給,遂至鈔直十不得一,邊郡無人入中,糴買不敷,乃以銀絹、見錢品搭文鈔,爲 如解鹽鈔每紙六千,今可直三千,商旅凡入東南末鹽鈔,乃以見錢四分、鹽引六 民間中糴,不復會算鈔直,惟計銀絹、見錢,須至高擡糧草之價,以就虛

貨 臣 前 薛 務 向 鈔 願 向 昔 之法已效於昔者,可舉而行之。 **矛顧** 明詔執政大臣,精擇能吏,推明 方行,而後鈔又復變易,特令先次支鹽,則前鈔遂爲廢紙,罔人攘利,商 臣 調 「講究於嘉祐中,行之未幾,穀價遽損,邊備有餘,逮及熙、豐,其法始備。 一鈔法 鈔法不循復熙、豐,則物價無由可平,邊儲無由可積,方今大計,無急於此。 !屢變,有誤邊計,惟冀貼納見錢,專買東南鹽鈔,圖增錢數,以僥冒榮賞。 ?鈔法,無以見行爲有妨,無以旣往爲不可復,如 旅怨嗟。 比年権

度 深 四百 今之練 輕 敕 齎 牒 萬 了轉相 政 唯 緡椿留京 事 許 ·貿易。 以鈔 、通鈔法,不患無人;在京三庫之積,皆四方郡縣所入,不患無備。 引就給外,餘並令在京以見錢入易,椿留以爲鈔引之資, 師,隨數以給鈔引,使鈔至給錢, 或支請多,惟 轉廊就 給東南末 鹽鈔或度牒 不復邀阻,上下交信,則 之類,如 東南 亦計之 人 末 鹽鈔 以鈔 如

先給 罷 提 路 冏 用 供錢三百 鈔許於權貨務更貼見緡七分,貼四鈔更貼六分,貼五、當十鈔貼七分,河北見錢文據貼五 旅 泊 以革錢、鈔、物三等偏重之弊。 東南 舉鹽 得者 王. 旅 修復 未幾,張商英爲相,乃議變通損益,復熈、豐之舊,令內府錢別樁一千五百萬緡,餘悉移 色舊鈔,若用換請新鈔對帶,方許支鹽,慮伺候歲月,欲給無由, 轉廊算請,餘五分以待算請新鈔及見錢鈔與不帶舊鈔當先給者。 I萬緡。 香, 既廢,亦爲 末鹽諸路貨易。 岩 諸路鹽事各歸提 香出 以左司員外郎張察措置東南鹽事 文鈔,亦當體究立法,量爲分數, 非易。 。仍下潍、浙鹽場,以鹽十分率之,椿留五分,以待支發官綱,備三 欲興經久之利,則目前微害,宜亦可略,惟 刑司。 陝西給鈔五百萬緡,江、准發運司給見錢文據或截兌上 議定五等舊鈔,商旅 ,提舉江 支鹽償之。 已換請新鈔及見錢鈔 西常平張根管幹運准鹽 自昔立法之難, 詳酌可否施 乃立增納之法。 於是推行舊法,以 不對帶,聽 非特造始, 行之。 於 江 西 貼

以緡計之,諸路各不下數十萬。 各減二分,以告敕、度牒、香藥、雜物、東南鹽算請給償。 三路熈、豐鈔 有 司 「議,三路鈔法如熈、豐舊法,全仰東南末鹽爲本,若許將舊鈔貼納算請,正 法相戾,卽不令貼納算還,又鈔 自行鈔鹽,漕計窘匱,以江西言之,和、豫買欠民價不少,何 無所歸。 帝詔:「東南六路元豐年額賣鹽錢 議將河北見錢文據減增納二分,餘 與推行 分算

以 副 仁民 愛物之意?」令 東南諸路 轉運司協力措置般

衆,所 羨。 未 最 存 幾 近 53 何 亦 浙 政 虚不 利 錢。 半 亭戶額 和 亦 · 年 及 增 煎 元 增 倍,其闕 倍 飅 年, 議 ? 者 外 一年, 岩斤 官爲 詔商 謂宜 中鹽, 謂 Y:「異時 鹽 更增 買 旅 嚴 謂 地, 納 之準備 斤增 願 責 依熈、豐法 轉 客 鹽 錢,虛費 比舊旣 運 不肯住。 價三分。 商 司 鹽,而 於權 般 增 運 亦大。」 貨 轉廊 矣, 後 準 已 務入 在 鈔法 備 而 元 者,許 止 豐時 鹽 張祭均定鹽價, 納 詔 用 乃通 外,更及元 元 轉 施 先 遠 一豐舊 行之。 廊 次用三路新 地 惟 紹 須 價自 聖 視 豫備二年 六路 豐準 間 東 可, 視 遵 南 通 況 傰 用 紹 諸 鈔算請,往 置 之數, 舊制, 聖斤 用 郡 提舉 或三年, 新 積 價, 鹽 增二錢, 鹽 則 廣 多寡, 事 他所定價給 而 鈔 有 次 官 準備, 有 法 遠 鹽 詔 本 始 置 多則 錢, 從 通 年至二年 故 於揚 其 均 復 課 請 價之 加 利 鈔 仍 借 且

當,所 爲 於 絡 旣 兼 井 許 議 致 以 者 多壅 扶 路 見錢 復 持 調 文 閼 鈔 留 客・ 鈔 價,不 於 得 於是復 京 人 以 大減 在京権貨務買 師 轉 廊 鈔 損 客 若 引 旅 更循 抵當, 昨 走 禁之非 於東 舊制 東南 (南。」 如 許 是。 其舊。 末 詔 以 鹽 其舊 采 者 見 錢 ,其法有 末鹽以十分率之,限以八分給 用 轉 焉 入納, 廊 鹽 又有 則 鈔 客 謂 眅 旅 日 致 之錢,當入 舊法 見錢 東 南 聽 入納,二 轉 以 物 運 於 貨 司 権 日 末鈔,二分許 乃 及 貨 鈔 官 專 面 以 而 鈔 轉 見錢 引 不入 廊 抵

志

第

百

Ξ

+

五

食

貨

醫見緡,後又增見緡爲三分。

法。 算請者少,乃申扇搖之令,增賞錢五百緡 旅赴 文鈔,毋得一例對算。 又次之。三路糴買文鈔,算給七分東南末鹽者,聽對見緡支算二分,東北鹽亦如 支者,率百緡別輸見緡三分, 斤增錢四,各以去產鹽地遠近爲差。 其算請悉用見緡,而給鹽 場 二年,江寧府、廣德軍、太平州斤更增錢二,宣、歙、饒、信州斤增錢三,池江州、南 請 取,已般鹽丼封椿。 復置諸路提舉官。 倫次,以全用見緡不帶舊鹽者爲上,帶舊鹽者次之,帶舊 仍用新鈔帶給舊鈔三分; 已算支者, 所在抄數別 商旅赴権貨務算請,先至者增支鹽以示勸。 是歲,蔡京復用事,大變鹽法。 於是詔書褒美京功,然商旅終以法令不信爲疑, 五月, 前轉廊已算 罷官般賣, 輸帶 之。 賣 令商 自餘 鈔未 鈔 如 康 軍

秤驗, 給商人外,東南末鹽諸場,仍給鈔引號簿,有欲改指別場者,並批銷號簿及鈔引, 之,受於場者管 北鹽用囊,官製醫之,書印及私造貼補,並 價,囊以三百斤,價以十千,其鬻者聽增損隨時,舊加饒脚耗 三年,以商 乃輸錢 給給 | 秤盤囊封,納於倉者管察視引據、合同 人承前先卽諸州投勾,乃請鹽於場,留滯,罷之。 鈔 時法旣屢變,蔡京更欲巧籠商賈之利,乃議措置十六條,裁定買官 如茶籠篰法,仍禁再用。 號簿。 並罷 囊二十,則以一拆驗合同 若請鹽大帶斤 受鹽、支鹽官司 客鹽舊止船貯, 重者, 仍用合同 , 析 改依東 官爲 遞牒 而

食貨下四

志

第一百三十

Ħ

年,有故展毋得踰半年,限竟,鹽未全售者毀引,以見鹽籍于官,止聽鬻其處,毋得翻 客負鈔請鹽,往往阨不卽畀,必對元數再買新鈔,方聽帶給舊鈔之半。 抵皆視茶法而多爲節目,欺奪民利,故以免究盜販、私煎、大帶斤重爲名,而專用對帶之法。 遞牒報所指處給隨鹽引,卽已支鹽,關所指處籍記。中路改指者做此。 慮令之不行也,嚴避 其引繳納, 限以一 改。大

新鈔,沒官,而剩鹽即沒納。 止留,其用小袋住賣者聽輸錢二十給鈔,毋得輒出州界。 四年,以遠地商販者稀,鹽倉以地遠近爲敍,先給遠者。 五年,偽造引者並依川錢引定罪。 繼令大搭帶正鹽,期一月不買 六年,以產鹽州軍大商弗肯

免之禁,申沮壞之制,重扇搖之法,季輒比較,務峻督責以取辦。

四十,今一斤三十七錢,虧公稍多。欲囊增爲十三千入納,而亭戶所輸並增價,庶克自膽, 今米價石兩千五百至三千,而鹽仍舊六十。|崇寧|曾定鹽價,買鈔折算,酌以中價,斤爲錢 **盗販衰止。」於是舊鹽盡禁住賣,而籍記、貼輸、帶賣之令復用焉。** 年,権貨務建議:「古有斗米斤鹽之說,熙、豐以前,米石不過六七百,時鹽價斤爲錢六七十, 宣和二年,韶六路封樁舊鹽數踰億萬,其聽商旅般販,與淮、浙鹽倉卽今鹽鈔對算。 四

至邊入中,請鈔以歸。 初,鹽鈔法之行,積鹽于解池,積錢于京師權貨務,積鈔于陝西沿邊諸郡,商賈以物斛 物斛至邊有數倍之息,惟患無回貨,故極利於得鈔,徑請鹽於解池,

鈔, 通 四方之錢,盡入中都,以進羨要寵,鈔法遂廢,商賈 夕 罪者多,民間食鹽,雜以灰土,解池 此 而 廢棄, 所 解 鹽木 輒 鹽通 曲 復 州 給,復貼 朝爲豪商, 變易,名對帶法, 縣, 行 地 貿易者甚衆。崇寧間,蔡京始 甚寬 輸錢,凡三輸錢,始獲一直之貨。 夕儕流丐,有赴水投繯 或請錢于京師,每鈔六千二百,登時給與,但輸 季年 又變對帶爲循環。 天產美利,乃與糞 而 變法,俾商 死者。 循環者, 民無貲更鈔,已輸錢悉乾沒,數十萬券一 不 、壤俱積矣。 通 人先輸錢請鈔 ,邊儲失備; 已賣鈔, 大概常使見行之法 ,赴產 未授鹽, 東南鹽禁加密,犯法 頭子等錢數十而已。 鹽 郡 復 授 更鈔 鹽 欲 售 l給才 已更 囊括 以 被

防開 黨附 則已詫其太多,今日之納乃常及四五萬貫。 歲用之外 充入 緡,官吏皆進秩。 建言:「朝廷所以 、納之數,務入納數多,以眛 王 未定,姦弊百 峙 黼 有 沛然有餘 京惡 魏 伯芻者,本省大胥(10),蔡京委信之,專主権貨務。 而黜之。 、開闔利柄,馳走商賈,不煩號令,億萬之錢輻湊而至,御府須索,百 出 七年,又以課羨第賞。 ,則權鹽之入可謂厚矣。 自 政和立法之後,頓絕弊源,公私無利。 伯芻非有心計,但與交引戶關通,凡商旅算請,率尅留十分之四以 人主而張 虚 伯芻年除歲遷,積官通議大夫、徽猷 最。 頃年,鹽法未有一定之制,隨時變革 以歲計之,有一郡而客鈔錢及五十餘萬貫者, 初, 政和 再 更鹽法,伯芻方爲蔡京所倚信 政和 異時一 六年, 日所 鹽課通及四 收不 閣 待 過二萬 以便公私 制 司 支費, 千萬 旣 而

志

處州是也 匹 「千萬貫、雖傳記所載貫朽錢流者、實未足爲今日道也。 有一州倉而客人請鹽及四十萬袋者,泰州是也。 。伏乞以通收四千萬貫之數, 新法於今纔二年,而所收已及 宣付

史館,以示富國裕民之政。」小人得時騁志,無所顧忌,遂至於此。

復爲十三千,民力因以擾匱,而盜賊滋焉 承守,故比較已罷而復用,抄箚旣免而復行,鹽囊旣增而復止,一囊之價裁爲十一千,旣又 使良民受弊,比屋愁嘆。悉從初令,以利百姓。三省其申嚴近制,改奉新鈔。」然有司不能 下程督加厲。 折,害法者不以官廕並處極坐,微至於鹽袋鮝鹽,莫不有禁,州縣惟務歲增課以避罪法,上 于時御府用度日廣,課入欲豐,再申歲較季比之令,在職而暫取告,其月日皆毋得計 七年,乃韶:「昨改鹽法,立賞至重,抑配者多,計口敷及嬰孩,廣數下遠駝畜,

然今不改覆車之轍,又促限止半月,反不及王黼之時,商賈豈得不怨?」詔申限焉。 亦 出賣,初限兩月,再限一月。是時臟方用事,專務害民,剝下益上,改易鈔法,甚於盜賊。 用帶賣舊鹽立限之法。 **靖康元年,詔未降新鈔前已給見錢公據文鈔,並給還商賈,以示大信。時鹽盡給新鈔,** 言者論:「王黼當國,循用蔡京弊法,改行新鈔,舊鹽貼錢對帶,方

南 渡,准、浙亭戶,官給本錢。 諸州置倉,令商人買鈔,五十斤爲石,六石爲袋, 輸鈔錢

爲 輸 年 漏 -1-以 可 不 八千。 Ė 用 自 率, 先後倂支焉 遲 泄之法。 陳,如 ?, 令 月, 細 四 减 詔 商 分支今降旨符以後文鈔CED,四分支建炎渡江以後文鈔。 紹 准 私 所添錢。 人貼輸錢,至是復以分數如對帶法,於是始 興元 二年九月,韶淮、浙 鹽律。 、浙鹽鈔錢每袋增貼輸錢三貫,並計綱輸 年,韶臨安府、秀州亭戶二稅,依皇祐法輸鹽,立監官不察亭戶私煎及巡捕 然自 時呂頤浩用提轄張純議印,峻更鹽法。 建炎三年改鈔法,及今所改,凡五變,而建炎舊鈔支尚 鹽令商人袋貼輸通貨錢三千,已算請而未售者亦如之, 行在,尋命廣鹽亦如之。 加嚴酷矣。 十有一月, 三年,減民間 先是呂頤浩以對帶法不 韶准、浙鹽以十分 鲨 九月, 未絕,乃命 鹽錢。 以入 十日日 几

千餘 行 六十八萬三千餘石,去年 私 鹽 一千餘 販故也。 钱 皆私贩害之也。 製論 貫; 孝宗乾道六年,戶部侍郎葉衡奏:「今日財賦,鬻海之利居其半,年來課入不增,商賈不 貫 二浙 之,淮東多於二浙三之二,及以竈之多寡論之,兩浙反多淮東四之三,蓋二浙無非 而 欲望遣官分路措置。」 鹽竈 課額 乃計二千四百餘所。 一百九十七 且以淮東、二浙鹽出入之數言之,淮東鹽竈四百一 兩務場賣准鹽六十七萬二千三百餘袋,收錢二千一百 萬餘石,去年兩務場賣浙鹽二十萬二千餘袋,收錢 以 鹽 額 論 之, 准東之數多於二浙五之一 十二所,歲額 , 九十六萬三 以去 五. 百 鹽二百 「歲賣 一萬

貨下四

志

百三十

Τī

鈫

籌,籌爲錢一貫八百三十文,內除船脚錢二百文,有一貫六百三十文。其鹽並再中入官, 寒,不觅私賣。若朝廷嚴究,還其本錢,而後可以盡革私賣之弊。」至是,詔還通、泰等州諸 爲鈔錢四百五十一萬七千五百餘緡。又綱取鹽一袋丼諸窠名等,及賣又多稱斤兩,亭戶饑 得嘗試鹵水之法,竈煎至二十五籌至三十籌,增舊額之半。緣此,鹽場買亭戶鹽,籌增稱鹽 先是湖北鹽商吳傳言:「國家醬海之利,以三分爲率,淮凍居其二。通、康、楚隸買鹽場十 六,催煎場十二,<<br />
電四百十二。紹興初,<br />
電煎鹽多止十一籌,<br />
籌爲鹽一百斤,<br />
淳熙初, 二十斤至三十斤爲浮鹽。日買鹽一萬餘籌,其浮鹽止以二十斤爲則,有二十萬斤,爲二千 淳熙八年,詔住賣帶賣積鹽,以朝廷徒有帶賣之名,總所未免有借撥之弊故也。 亭戶

新 以淮東提舉陳損之言循環鈔多弊,故有是命,於是富商巨賈有頓爲貧民者矣。開禧二年, 韶:「停塌鈔引之家(言),增長舊鈔價直,袋賣官會百貫以上。 自今令到日,鹽鈔官錢袋增收 詔自今新鈔一袋,搭支舊鈔一袋,如新鈔多於舊鈔,或願全以新鈔支鹽,及無舊鈔而願全買 會子二十貫,三務場朱印於鈔面,作「某年某月新鈔」,俟通賣及一百萬袋,即觅增收。其日 。 鈔者聽,以新鈔理資次。 嘉定二年,詔淮東貼輸鹽錢免二分交子,止用錢會中半。 三年 寧宗慶元初,詔罷循環鹽鈔,改增剩鈔名爲正支文鈔給算,與已投倉者通理先後支散。

鹽場欠亭戶鹽本錢一百一十萬貫。

前已未支鹽鈔 並爲舊鈔,期以一年持赴倉場支鹽,袋貼輸官會一十貫,出限更不行用。」此

准、浙鹽之大略也。

緡,則 天下之賦已三分之二。 唐乾元初,第五 是一 增至六百餘萬緡,天下之賦,鹽利居半。 州之數,過唐舉天下之數矣。 |琦爲鹽鐵使,變鹽法,劉晏代之,當時舉天下鹽利,歲纔四十萬緡。 紹興末年以來,泰州 海陵 元帖 一監任四,支鹽三十餘萬席,爲錢六 間,淮 鹽 與解池等歲四百 萬 七百 比 唐 萬 舉 至

千有奇 鹽,公 端平二年, 之盛 以 集議,孰爲可行,孰爲可罷,天地之藏與官民共之,豈不甚盛?」從之。 終尚書省課其殿最。 恤 來,二三十年之間 鹽商 一,復見 寶慶 私俱病。」有旨,三路提舉茶鹽 所當 乃 二年,監察御史趙至道言:「夫產鹽固藉於鹽戶, 鬻鹽實賴於鹽商, 故鹽戶所當存 於今日矣。」從之。紹定元年,以侍 知 都省言 優潤。 鹽 課 之虧,實鹽商 - : | 淮、 少鈔法 淳祐 慶元之初,歲爲錢九百 浙歲額鹽 元年,臣 [或行 之無 或 罷 僚 九十 司 而 所 奏「南渡立 各置主管文字一 鸁 ·七萬 浮 利。 圞 九十萬八千有奇,寶慶元年,止七 之說 御 爲今之計,莫若寬商 四千餘袋,近二三年積 史李. 國,專 牢 ·不可 知孝言,罷上虞、餘姚 仰 員,專以 破,其害有不 鹽 鈔, 紹 興復 旅,減 興、淳熙,率享其利 鹽 虧 可勝 額、收買 五年,申嚴私販苛征 征 百餘萬 海 稅,庶幾 言者 塗地 百 散 四 袋, 鹽爲 創 慶元 望付 + 立鹽 民食貴 九 務,歲 嘉定 鹽課 萬 有 竈 九

之数。

嚴私販之禁。 甚一日,姑以眞州分司言之,見虧二千餘萬,皆由臺閩及諸軍帥興販規利之由。」於是復申 九千一百七十三萬五千九百一十二貫有奇,本務場丼三省、戶部、太府寺、交引庫,凡通管 年、十年、十一年例倍賞之,以勵其後。」有旨依所上推賞。四年五月,以行在務場比新額增 千八百一十五萬六千八百三十三貫有奇至,比今新額四千萬貫增一倍以上,合視淳祐九 三務場職事之人,視例推賞,後以爲常。十有二月,殿中侍御史朱熠言:「近者課額頓虧,日 寶祐元年,都省言:「行在権貨務都茶場上本務場淳祐十二年收趁到茶鹽等錢一萬

斷 之,二千七百九十三萬斤。十數年來,鈔法屢更,公私俱困,眞、楊、通、泰四州六十五萬袋 鹵 爾望,可以供煎烹,蘆葦阜繁,可以備燔燎。故環海之湄,有亭戶,有鍋戶,有正鹽,有浮 端平之初,朝廷不欲使浮鹽之利散而歸之於下,於是分置十局,以收買浮鹽,以歲額計 正鹽出於亭戶,歸之公上者也;浮鹽出於鍋戶,鬻之商販者也,正鹽居其四,浮鹽居其 . 籠其利,纍纍竈戶,列處沙洲,日藉銖兩之鹽,以延旦夕之命,今商賈旣不得私販,朝 一鹽,視昔猶不及額,尙何暇爲浮鹽計邪?是以貪墨無恥之士大夫,知朝廷住買浮鹽,龍 五年,朱熠復言:「鹽之爲利博矣。以閩、廣、浙數路言之,皆不及准鹽額之半。蓋以斥

第

以絕戎閫爭利之風,二則可以續鍋戶烹煎之利。」有旨從之。 鹽本,當過於正鹽之價,則人皆與官爲市,卻以此鹽售於上江,所得鹽息,徑輸朝廷,一則可 廷又不與收買,則是絕其衣食之源矣。爲今之計,莫若遵端平之舊式,收鍋戶之浮鹽。所給

#### 校勘記

(二) 水勢稍淡 「淡」原作「淺」。 按長編卷二三〇熙寧五年二月戊辰條注作「水勢稍淡」, 姚寬西溪

叢語卷上同。從下文文義言,作「淡」是,據改。

- $\Xi$ 宣和 元年 「年」原作「州」。 據延祐四明志卷二職官考、 宋會要職官六〇之二五, 宣和元年時
- 樓异知明州。是「州」字實係「年」字之誤,據改。
- 3 利豐監 「利豐」二字原倒,據本書卷八八地理志 、寰宇記卷一三〇乙正。
- (B) 可得緡錢三千萬 「三千萬」原作「三十萬」,和上文一石約售錢二千之數不合,據長編卷一一
- 三改
- (至) 入中陝 西河東者 「陝西」 原作「陝東」,據長編卷一六八改。
- (<u>六</u>) 鹽百八斤舊售錢十萬 長編卷一六八、 編年綱目卷一四均作:「鹽八百斤舊售錢十萬, 至是止

六萬。」

(上)

- 2 更擇壯舟 長編卷二一三作「更擇北舟」。
- 與平之七 按宋會要食貨二四之三一,此句作「則據憑由與十之七」。此處「平」似應作「十」。
- (10) 本省大貨 按通考卷一六征權考作「本三省大胥也」,疑此處脫「三」字。
- $\frac{C}{C}$ 用提轄張 純議 「議」原作「儀」,據緊年要錄卷五八、中興聖政卷一二改。
- <u>=</u> 四分支今降旨符以後文鈔 按緊年要錄卷六〇、中興聖政卷一二,此句下有「二分支今年九月
- =停塌鈔引之家 「場」字原脫,據宋會要食貨二八之五一補。

甲申以後文鈔」之文。

- 泰州 海陵 監 「海陵」 原作「海寧」,據上文和本書卷八八地理志改。
- 呈 茶鹽等錢 萬 一千八百一十五萬六千八百三十三貫有奇 「一萬一千」 原作 「一十一千」, 據

續通考卷

九征權考改。

# 宋史卷一百八十三

## 志第一百三十六

### 食貨下五

### 鹽下 茶上

꽳鹽,歲視舊額增四萬八千九百八石。 其在福建日福州長淸揚,歲鬻十萬三百石,以給本路。 天聖以來,福潭泉州 興化軍皆

福州 而起者?」乃詔福建路蹇周輔度利害, 阻,連亘數千里,無賴姦民比他路爲多,大抵盜販鹽耳。 熙寧十年,有廖恩者起爲盜,聚黨掠州郡。 興化軍醬鹽價 賤, 故盜多販賣於鹽貴之地。 周輔言:「建劍汀州、 恩既平,御史中丞鄧潤甫言:「閩越 異時建州嘗計民產賦錢買鹽,而民憚求 恩平,遂不爲備, 邵武軍官賣鹽價苦高, 安知無躡恩之 Ш 林險 潭泉 跡

四四六一

志第

百三

+

六

食貨下五

若 月 所 盗 司 丽 賣 徒 從官場買之,如 知情囊橐之者,不以赦 出 錢 或不 得 鹽 是則 今請 民易 罷去,頗減建、劍、汀、 原 得 ; 三犯,杖、編管鄰州 鹽,盜 眅 不能 規厚利 邵武 ; 鹽價, 又稍 編 管復犯者,杖、配犯處本城。」 興復舊倉, 募上 戸爲 鋪戶, 選 更增 官給 兵。 立法, 劵,定

皆行之,歲增賣二十三萬餘斤,而鹽官數外售者不預

焉

論 奉行, 賞不限常法。 元 豐二年,提舉鹽事賈青請自諸州改法酌三年之中數立 期年有成,課增盜止,東南賴之。」時周輔已擢三司副使,監司已次被賞者凡二十 三年,青上所部賣鹽官吏歲課,比舊額增羨。 額。 詔曰:「周輔承命創法, 又請捕盜官 獲私 鹽多者, 青相

絕 所 和 額 司 子 77. 州 亦 之法,福建遣 當 鹽法。 京皆坐 哲宗卽位,御史中丞黃履奏福建多以鹽抑民,詔:「去歲先帝已立分遣御史、郎官察舉監 遠民 | 郟| 亶 五 倍,而實減半焉。 久無以 掊 降言:「福州緣王氏之舊,每產錢一當餘州之十,其科納以 坐倡議運廣鹽江西,張士澄坐附會推行周輔之法, 克 御史黃降,江西遺御史陳次升按之。」繼又以命吏部郎中張汝賢倂察舉周 心仲。」詔: 謫 監湖南 付汝賢。 昨王子京奏 鹽 酒 稅; 明年, 刑 立 部侍郎 按祭司盡以所祭事 一產鹽法,失於詳究,遂概 蹇周 輔坐 議 狀聞,於是福 江 肆志抑擾, 西 「鹽法, 以額增,多寡之間,遼遠 此爲率,餘隨均定,鹽 掊 建 並 克 轉 鵬官 誕漫, 運 副 使賈 岡清縣 削 暰 輔 知

贈 尹 額 徐壽獨用鹽法初行,能守官不撓,民以故不多受課, 從 其請; 凡抑民爲鹽戶及願退不爲行者,以徒一年坐之,提舉 言於朝加賞焉。 鹽事 汝賢請定福建產賣 官知 m 不舉,論

如

御 視 之害,京東、河北 史 譴 孫 極其利 點聚斂之吏,以慰困窮之民,天下皆知 升繼 加 殿中侍御史呂陶奏:「朝廷以福建、 害、誼 言、江 権 坐奪 西、湖南 鹽,皆章惇所倡,願付有司 官勒停。」詔復置官,起守韶州 鹽法之害,兩路之民,殘虐塗炭,甚於兵火,獨提舉官劉 江西、 公議之不可 根治其罪,使賊民罔上之臣,少知 湖南等路鹽法之弊, 廢 也。 然湖南、 江 流毒生靈,遣使按 西 運 所畏。」 賣廣 誼 鹽 一監察 乃能 添 額

請,依六路所算 崇寧以後,蔡京 末鹽錢每百千留十之一,輸請 川事 了,鹽法 屢變,獨 福建鹽於政和 鹽處爲鹽本錢 初斤增錢 七,用熙寧法聽商 轉 廊

運、 輸鹽 罷。 行 在 提舉司 也 所権 舊法, 建炎間 官賣之法旣革, 貨 請 闘之 上四州 淮 務, 上 浙之商 自 四 州 後 或減 依 上 建、 產 不通, 法, 或增,卒爲二十二萬緡。 鹽之法亦弊, 劍、汀、邵 下四 而閩 州 、廣之鈔法 行官賣 且 令從舊 鈔法 (鹽法, 行 行, 及鈔法旣罷, 閩之下四 未幾,准、 弊若 可 革 州 |浙 ٠, 而民俗 之商 歲令漕司認鈔錢二 隔 、泉、輝、化 旣 艾 通,而閩 有不 行產 便。 、廣之鈔 鹽 故當 十萬緡輸 法。 法 時 隨稅 轉

險, 久。 」 淳熙 曰:「中間 紃 民冒法 五 七 年 僧 年(二)常平提 私 ·, 詔 用鈔 販, 泰寧、 雖官 法, 尤溪 賣 未 幾 鹽循 舉張汝楫 復 兩縣計 不能 竉 革,若使民 若 復 產買鹽之令,更不 11 申明鈔法, 行, 自自 祖宗已行之矣。 賣,其能 立以問 ·施行。 字執。 冤私 眅 大抵 陳誠 乎? 法貴從俗, 之奏 私 販 旣 多 一,鈔 不 然 劍 額 不 必 可經 虧。」 溪

賤, 쬰無 胥 可 年正 科 斤〔三,分爲 吏 行 擾 之弊, 月,以 者, 三月, 民 食 則 年 多食 鹽 有 盚 · = ; 發 詔 漕 且. 福 故漕 遣 五等,造大小 私 轉 建 一] 天下州縣皆 鹽 交納常 福 運 鹽 則 運 而 建 傅自 自 藉 乘此 官不 市 鹽 來 例 舶 運 得、楊由 綱 以爲 售, 錢, 陳峴言:「福 賣,近爲 鈔給買, 行 爲 公私齟 增 鈔 科抑 不 法, 鹽錢, 便, 義 鈔 之弊 獨 廉察官賣鹽未便者,措置 仍預措置賣鈔,先以本錢界三倉買 齬, 法 請 州縣 福 建 抱引 無怪 建 敷擾害民,於是 生矣。」於是詔 自 膺 運 鹽 元 則 三 不 錢 藉 豐 而 鹽 之害。 罷 可 年 綱 鈔 行 以 轉運使王 ||幌措 法 也。 爲歲計 沼 紹 福 興 置 鈔 鈔 建 以 法 法 初 子 |轉運 聞 官員 峴請 靇 未 京 趙 成 而 建運 司, 不已嘗措置 則 從 倫 綱 (鹽,以 有賣 諸州 権 運 序 鹽之法, 貨 興, 而 鹽 備 務 鹽綱依舊官般官 綗 食 官 商 自 鈔法 運 錢 不免 旅 價 五 遽 千斤 請 高 **鄭費錢**, 罷 有 買 而 至百 侵盜 百 私 終不 姓 價 九

爲 《客鈔。」事下提舉應孟明及汀州守臣議,孟明等言:「上四州軍有去產鹽之地甚邇者,官不 淳熙 十三年 , 四 川 安撫制置趙 汝愚言:「汀州民貧, 而 官 鹽 抑 配 視 他 州 尤 乞以 汀州

志 第 Ħ Ξ + 六 食 貨 下 五 一六五 千緡 千 輸 几 賣 ·斤會之, 芮 鹽 Ш :有奇, 錢,而 則 闊 私禁不嚴,民食私鹽則客鈔不售,旣無翻鈔之地則客賣銷折,所以鈔法屢行而屢罷 遠 猶 總減 嚴科 滅於官者一萬緡有奇, 不 三萬 鹽之禁,庶幾汀民有瘳矣。」復下 可 翻 .九千三十八緡有奇,又覓其 鈔 ,汀州將何所往? 所補州用又在外。 故鈔法 雖 轉運 分隸 良,不可行於汀州 諸司, 趙彦操等措置 蓋上四州 則汀州六 財賦 |裁減,以歲運 ,惟裁 絕少, 邑歲減 減本州 於民 所恃者官賣 者三 二百 井 諸縣合 萬 萬 鹽 九 加

以 產 鹽 合輸 之弊也。 又 瀕 海諸 鹽 五斤之家盡免,其析戶產錢僅及二十文者不 寧宗嘉定六年,臣僚嘗極言之,於是下轉運司,將屆之下四州軍凡二十文產 郡計產輸錢,官給之鹽以供食,其後遂爲常賦,而民不復請 輸 鹽 錢。 鹽矣,此 又下 ·四州

茶 也。 司 辦 事 鹽 不得越職,庶 鹽產於福州、 寶慶二年,監察御史梁成大言:「 而 課,今又增提舉司之額,其勢必盡敷於民,殆甚於青苗之害。 鹽不預 一,漕 幾事 興化,而運於劍、建、汀、邵,四郡二十二縣之民食焉。 司 與認淨雖以助 權 歸一,民瘼少蘇矣。」從之。 (用,近來越職營利,多取 福建州縣半係瀕海 產 鹽之地, 綱運,分委屬縣。 利權專用 望將運鹽盡歸漕司,提 福建提舉司 屬 縣邑旣爲漕 漕臣, 主常平 乃 其職

景定元年 九月,明堂赦曰:「福建上四州縣倚鹽爲課,其間有招趁失時,月解拖欠,其欠

及民 汀州、邵武軍依此施行。」 額 雖 上 在 寶站 拘 相 74 妨,而 戶,其害有不可勝言者。」有旨「福建轉運司視自來鹽法,毋致違戾,建寧府、南劍州 権 州 鹽 山 Ŧi. 年以前 [多田 綱,實不 綗 吏搭帶之數不預焉。 少、稅 者, 自賣。近年創例自運鹽 賦不足,州 並與除放,倚敢違法計口科抑者,監司按劾以聞。」三年,臣僚言:「福建 縣上供等錢銀、官吏宗子官兵支遣 州縣被其攙奪,發泄不行,上供常賦,無從趁辦, 兩綱,後或歲運十綱至二十綱,與上四州縣所 一、悉取 辦於賣鹽, 不免敷 轉運司 運歲

以惠遠民。久之,廣西漕司奏民戶逋鹽稅,其縣令監官雖已代,並住奉勒催,須足乃罷。 數,煎鹽戶力不給,有破產者。一一豐三年,朱初平奏蠲鹽之不售者,又約所賣數定爲煎額 州,無定額。 柳、邕、溽、貴、濱、梧、横、南儀、鬱林州。 廣東漕臣復奏<br />
嶺外依六路法,以逐州管幹官爲鹽官,提點刑獄兼提舉鹽事,考較賞罰如之。 給東、西二路。而瓊、崖諸州,其地荒阻,賣鹽不售,類抑配衙前。 廣 州 廉州白石、石康二場,歲鬻三萬石,以給本州及容、白、」欽、化、蒙、龔、藤、象、宜、 東筦靜康等十三場, 天聖以後,東、西海場十三皆領於廣州,歲鬻五十一萬三千六百八十六石,以 歲鬻二萬四千餘石, 又高、竇、春、雷、融、瓊、崖、儋、萬安州各鬻以給本 以給本路及西路之昭桂州、 前後官此者,或擅增鹽

瓊、崖等州復請賦鹽於民,斤重視其戶等,而民滋困矣

有分合。 水 廣莫 小 多難債, 而 南 彫瘁 渡,二廣之鹽皆屬於漕司,量諸州歲用而給之鹽。 ,食鹽有限, 其勢甚難。 商賈難行。 建炎末醫鈔,未幾復止,然官般、客鈔,亦屢有更革,東、西兩漕,屢 自東廣 而 出,乘大水 無難磧, 然廣東俗富, 其勢甚易; %可 通商 自 西 廣 廣 而 西地 出

用。 民無 助鄂兵之費 賣。廣南去中州絕遠,土曠民貧,賦入不給,故漕司鬻鹽,以其息什四爲州用,可以粗給,而 l欽、·康、·雷、·化、·高五州官賣,餘八分行鈔法。 斤,收息錢三萬餘緡。十有二月,復置廣西茶鹽司。八年,詔廣西鹽歲以十分爲率,二分令 加賦。 及罷官賣,遂科七千緡於民戶,謂之縻費錢焉。九年,罷廣康官賣,行客鈔法,以其錢 興元年三月, 昭州歲收買鹽錢三萬六千緡,以七千緡代潯、貴州上供赴經略司買馬,餘爲 南恩州陽江縣土生鹹,募民墾之,置竈六十七,產鹽七十萬八千四百 尋又詔廣東鹽九分行鈔法,一分產鹽州縣出 州

乾道 鹽事 元年因曾連請倂歸廣東, 孝宗乾道四年, 分東 西 兩 司,而 罷鹽鈔,令廣西漕司自認漕錢二十萬。 西路鹽常為東路所侵, 昔廣西自作一司, 故鹽課不至於虧減(至), 於是度支唐琢言:「廣西鹽引錢欠幾八千萬緡四,緣向來 且廣西之鹽乃漕司出賣, 自

志

第

廷更不降鹽鈔,只令漕 今旣罷 西司 了供入東路,則廣東之鹽無復禁止,廣西坐失一路所入。」故有是命。 鹽利舊屬 漕司,給諸州歲計(台),自賣鈔鹽之後,漕司遂以苗米高. 司認發歲額(+),則漕司自獲鹽息,折米招糴之弊皆去矣。」九年, 價折 旣 錢。 而宰執 今朝 進

| 社去 以爲言,上黜公澣,詔閩、廣賣鹽自有舊額定直,自今毋得擅增。 而漕臣趙公澣增鹽直斤百錢爲百六十,欽州歲賣鹽千斛而五增之。 淳熙三年, 詔廣 西 轉運司歲收官鹽息錢三分撥諸州,七分充漕計, 從經略張栻請也。 六年,侍御史江溥

廣州復行官般官

資法

言:「兩路鹽且以十萬籮爲額ほり,俟三數年,視其增虧,乃增其額。 所有客鈔東西路通貨錢 命詹儀之知靜江府,倂廣東、西鹽事爲 司、守令以爲民,殷有美意,弗廣其推,顧撓而壞之,可乎。自今如或有此,必寘之法。」於是 固以爲利矣;然利於民者官不便焉,必胥動以浮言,且朕知恤民而已,浮言奚恤 鹽者,民資以食,向也官利其赢, 廣 東 同措置廣 九年, 詔遣浙 西 「鹽事。 西撫幹胡庭直訪求利害,與帥、漕、提舉詳議 十年(云),詔曰:「廣南在數千里外,疾痛艱於上聞,殷憫之尤切。 轉而自鬻,久爲民疾。 一司,其兩路賣鹽,歲以十六萬五千籮爲額。 **股爲之更令,俾通** 以聞。 使還,尋以庭直 販 而 杜官鬻, 一?矧置 儀之等 一提舉 温

與免,以便商販。」

志第一百三十六 食货下五

寳慶元年,以廣州安撫司水軍大爲興販,罷其統領尹椿、統轄黃受,各降一官。 於官般。」詔 ---·六年, 孟 經略應孟明言:「廣中自行鈔法,五六年間,州縣率以鈔抑售於民,其害有甚 明、 朱晞顏與提舉廣南鹽事王光祖從長措置經久利 便, 好致再有科抑之弊。

|游、 唯晉、絳、慈、隰食池鹽,餘皆食永利鹽。 鹽,餘則官以錢售之,謂之中賣。 永利東、西兩監,東隸井州,西隸汾州。 麟、 醫嫌爲鹽,日<u>丼州永利監,</u>歲醫十二萬五千餘石,以給本州及忻、代、石、嵐、憲、遼、澤、 府州, 威勝、岢嵐、火山、平定、寧化、保德軍,許商人販鬻,不得出境。 鹽法亦與海鹽同,歲醫視舊額減三千四百三十七石。河東 籍州民之有鹻土者爲鐺戶,戶歲輸鹽於官,謂之課 其入官,斤爲八錢或六錢,出爲錢三十六,歲課緡 仁宗時,分

錢十八萬九千有奇。

栗鱗 百有餘,而出官鹽五十斤,蠹耗縣官。 康定初,罷東監醬鹽三年。 府州、火山軍,予券償以鹽,從之。 大抵蘇土或厚或薄,薄則利微,鐺戶破產不能足其課。至和初,韓琦請戶滿三歲,地利 自咸平以來,聽商人鞪鹽過 皇祐中,又權罷西監鬻鹽,俟鹽少復故。 河西麟府州、濁輪砦貿易,官爲下其價予之。 或請罷入獨粟,第令入實錢,轉運司議以爲非便而 旣而芻粟虛估高,劵直千錢,爲鹽商所抑,纔售錢四 時議者請募商人入芻 後積鹽益多,

盡,得自言,摘他戶 戶代役,百姓便之。 代之。 河北、陝西亦有醬賺爲鹽者,然其利薄。明道初,嘗詔廢河中府、慶成 明年,又詔鐺戶輸歲課以分數爲率,蠲復有差, 遇水災,又聽摘他

蘇場,禁民鬻鹽以侵池鹽之利。

課 用 解鹽例,募商人入錢請買,或官自運,鬻於本路,重私販之禁,歲課且大增,並邊市糧草,一 增饒給鈔支鹽,商人得鈔千錢,售價半之,縣官陰有所亡, `見錢。」詔如所奏,官自運鬻於本路 日減, 熙寧八年,三司使章惇言:「兩監舊額歲課二十五萬餘緡,自許商人並邊入中糧草(10) 今纔十萬四千餘緡,若計糧草虛估, 官纔得實錢五萬餘緡, 坐賈獲利不貲。 視舊虧十之八。 又私鹽不禁, 歲 請如

糴之弊。 豐、代、嵐、憲、忻、岢嵐、寧化、保德、火山等州軍,本州軍給券於東、西監請鹽,以除加饒折 羨餘,及增收忻州鹻地鐺戶、馬城池鹽課,詔安石遷官,賞其屬 從皆編配;又青白入河東,犯者罪至流,所歷官司不察者罪之。 商 .販通。」遂行其說,用安石爲河東都轉運使。 元 <u>豐</u>元年,三司戶部副使陳安石言:「永利東、西監鹽,請如慶曆前商人輸錢於麟、府、 仍令商人自占所賣地,卽鹽已運至場務者,商人買之加運費。 安石請犯西北青白鹽者,以皇祐敕論罪,首 四年,安石自言治鹽歲有 如是則官鹽價平而

元祐元年,右司諫蘇轍言:「異時河東除食解鹽,餘仰東、西永利鹽,未嘗闕。 元豐三年

後,前宰相蔡確、兄礪等始議創增河東忻州馬城池鹽, 夾硝味苦, 民不願買。 乞下轉運司,

荷無妨闕,卽止勿收。」韶從之。

中, 議收熙河蕃部包順 年,陳安石坐爲河東轉運使附會時論,興置鹽井,害及一路,降知鄭州。 鹽井,或以爲非宜,王安石謂邊將苟自以情得之,何害?議者不能 先是, 熙寧

河東復行官賣法。 算請,定往河東州軍,罷客販東北鹽入河東者。 給見錢鈔,他如河北新降鈔法。 六年, 韶代州賣鹽年額酌以中數, 崇寧三年,以河東三路鈔無定估,本路尤賤,害於糴買,罷給三路鈔,止 四年,詔河東永利兩監土鹽仍官收,見緡鬻之,聽商人入納 以八十五萬斤爲額,部內多少均裁之。 紹聖元年,

翮。 掌,井則土民幹鬻,如其數輸課,聽往旁境販賣,唯不得出川峽。 石; 百八十石;利州路一百二十九井,一萬二千二百石:各以給本路。 梓州路二監三百八十五井,十四萬一千七百八十石;夔州路三監二十井,八萬四千八 開寶七年,詔斤減十錢,令幹鬻者有羨利但輸十之九。 醫井爲鹽,曰<u></u>俭、辟、夔、利,凡四路。 益州路一監九十八井,歲鬻八萬四千五百二十二 初,川峽承舊制,官自鬻 大爲監,小爲井,監則官

志 第

勿收算 鹽 1-1 於官 如 破 豪 故 造不 猾 極苦, 知 州 無 太平 端 能 李 以 貴 縣於民,至有斤獲錢數百, 樵薪 規 拱元年七月, 償其數, 佩掊斂以 興 國 利,民有以給食。」從之。 益貴, 年〇二, 多流入他部, 希課最, 輦之甚艱, 西川食鹽不足, 右拾遺郭泌上言:劍南 廢諸井薪錢, 而積年之征不可免。」詔悉除之, 加之風水之虞, 官虧歲額, 有司 許商販階、 歲額外課部民醫鹽, 言:「昌州歲收虚 諸州官糶鹽, 民食貴鹽。 或至漂喪; 文州青白鹽、峽路井鹽 額 望稍! 豪民點吏, 鹽萬八千五百 斤爲錢七 民不習其事, 其舊額二萬七千六 增舊價爲百五十文, + 相 I 餘 斤, 與爲姦, 永康 甚以爲苦,至 鹽井濬深,醬 軍崖鹽 乃開 十斤 賤 則 寶 市

元年, 洧 川 井監課 峽 Ш 糧儲充足,請以鹽易絲帛。」詔 詔瀘州南井竈戶遇正、至、寒食各給假三日,所收日額,仍與除放。 峽 鹽三之一。 諸州自李順 叛後,增屯兵,乃募人入粟, 諸 |州軍 食及二年、近溪洞州三年者,從其請。 以鹽償之。 景德二年,權三司使丁謂言: 大中祥符 减

十七石 二石三斗有奇; 仁宗時,成都、梓、夔三路六監與宋 梓州路增井二十八,歲課 夔州路井增十五,歲課減三千一百八十四石。 **談十一** 初同 萬 而成都增井三十九, +九石 利州路 各以給一路,變州則幷給諸 非 增 歲課減五 十四,歲課 萬 減 六千 四 百 五 一百九 九

四四七三

志第

百三十

六

食貨

下五

蠻,計所入鹽直, 歲輸緡錢五分, 銀、紬絹五分。 又募人入錢貨諸州, 卽產鹽厚處取鹽, 而

施、

黔並邊諸州,丼募人入米。

以銀 利,軍儲有備,請 入中如故。 軍食不足,又詔入芻粟並邊,俟有備 京師権貨務或陝西並邊州軍,給券受鹽於川峽,或以折鹽 行之。 折歲課,故販者趨京師及陝西 康定元年,淮南提點刑獄郭維言:「川峽素不產銀,而募人以銀易鹽,又鹽酒 既而入銀陝西者少,議鹽百斤加二十斤予之,并募入中鳳翔、永興。會西方用兵, <u>夔州轉運使蔣賁以爲入中十餘年,虛費變鹽計直二十餘萬緡,今陝西用池鹽之</u> 如初。 韶許之。 市 而 銀以歸,而官得銀復輦置京師,公私勞費。 止 **芻粟虛估高,鹽直賤,商賈利之,西方旣無事,猶** 酒歲課,願入錢,二千當銀一兩。」 請聽 場主者亦 入銀

錢二千二百,知益州文彥博以爲言,詔皆復故。 益州以射大寧監鹽者,萬斤增小錢千緡,小錢十當大錢一。 販者滋少,閩中鹽踊貴,斤爲小 先是,益、利鹽入最薄,故丼食大寧監、解池鹽,商賈轉販給之。 慶曆中,令商人入錢貨

銀、紬、絹,鹽一斤計錢二十至三十,銀一兩、紬絹一匹折錢六百至一千二百,後詔以課利折 **貽患後人。時方切於除民疾苦,尤以遠人爲意,有司上言,輒爲蠲減。** 四路鹽課,縣官之所仰給,然井源或發或微,而積課如舊,任事者多務增課爲功, 初,鹽課聽以五 分折 往往

金帛 者從 時 估。 荆湖之歸、峽二州, 州二井,歲課二千八百二十石,亦 各以給 本 州

亦省 閉卓筒井, 之臣,復運 得不酬所費。」議遂寢。 起 成都府路素仰東川產鹽,昨轉運司商度賣陵井場,遂止東鹽及閉卓筒井,失業者衆,言利 居注沈括,對曰:「私井旣容其撲買,則不得無私易,一切實之而運解鹽,使一 刑罰籠遺利之一端,然忠、萬、法、瀘間夷界小井尤多,止之實難,若列候加警, 寧中,蜀 解鹽,道險續運甚艱; 罷官運懈鹽。」 詔商販仍舊, 鹽私 販者衆,禁不能止。 九年, 劉佐入蜀經度茶事, 成都 鹽踊貴, 賣解鹽依客商例,禁抑配於民。 欲盡實私井,運解鹽以足之,議未決。 東川鹽賤, 嘗歲運解鹽十萬席。 驅民冒法。 乞東鹽仍入成都,勿 未幾,官運解鹽竟 侍御 出於官售,此 神宗以問 史周尹奏 修

令黃廉 蠲 客鹽 且. 及民 三 四 元站 體 詔 間 自 JII 量 元年,詔委成都提點刑獄郭槩體量鹽事。 数州 今溪有 以 販 聞 小 万賣邛州 井 白 鹽 上 井 封 鹽,價止七八十,官司遂至抑配,驟不念民朝夕食此 蒲江 輸課 事者言:「有司 井官 利 鹽稅 鹽,斤爲錢百二十,近歲鹹 外, 於稅課外,歲令 毋得更增以租 右司諫蘇轍劾槩觀望阿附, 井輸 五十緡,謂之官溪錢 泉減耗, 多雑 貴 沙 、鹽。」 詔 而梓、夔路 詔 遂 付 罷弊, ·以實,

**崇寧二年,** 川峽利、洋、興、劍、蓬、閬、巴、綿、漢、興元府等州,並通行東北鹽。 四年,

邃、 變、 綿、漢州(三)、大寧監等鹽仍鬻於圖,惟禁侵解鹽地

减 有 而 西和 嚴密過之。 引法初行,百斤爲一檐, 紹 引別輸 州 興 賣鹽 提勘錢六十,其後又增貼輸等錢。 斤輸引錢二十有五, 直之半。 JU 川總領趙開 又許增十斤勿算以優之,其後遞增至四 初變 鹽法,做大觀 上產 一稅及增 添約 法置合同場, 凡四 九錢四日 川四千九百餘井, 分, 收引稅錢, 所過稅錢七分, 百 餘萬緡。 歲產鹽約六千餘萬 大抵與茶法相 二十九年 住稅 類 錢

過 聽 轉 井戶 卽 場 百 取,涸 與量 商 運 五 . 爱 困 十四,并今渲 人從便買賣,不得置場拘 ,除井一千一百 副 孝宗 使江溥言金州 |滅,共滅錢引 者略減, 淳 重 一額。」七年,元質 熙 六年, 盡出 淘 舊井 七十 匹 四川 帥 私 一十萬 心。 司 亦願 四、場一 '置場拘 制置胡元質、 又言:「鹽井推 九千八百 今後 催 入籍者 百五 買 凡遇推排,以增 商 八十 应 鹽, 十依舊額煎輸,其自陳或糾 百 總領程价言:「推排四路鹽井二千三百 八道, 排, 七十九,其無鹽之井, 高價 所以增有餘 科 加 補虧, ...賣 增收錢 致商旅坐困,民食貴鹽, 不得踰 談減不 引十三萬七千三百四 已減之數。」十一年, 足台, 卽與 決增額者井 へ剗除, 有 司 務求 不 敷 七十五、場四 \_\_\_ 十 詔 贏 而 自 金州 九道, 餘 抱 以 盈 輸 十五五 依 京 者, 法 者 庶 西

初 げ、趙開 志 第 之立 百 Ξ 権法也,令商 + 大 食 貨 下 人入錢請引, 五 井戶但如額醬鹽,輸土產稅 四 而 四 七 然鹹 脈有盈

不能售,其引息土產之輸,無所從出,由是刎縊 縮,月額 重予之,每檐有增至百六十斤者。 有登耗,間以 虚鈔付之,而收其算,引法由是大壞。 又逃絕之井,許增額承認, 相尋,公私病之。 井戶旣爲商 小 民利於得井,界增其額, 人所要, 因增其斤 而

所 利 額, 貴 而 (賤以 州 增之額 諸 閉廢井, 州 東路安撫司所置鹽店六,及津渡所收鹽錢,與西路興州鹽店。 光宗紹熙三年,東部尚書趙汝愚言:「紹興間趙開所議鹽法,諸井皆不立額,惟禁 時而爲之翕張。 、縣鎭皆置合同場,以招商 申嚴合同場法,禁斤重之踰格者, 今其法盡廢, 販,其鹽之斤重,遠近皆平準之,使彼此均一而 宜下四川總所視 而 重私 舊法施行。」 販之罰, 鹽直於是 後總領陳曄又盡除官井 時楊輔爲總計, 頓 昂。 無相 輔又 傾奪, 私 八請罷 去虚

司。 州 縣 額外收稅, 寧宗嘉定七年,詔四川鹽井專隸總所,旣而宣撫使安丙言防秋藉此以助軍興, 五. 年,戶部言:「潼川府鹽、 如買 **、酒錢、到岸錢、榻地錢之類,皆是創增。」於是申禁<u>成</u>都、** 酒爲蜀重害。 鹽旣收其土產錢給賣官引, 又從而 潼川, 征之, 乃復奪 利路諸 矧

之。

之用。其出虔遠饒池光钀潭岳辰澧州、江陵府、興國臨江軍,有仙芝、玉津、先春、綠芽之類 格,置焙室中,最爲精潔,他處不能造。有龍、鳳、石乳、白乳之類十二等,以充歲貢及邦國 州,廣德、興國、臨江、建昌、南康五軍;兩浙則抗、蘇、明、越、婆、處、温、台、湖、常、衢、睦十 課八百六十五萬餘斤,其出鬻皆就本場。在<u>江南則宣、</u>緣、江、池、饒、信、洪、撫、筠、袁十 其售於官者,皆先受錢而後入茶,謂之本錢;又民歲輸稅願折茶者,謂之折稅茶。 之,謂之山場者十三,六州采茶之民皆隸焉,謂之園戶。歲課作茶輸租,餘則官悉市之。 二十六等,兩浙及宣、江、鼎州又以上中下或第一至第五爲號。 福建三十九萬三千餘斤,悉送六権務鬻之。 存,但會給交鈔往還,而不積茶貨。在淮南則蘄、黃、廬、舒、光、壽六州,官自爲場,置吏總 二州,荆湖則江陵府、潭澧鼎鄂岳歸峽七州、荆門軍;福建則建、劍二州,嵗如山場輸租折 茶有二類,日片茶,日散茶。片茶蒸造,實棬模中串之,唯建、劍則旣蒸而研,編竹爲 總爲歲課江南千二十七萬餘斤,兩浙百二十七萬九千餘斤,荆湖二百四十七萬餘斤, 志 散茶出淮南、歸州、江南、

蘄州之蘄口,爲権貨務六。初,京城、建安、襄復州皆置務,後建安、襄復州務廢,京城務雖

總爲歲

宋権茶之制,擇要會之地,日江陵府,日眞州,日海州,日漢陽軍,日無爲軍,日

一百三十六 食貨下五

四四七七

茶自十七錢至九百一十七錢有六十五等,散茶自十五錢至一百二十一錢有一百九等。 自十六錢至三十八錢五分有五十九等;鬻臘茶斤自四十七錢至四百二十錢有十二等, 斤自二十錢至一百九十錢有十六等,片茶大片自六十五錢至二百五錢有五十五等,散茶斤 <u>荆湖,有龍溪、雨前、雨後之類十一等,江、浙又有以上中下或第一至第五爲號者。</u> 買臘茶

師。 川峽、廣南聽民自買賣,禁其出境。 権貨務,以射六務、十三場茶,給券隨所射與之,願就東南入錢若金帛者聽,計直予茶如京 至道末,鬻錢二百八十五萬二千九百餘貫,天禧末,增四十五萬餘貫。天下茶皆禁,唯 民之欲茶者售於官,其給日用者,謂之食茶,出境則給券。商賈貿易,入錢若金帛京師

依本條加一等論。凡結徒持仗販易私茶、遇官司擒捕抵拒者,皆死。太平興國四年,詔鬻 鬻錢三貫以上,黥面送闕下;<u>淳化三年,論直十貫以上,黥面配本州牢城,巡防卒私販茶</u>, **吏私以官茶貿易,及一貫五百者死。自後定法,務從輕減。太平興國二年,主吏盜官茶販** 出茶論如法。舊茶園荒薄,采造不充其數者,蠲之。當以茶代稅而無茶者,許輸他物。主 凡民茶折稅外,匿不送官及私販鬻者沒入之,計其直論罪。 園戶輒毀敗茶樹者,計所

偽茶 就 言 之罪。 商 虧 映 移 决。 大 圞 糧 文江 茶 人,皆願 商 課 副 省 于江、淮 塞 之。 山 人 爲 輦運,又商 下,酌地之遠近而爲其直,取市價而厚增之,授以要券,謂之交引,至京師給以緡錢,又 淳化三年, 茶之爲利甚博,商賈轉致於西北,利嘗至數倍。 八准、荆 冒工茶 市 斤杖一百,二十斤以上棄市。 淳化五 諸 74 如 年二月,廢沿江 不 州 七 淳 年, 茶 月,復 口 湖給以茶及顆、末鹽。 化 監察御史薛映、祕書丞劉式等請罷諸権務,令商 人皆得新茶。 分新 所 有司以侵損官課言加犯私茶一等, 置 滅之價,不 陳 太宗欲究其 相 八務,罷 糅, 八務,大減茶價 兩 韶以三司 然, 制 河 置使、 利 陝西 即望 害之說, 端拱二年,置折中倉,聽商人輸粟京師,優其直,給茶 雍熙二年, 一仍舊。 鹽鐵 諸州 副。 命宰相 至道 副使雷有終爲 詔 風土各 有司 下, 民造 初, 職出納, 商 召 有所宜,非參以 雍熙後用兵,切於饋餉,多令商人入芻 劉 温桑偽茶, 人頗 鹽 非禁法州縣者, 式 鐵 獝 諸路 以 使陳恕等與式、允恭定議 難於減損,皆同允恭之說, 固 江 執 路 茶 人就出茶州 比犯眞茶計直十分論二分 前 鹽 旦 議, 多品則 制置 遠 非 西京 如太平 近,有一 使,左 少利, 軍官場算買 作坊 司 司 興 靇 使 又 諫 國 以 張 楊 詔 榷 條論 務令 召 損 觀 允

分旣

志

第

百

Ξ

+

大

食

貨

下

五

四七九

問

恭

直

與

積,歲課增五十萬八千餘貫,允恭等皆被賞。 官鬻之,商人先入金帛京師及揚州折博務者,悉償以茶。 即以允恭爲江南、淮南、兩浙發運兼制置茶鹽使。 二年,從允恭等請,禁准南十二州 自是醫鹽得實錢,茶無滯

商,則鋪賈爲保任,詣京師権務給錢,南州給茶;若非行商,則鋪賈自售之,轉鬻與茶賈。及 隨所在饒益 給,交引停積,故商旅所得茶,指期於數年之外,京師交引愈賤,至有裁得所入芻粟之實價, 南北和好罷兵,邊儲稍緩,物價差減,而交引虛錢未改。旣以茶代鹽,而買茶所入不補其 官私俱無利。 初,商人以鹽爲急,趨者甚衆,及禁江、准鹽,又增用茶,如百千又有官耗,增十千場耗, 。其輸邊粟者,持交引詣京師,有坐賈置鋪,隸名権貨務,懷交引者湊之。若行 是年,定監買官虧額自一釐以上罰奉、降差遣之制。

然,而 千,次邊所增如河北緣邊之制。其三路近地所入所給,皆如京師。 別 十五千; 爲新法、其於京師入金銀、綿帛實直錢五十千者,給百貫實茶, 景德二年,命鹽鐵副使林特、崇儀副使李溥等就三司悉索舊制詳定,而召茶商論議, 所增有八千六千之差,陝西緣邊亦如之,而增十五千,須海州茶者,納物實直 河北綠邊入金帛、芻粟,如京師之制,而茶增十千,次邊 增五千; 若須海州茶者,入見緡五 河北次邊、河東緣邊次 河東 線邊 次邊亦 五

盡其要,三年,命樞密直學士李濬等比較新舊法利害。 皆不得射海州茶。 議奏,三司皆以爲便。 茶商所過,當輸算,令記錄,候至京師倂輸之。 五月,以溥爲淮南制置發運副使,委成其事。 時新法方行,商人頗眩惑,特等請 仍約束山場, 行之一年,真宗 謹其出 慮

籠

比較,從之。

遷官,仍詔三司行新法,不得輒有改更。 二百 八萬貫至。 有司 `上歲課:元年用舊法,得五百六十九萬貫〔酉,二年用新法,得四百一十萬貫,三年 特言「所增益官本 少而 有利公司,乃實課也,所虧虛錢耳。四年 大中祥符二年,特、溥等上編成茶法條貫 秋,特等皆 〈弁課 利 總

納 詣官, 率多 榷 有以茶充 務所受茶,皆均第配給場務, 入官。 自 新 大約 公費者(云),慮其價賤亂法,悉改以他物。 法之行,舊有交引而未給者,已給而未至京師者,已至而未磨者,悉差定分數,折 ) 先焉 商 人有舊引千貫者,令依新法歲入二百千日,候五 初,禁准南鹽,小商已困,至是,益 以交引至先後爲 次。 不 山場節其出耗,所過商 大商 能 行 刺 知精好之處, 一歲則新 稅嚴 日 舊皆給足。 夜 其覺舉 走僮使齎券 官府 諸

課績,其不入算者,雖多 六年, 申監買官賞罰之式,凡買 不在此 限。 到 大中祥符五年, 入算茶,及租 額 歲課二百餘萬貫, 遞 年送榷務交足而有羨 六年至三百萬貫,七 餘者, 卽 理爲

年又增九十萬貫,八年纔百六十萬貫。

乃詔 永興、 以茶 賤 令十分輸 **鬻於豪商** 是時 多不精,給商人罕有饒 九年, 刑 ,每十分復令別輸二分見緡,謂之貼納。 鳳翔、 部尚 緡錢 數年間,有司 乃命翰林學士李迪、權 書馮拯、翰林學士王曾詳定,拯等深以愼重敦信爲言,而 河中府官出錢市之,詔可。 有司 四 五. 徒知移用之便,至有一歲之內文移小改至十數者,商人惑之,顧望不進。 又定加饒貼納之差。 以京師切須錢,商人舊執交引至場務即付物,時或特給程限,踰限未 益,行商利 御史中丞凌策、侍御史知雜呂夷簡 一薄,陝西交引愈賤,鬻於市纔 迪等以 然凡有條奏, 豪商率能及限,小商 入中緡錢、金帛,舊從商人所有受之,至是 多令李溥裁酌,溥務執前制,罕所 或不即知,或無貼 八千。 與三司同議 上封者猶競陳改法之 知秦州曹瑋請於 條 制。 納 則

貨交引 信 入百千, 司 言:「陝西入中 之道,望重定經久之制。」即 |天禧二年,太常博士||李垂請放行茶貨,左諫議大夫||孫奭言:「茶法屢改,商人不 給依 增五千茶與之,餘從其請。 實錢數, 一,請依 令 權貨務並依時價納緡錢 河 北 詔 例,斗束量增其直,計 奭 與三 時陝西交引益賤 司 詳定,務從寬簡 支茶, 實錢 不得更用 京師裁直五千, 給鈔, 未幾,與 入京以 出知 文鈔 有司惜其費茶 見錢買之, 河 贴 陽, 納 茶貨。」 事遂 ·便,非示 願 止。 受茶 詔 包 五

第一百三十六 食貨下五

志

年,出內庫錢五十萬貫,令閤門祗候李德明於京師市而毀之。

當時以爲至論,厥後雖屢變法以救之,然不能亡敝。 之滯積,雖二三年茶不足以償,而入中者以利薄不趨, 幾;茶商及交引鋪或以券取茶,或收蓄貿易,以射厚利。 利,人競趨焉。及其法旣敝,則虛估日益高,茶日益賤,入實錢金帛日益寡。 行商,多其土人,旣不知茶利厚薄,且急於售錢,得券則轉鬻於茶商或京師交引鋪,獲利 緡錢、香藥、犀齒,謂之三說;而塞下急於兵食,欲廣儲偫,不愛虛估,入中者以 丁謂爲三司使,嘗計其得失,以謂邊糴纔及五十萬,而東南三百六十餘萬茶利盡歸商賈。 乾興以來,西北兵費不足,募商人入中獨粟如雍熙法給券,以茶償之。後又益以東南 邊備 由是虛估之利皆入豪商巨賈,勞 日蹙,茶法大壞。 IIII 入中者非盡 初,景德中 虚錢得實

萬,除九萬餘緡爲本錢,歲纔得息錢三萬餘緡,而官吏廩給雜費不預,是則虛數多而 副 寡,請罷三說,行貼射法。」其法以十三場茶買賣本息倂計其數,罷官給本錢,使商人與園戶 十萬,天禧五年纔及緡錢二十三萬,每劵直錢十萬,鬻之售錢五萬五千,總爲緡錢實十三 使張士遜、參知政事呂夷簡、魯宗道總之。首考茶法利害,奏言:「十三場茶歲課緡錢五 天聖元年,命三司使李諮等較茶、鹽、礬稅歲入登耗, 更定其法。 **遂置計置司**, 寶利

皆罷之。其入錢以射六務茶者如舊制。 期而輸不足者,計所負數如商人入息。舊輸茶百斤,益以二十斤至三十五斤,謂之耗茶,亦 驗,以防私售口亞,故有貼射之名。 自相交易,一切定爲中估,而官收其息。 ,官不復給,但使商人輸息錢三十有一而已。然必輦茶入官,隨商人所指予之,給券爲 若歲課貼射不盡,或無人貼射,則官市之如舊。 如鬻舒州羅源場茶,斤售錢五十有六,其本錢二十 園戶過

糴,各以實錢出納,不得相爲輕重,以絕虛估之敝。朝廷皆用其說。 切以緡錢償之,謂之見錢法;願得金帛、若他州錢、或茶鹽、香藥之類者聽。大率使茶與邊 所在實估,度地里遠近,量增其直。以錢一萬爲率,遠者增至七百,近者三百,給券至京,一 務,而海州、荆南增爲八萬六千,眞州、無爲、蘄口、漢陽增爲八萬。商人入芻粟塞下者,隨 故入錢之數厚於他州。其入錢者,聽輸金帛十之六。至是,旣更爲十三場法,又募入錢六 <u></u>蘄口、漢陽井十三場茶,皆直十萬,所以饒裕商人;而海州、荆南茶善而易售,商人願得之, 先是,天禧中,詔京師入錢八萬,給海州、荆南茶,入錢七萬四千有奇,給眞州、無爲、

置司,又遣官行視茶積。 諮等因條上利害,且言:「當遣官視陝西、河北,以鎭戎軍、定州爲 其不便。會江、准制置司 1100 言茶有滯積壞敗者,請一切焚棄。朝廷疑變法之敝,下書責計 行之期年,豪商大賈不能爲輕重,而論者謂邊糴償以見錢,恐京師府藏不足以繼,爭言 一百三十 六 食 貨下 五 校 勘 記

率,鎭戎軍入粟直二萬八千,定州入粟直四萬五千,給茶皆直十萬。 以斯州市茶本錢視鎮 以新舊二 法

有四年,少者有二年之蓄,而東南茶亦無滯積之弊。 町 府大臣亦言:「所省及增收計爲緡錢六百五十餘萬。 茶直七萬至七萬五千,天禧茶盡,則給乾興以後茶,仍增別輸錢五萬者爲七萬,並給耗 萬,使別輸實錢五萬至,共給天禧五年茶直十五萬, 錢增一百四萬有奇,邊儲芻增一千一百六十九萬餘圍,粟增二百一十三萬餘石。 萬 舊,俟舊券盡而止。 給券者,至京師爲出錢售之,或折爲實錢給茶,貴賤從其市估。 千有奇,東南緡錢售錢八萬三千,而京師實入緡錢五十七萬有奇,邊儲獨二百五 較之,乾興元年用三說法,每券十萬,茶售錢五萬一千至六萬二千,香藥、象齒售錢四萬 戎軍栗直, 反亡本錢三之一, 得不償失, 敝在茶與邊糴相須爲用, 故更今法。 用者爾。 百九十八萬石。 ,而論者不察其實,助爲游說。 .四千有奇至八萬,香藥、象齒入錢七萬二千有奇,東南緡錢入錢十萬五百,而京師實 推行新法, 天聖元年用新法,至二年,茶及香藥、東南緡錢每給直十萬,茶入實錢 如此又省合給茶及香藥、 功緒已見。 願力行之,毋爲流言所易。」於是詔有司牓爺商賈以推行 蓋積年侵蠧之源 象齒、 東南緡錢總直緡錢一百七十一萬。」二 其制置司 (三) 請焚棄者,特累年壞敗不 時邊儲有不足以給一歲者,至是,多者 一朝閉塞, 小商百萬以下免輸錢,每券十萬, 其先賤售於茶商者,券錢 商賈利於復故, 一萬餘圍,粟 舊以 欲有以 温 紹 動 如如 佔

不變之意,賜典吏銀絹有差,然論者猶不已。

### 校勘記

(1) 二十七年 據宋會要食貨二六之三六,趙構與宰執議福建鹽法事在紹興二十七年, 此處失書

「紹興」紀元。

CEI 八年 按宋會要食貨二七之三八,陳峴上言是乾道八年事,下文九年正月、三月兩條亦爲乾道

九年事。此處失書「乾道」紀元。

(三) 自五千斤至百斤 「自」下原衍「立」字,據宋會要食貨二七之四〇刪;又「百斤」, 同上書同卷

作「五百斤」。

廣西鹽引錢欠幾八千萬緡 「千」,朱倫要食貨二七之二四作「十」。 按周去非嶺外代答卷五、

廣西鹽歲額八萬籮,每籮鈔錢五緡,歲得四十萬緡。今所欠鹽引錢至八千萬緡, 數字過大,疑

有訛誤。

**全** 故鹽課不至於虧減 「課」字原脫,據宋會要食貨二七之二四補

<del>중</del> 給諸州歲計 「計」字原脫。 按同上書同卷載蔣芾奏、「鹽利舊屬漕司、應副諸州歲計。」「歲」下

當有「計」字、據補。

- (+) 只令漕司認發歲額 「令」原作「今」,據同上書同卷改。
- 十年 「十」下原衍「五」字,據宋會要食貨二八之一七、中興聖政卷六〇冊。
- 会 十萬 羅爲額 「十萬」,宋會要食貨二八之二五作「十五萬」。
- 並邊入中糧草 「入」字原脫,據長編卷二六五、通考卷一六征機考補。
- 太平興國二年「二」原作「三」。宋會要食貨二三之二一、長編卷一八都繫郭泌上言事於太平

梓遂夔綿漢州四二年,據改。

<u>=</u> 梓遂夔綿漢州 「變」下原行「路」字。按宋代四川無路州,通考卷一六征權考此處無「路」字,據

**III** 

- 增有餘減不足 食貨二八之一一正作「減」。 「減」原作「補」。 按下文說:「盈者過取,涸者略減。」「補」似當作「減」;宋會要
- (回) 五百六十九萬貫 有「萬」字;長編卷六六本句正有「萬」字,據補。 「萬」字原脫,按下文所上二年、三年歲課,單位都作「萬貫」,此處「九」下亦當
- (芸 二百八萬貫 長編卷六六景德四年八月己酉條作「二百八十五萬貫」。
- 公 所增益官本少而有利 「益」原作「蓋」,據文義及長編卷六六改。
- 志第一百三十六 校勘記 (15) 令依新法歲入二百千 「依」字原脫,據長編卷八五補。

(Ic) 有以茶充公費者 「以」字原脫,據長編卷八五補。

[12] 以防私售 「售」原作「害」,據長編卷一〇〇改。

江淮制置司 淮南、江、浙、荆湖制置茶鹽司,或由發運使無領茶事,分別見宋會要食貨三〇之七至八、本書卷 「制置」原作「計置」。按計置司之名見上文,當係只設於東京。其在江、淮,則由

一六七職官志。 長編卷一〇二記此事作「制置司」,「計」字當爲「制」字之誤,據改。

 $\cong$ 制置司 別輸實錢五萬 原作「計直司」,據上文和長編卷一〇二改。 參考本卷校勘記 (110)。 「輸」原作「諭」,據上下文和長編卷一〇二改。

# 宋史卷一百八十四

## 志第一百三十七

### 食貨下六

茶下

眞州等四務十三場茶者,又第損之,給茶皆直十萬。 售。 商人入錢以售茶者,輕等又欲優之, 人倚貼射爲名,強市盜販,侵奪官利,其弊不可不革。」十月,遂罷貼射法,官復給本錢市茶。 者六百一十三萬餘斤,蓋許商人貼射,則善者皆入商人,其入官者皆粗惡不時, 又園戶輸歲課不足者,使如商人入息,而園戶皆細民,貧弱力不能給,煩擾益甚。又姦 茶 天聖三年八月,詔翰林侍講學士孫奭等同究利害,奭等言:「十三場茶積而未售 請凡入錢京師售海州、荆南茶者,損爲七萬七千,售 自是,河北入中復用三說法,舊給東南 故人莫肯

四四八九

志

第

百

三 十

七

食

貨下六

**緡錢者**,以京師権貨務錢償之。

馬, 錢 年,太湖等九場 自 韶 令旨 較 仰 吏兵 顽 給 典議官張 等議 」然士遜等猶被罰, 月奉 有 司 既用 僅能取足。 無不足之患。 凡 士 逋息錢十 益以李諮等變法爲非。 遜 等條析。 自 三萬緡,詔悉蠲之。 諮罷三司 變 以 法以來,京師積錢 此推之,頗有 夷簡言:「 使。 天聖初 初, 明年, 成效。 園戶 然自 多, 摭計置 環慶 負歲課者 三司 邊 奭 多等 路 數 計 等改 比 司所上天聖二年比視增虧 不 視 聞告乏, 制,而 如 數目 奏 商 匆 差互 人入息, 糧 茶法寖壞 中間 示給 不 同,非執 蕃部作亂, ,京師府藏常 後 不 能 償 政 數差謬 所 調 發兵 闕緡 能親 四

錢法 議, 者寡,縣官日以侵削,京師少蓄藏。 償 給 皆 蠧 之錢 錢, 耗 如 且令詔商 縣官 天聖元 景站 للا 二利 是京 中,三 初 請 年之制。 以謂 顾 師 復 分訪其 等 坐 行 司 賈 更孫! 雖 見錢法。」 止 〈李多邀 、利害。 增商 用 叉以 居中等言:「自 一說所 人 入 北商持 時 求,三司 是歲三月,諮 錢之數,而 支 諮已執政矣。 券至 分緡錢, 吏稽 至是,諮等請視天聖三年入錢數第損 天聖 京 等請罷 循 以 師,舊 留爲·  $\equiv$ 足以 三年, 年 爲 姦, 變法 必 赡 利 河北 乃悉罷 得交引 薄, 河北 污而 嵗 入中 故 邊計。 河北 轉運 之, 鋪 競競 虚估, 爲之保任, 市 使楊偕 入中虚估之敝,復類乾興 命 虚估 遂命 商 以 持 實錢償 之劵,以 諮 亦陳三 券 徑 興 <del></del>
抖得三司 參 趣 一千有奇,入中增 一說法 知 射 権 政 貨 厚 事 符 務 實錢 <u>+</u> 利 察齊 驗 驗 而 害, 實 《售茶, 以 然後 等合 錢 見 立

直亦視天聖元年數第加三百。 韶皆可之。 前已用虛估給券者,給茶如舊,仍給景祐二年已

期者倍其數。事皆施行。諮等復言:「自興等變法,歲損財利不可勝計,且以天聖九年至 者,其事甚悉,請爲更約束,重私販之禁,聽商人輸錢五分,餘爲置籍召保,期半年悉償,失 便,依託權貴,以動朝廷,請先期申諭。」於是帝爲下詔戒敕,而縣官濫費自此少矣。 景祐二年較之,五年之間,河北入中虚費緡錢五百六十八萬;今一旦復用舊法,恐豪商不 茶十一萬一千。 茶高獲利, 爭欲售陝西券,故不復入錢京師, 請禁止之。」 抖言商人所不便 旣 而諮等又言:「天聖四年,嘗許陝西入中願得茶者,每錢十萬,所在給券,徑趣東南受

損一千。旣而詔又第損二千,於是入錢京師止爲錢六萬五千,入中河北爲錢六萬四千而 等四務十三場茶,直十萬者,又視景祐三年數損之,爲錢六萬七千,入中河北願售茶者,又 外困商旅,非便。」實元元年,命御史中丞張觀等與三司議之。觀等復請入錢京師以售眞州 久之,上書者復言:「自變法以來,歲輦京師金帛,易獨粟於河北,配擾居民,內虛府庫,

東南鹽代京師實錢。詔糴止二十萬石口。 康定元年,葉清臣爲三司使,是歲河北穀賤,因請內地諸州行三說法,募人入中,且以 慶曆二年,又請募人入芻粟如康定元年法,數

志

百三十

七

食貨下

利,入中者寡,公私 於並邊諸州,而內地諸州有司蓋未嘗請,即以康定元年詔書從事。自是三說、四說二法並 較之,恐無以赡給,請如沔議,以茶、鹽、香藥、緡錢四物予之。」於是有四說之法。初,詔 詔 貼買之法,每券直 至京師 行於河北,不數年間,茶法復壞。 足而止,自是三說稍復用矣。八年,三司鹽鐵判官董沔亦請復三說法,三司以爲然,因言: 自見錢法行,京師錢入少出多,慶曆七年,權貨務緡錢入百十九萬,出二百七十六萬,以此 又損錢 ,爲南商 一萬,然亦不足以平其直。久之,劵比售錢三千者,纔得二千,往往不售, .所抑,茶每直十萬,止售錢三千,富人乘時收蓄,轉取厚利。 l十萬,比市估三千,倍爲六千,復入錢四萬四千,貼爲五萬,給茶直十萬。 大弊。 **芻粟之直,大約虚估居十之八,米斗七百,甚者千錢。** 三司患之,請行 北商無 正行

乃下詔曰:「比食貨法壞,芻粟價益倍,縣官之費日長,商賈不行,豪富之家,乘時牟利,吏緣 者旣多,所在 錢一千二百九十五 得穀二百二十八萬餘石,獨五十六萬餘圍,而費緡錢一百九十五萬有奇,茶、鹽、香藥又爲緡 一斤,舊售錢三千八百,今止五六百,公私兩失其利。 皇祐二年,知定州韓琦及河北轉運司皆以爲言,下三司議。三司奏:「自改法至今,凡 L 積 而 不售,故劵直亦從而賤。 一萬有奇。茶、鹽、香藥,民用有限,權貨務歲課不過五百萬緡,今散於民間 茶直 一十萬,舊售錢六萬五千,今止二千,以至香 請復行見錢法,一用景祐三年約束。」

償以茶 卽 庫、権貨務皆領縣官,豈有権貨務故稽商 變。 因 人入中。 百六十萬緡,豆六十五萬石,芻三百七十萬圍,並邊租 益 丽 夢商 「輦絹 司。 賤。詔 ·其市估,至京償以銀、紬、絹。」自是茶法不復爲邊糴所須(fl),而通商之議起矣。 罷之,然自此 唯辇 至和三年(三)河北提舉糴便糧草薛向建議:「並邊十七州軍,歲計粟百 是 足時雖改 久之,入中者寝多,京師帑藏益乏, 自今有議者,須究厥理,審可施用,若事已上而驗問無狀者,寘之重罰。」 如 人入錢並 言利者請出內藏庫錢稍 四十萬匹當緡錢七十萬,又蓄見錢及擇上等茶場八,總爲緡錢百五 翰林學士韓絳等卽三司經度。 請罷並 ·運之費,悉從官給,而本路舊輸稅絹者,毋得折爲見錢,入中獨豆罷勿給茶, 舊。 「見錢法,而京師積錢少, 行未數年,論者謂輦 並 邊 一邊,計其道里遠近,優增其直,以是償之,且省輦運之費,唯入中獨豆計 一邊虛估之弊復起 入粟,自京輦錢帛至河北,專以見錢和糴。」時楊察爲三司使,請用其說。 增價售之,歲可得遺利 運科折,煩擾居民, 恐不足以支入中之費,帝又出 絳等言:「自改 人,而令內藏乘時射利? 商 人持券以俟,動彌歲月,至損 法以來,邊儲 賦歲可得粟、豆、芻五 五 且商 一十萬 人入錢者少,獨豆 緡。 傷體壞法,莫斯爲 既行,而諫官范鎭 有備,商旅 內藏 其直以 十萬,儲之京師, 庫錢帛 十萬,其餘皆商 八十萬石,爲錢 虚估 頗 通

售

於蓄

賈

甚。

謂

內

藏

百萬以賜

志

益

高,

茶

直

未

宜

輕

所在

末增至五十萬斤,詔特損五萬,至是增至七十九萬餘斤,歲售錢丼本息計之,纔百六十七萬 陷罪戾至破產逃匿者,歲比有之。又茶法屢變,歲課日削。 十二萬餘斤,江南三百七十五萬餘斤,兩浙二十三萬餘斤,荆湖二百六萬餘斤,唯福 二千餘緡。官茶所在陳積,縣官獲利無幾,論者皆謂宜弛禁便。 初,官旣権茶,民私蓄盜販皆有禁,臘茶之禁又嚴於他茶,犯者其罪尤重,凡告捕 然約束愈密而冒禁愈繁,歲報刑辟,不可勝數。 園戶困於征取,官司並緣侵擾,因 至和中,歲市茶淮南纔四百 建天聖 私茶

犯者衆。顧經費尙廣,未能弛禁爾!」景祐中,葉清臣上疏曰: 先是,天聖中,有上書者言茶、鹽課虧,帝謂執政曰:「茶鹽民所食,而強設法以禁之,致

收甚薄,刳剝園戶,資奉商人,使朝廷有聚斂之名,官曹滋虐濫之罰,虛張名數,刻蠹 貲,能濟國用,聖仁恤隱,矜赦非辜,猶將弛禁緩刑,爲民除害。 度支費用甚大,権易所 立筦。一切官禁,人犯則刑,旣奪其資,又加之罪,黥流日報,踰冒不悛。誠有厚利重 山澤有產,天資惠民。兵食不充,財臣兼利,草芽木葉,私不得專,封園置吏,隨處

更張,倍求奇羨。富人豪族,坐以賈贏,薄販下估,日皆朘削,官私之際,俱非遠策。臣 建國以來,法敝輒改,載詳改法之由,非有爲國之實,皆商吏協計,倒持利權,幸在

百三十七 食 貨 下 六

又況不費度支之本,不置権易之官,不興輦運之勞,不濫徒黥之辟。 七萬緡。若令天下通商,祇收稅錢,自及數倍,卽榷務、山場及食茶之利,盡可籠取。 食茶, 丼本息歲課亦祇及三十四萬緡, 而茶商見通行六十五州軍, 所收稅錢已及五十 竊嘗校計茶利所入,以景祐元年爲率,除本錢外,實收息錢五十九萬餘緡,又天下所售

外郭鄉又居五分之一,丁賦錢三十,村鄉丁賦二十,不產茶州軍郭鄉村鄉如前計之,又 例,微加增益,即所增至寡,所聚逾厚,比於官自権易,驅民就刑,利病相須,炳然可 稅爲率,可得一百七十餘萬緡,更加口賦之入,乃有二百一十餘萬緡,或更於收稅則 第損十錢,歲計已及緡錢四十萬。權茶之利,凡止九十餘萬緡,通商收稅,且以三倍舊 九萬六千五百六十五,丁二千六百二十萬五千四百四十一,三分其一爲產茶州軍,內 通行,以口定賦,民獲善利,又去嚴刑,口數出錢,人不厭取。 景祐元年,天下戶千二十 準,通商之後,必虧歲計。臣按管氏鹽鐵法,計口受賦,茶爲人用,與鹽鐵均,必令天下 臣意生民之弊,有時而窮,盛德之事,俟聖不惑。議者謂権賣有定率,征稅無蘇

時 下三司議,皆以爲不可行。

至嘉祐中,著作佐郎 何鬲、三班奉職王嘉麟又皆上書請罷給茶本錢, 縱園戶貿易,而

時富 官收 萬 民、恣其買賣,所在收算,請遣官詢察利害以聞。」詔遣官分行六路,還言如三司使議 民趨利 八萬 司 置局 ...九千,而輦運麋耗喪失,與官吏、兵夫廩給雜費,又不預焉。 1,又募人入錢,皆有虛數,實為八十六萬,而三十九萬有奇是爲本錢, 丽 租 議之。 錢 犯法,刑辟益繁,獲利至少,爲弊甚大。 隆衍視 韓琦、曾公亮執政,決意嚮之,力言於帝。三年九月,命韓絳、陳升之、呂景 與斯 十月,三司言:「茶課緡錢歲當入二百二十四萬八千,嘉祐二年纔及 成策二卷上之, 在征算,歸權貨務以償邊糴之費,可以疏利源而寬民力。 准南 轉 運 副 使沈立亦集茶法利害爲十卷, 宜約至和以後 一歲之數,以所得息錢均賦茶 至於園 戶 輸納,侵擾 嘉麟爲登平致頭書 纔得子錢四十六 陳 通商之利。 一百二十 日 初即三 便 甚, 小

之間 以清。 願 日 弛 惟容嗟,官受濫惡之入,歲以陳積,私藏盜販,犯者實繁,嚴刑重誅,情所 阜 其禁,歲入之課以時上官。 幅員數千里,爲陷穽以害吾民也。 DU 尙慮喜於立異之人、緣而爲姦之黨,妄陳奏議,以惑官司,必寘明刑,無或有貸。」 ,以相爲生,俾通 年二月,詔曰:「古者山澤之利,與民共之,故民足於下,而君裕於上,國家無事,刑罰 自唐建中時,始有茶禁,上下規利,垂二百年。 商 利。 歷世之敞,一 一二近臣,條析其狀,殷猶若慊然,又於歲輸裁減其數,使 朕心惻然,念此久矣,間遣使者往就問之,而皆驩 旦以除,著爲經常, 如聞比來爲患益甚, 弗復更制,損上益 不忍, 民被誅求之困 是於江 下,以休 湖 然

劉敞 行之,敞等雖言,不聽也。 稅額不登,且乏國用。脩言新法之行, 及之,是良民代冒法者受罪,先時大商富賈爲國懋遷,而州郡收其稅,今大商富賈不行,則 於官,受納之間,利害百倍; 刑罰,其意良善,然茶戶困於輸錢,而商買利薄,販鬻者少,州縣征稅日蹙,經費不充,學士 本錢悉儲以待邊糴。 比 輸茶時,其出幾倍,朝廷難之,爲損其半,歲輸緡錢三十三萬八千有奇,謂之租錢, 、歐陽 初,所遣官旣議弛禁,因以三司歲課均賦茶戶,凡爲緡錢六十八萬有奇,使歲輸縣官。 脩頗論其事。 自是唯臘茶禁如舊,餘茶肆行天下矣。 敞疏大要以謂先時百姓之摘山者,受錢於官,而今也顧使之納錢 先時百姓冒法販茶者被罰耳,今悉均賦於民,賦不時入,刑亦 一利而有五害,大略與敞意同。 論者猶謂朝廷志於恤 時朝廷方排衆論 人,欲省 與諸路 丽

千八百五十五緡,又儲本錢四十七萬四千三百二十一緡,而內外總入茶稅錢四十九萬八千 便,而更法之意則主於優民。 六百緡, 推是可見茶法得失矣。 治平中,歲入臘茶四十八萬九千餘斤,散茶二十五萬五千餘斤,茶戶租錢三十二萬九 自天聖以來,茶法屢易,嘉祐始行通商, 雖議者或以爲不

蒲宗 陸運 秦鳳、 法既加急矣。 諸州創設官場,歲增息爲四十萬,而重禁權之令。其輸受之際,往往壓其斤重,侵其價直 民賣茶資衣食,與農夫業田無異,而稅額總三十萬 所 變。 閔 熙 熙河博馬 同領其事 及 寧 又以銀 王 174 組絹皆 韶 年,神宗與大臣論昔茶法之弊,文彥博、吳充、王安石各論 八年,杞以疾去。 建開湟之策, -|-一匹;若爲錢十,則折輸綿一兩;爲錢二,則折輸草一圍。役錢 而韶言西人頗以善馬 ·萬 初,蜀之茶園,皆民 兩、帛二萬五千、度僧牒 委以經略。 兩稅地,不殖五穀,唯宜 至邊,所嗜唯茶, 七年, 五百付之, 假常平及坊場餘錢, 始遣三司幹當公事李杞入蜀經畫買 | 杜被命經度,又詔得調舉官屬,迺即蜀 乏茶與市。 種茶。賦稅一例折輸,蓋爲錢 卽詔 其故,然於茶法未 趣杞據見茶計水 以著作佐 亦視其賦 有 郎

沒緣身所有物,以待賞給。 席,雇運回車船載入蜀,而禁商販,蓋恐布亦難敷也。 萬 匹, 先是,杞等歲增十萬之息,旣而運茶積滯,歲課不給, 以折脚費,實以布息助茶利, 而宗閱乃議川峽路民茶息收十之三,盡賣於官場,更嚴私交易之令,稍重至徒刑,仍 於是蜀茶盡權,民始病焉 然茶亦未免積滯。 韶既以佐代|杜,未幾,鹽法復難行,遂 都官郎中劉佐復議歲易解鹽十 即建畫於彭、漢二州歲買布各十 萬

十年,知彭州呂陶言:「川峽四路所出茶,比東南十不及一,諸路旣許通商,兩川却爲禁

食 鬒 下 六

之,而 用, 以 明 Ш 地 蜀 日 必欲出息三分,致茶戶被害。 年爲 卽 茶 虧損治體。 陶亦得罪。 作十三千賣之,變轉不休,比至歲終,豈止三分?」因奏劉佐、李杞、蒲宗閔 園 率; ,皆百姓己物,與解鹽、晉礬不同。 今茶場司務重立法, 如解州有鹽池,民間煎者乃是私鹽,晉州有礬山,民間煉者乃是私礬,今 稷依李杞例銀三司 始詔息止收十之一,佐坐措置乖方罷,以國子博士李稷代 盡権民茶, 判官,仍委權不限員舉劾。 又市易司 隨買隨賣,取息十之三,或今日買十千之茶, 籠制 百 貨,歲出息錢不 過十之二,然必 等苟希進

茶場 路三十六場大小使臣並不限員。 皆坐貶秩二等。於是 在,即委通判。 比,許舉劾官吏,以重其權,二人皆務浚利刻急。 郡 **第**賞有差, 毋得越職聽治。 司,依舊通 ·史周尹論蜀中權茶爲民害,罷爲提點湖北刑獄。 而所買粗惡僞濫者,計虧坐贓論。 又禁南茶入熙河、秦鳳、涇原路(四),如私販臘茶法 商,詔付稷,稷方以茶利要功,言宗諤等所陳皆疏謬,罪當 又以茶價增減或不一,裁立中價,定歲入課額,及設酬賞以待官吏,而三 一般建議賣茶官非材,許對易,如闕員,於前資待闕官差; 重園戶採造黃老秋葉茶之禁,犯者沒官。 凡茶場州軍知州、通判並兼提舉,經略使所 茶場監官買茶精良及滿五 利州路漕臣張宗諤、張升卿議廢 無赦 一千馱以及萬馱, 蒲宗閔亦援稷 茶場司 雖 會赦,循 事 , 州

自熙寧十年多推行茶法,至元豐元年秋至,凡一年,通課利及舊界息稅七十六萬七千 志 第 百 Ξ + 七 四四九 九

舉茶 · 餘 珏 場 而 試 緡 將 用永 作監 帝 、興軍 主 稷 簿。 能 等路提舉常平范純 推 蒲宗閔更請 原 法意,日就 巴州 事 功,宜速遷擢,以 粹 等處產茶並用 同提舉。 久之,用稷言徙 権 勸 法 在. 位 遂落 司 秦州 權 一發遣, 河面 錄 以爲 李杞前 都 · 大提

京 務 同 於 地 大 萬 西 提 提 成 不 餘 路 同 舉 都 舉 五 博 府置 緡 茶 金 年 視 馬 詔 州 轉 李稷 詔 並 賣茶 博 爲 運 賜 用 使,同 場 賣 至 死 田 舊條 六, 是, 都 場 永樂城 + 茶場。」 文獨 陜 管幹 頃 師 西 閔 初, 賣 視 爲 以買 而 事皆 詔以 茶 轉 通 師 李杷 爲 運 閔 商 馬 施行 陸師 権 場三百三十二,稅息至稷 判 地。乞文、 增 司 官, 利 諸 兼 閔代之。 領茶 州 尤 杒, 以 茶場 刻於 重其 柔牧 龍 場, 前, 師 任。 自熙 茶 判 州 閔 官 建 法 並 賈 言稷治茶五 禁権 寧七年 郭 言:「文、 不 種民 能 茂 恂 自 加爲 更立 主 言, 立 仍許 階州 元豐 言語 賣 五. 年, 茶 Ш 罷買 茶買 +-接連,而茶法 法 路 八 ·萬,及 百費 餘羨茶貨 年, 馬 馬, 師 外獲淨息四 閔 司 師 蜀 事 兼 論 道茶 閔 實 奏茶 領 相 爲 入 不 陜 同,階 場 百 須 令 場 西 了; 詔 萬 四 茶 百二十 與 變 爲禁 他 場 茂 恂 場 都

輸 戶 之。 有 入 視 逃 園 元 而 驗,皆一 戶 劢 一 免者,有投死以免者,而其害猶及鄰伍。 有 元 茶 年 /僧主 侍 本 御 之, 而 史 官市 劉 故費於 擎 Ż, **湊** 疏 額至數十斤。 牙儈 日 一蜀茶之出, 者 文 不 知 官 幾 所 何 不過數 給錢, 欲伐茶則有禁,欲增植則加市 是官 | 離耗 千州 於 園 於 人賴 戶 公者,名 名爲 以 平 爲 色不 त्ति 生, 茶 加 實 司 給 盡 故其俗論 奪 借保 榷 而 任, 園

第 百 Ξ + 七 食 貨 下 六 故建明亦罕見焉。

奏改茶 蜀 謂 未當及有訴訟,依元豐令,聽他司關送。十一月,蒲宗閔亦以附會李稷賣茶罷 至,擊又言陸師閱恣爲不法,不宜仍任事。 蓋造立茶法,皆傾險小人,不識事體。」且備陳五害。 今民有以錢八百私買茶四十斤者, 司皆不得預聞,事權震灼,爲患深密。 地 商 非生茶也, 度,盡力掊取,息錢、長引並行,民間始不易矣。且盜賊贓及二貫,止徒一年,出賞五千, 法, 止行 長 實生禍也。 .引,令民自販,每緡長引錢百,詔從其請,民方有息肩之望。 願選使者,考茶法之敝,以蘇蜀民。」右司 輒徒一年,賞三十千,立法苟以自便,不顧輕重之宜。 及黃廉就領茶事,乃請凡緣茶事有侵損戾法,或措置 詔卽罷之。 呂陶亦條上利害,詔付黃廉體量,未 先是,師閱提舉權茶,所行職務,他 詠蘇轍繼言:「呂陶嘗 孫迥、李稷入

仍舊、毋得踰轉運司和糴價,其所博斛斗勿取息。七年,詔成都等路茶事司,以三百萬緡爲 明年,熙河、秦鳳、涇原三路茶仍官爲計置,永興、鄜延、環慶許通商,凡以茶易穀者聽

禁茶地,凡茶法並用元豐舊條。 聖元年,復以陸師閔都大提舉成都等路茶事,而陝西復行禁權。 師閱自復用,以訖哲宗之世,其掊克之迹,不若前日之著, 師閔乃奏龍州仍爲

茶之在 志 諸路者 了,神宗、 哲宗朝無大更革。 熙寧八年,嘗詔都提舉市易司歲買商茶,以三 四五〇

歲計 送之限 自 隸 萬 提 斤 爲 旣 刑 萬 寬 額 司 緡 復 稅 元 慮課 務 站 積 7毋得 五 十年未嘗檢察, 年,立六路茶稅租錢諸州通 入無準,故定以限約,毋得 更易爲雜稅收受。 請內外委官, 紹 聖 更展。 判轉 期 年, 運司月暨歲終比較都數之法。七 戶 年驅算以 元 部 祐 言:「商: 中,輒 聞 展 旅 以 从茶稅 詔 季,課 聽其議 五. 分, 入漏 展限 治平條立 失。 令出 且. 年 茶 ·, 以 稅 輸

時,毋承

江、淮 旁近 行, 於場, 率,給 芦 七 私 輸 遂 易之禁, 郡 崇 五 靇 別 諸路,諸路措置,各分命官。」詔悉聽焉 則 萬 縣 寧元年,右 兩 禁權 給 在 便鬻; 浙 .] 長 道 有 引 凡 福 無苛 奇, 行通· 置 建 餘悉 從所指 場地 僕射蔡京言:「祖宗 七 留。 食茶之算不 商之法。 路 聽 所 園 買茶本錢以 州 商 戶 產茶,仍舊禁權官買,勿復 軍 人於權貨 租 · 醫之。 自後商 折 在焉 稅 仍 度牒、 務 商 旅 其 盛· 舊。 77. 稅 入納 所 禁権 自 至, 末鹽 時 產茶州 金銀、 場 法, 幾 給 與官爲市 鈔 五 長 歲收淨利凡三百二十餘萬貫, 播錢 軍 百 引 諸色封椿、 科民, 餘 許其民赴 萬 沿道 或 ٠, 並 .緡。 几 卽產茶州 登 邊 十餘年, 時 糧 場 慶曆之後, 坊場常平剩錢通三百 草, 批 輸 發, 息 卽 郡 利 量 本務 至 隨 源寖 限斤 法 所 所 指 給 置 制 失。 數, 場 地 鈔 寖 而 壞 給 謂 諸 申 然 取 短 宜 萬 後 便 商 私 州 荆 緡爲 算 商 計 販 人園 湖 於 公 稅

稅

革, 浦 光 於 長 江 Ш 江 遂 寧府 興、 俄 衢 處 固 罷 定 德清 始 州 官 台 諸 卽 , 置 各 舒 江 路 其州 場, 安吉、 措 卽 州 西 其州 置 於 卽 及 商 其州 |洪 茶 **遂昌** 旅 武 州 事 康 而 並 及 官 卽 温 青田 其置 羅 置 睦 州 所 州 源 司 以 在 埸 卽 蘇、杭 太湖 平 州 湖 其州 所 南 陽。 縣 在 或 於 黄州 及 、越各卽 潭州 京 大 蘄 青 法 師 州 溪、 以 旣 給 卽 麻 湖 分水 其州 定, 長 其 城 北 短 州 其 於 引 廬 及 荆南 制 桐 而 州 蘄 廬 置節 越之上虞、 自 以 水 買 、遂安, 舒 縣, 准南 百,不 於 城 園 壽 於 婺州 常州 戶。 餘姚 州 口 揚 以 毛 州 卽 茶 以 舉。 霍 , 諸 其 貯 宜 兩 Ш 州 暨、 興, 以籠篰 浙 几 及 於蘇 開 新昌、 年 東陽 湖州 順 ー, 京 州 永 官 復 剡 卽 光 議 縣皆 其 爲 州 江 康 州 抽 東 更

供 緡 再 程 権 定 以 私 柔 奉 大 貨 息 等之期 觀 掊 務 元 多寡 息 再 年 歲 盆 或不 議 厚, 復 百 提舉茶 盜 慮 等, 十有 販 商 公行 旅 令斤各增 八萬 事 影 司 挾 民 五 須 舊引 7 保 滋 錢 餘 驗 病 + 矣 緡 冒 路 詐  $\equiv$ 京 所 規 專 年 利 產 角 茶 膏 是以 官 色高 七 吏 路 舞 因 下、 智 得 歲之息 價 擾 固 權 動 直 低 以 自 \_\_\_ 昂 是 百 御 一歲以 雏 而 + 請 申 茶 百 五. 飭 萬 萬 之。 短 引以 緍 7 輸 又 以 京 九 地 師 百 諸 遠 所 餘 路 近

盤

循

第敘

輸

息

訖

批

引

販

賣

茶

事

益

加

密

矣

置

及

斤; 政 短 引 和 輸 年 緡 錢二 • 大 增損 +, 茶 茶 以 法 凡 + 詰 五. 斤。 長 引 私 再 造 行 引 者 者 輸 如川錢 錢 百 緡, 引 法。 卽 往 歲 陜 春茶 西 加 出 二十, 集民戶約三歲 茶 辽 百 實 -

志

第

百萬 十八條,若避 委官司秤製,毋得止憑批引爲定,有贏數即沒官,別定新引限程及重商旅規避秤製之禁,凡 斤帶二斤鬻之,而合同場之法出矣。 及新舊對帶、繳納申展、住賣轉鬻科條悉具。 直及今價上戶部。 賣踰數,保內有犯不告,並如煎鹽亭戶法。短引及食茶關子輒出本路,坐以二千里流,賞錢 於是又韶凡販長引斤重及三千斤者,須更買新引對賣,不及三千斤者,即用新引以一 匿抄箚及擅賣,皆坐以徒。 茶籠節並皆官製,聽客買,定大小式,嚴封印之法。 場置於產茶州軍,而簿給於都茶場。凡不限斤重茶, 復慮茶法猶輕,課入不羨,定園戶私賣及有引而所 初,客販茶用舊引者,未嚴斤重之限,影帶者 長短引輒竄改增減

用新 籍者 之法 引貼 ,禁與商旅 ·,主於<u>蔡</u>京,務巧掊利,變改法度,前後相踰,民聽眩惑。 重和元年,詔:「客販輸稅,檢括抵保,吏因擾民,其蠲之」。未幾,復輸稅如舊。大抵茶、 販 ,或止願 貿易,未幾卽 販新茶帶賣者聽 龍。 初,限計 ; 未幾,以帶賣者多,又罷其令。 斤重,令買新引,茶有 初,令茶戶投狀籍 贏者, 卽 及一千五 於官,非在 百斤, 須

半歲繳納。 令焚棄。 陝西 舊通蜀茶,崇寧二年,始通東 俄令正 久之,令已買引而未得於園戶者,期七年,許民間同見緡流轉,長引聽卽本路住 |茶沒官者聽興販,引外剩茶及私茶數以給告者。 、南茶。 政和中, 陝西沒官茶令估 長引限以 賣, 繼以 一年,短 」妨商旅,下 引 限以

及方臘 搖之令。 約 建州 售? 立 優假 寶,以二浙鹽香司有言而止。 國 來,故陝西茶價,斤有至五六緡者,或稍裁之,則批 此 通 鄰 茶 害民,又慮人言,扇搖之令復出矣。 額,歲歲 商 商 歲 均及稅農,民實受害,徒令豪商坐享大利。」言竟不行 戶 初 路民用 售客 元豐 自茶法更張, 人,陵轢州郡,蓋莫有言者。 出 竊發,乃詔 熙寧 於時掊克之吏,爭以贏羨爲功,朝廷亦嚴立 茶 比較,第務增益,稍或虧 人茶 之數 七 不下三百萬斤,南 五年,以福建茶陳積,乃詔福建茶在京、京東西、淮南、陝西、河東仍禁權 年,王子京 、甚良, 權罷比較。臘誅,有 置,卽官場賣, 至政 官中所得惟 爲福建轉 和六年,收息一千萬緡,茶增一 其科條纖悉紛更,不可勝記,慮商旅疑豫,茶貨 劍州亦不 嚴立告賞禁。 少,程督 運 獨州州 常常 司議招集園戶,借貸 副 茶, 靖康元年,詔川茶侵客茶地者,以多寡差定其罪。 下 使, 稅錢 <u>:</u> + 通 如如 言「建州 判張 星。 餘萬斤, 極微,南 建州賣私末茶, 州縣懼殿,多前 益 改文引,轉 臘茶, 謙 比較之法。 奏:「陝西非產茶地,奉行十年,未經 方遺利, 欲盡買 優恤,止於文具, 千二百八十一萬五千六百餘斤。 舊立 之他郡。 入官, 権 無過 州郡樂賞畏刑,惟恐負課 借豐國監錢十萬緡爲本。」 路招 法, 於此, 度逐 自 及配之鋪戶,安能盡 誘豪商,增價以幸其 煕 州 ※寧權聽 姦臣 乞仍舊行 軍 不通,迺重扇 民戶多少及 仍 通 用 商, ,餘路 権 丁,蠧 法。 自

志

第

百

Ξ

+

七

食貨

下六

四五〇

五

並 從之; 所 均入 諸 路 檐 買, 委轉運 司官提舉: 福 建 王子京, 兩浙 許懋, 江 東杜偉 西

朱彥博,廣東高鎮,然子京蓋未免抑配於民。

茶。 非 催 軍 便, 視 茶 其 初 稅 時 卽 舊 遠 韻 成 輒 方若 之。 餘並 都 蠲 帥 之。 桂 哲宗 通 司 州 商 蔡 建州 修 嗣 延 位, 桂 慶 園 諸 州 言 戶等以茶粗 縣、夔州 御 邛 修 史安惇首 部 等縣禁権及 JII 路 蠻 全直 達 一濫當 | 劾王 州有 剝 子京買臘茶抑民, 陝西 司皆議権茶, 納 碎賣芽茶皆罷 賣馬, 爲錢三萬 卽 詔 八千餘 言利者踵相躡, 延慶以茶招 詔 龍 緡, 子 京 慮 事 其 來, 任 然神宗聞 示 "令" 後 能 福 聞 償 建 邊 『鄂州 禁権 令 計· 蠻情 準輸 失 州

臘 上 短 初 度 深 茶 圳 引 復 舊 產 倣 29 崇 增 茶 法 寧 此 百 損 趸 多 為 车 諸 稅 仍 新 大大 · 依等第 路 給以 尙 法 監 觀 書省言:「 司 諸 三年 三年 色封 均稅 州 郡 措 椿。 詔 建 公 置 死 使 重 輸 茶 |劍| 繼 和 食 短 事 詔 茶 元年,以 一州茶 引 商 禁 始 旅 收焉。 私 許 販 額 買, 依 改 臘 七十餘 給 長 聽 茶 四 引 免稅 蠲 依 年, 於 其 萬 商 諸 新引 稅, 旅 斤,近歲 私 路 買 販 住 私 引 勿治 重定 賣, 販 增盛, 公者治 六年 福建 元 後 售之家, 末 元售之家, 丽 骨 骨茶斤 詔 本錢 茶 福 建 每 如 [多不繼。] 茶 重,長 長 元符 如元 引 還 增 如 令。 引以六百 豐之制。 鹽 五 詔 百 田 量量

斤為

率

茶 官 **作應往府** 請 買,而茶鋪入米豆雜物揉 元 豐中、宋用 界及在京,須令產茶 臣都提舉汴河隄岸,創奏修置水磨,凡在京茶戶擅磨末茶者有禁, 山 和者募人告,一兩賞三千,及一斤十千,至五 .場州軍給引,並赴京場中賣,犯者依私販臘茶法。 十千止。 諸路末 並許赴 商 買 飯

茶

入府界者,復嚴爲之禁。

訖元豐末,歲獲息不過二十萬,商旅病焉

並 + 河 司 諫 加 蓝 之,以孫迥提舉,復命兼提舉汴河隄岸。 蘇 私 元 餘 臘茶獲犯人法。 | 轍等相繼論奏,遂罷。 站 **船,以差議賞。** 初,寬茶法,議者欲罷水磨。 雜和茶宜棄者,斤特給二十錢,至十緡 | 元符元年,戶部上凡獲私 紹聖初, 戶部侍郎李定以失歲課,持不 章惇等用 四年,場官錢景逢獲息十六萬餘緡,呂安中二 事, 末茶丼雜 首議修復水磨。 和者, 止 即犯者未獲,估價給賞, 可廢, 乃詔 即京、索、天源等 侍御史劉摯、右

之,其翻 六 所 於 京 京 奏 餘 者,許官 西 初 紹 づた 所 鄭 引 聖初, 、滑、潁昌府,河北 自 出 豐中修置水 場買 外 媊 興復 者, 郡 榷 十之三, 收堆 水 法 韶 赠 磨,止於在京及開 · 垜 錢。 ,遂失其利 ,歲收二十六萬餘緡。四年,於長葛等處京、索、潠 即索 澶州皆行之, 價 裁元 故高 詩復 豐制 ,驗元引買價量增 封府界諸縣,未始行於外路。 又將 更立 舉行。」從之。 新 卽 額, 濟 州 歲買 Ш 尋詔 口 山場草茶以五 一營置 三年,詔 商 販臘茶 崇寧二年,提舉京 麗之。 及紹 入京城者, 百 萬斤為 水 聖復置,其後遂 河 增 率。 本 修 場 磨 城茶場 客茶 杰 百

志

四 賣者, 法, 行於近畿,昨乃分配諸路, 二年,以課 年 為 ·,收息四 應緣茶 明 即許借江入汴, 司。 年 入不登,商買留滯,詔以其事歸尙書省。 三年,復撥隸京城所,一用舊法。 事 改令磨戶承歲 一百萬 倂 隸 買有奇,比舊三倍,遂創月進。 都 提舉汴 如元豐舊制; 《課視酒戶納麴錢法。 以故 河堤岸司。 致弊,欲止行於京城,仍通行客販,餘路水磨並 其借江 大觀元年, 入汴却指他路住賣者禁, 政和元年, 京城所請商 五年, 於是尚書省言:「水磨茶自元 改以提舉茶事司爲名, 復罷民戶磨茶, 旅販茶起引定入京住 已請引者並令赴京。 官用水磨仍依元豐 尋命茶場、茶 豐創 罷。」從之。 立,止

置行 至 私 之紫筍 湖 茶 南 審 高宗 法 在 出出 毗 都 視 訂 福 茶場 捕 建炎初,於眞州印鈔,給賣東南 成 陵 建 書 私 / 淮南 之陽羨,紹 鹽。 上之。 罷合同 <u>二</u>十 廣東 場十有八、惟洪、 一年,秦檜等始進茶鹽法。 興之日鑄,婺源 西 路十,州六 之謝 江、 十有 茶鹽。 興 源, 六, 國 當是時,茶之產於東 隆 先是,臣僚或因 潭 縣二百四十 興之黃龍 、建各置場 雙井, 有 一,監官 事 建明,朝廷亦 霅川 皆絕品 南者,浙東西、江東西、 \_\_<u>\_</u> 顧渚 也。 韶 食 生石 因時損 茶 建 炎 小 上 引,捕 一者謂 益

孝宗隆興二年,淮東宣諭錢端禮言:「商贩長引茶,水路不許過高郵,陸路不許過天長,

志第一百三十七 食货下六

長 稻 貨 推 自 加 源 儈 短 引 11 権 願 往楚州 小 貼 息 榷 場 輸 轉 51 錢 場 錢 相 止、 折 入 及 兼, 隨 博, 虜 八 小引 所胎界,引貼 緡。 4 , 除 從人之便。 其 輸 輸送。 淳 翻 利 熙二 引 至 博 錢,更輸 年, 光宗紹 輸翻 ',幾禁雖 戶 以長 部言給賣 引錢 熙初, 通貨 短茶引 嚴,而民之犯法者自若 十貫五 僧息錢 小引 漳州 權以 百文,如又過准 守臣朱熹奏除屬 十一 除金銀、 (半依元: **緡五百文。」八年,**減 引 會子分數入 斤重錢數, 也。 1 邑科 乾道 贴 輸亦 茶七千餘 輸 分作四 二年,戶 , 輸 如之。」當是時 餘願 翻 引錢 緡 專以 緡。 ,部言:「商 小 引 止 會子算 臣 印 -6 僚 緡,通 申 高 販 明 而 至 贩

引 寧宗 銷 嘉 來 泰 四年,知隆興府韓邈 鄉 使 認茶 租 ,非便。」於是禁非 奏請:「隆 興府惟分寧 產茶 縣 不 縣產茶, 許民擅 一認茶 他縣無茶, 租 而 豪民武 斷

建炎 司 截、片、鋌,不以高 百 太平 於 二十八斤。 父建州 以 興 建 來 寧臘 或 (\*)葉濃、 買發 始 置 (云), 五. 大觀 11 年, 楊勍 苑爲 下 明 復減 以 多 年 等相 後 第 少, 大 製 以 一,其最 因爲亂, 愈精 官 龍 失 陷 虚 鳳 引錢, 権 及 數數 佳 之, 京 園 者日 愈 鋌 Ţ 多 復令通 申嚴私 之半。 亡散, 少,胯式 社 前, **塗**罷 商。 眅 次日 + 屢 入 變, 、海之禁。 之。 自是上供龍鳳、京鋌茶料, 年 火前 丽 , 興権 口口口 紹興 不 叉日 場, 一,歲貢片茶二十一萬六千斤。 議 雨 年, 者 遂取臘茶爲権 前 請 蠲 閣建茶於 所以 未 起 供 一大龍 玉 、臨安, 凡製作之費 場本, 食, 鳳茶一千七 備 移茶事 凡胯、 賜

**館**等之式,令漕司專之。

引 萬 收二百萬,而買馬之數不 分。 爲茶市以通交易。 衰 故 土 給 事 而 人亦珍之, 自後引 盡罷 茶 至元豐中,累增至百萬。 盜 蜀 茶之細者,其品視南方已下,惟廣漢之趙坡,合州之水南,峨眉之白牙,雅安之蒙頂 商 賊息」。遂以開同主管川、秦茶馬。二年,開至成都,大更茶法,做察京都茶場法,以 権茶,而令漕司買馬。 息錢至 卽 園戶 但所產甚微,非江、建比 ,市茶,百斤爲 一 百 五 每斤引錢春 萬 加 多。 緡。 建炎元年,成都轉運判官趙開言権茶、買馬五害, 七十、夏五十,市利頭子錢不預焉。所過征 一大引, 至十 或未能然,亦當減額以 -七年, 也。 除其十勿算。 都大茶馬韓球盡取園戶加饒之茶爲額,茶司歲 舊無権禁, 置合同場以譏其出入, 蘇園戶,輕價以惠行商, 熙寧間,始置提舉司,收歲課三十 一錢,所止 重私 如此 請「用嘉 商之禁, 一錢五 則私 站 販

場,歲產茶二千一百二萬斤,通博馬物帛歲收錢二百四 額錢 十三萬緡隸 乾道 十六萬,又減引 末年, 總領所赡軍,然茶馬司率多難之,乾道以後,歲撥止一二十萬緡,至淳熙十年, 青羌 息錢 作亂, 十六萬。 茶司 增 長細馬名色等錢歲三十萬。 至紹 熙初,楊輔爲使,遂定爲 十九萬三千 淳熙六年以後, 法。 ·餘緡。 成 都 府、利州 朝 廷歲以 累減 路 園 十三 戶重

遂以五十萬緡爲準。

之。 產, 隆安縣園戶二稅、土產兼輸外,又催 六年, 韶四川產茶處歲輸經總制頭子錢五千四十一道有奇, 又科租錢三千一百四十道 自 豐以來,茶司官權出諸司之上。初,元豐開川、秦茶場,園戶旣輸二稅,又輸 理茶課估錢,建炎元年立爲額,至寧宗慶元初,始除

有奇。

月或 易馬 耳. 南 TI 渡以來,文、黎、珍、敍、南平、長寧、階、和凡八場,其間盧甘蕃馬歲一至焉,洮州蕃馬或一 爲 場 兩月一至焉,疊州蕃馬或半年或三月一至焉,皆良馬也。 |宋初,經理圖茶,置互市于原、潤、德順三郡,以市蕃夷之馬; (,乾道初,川、)秦八場馬額九千餘匹,淳熈以來,爲額萬二千九百九十四匹,自後所市 利,宋朝曲示懷遠 之恩,亦以是羈縻之。 紹興二十四年,復黎州及雅州碉 其他諸蕃馬多駑, 熙寧間,又置場于熙河。 菛 大率皆以 靈 西岩

#### 校勘記

未嘗及焉。

- 詔 糴 止二十萬石 于 原作「百」,據本書卷一八二食貨志、長編卷 一二九改。
- (1)長編が 至和 卷 三年 一八四嘉 按 行 祐 並 邊見 元 (年(即至和三年)十月亦載薛向 錢和 糴 法 事 編年綱目卷 五. 建議, 長編卷一八一 但屬 追敍。 均繫於至和二年十一月; 此處「三年」當爲「二年」

四五一

志

第

百三

+

七

校

勘記

之誤。

[三] 自是茶法不復爲邊糴所須 編年綱目卷一六、長編卷一八八,「須」均作「傾」。

(日) 又禁南茶入熙河秦鳳涇原路 「茶」字原脫,據宋會要食貨三〇之一五、長編卷二八九補。

(吾) 自熙寧十年冬推行茶法至元豐元年秋 「至」字原脫,據長編卷二九七補。

[K] 移茶事司於建州買發 「事司」二字原倒,據宋會要食貨三一之六、朝野雜記甲集卷一四乙正。

# 米皮卷一百八十五

## 志第一百三十八

### 食貨下七

酒 阬冶 礬 香附

利,所在多請官酤。 酒 宋權酤之法:諸州城內皆置務釀酒,縣、鎭、鄕、閭或許民釀而定其歲課,若有遺 三京官造麴,聽民納直以取。

羡,及醞齊不良,酒多醨薄,至課民婚葬,量戶大小令酤,民甚被其害。 在置官吏局署,取民租米麥給釀,以官錢市薪槱及吏工奉料。 陳滑蔡潁隨郢鄧金房州、信陽軍舊皆不權。 太平興國初,京西轉運使程能請權之,所 歲計獲 無幾, 歲儉物貴,殆不償其 而主吏規其盈

第一百三十八 食貨下七

志

處,募民自酤,或官賣麴收其直。 其貲產,長吏及大姓共保之,後課不登則均償。 知其弊,淳化 五. 一年,詔募民自釀,輸官錢減常課三之二,使其易辦 其後民應募者寡,猶多官 是歲,取諸州歲課錢少者四百七十二 釀 民有應募者,

課舊 本欲 지지 萬 稅 均率。 「餘貫。 惠民,乃成侵擾。 額 陝 + 西雖權酤,而尙多遺利。咸平五年,度支員外郞李士衡請增課以助邊費,乃歲增 四萬 二年,詔曰:「有司 兩浙舊募民掌權,雍熙初,以民多私釀,遂蠲其禁, .貫,遺利 尙 宜仍舊權酒,罷納所均錢。」天禧四 多。」乃歲增課 ·請罷杭州権酤,乃使豪舉之家坐 九萬八千貫 年, 轉運副使方仲荀言:「本道酒 專其利,貧弱之戶歲責所輸, 其権酤 歳課 如麴錢之制, 附

府州 太平 興國 JII 荆湖之辰州,福建之福泉汀漳州、 峽 -承 年 舊制 韶 ,仍舊賣麴。 賣麴 價價 重,開寶二年, 自是, 惟變達開施瀘黔涪黎威州、梁山 興化軍,廣南 詔減 十之二。 東、西路不 旣而頗 興権酤,言事 雲安軍 者多陳其非便, 及河東之麟

法、酒式,皆從水土所宜。 丽 出 自 謂之「大酒 存 至秋、醞 成卽鬻,謂之「小酒」,其價自 自八 錢 諸州官釀所費穀麥,準常羅以給,不得用倉儲。 至 四 -八錢, 有二十三等。 五 錢至三十錢,有二十 凡 醞 用航 ·六等; 糯 栗、 酒 臘 黍、 厅 釀 蒸뾀, 麥等 役人當受 候 及 麴 夏

糧者給錢。 凡官麴,麥一斗爲麴六斤四兩。 賣麴價 南京斤直錢百五十五, 西京減

五。

酒権 村酒戶年額少者,望並停廢。」從之。 咸平末,江、淮制置增榷酤錢,頗爲煩刻。 四年,又詔中外不得更議增課以圖恩獎。天禧初,著作郞張師德使淮南,上言三鄉 景德二年,詔毋增權,自後制置使不得兼領

貫,京城賣麴錢四十八萬餘貫。 三十五萬四千餘貫,麴錢增三十九萬一千餘貴。 至道二年, 兩京諸州收權課銅錢一百二十一萬四千餘貫、鐵錢一百五十六萬五千餘 |天禧末, 権課銅錢增七百七十九萬六千餘貫, 鐵錢增一 百

市。 里、西京及諸州城二十里者,至五斗處死;所定里數外,有官署酤酒而私酒入其地一石,棄 石三石以上、至有官署處四石五石以上者,乃死。 法益輕而犯者鮮矣。 再下酒、麴之禁,凡私造差定其罪:城郭二十斤、鄕閭三十斤,棄市;民持私酒入京城五十 五斤、以私酒入城至三斗者始處極刑,餘論罪有差; 乾德四年,詔比建隆之禁第滅之:凡至城郭五十斤以上、鄕閭百斤以上、私酒入禁地一 五代漢初,犯私麴者並棄市(1);周,至五斤者死。建隆二年,以周法太峻,犯私麴至十 私市酒、麴者減造人罪之半。三年,

三京法,官售酒、麴亦畫疆界, 端拱二年令:民買麴釀酒酤者,縣鎭十里如州城二十里之禁。 戒相侵越,犯皆有法。 其不禁之地, 天聖以後,北京售麴如 大概與宋初同,唯增

永興軍、大通監、川峽之茂州、富順監。

歲增,無有藝極,非古者禁羣飲、教節用之義。」遂詔:「鄉村毋得增置酒場,已募民主之者, 問。」旣而御史中丞晏殊請酒場利薄者悉禁增課。 期三年;他人雖欲增課以售,勿聽;主者自欲增課,委官吏度異時不至虧額負課,然後上 時天下承平旣久,戶口寖蕃,爲酒醪以靡穀者益衆。 乾興初,言者謂:「諸路酒課,月比

利害。 用兵,軍費不給,尤資榷酤之利。請較監臨官歲課,增者第賞之。」繼令蕭定基、王琪等商度 制良民,至出引目,抑使多售。其嚴禁止,犯者聽人告,募人代之。」慶曆初,三司言:「陝西 天聖七年,詔:「民間有吉凶事酤酒,舊聽自便,毋抑配,而江、淮、刜湖、兩浙酒戶往往豪

治平四年, 止。皇祐中,酒麴歲課合緡錢一千四百九十八萬六千一百九十六,至治平中,減二百一十二 初,酒場歲課不登,州縣多責衙前或伍保輸錢以充其數,嘉祐、治平中,數戒止之。 手詔蠲京師酒戶所負麴錢十六萬緡,又江南比歲所增酒場,強率人酤酒者禁

以二年帶輸,幷蠲未請麴數十萬斤。」先是,京師麴法,自熙寧四年更定後,多不能償, 麴,歲以百二十萬斤爲額,斤直錢二百五十,俟鬻及舊額,令復舊價。 出。」七年,諸郡舊不釀酒者許釀,以公使錢率百緡爲十石,溢額者以違制論。 中,乃增一百九十九萬一千九百七十 萬三千七百三,而皇祐中,又入金帛、絲纊、芻粟、材木之類,總其數四百萬七百六十,治平 幾, 韶勿行, 止以所糴在京新米與已糴米半用之。 用糯三十萬石,九年,江、浙災傷,米直騰貴,詔選官至所產地預給錢,俟成稔折輸於官。 至踰二十驛,道路煩苦。」詔禁之。 年增十五萬斤。 宜減數增價,使酒有限 百餘瓶,用兵夫踰二百人。」故幷諸路禁焉 「在京麴院酒戶 几 元豐元年,增在京酒戶麴錢,較年額損麴三十萬斤,閏年益造萬斤。 年,三司承買酒麴坊場錢率千錢稅五十,儲以祿吏。 六月,令式所删定官周直孺言. 、鬻酒虧額,原於麴數多則酒亦多, 舊直,斤百六十八,百以八十五爲數,請增爲二百日,引, 詔諸郡遇節序毋得以酒相饋。 而必售,則人無耗折之患,而官額不虧。 至是,都官郎中沈衡復言:「知莫州柴貽範饋他州酒至九 五 初,知渭州蔡挺言:「陝西有醞公使酒交遺, 多則 **愛護** 賤則人戶損其利。 請以百八十萬斤爲定額,閨 酒戶 百用省數,以便人 二年,詔:「在京鷺 負糟、糯錢,更期 在京酒戶歲 爲今之法, 雖屢

輸,並除限內罰息,其倍罰麴錢已蠲三之一,下戶更免一分。 宮院尊長及近屬寄醞。 負倍罰; 閣 周直孺 「帶輸舊麴錢及倍罰錢,仍寬以半歲,未經免罰者蠲三之一。」五年,外居宗室酒,止許於舊 未請麴數,及損歲額爲百 講 求利 其炊醞非時、擅益器量及用私麴,皆立告賞法。」悉施行之,而裁其價。 三年, 詔: .病,請:「損額增直,均給七十店,令月輸錢(三),周歲而足,月輸不及數, 增永興軍乾祐縣十酒場。酒戶負糟、糯錢,更令三年之內均月限以 五十萬斤,斤增錢至二百四十,未免逋負。 至是, 命畢仲衍 與

復熙寧之數。 務課入不足,乃令邊郡非帥府並酌條制定釀酒數,諸將丼城砦止許於官務寄釀 仍令諸郡所減勿逾百石,舊不及數者如舊,毋得於例外供饋。」後又以陝西沿邊官監酒 元祐元年,删監司鬻酒及三路饋遺條。 紹聖二年,左司諫翟思言:諸郡釀酒,非沿邊並 詔:「熙寧五年以前,諸郡不釀酒、及有公使錢而無酒者,所釀並依熙寧編敕

坊 如 日息用餘 所 請,仍令他路準行之。初,元祐臣僚請罷權醋,戶部謂本無禁文。後翟思請以諸郡醋 崇寧二年,知璉水軍錢景允言建立學舍,請以承買醋坊錢給用。 一,以充學費,餘裨轉運司歲用 悉歸常平,至是,景允有請,故令常平計之。十月,諸路官監酒直,上者升增錢 韶常平司計無害公費

大觀四年,以兩浙轉運司之請,官監鬻糟錢別立額比較。 又詔:「諸郡權酒之地,入出

酒米,並別遣倉官。 賣醋毋得越郡城五里外,凡縣、鎭、村並禁,其息悉歸轉運司,舊屬常平

者如故。

從之。 選試清務廂軍之法。清務者,本州選刺供踏麴爨蒸之役,闕則募人以充。 是歲,以湖南路諸務糟酵錢分入提舉司,令斤增錢三,爲直達糧綱水工之費。 員者分兩務,三員者復增其一,員雖多毋得過四務。 不過二十萬。 政和二年,淮南發運副使董正封言:「杭州都酒務甲於諸路,治平前歲課三十萬緡,今 四年,兩浙轉運司亦請置務比較,定課額釀酒收息,以增虧爲賞罰。 請令分務爲三,更置比較務二,毋增官吏兵匠,仍請本路諸郡並增務比較。」 內有官雖多而課息不廣者,聽 韶:「酒務官二 立酒匠闕聽 如舊。」

具儲備之數,毋得移用。 上供,爲戶部用,毋入轉運司。七年,諸路鬻醋息,率十五爲公使,餘如鈔旁法,令提刑 違制律。 幾復舊,以轉運司言新邊城砦藉以供億故也。六年,在任官以奉酒抑賣坊戶轉鬻者,論以 請令他路悉行之。詔如其請,所收率十之三以給漕計,餘輸大觀庫。 奏:「江、淮等路官監酒直,上者升權增錢五,次增三,爲江、浙新復州縣之用。」其後尚書省 宣和二年,公使庫假用米麴及因耗官課者,以坐贓罪之,監官移替。 先是,政和末,嘗詔毋得令人置肆以鬻,今倂禁之。 靖康元年,兩浙路酒價屢增,較熙、<br />
豐幾倍,而歲稔米麴直賤,民規 諸路增酒錢,如元豐法,悉充 五年,罷變路権貼,未 。三年,發運使陳遘 司季

志

百三十八

食货下

利,輕冒法,遂令罷所增價。

價平依舊 是東南之酒額亦日增矣。 十二。明年,徧下其法於四路,歲遞增至六百九十餘萬緡,凡官槽四百所,私店不預焉,於 賣供給酒(目),即舊撲買坊場所置隔釀,設官主之,民以米入官自釀,斛輸錢三十,頭子錢二 司,惟恐軍資有所未裕。 渡江後,屈於養兵,隨時增課,名目雜出,或主於提刑,或領於漕司,或分隸於經、總制 建炎三年, 總領四川 四年,以米麴價高,詔上等升增二十文,下等升增十八文,俟米麴 財賦趙開遂大變酒法:· 自成都 始, 先罷公帑

軍、縣、鎭酒官百七員,其酒息微處並罷之。 隸總制司至。六年,以紹興二年以後三年中一年中數立額,其增羨給郡縣用。 定價,每增須上請。 下十文。其諸州軍賣酒虧折,隨宜增價,一分州用,一分漕計,一分隸經制 紹興元年,兩浙酒坊於買撲上添淨利錢五分,季輸送戶部。 是後,郡縣始自增,而價不一矣。 五年,令諸州酒不以上下,升增五文, 义增諸酒錢上升二十文, 司。 先是,酒有 罷四川州

普、廣安立清酒務,許民買撲,歲爲錢四萬八千餘緡。 七年,以戶部尚書章誼等言,行在置膽軍酒庫。 四川制置使胡世將即成都、 自趙開行隔槽法,增至十四萬六千餘 潼川、 資、

緡, 而 及民戶坊場又爲三十九萬緡。 政其課,若未病也。 紹興 元年。 及世將改官監,所入又倍,自後累增至五十四萬八千餘緡,紹興二十五年。 行之旣久,醞賣虧欠,則賣入米之家認輸,不復覈其米而第取其錢, 淳熙二年。 然隔槽之法始 行,聽就務分槽醞賣, 官計所入之米 而 外邑

民

一始

病

本路 七 车, 漕 -省 臣 年,罷措置膽軍酒庫所, 上共其事 70 JI 清酒務監官, 十五五 年, 弛夔路 成都府二員, 官吏悉歸戶部,以左曹郎中兼領,以點檢贍軍酒庫爲名, 酒 禁。 興元遂寧府、 以南 北十一 庫並充贍軍激賞酒 漢綿邛蜀彭簡果州、 庫,隸 富順 左 監井漢州 石 司。 與

綿竹縣公各一

員。

路 以下場 減三年磨勘。 二年磨勘,三倍減三年磨勘, 漕 司 務 寄造 十一年, : 嬒 及一萬貫,減一 七千貫以上場務:增及一倍,升三季名次,二倍減一年磨勘,三倍 酒。 詔 <u>二</u>十 諸軍買撲酒坊監官賞格依舊。 七年,以隔 年磨勘,二萬貫減二年磨勘,三萬貫減三年磨勘, 四倍減四年磨勘。 槽酒 二萬、一 擾民, 萬貫已上場務:增及一倍,減三季磨勘,二倍減一 許買撲以 四萬、三萬貫已上場務:增及一倍,減一年磨勘,二 便民。 四萬貫減四年磨勘。 減一年半磨勘,四倍 罷官監,後復置之。 1減二年 <u>一</u>十 · 磨勘。 五 年磨勘,三 一年,罷 七千貫 一倍減 倍

制 窠名 三十 志 至 年, 第 多 以 百 今諸 黒 Ξ + 檢措置赡軍 路 大 歳虧 食 貨 百萬 下 酒 七 庫 改隸戶 皆緣諸州公使庫廣造, 部。 旣 而 戶 部侍 郎邵 別置店酤賣, 大受等言:「歲計 以致酒務例皆敗 賴 經、 總

緡 酒 官 + 庫 有 六歸 ·(\f\), 始得資之以佐 奇,以十分爲率,七分輸送行在 詔 凡 之戶部,見九年。 諸 未 州 ·分 別 、隸經、總制錢處,並立 置 經費 酒 庫 同安郡王楊存中罷殿帥,復以私撲酒坊九上之; 如 軍 糧 酒庫、 ,三分給漕計。 一額分隸,補 防月庫(も)、月椿庫 趁虧額。 蓋自 軍興以來,諸帥擅権酤 之類 三十一年,殿帥 幷省務寄 歲通 趙密 造酒及 收 낈 之利,由是, 諸 帥 息六十萬 軍 司 激賞 酒 坊

乾道 劉 颌 部 五 萬 分 邦 周 重 坂 餘 輸 九 圆 三年 重 翰 孝宗 淡餘 一緒,令禮部給降度牒六百六十一道, 修敕令,申嚴 御 所收 乾道 以三 二年, 前 蔵以 總所 湖 泗 年 北 元 庫 一年 內藏者又二十萬,其後 詔:「臨安府安撫司酒庫悉歸 庫 之民 最 年,以浙 匹 以 中 高 抑買 ·數立 困 提 年 安撫 於 爲 領 之禁。 東、 立額。」日 額 酒 建 司 坊 康 西犒賞庫六十四 ; 庫 其行 ((元), 府 五, 淳 售錢 戶 .熙三 部 宮新 都 至貧 增為 萬 統 年 緡, 軍 庫 詔二四 之家, 司 息 酒 五 補還今歲減數: 庫 贈軍 歲收本錢 錢, 隸三衙,輸課於左藏南庫,餘錢充隨年膽 庫 + + 萬 爲 八, 川 不 名, 除分 捐 井 酒 几 馬 萬錢 贍 課 遂 認 年 軍 軍 扩 百 鑄 諸 言 諸 佔 立. 明年於 則 几 處錢 即 庫 場務官賞格 庫及臨安府安撫 困 不 + 及 \_\_<del>,</del> 弊, ·萬 能 改 及 可 增 四川合給湖廣總所錢 噄 舉 庫 息錢 費 置 名 减 吉 行 額 以淨息三 宮 錢 八年 区 百 七 庫 四 Ż 六十 车 司 + 禮 酒 以 七 知常 萬, 務, 分為率 萬 淮 共 令 = 乃檢 麴錢 德 軍 西 Ŧ· 府 戶 皮 補 庫 總

之

徽之言,官吏冗費,請諸 寧宗開 元 年, 知臨安府兼點檢贍軍激賞庫趙善防、 司官 屬兼管。 明年,又以 都省言課額失陷,依舊辟置 轉運判官提領戶部犒 賞 酒 庫

於 此。 初, 故雖罷行、增減,不一而足,而其法卒不可廢云。 趙開之立 |隔釀法也,蓋以紓一時之急,其後行之諸郡,國家贍兵,郡縣經費,率取給

道 州,有四監 銀 二十五 建、英、信、汀、潭、南 春 產 錫 鳳 阬 十七州 逢 合、梅、陝、耀、坊、虔、汀、吉十 場。 建 冶 河 ; 、桂陽三州,有三監 南、 鉛產越、建、連、英、春、韶、 河南、鳳翔 建昌、邵武、南安三軍,有 凡金、銀、銅、鐵、鉛、錫監冶場務二百有一: 南康、虔、道、賀 劍八 、同、蹠、儀、蘄、廣、 遠、英九州, 、州,南安、邵武 ; 、潮、循七州,南安軍,有九場。 饒、信、虔、越、衢、處、道、福 应 衢、汀、潭、南劍 一州,有二十務; 二軍,有三十五 五十一場;秦、 干州 信、鄂、連、建、 隴、 場; 梓州 興國軍, 金產商、饒、歙、熈四州,南安軍 興元三州, 南安、邵 汀、潭 水銀產秦、階、商、 有十 有一 武 南 務。 二治; 南 有三務。 二軍 劍 劍、 五 鐵產徐、克、相三 ٠, 晉、磁 州,邵武 韶、廣、英、連 有 銅產饒、處、 三十 鳳四州,有 鳳、澧 軍,有 ·六場、

志

第

百

Ξ

+

八

食貨

下

七

四場。朱砂產商、宜二州,富順監,有三場。

深疚 爲 佛像、浮 于懷,未能捐 開 [寳三年,詔曰:「古者不貴難得之貨,後代賦及山澤,上加侵削,下益彫弊。每念茲事 圖及 人物之無用者禁之,銅鐵不 金於山,豈忍奪人之利。 得闌出蕃界及化外。 自今桂陽監歲 輸課銀, 宜減三分之一。」民鑄銅

外,有司請令二分入金。 官署掌其事。」太宗曰:「地不愛寶, 至道 二年,有司言:「定州諸山多銀礦,而 景德三年,詔以非土產罷之。 當與衆庶共之。」不許。 鳳 州 Щ 銅 礦 《復出,採鍊大獲,而皆良焉。 東、 西川 鹽酒商稅課 半輸銀帛 請置

主者所負歲課,率以爲常,而有司有請,亦輒從之,無所吝。 者衆,不宜誘之。」景庙中,登、蒸饑,詔弛金禁,聽民採取,俟歲豐復故。 課不足,有司 申敕之,語在 久,民間習俗 天聖中,登、萊採金,歲益數千兩。 | 澳服 必 日 責主者取盈。 漸侈靡, 糜金以飾服器者不 法。 大率山澤之利有 仁宗、英宗每降 仁宗命獎勸官吏,宰相王曾曰:「採金多則背本趨末 限,或暴發輒竭,或採取歲久,所得不償 可勝數, 赦 書, 輒委 重禁莫能 所 在 故冶之興廢不常,而歲課增損 止焉。 視冶之不發者,或廢之, 景站、 然是時海 慶 曆 以其費, 中 內 ·承平! 屢下 或蠲 而 歲 詔

隨之。

三十四斤,鐵七百二十四萬一千斤,鉛九萬八千一百五十一斤,錫三十三萬六百九十五斤, 皇祐中,歲得金萬五千九十五兩,銀二十一萬九千八百二十九兩,銅五百一十萬八百

水銀二千二百斤。

南安、建昌、邵武三軍,桂陽監,銀之冶八十四;饒、信、虔、建、潭、汀、南劍、泉、韶、英、梓十 秦、鳳、商、隴、越、衢、饒、信、虔、郴、衡、潭、汀、泉、建、福、南劍、英、韶、連、春二十三州, 六十有八,而諸州阬冶總二百七十一:登、萊、商、饒、汀、南恩六州,金之冶十一;登、號 一州,邵武軍,銅之冶四十六;登、萊、徐、兗、鳳翔、陝、儀、邢、虢、磁、虔、吉、袁、信、澧、汀、 其後,以赦書從事或有司所請,廢冶百餘。旣而山澤興發,至治平中,或增冶或復故者

|泉、建、南劍、英、韶、渠、合、資二十四州,興國、邵武二軍,鐵之冶七十七;<br/>
越、衢、信、汀、 丹砂二千八百餘斤,獨水銀無增損焉 五十六、銀增九萬五千三百八十四、銅增一百八十七萬、鐵、錫增百餘萬、鉛增二百萬、又得 六,而水銀、丹砂州冶,與至道、<br />
天禧之時則一,皆置吏主之。是歲,視皇祐金減九千六百 南劍、英、韶、春、連九州,邵武軍,鉛之冶三十;商、號、虔、道、賀、潮、循七州,錫之冶十

烹鍊,人並相爲保;保內及於防冶有犯,知而不糾或停盜不覺者,論如保甲法。 熙寧元年,詔:「天下寳貨阬冶,不發而負歲課者蠲之。」八年,令近阬冶坊郭鄉村幷淘採

志

兩有奇。 錫二百三十二萬一千八百九十八斤,水銀三千三百五十六斤,朱砂三千六百四十六斤十四 元豐 五千九百六十九斤,鐵五百五十萬一千九十七斤,鉛九百十九萬七千三百三十五斤, 元年,諸阬冶金總收萬七百一十兩,銀二十一萬五千三百八十五兩,銅千四百六

之。七年,戶部尚書王存等請復開銅禁(10),各展磨勘年有差。是歲,防冶凡一百三十六 得金爲錢二十五萬緡,闢遷官者再焉。元豐四年,始以所產薄罷貢,而虔、吉州界鉛悉禁 所,領於虞部。 先是,熙寧七年,廣西經略司言:「邕州右江填乃洞產金,請以鄧闢監金場。」後五年,凡

等費繁多,故罷之。 漕司不復爺院冶。至是,中書奏天啓所領,首末六歲,總新舊銅止收二百六萬餘斤,而兵匠 管幹,欲專其事,慮有所牽制,乃請川、陝、京西路防冶自爲一司,許檢東州縣,刺舉官吏,而 廢不發。請募南方善工詣陝西經畫,擇地興冶。」於是以許天啓同管幹陝西阬冶事。元符 三年,天啓罷領阬冶,以其事歸之提刑司。初,新舊阬冶合爲一司,而漕司兼領。天啓爲同 紹聖元年,戶部尚書蔡京奏:「岑水場銅額寖虧,而商、號間苗脉多,陝民不習烹採,久

崇寧元年,提舉江、淮等路銅事游經言:「信州膽銅古阬二:一爲膽水浸銅,工少利多,

志第一百三十八 食貨下七

監 增三萬九千一 息 爲 其 兩 司置 ,乃置監官。 薄 水 丽 有 煎銅 [籍,非所當收者別籍之,若弛興、廢置、移併,亦令具注,上於虞部 煩官監者,如元符、紹聖敕 限 以八十。」 爲膽 百斤,較之常年亦增六十六萬一千斤。 廣東漕臣王覺自言嘗領常平, 土煎銅 韶用其言。 土無 諸路 窮 立額,許民封狀 而 沆 爲 冶, 利 寡 自川  $\exists$ 講求山澤之利, 逐翼 陝、京西之外, 計 置 遂增其秩。 之初,宜 四年, 湖北旺溪金場, 岑水一場去年 增 並令常平 是歲, 本 損 息。 山澤阬冶名數, 浸銅 司 同管 - 收銅 以歲收 斤以錢 幹。 比 金 所收 祖 五. 令 額 T

征 丞 者 賦 《獄訟,不宜爲課利走山谷間,遂已之。八月,提舉陝西防冶司改倂入轉運司 ,並令兼監,賞罰滅正官一等。」有冶地,知縣月一行點閱。 大觀 二年,詔:「金銀阬發,雖告言而方檢視,私開淘取者以盜論。 言者論其職在宣導德澤,平 防冶舊不隸知縣、縣

枝 司 江 畫 岬 以 額 場、英州 政 江陵縣赤湖 和元年 康州 聞 請 仍於 置 銀 烈 專 ,張商英言:「湖北產金,非止辰、阮、 出 荆 虭 場皆併 城至鼎州,皆商 南 (提舉買金司,有金苗 置 潮州 司。 入英之清溪場,惟黃 豐政、 廣東漕 連州元 人淘採之地。 司 復奏:「端州高明、 無官監者,許遣部 魚銅阬黄 阮 場 漕 欲權 田田 司旣乏本錢,提舉司買 **|** 精溪峒, 一白寶、 存, 內州縣官及使臣掌幹。」詔 惠州信上 俟歲 廣州 其峽州 大 終 會所 利 立溪場皆宜停閉 夷陵、 宜 祿 人 別 止 宜都縣, 韶 千 州 兩, 惠州 伍 且 荆 南府 舉官 無 韶 孙 專

匹

銅 出 循 州 大佐 一羅翊、 英州 鍾 桐台 凡十六場, 請並如舊;循之夜明、 英之竹溪、韶之思溪

連之同安請更遣攝官。」從之。

錢給 覆, 陝西 籤注 請 所,歲額 永州 勘 而 「令陝西措置官銀行川 年 並 無 酌 令 本。 產 收, 阬 ,歲半消 重 監 冶 金, 几 尚書省奏:「五 收 有收 輕加賞, 年, 司 蔣彝奏:本路防冶收金千六百 鐵 尚書省言:「陝西路防冶已遣官提轄措置, 領之。」於是江 歲收 三百 而 補,上之尙書省。」自是,戶工 令監 無額,乃責之縣丞、監官及 三千 異同 八 司 + 遣官 路院 九萬 四百 路 脫漏者罪之。 事。 同諸 東 冶已 餘 餘 西 斤, 兩, 縣丞遍 防冶所收金、銀、銅、鉛、 有提轄措 福 浸銅之餘 特與增秩。 建、 視沈 六年, 兩浙 丽,他 曹、 置 部、 冶 漕 無 專 之利 Щ 部 尚書省皆有 物 派他用。」 臣 + 司 皆 有 奉 二月, 陝路 , 准 拧 差 頟 爲 者,而 阬 南、 詔 各置提轄措置 圖 錫、鐵、 廣東 川路金銀防冶興發, 冶 詔 令官悉 湖 籍 輸 籍鉤考,然所 北 籤 更督 漕 大觀 注 水銀 市 司言:「本路鐵場防 廣 遞 西 東 以 監 年違 、朱砂物數, 庫,彝 廣 西 司 亦監 浸 覆實保奏, 憑 負之 阬 增秩 唯帳狀,至有 冶官劉 仍以 製。 司 慮失利 兼 令 工 官屬 諸 領 芦計 九月,措 冶 議 司 源。 其餘 各 部 遣 及 九 置萬 常平 1 官 减 置 有 再 置 磨 額

**珍**物及 七 古寶器 年,提 舉 東 請赴書藝局上進。」蓋自政和 南九 徐 깯 奏: 「太平瑞 初 應 京西漕臣王璹奏太和山產水精 史不 絕 書。 今部 內 Ш 澤 **阮冶**, 若 知桂州 獲 希 世

四五二九

奏沈 以東南 縣承額,於是降黜河北提轄官,遣康訪使者鄭諶 表賀,故輕復有是請焉。 界蕃官結彪地內金阬千餘,收生熟金四等,凡百三十四兩有奇。 從所請 | 覺奏枕門等處產金及生花金田,提轄京西防冶王景文奏汝州青嶺鎭界產瑪瑙,其後湟州 冶寒已卽緒, 黑鉛留給鼓鑄之餘,悉造丹粉,鬻以濟用。」詔諸路常平司以三十萬翰大觀西庫, 韶京東西、河北路丼提舉東南 是時,河北、京東 西及徐禋所領九路興修防冶, 井諸路 九路防冶並罷。 康訪悉究陳利病眞僞。八月, 蔡京請宣付史館, 十一月,尚書省言:「徐禮 類鑿空擾下, 帥 中書 抑 州

農具、器用之類、悉官爲鑄造,其冶坊已成之物,皆以輸官而償其直。」乃禁毋得私相貿易,農 數倍。」自是,官權鐵造器用以醫於民,至元祐罷之。其後大觀初,入內皇城使裴絢爲涇原 歲製軍器及上供簡鐵之類數多,而 以所收中賣於官,私相貿易者禁之。 具、器用勿禁,官自賣鐵唯許鑄瀉戶市之。 幹當,奏上潤州通判苗沖淑之言:「石河鐵冶旣令民自採鍊,中賣於官,請禁民私相貿易。 明年,令諸路鐵做茶鹽法權鬻,置鑪冶收鐵,給引召人通市。 利國、萊蕪二監鐵少不能給。 先是,元豐六年,京東漕臣吳居厚奏:「徐、鄆、青等州 請鐵從官興煽,所獲可多 苗脉微者聽民出息承買,

政和初,臣僚言:「鹽鐵利均,今鹽筴推行已備,而鐵貨尙未講畫。 第 百 三 十 八 食 貨下 七 請卽冶戶未償之錢,

権諸 或監 法 通 收其已鍊之鐵,爲器鬻之。 言,故嚴貿易之禁,而鐵利 鐵冶旣入中國,乏鐵爲器,聞以鹽易鐵錢於邊,若官自爲器,則鐵與錢俱重,可伐其謀。 鐵、炭最盛,若官權爲器,以贍一路,旁及陝、涯,利入甚廣, 收其淨利, 諸 一當官兼領。凡農具、器用皆官鑄造,表以字號, 路 路,儲其錢助三路鈔本。」詔戶 鐵、擇其最盛者,可置監設官總之,概諸路不越數十處,餘 苗 脉微者召人承買, !盡權於官,然農具、器用從民鑄 兼京東二監所出尤多,河北固鎭等冶並官監,其利 官不権 部下諸路漕臣詳 取,遂幷諸路詳度之旨不行。 度。 官本之餘,取息二分以上,仍置鐵 會次年,廣東路請以可 造,卒 且以銷盜鑄之弊。 ·如舊法。 止爲鑄瀉 至是, 之地,屬之都 不貲,而 **監之地** 又夏 臣僚復以 人茶 引以 如 泂 東 請 舊 Ш

江 立 額 額 西 或苗脉 漕 並 四 月, 臣 劉 微,或 廣 蒙 舊 東 同 有 廉訪黃烈等言:「廣 措 苗 無 置 脉 人承買,而浮冗之人虛託其名, 可給歲課者 如故。」十一月, 惠英康 韶 州 興慶府, 發嬰民 復諸路元罷提舉防 田,騷動 政和中, 寶貨 邀 治官, 路 ~。」詔:「 司 立院 其江 政和 冶 南 金銀等歲 六 路 、年所 仍令

謂 置 銅冶村近在河北,得利多, 相 州 宣 和 安 陽 元 縣 年 方 石 銅 冶村監官。 1泉軍 江 溪 沙磧麩金,許民隨 先是,詔 故有是命。 留那州 六年, 韶:「防冶之利, 二廣爲最, 綦村、磁州 金脉 油 採, 固 立課額, 鎭 兩 冶 餘 或以 創 置 分數取 冶 比歲所入, 稽之 並 龍, 之。 而 + 常 ·月,復 平

百三十八 食貨下七

志

第

額三百餘萬緡。 定爲常賦, 阮冶司毋預焉。」時江、准、荆、浙等九路, 阮冶凡二百四 熙、豐,十不逮一。令漕臣鄭良提舉經畫,分任官屬典掌計置,取元豐以來歲入多數立額, 如 崇寧法; 其江、淮等路防冶官屬,如熙、豐員數,餘路官屬並罷,仍令中書選提點官。 五月,韶:「防冶舊隸轉運司者,如熙、豐、紹聖法; 十五,鑄錢院監十八,歲 崇寧以後隸常平司者,

內帑。 錢 有 承買者立額重,或舊有今無,而額不爲損。 欽宗卽位,詔悉罷之。 爲本,金銀等物往往皆積之大觀庫,自蔡京始。 防冶,官置場監,或民承買以分數中賣於官。 崇寧已後,廣搜利穴,権賦益備。 元年,諸路阬冶苗礦旣微,或舊有今無,悉令蠲損,凡民承買金場並罷。 凡屬之提舉司者,謂之新防冶,用常平息錢與剩利 初隸諸路轉運司,本錢亦資焉,其物悉歸之 政和間數罷數復,然告發之地多壞民田, 宋初,舊

興之數一千一百 南 渡, 阬冶廢興不常, 歲入多寡不同。 七十,及乾道二年鑄錢 司 比較所入之數附之: 今以紹興三十二年金、銀、銅、鐵、鉛、錫之冶廢

冶 東 百 西銀 湖 南 九,廢者四 演東、 冶一百 江 七十四 十五 東 西金冶二百六十七,廢者一百 ,廢者八十四,潼川、湖南、 舊額歲七百 五萬七千二百六十斤有奇,乾道歲入二十六萬三千一 利州、廣 四十二,湖南、廣 東、浙 東、廣 東、福建、浙東、廣西 西、江東 西 福 建銅

百六十斤有奇。

十一,舊額歲二百一十六萬二千一 准 西 一、夔州 成都、 利州 、廣東、 百四十斤有奇,乾道歲入八十八萬三百斤有奇 福建、浙東、廣西、江東西鐵冶六百三十八,廢者二百五

准 西、湖南、廣東、福建、浙東、江 西鉛冶五十二,廢者一十五,舊額歲三百二十一 萬三

千六百二十斤有奇,乾道歲入一十九萬一 千二百四十斤有 奇

湖南、 廣東、 江西錫冶一百一十八, 廢者四十四, 舊額歲七十六萬一千二百斤有奇,

乾道歲入二萬

四

百五十斤有

奇

歲收買及監官格內之數,減半推賞 萬斤者,轉一官; 司。 隆興二年,防冶監官歲收買金及四 宋 初,諸冶外隸轉運司,內隸金部;崇寧二年,始隸右曹; 守倅部內歲 比祖 額 增 金一萬兩、 千兩、銀及 銀十萬兩、銅 + 萬 兩、 銅錫 及四 建炎元年,復隸金部、轉運 百萬斤,亦轉一官; 十萬斤、 鉛及一百 令丞

萬, 而歲奉三宮及册寶費約四十萬, 慶元 三年, 宰執言:「封椿銀數比淳熙末年虧額幾百五 恐愈侵銀額。 欲權以三分爲率,一分支銀,二分支會 一十萬。 今務場所入歲不滿

端平三年,赦曰:「諸路州縣防冶興發,在觀寺、祠廟、公宇、居民墳地及近墳園林地者,

I:「善。」

志 第 百 Ξ + 八 食 貨 下 -<del>L</del>i 冱

官吏丼訟者重寘典憲。 在法不許人告,亦不得受理。 及有防冶停閉、苗脉不發之所,州縣勒令防戶虛認歲額,提點鑄錢 訪聞官司利於告發,更不究實,多致擾害。 自今許人戶越訴,

司

一覈實追正。」

以來,復創務置官吏,宋因之。 唐於晉州置平陽院以收其利,開成三年,度支奏罷之,乃以礬山歸之州縣。五代

領, 九十二錢,無爲軍六十錢;綠礬,斤七十錢。 每歇二十四貫五百,慈州又增五 三十斤,給錢八百。 有鑊戶鬻造入官市。 白礬出晉慈坊州、無爲軍及汾州之靈石縣,綠礬出慈、隰州及池州之銅陵縣,皆設官典 博賣白礬價:晉州每歇二十一貫五 晉、汾、慈州礬,以一百四十斤爲一馱,給錢六千。 百, 隰州每歇四貫六百。 百,慈州又增一貫五百,綠礬:汾州 散賣白礬:坊州斤八十錢,汾州 隰州礬默

減

建隆 一中,韶:「商人私販」幽州礬, 官司嚴捕沒入之。」繼定私販河東幽州藝 兩以上、私

私 論 **鬻礬三斤、及盜官礬至十斤者,棄市。** 餘 論 決,再犯 侵利 罪有差。 而綠 者悉配流,還復犯者死。 太平興國 攀價賤,不宜 初,以歲鬻不充, 與晉礬均法。」詔 淳化元年,有司言:「慈礬滯積,小民多於山谷僻奧之地 開寶三年,增私贩至十斤、私鬻及盜滿 迺 詔 同犯私茶罪賞 私贩化外礬一 兩以上、及私鬻至 五十斤者 十斤,並 如

錢,商 茶及 三萬 · 器錢, 先是, 人以 「餘貫。 /陳茶 官償 建隆 以攀, 三年、 入博,有利豪商,無資 端拱 初, 凡歲增課八十萬貫。 命左 銀、 諫議大夫 [四劉 絹 帛二萬餘貫,茶計十四萬 國用。」詔今後惟聽 熙古詣晉州制置礬, 太平 興國 初, 金銀、見錢入博 歲博 貫。 緡錢、 至是, 許商人輸金銀、布帛、 金銀計 言者謂 「礬直 十二萬餘貫 酬 絲

市之。 慈二州攀募民鬻之,季 末, 兩蜀 白礬增二十萬一 権 至道 礬之禁。 無 中,白 爲 軍 亦置務鬻禁, I礬歲課 千餘斤, 灣響 九十七萬 後聽民自鬻, 一盆,多者千五六百斤,少者六七 綠礬增二萬三千餘斤, 六千斤, 綠礬四 官置場售之, + 萬 五千 私售礬禁如 增六萬 餘斤, 百斤, 九千餘貫。 **鬻錢** 私 四 分輪 售茶法。 + 七萬 一入官, 天聖以來, 餘貫。 六年, 餘 則官 驰

虚估增至三百六十,礬之出官爲錢二萬一千五百,纔易粟六石,計粟實直錢纔六千,而礬 時 河 東 礬 積 益 多,復 聽 入金帛、 **芻**粟。 獨果虚 估高, 阁 人利 於入中。鱗州 粟 斗 實 直

無爲 得 馱 亦以易緡錢 六千六百 DC 專其利矣。 厅 已費本錢六千。縣官徒有権攀之名,其實無利。嘉祐 軍攀售錢歲有常課,發運使領之,視皇祐數無增損;隰州攀至是入三十九萬六千斤, 爲 馱,入錢京師権貨務者,爲錢 無為軍攀售緡錢三萬三千一百。 助河東歲羅 皇祐中,晉、慈入攀二百二十七萬三千八百斤,以易獨粟之類,爲緡錢十三萬 十萬 七千; 治平中,晉、慈礬損一百九萬六千五 入錢麟、府州者,又減三千。 六年,罷入芻粟,復令入緡錢。礬以百 自是 百四斤; 商買不

私賣越界,禁如私白礬法,仍增官獲私礬輒以夾雜減斤重之法。」從之。 數,許於陝西北界黃河,東限潼關,南及京西均房襄鄧金州、光化軍,令鑊戶遞相保察。 官。」詔遣光祿丞楊蟠會議以聞。蟠言:「坊州產礬,官雖置場,而商多私 也。 爲棄物。」詔令商人入中糧草,卽以償之。三年,罷潞州交子務,以妨中納糧草、算請礬鹽故 知慶州王廣淵言:「河東,礬爲利源之最,請河東、京東、河北、陝西別立礬法,專置提舉 熙 寧元 年,命河東轉運司經畫礬、鹽遺利。 李師中言:「官積礬三百斤,走鹵消耗,恐後 售。 請置鑊戶,定其

京西均、房、襄、鄧、金州 無爲軍者,餘路售之。私鬻與越界者,如私礬法 元豐元年, 定畿內及京東、西五路許賣晉、隰礬;陝西自潼關以西、黃河以南,達于 則售坊州礬,礬之出於西山、保壩州者,售於成都、梓州路;出

志 第

熙寧六年中數,定以十八萬三千一百緡有奇爲新額; **緡**,而無爲軍礬歲課一百五十萬斤,用本錢萬八千緡; 自 熙 寧 初 礬法 始 變。 歲課 所入,元年爲錢三萬六千四百緡有 至元豐六年,課增 自治平至元豐數無增損 奇, 至三十三萬 倂 增 者 五 年 七千九 乃取

戶 置場官買,增價出之,罷運晉礬,則官獲淨利,無運載之勞,民資地產,省犯法之弊。」詔下 買,頗致抑擾。」詔如舊制。 、 部。 元祐元年,戶部言:「商旅販礬,舊聽其便,迺者發運司請用河東例,令染肆鋪戶連保豫 元符三年,崇儀使林像奏:「禁河北土礬非便。 若即河北產攀地

引帶賣,大率循做鹽法。 置提舉官。 大觀之制。 元 三千一百緡 年, 定河北、 初,熈、豐間,東南九路官自賣礬,發運司總之。 政和初,復官鬻,罷商販如舊制。 爲額。 五年,河北、河東綠礬聽客販於東南九路,民間見用者,依通商地籍之,聽買新 河東礬額各二十四萬緡,淮南九萬緡,罷官賣,從商販,而河東、河北、淮南各 三年,有司奏減河北、 宣和中,舉比較增虧賞罰,未幾,以擾民罷。 河東幷淮南礬額,計十六萬緡。 淮南礬事司罷歸發運司,上供礬錢賣以三 元祐初通商、紹聖復熙、豐之制。 四年, 礬額復循 大觀 一萬

建炎三年,措置財用黃潛厚奏許商人販准南礬入東南諸路,聽輸錢行在,而持引據赴

場支禁。

所,若潭州瀏陽之永興場、韶州之岑水場,皆置場給引,歲有常輸。 大山深阻, 紹興二十四年至二十八年所收攀錢一年中數四萬一千五百八十五緡爲定額。其他產攀之 所產品高於撫,靑膽礬斤作一百五十文,黃礬斤作八十文。二十九年,以准西提舉司言,取 土著與負販者,皆盜賊也。 紹興 十一年,以鑄錢司韓球言,撫州靑膽礬斤錢一百二十文,土礬斤三十文省,鉛山場 雖有采礬之利,而潮、梅、汀、贛四州之姦民聚焉,其魁傑者號大洞主、小洞主, 惟潭州之東,去海甚邇

乳 香一十三等,八萬六千七百八十斤有奇。 宋之經費,茶、鹽、礬之外,惟香之爲利博,故以官爲市焉。 詔取赴權貨務打套給賣,陸路以三千斤、水路 建炎四年,泉州抽買

一萬斤爲一綱。

貫易以 五萬 貫 紹 十萬 興元 輕貨輸 ]貫者,補官有差。 年,詔:「廣南市舶司抽買到香,依行在品答成套,召人算請,其所售之價,每五萬 行在。」六年,知泉州連南夫奏請,諸市舶綱首能招誘舶舟、抽 大食 審客囉辛販乳香直三十萬緡,綱首蔡景芳招誘舶貨,收 解物貨、累價及

勘記

入蕃興販,舟還在罷任後,亦依此推賞。 息錢九十八萬 各補 承信郎。 閩、廣舶務監官抽買乳香每及一百萬兩,轉一官; 、然海商入蕃,以興販爲招誘,僥倖者甚衆。

降。」十二年,分撥権貨務乳香於諸路給賣,每及一萬貫,輸送左藏南庫。 賣乳香擾民,令止就権貨務招客算請。 淳熙二年,郴、桂寇起,以科買乳香爲言。 詔:「湖南路見有乳香並輸行在權貨務,免科 十五年,以諸路分

寡,若不至則任之,不必以爲重也。 言以金銀博買,洩之遠夷爲可惜。 紹熙三年,以福建舶司乳香虧數,詔依前博買。 乃命有司止以絹帛、錦綺、瓷漆之屬博易,聽其來之多 開禧三年,住博買。 嘉定十二年,臣僚

#### 校勘記

- 犯 私 麴者並棄市 「私」字原脫,據羣書考索後集卷五八、通考卷一七征權考補。
- 請增 爲二百 請 原作「後」,據宋會要食貨二〇之九、長編卷二二四改。
- $\subseteq$ **令月輸錢** 「月」原作「日」,據宋會要食貨二〇之一〇、長編卷二九九改。
- (国) 先罷 公帑賣供給酒 「賣」原作「實」,據朝野雜記甲集卷一四、通考卷一七征權
- **E** 總制 司 總制」二字原倒。 按通考卷一七征權考引止齊陳氏說:「(五年)六月五 日, **令州縣見**

賣酒務, 不以上下每升各增五文隸總制, 而總制錢始於此。」 朝野雜記甲集卷一五:「五年春,

高宗在平江,命富文提領措置財用。 富文請以總制司爲名,專察內外官司隱漏遺欠。從之。」據

改。

(<del>\*</del> ) 漢州綿竹縣 「綿竹」原作「綿州」,據本書卷八九地理志、宋會要食貨二〇之一九改。

(1) 防月庫 迎考卷一七<u>征權</u>考作「防椿庫」。

**元** 帥 司激賞酒庫 「賞」原作「買」,據宋會要食貨二〇之二三和上文「贍軍激賞酒庫」例改。

へたし 湖 北之民困於酒坊 「湖北」原作「江北」,據深會要食貨二一之一〇、通考卷一七征權考改。

8 戶部尚書王存等請復開銅禁 按長編卷三五〇,王存等各展磨勘年是因「坐言乞復銅禁,不知

增錢監 用鲖多」。

土無 窮。」「無」字上當有「土」字,據補**。** 鹟 而 爲利寡 「土」字原脫。 按宋會要食貨三四之二五說:「膽土煎銅,工多利少,其土無

雲烈 原作「雲列」,據本書卷九〇地理志、宋會要食貨三三之一七改。

鍾 峒 岬 原作「銅」, 據本書卷九〇地理志、宋會要食貨三三之一六改。

左 諫議大夫 「議」字原脫,據本書卷二六三本傳補。

	e		
	<b>8</b>		
		•	
45			
		eq.	

# 米史卷一百八十六

## 志第一百三十九

### 食貨下八

商稅 市易 均輸 互市舶法

匿,爲官司所捕獲,沒其三分之一,以半畀捕者。 得發篋搜索。 算三十,大約 都監、監押同掌。 常稅名物,令有司件析頒行天下,揭于版,置官署屋壁,俾其 商稅 如此。 凡販夫販婦細碎交易, 凡州縣皆置務,關鎭亦或有之,大則專置官監臨,小則令、佐兼領, 行者齎貨,謂之「過稅」,每千錢算二十;居者市鬻,謂之「住稅」,每千錢 然無定制,其名物各隨地宜而不一焉。 嶺南商賈齎生藥及民間所織鎌帛, 販鬻而不由官路者罪之。 行旅齎裝,非有貨幣當算者,無 、遵守。 非鬻於市者皆勿 應算物貨而 有官須者十取 諸州 仍令 輒藏

志

第

一百三十

九

食

貨下

八

謂之「抽 稅

宋興,所下之國,必韶蠲 自 唐室藩鎭多便宜從事,擅其征 省,屢敕官吏毋 利 以 及五 事 **)**煩苛、 季, 規羨 諸 國 益 餘以徼 務掊聚財貨 恩寵。 议 大中祥符 自 膽, 故征 六年, 算尤

免諸 路 州 軍 ·農器之稅

其餘 淄 國 舊制 齊、 橘 諸 前 州 園 軍 津 乾渡三十九處算錢, 後 魚 渡舊皆有算, 屢 池、水磑、社酒、蓮藕、鵝鴨、 詔 隐省。 或水涸改置橋梁, 緣 河州 水漲聽民置 縣民船 載 螺蚌、 栗亦 一渡, 有司猶責主者備償。 輸算, 柴薪、 勿收其算。 三年, 地鋪、 始罷 自是, 枯 牛 骨 建隆 有類 漑 田 初, 此 水 者多因 詔 利等名, 除滄、 恩 有蠲 德、 护 因諸 除。 棣、

至道 百 年 萬 額 貫 錢 元 陳 五 年 州 千 詔 私 福末, 以 置 下 蔡 江 者並免,不係 南 泂 增八百 鎖, 溪渡,多公吏豪民 民船勝 四 萬 貫 色役近便 百 1斛者取 典 人人戶 其 百 事 錢, 掌船濟渡, , 量輸官課 有所 載 倍其征, <del></del> り 得 而 厚 擾 算 人。」 行旅。 太平 至道 興國 州  $\widetilde{\Gamma|}_{1}$ 縣 三年, 宜 歲 加 入稅課 嚴 Jh 禁, 悉 除之。 所 錢 輸

DU

天 (聖以來,國用蹇廣,有請算緡錢以助經費者。 仁宗曰:「貨泉之利,欲流天下 通有 無 第一百三十九 食貨下入

志

課贏縮,屢詔有司裁定,前後以詔蠲放者,不可勝數。 毋搜索行者家屬,歲儉則免算耕牛,水鄉又或弛蒲、魚、果、蓏之稅,民流而渡河者亦爲之免 康定元年,西邊兵 何可算也?」一日,內出圖羅一端,爲印朱所漬者數重,因詔天下稅務,毋輒汚壞商 應算而匿不自言者,雖聽人捕告,抵罪如舊法,然須物皆見在乃聽,以防誣罔。 ,費不給,州縣或增所算名物,朝廷知之,悉命蠲去。 旣而 下韶敕勵, 人物帛 至於歲 且戒

治平中,歲課增六十餘萬,而茶稅錢居四十九萬八千六百。 皇祐中,歲課緡錢七百八十六萬三千九百。 嘉祐以後, 弛茶禁,所歷州縣收算錢。

要分等,以檢捕獲失之數爲賞罰,旣而以歲旱,復有是命。 七年,減國門之稅數十種,錢不滿三十者蠲之。其先,外城二十門皆責以課息,近令隨閑 流民復業者所過免算。後以歲稔,慮逸歲課,復舊。 熙寧以來,河北、河東、陝西三路支移,民以租賦齎貨至邊貿易以輸官者,勿稅, 五年,以在京商稅院隸提舉市易務。

先入官場,官以船運至京,稍輸船算。 用 李憲擅權本路商貨,令漕臣蔣之奇劾其罪。導洛通汴司請置堆梨場於泗州, 元豐元年,濱、棣、滄州竹木、魚果、炭箔稅不及百錢者蠲之。 明年,詔:近京以通津水門外順成倉爲場。 二年,熙河路制置邊防財 賈物至者, 非導洛司

無幾, 蠲其倍稅,納正稅,百千以下期以三年,百千以上五年。 乏牛米。 高、化至者,唯米包、瓦器、牛畜之類,直纔百一,而概收以丈尺。故高、化商人不至,海南遂 如所奏。 而 、竹木之類勿禁。 瓊管奏:「海南收稅,較船之丈尺,謂之『格納』。 其法分三等,有所較 載商人稅物入汴者(三),許糾告,雖自請稅,猶如私載法。惟日用物非販易,若廢箔(三)、 而輸錢多寡十倍。 請自今用物貴賤多寡計稅,官給文憑,聽鬻於部內,否則許糾告,以船貨給賞。」詔 六年,京東漕臣吳居厚言:「商人負正稅七萬六千餘緡,倍稅十五萬二千餘緡。」詔 賈物自泉、福、兩浙、湖、廣至者,皆金銀物帛,直或至萬餘緡 自

爲 不登,故言者論而更之。七年,罷諸路承買土產稅場。 以 較元祐 新額,自明年始。三年,又以天聖歲課爲額,蓋戶部用 元 站 六年官監額增三萬餘緡(三),遂行之諸路 元年,戶部請令在京商稅院,酌取元豐八年錢五十五萬二千二百六十一緡有奇, 初,罷江南路承買,而 五年併增之法,立額旣重,歲課 河東轉運 司以

增置,而力勝之稅益三之一。 MI 八年,權蠲 商 船以 力勝 商 人載米入京糶賣力勝之稅。 稅不至, 嘗 命權蠲。 至是,蘇軾言:「法不稅五穀,請削去力勝錢之條,而行 惠止一方,未爲定法。及汴泗椝場法行,穀船毋 先是, 熙寧六年,蘇、湖歲稔,穀價比淮南十 天聖 得 趸

劉旣濟起應奉物,兩浙、淮南等路稅例外,增一分以供費;三年,詔罷之。凡以蠶織農具、 稅者,並論以違制 取天下稅務五年所收之數,酌多寡爲中制,頒諸路揭版示之,率十年一易;其增名額及多 洛 贍給都下,亦一再免,旋復 稅之制。」旣而 耕牛至兩浙、<br />
江東者,給文憑蠲稅一年。<br />
四年,令諸路近歲所增稅錢,悉歸應奉司。 比年臣僚營私牟利者衆, 宣和二年,宮觀、寺院、臣僚之家商販,令關津搜閱,如元豐法輸稅,歲終以次數報轉運司取 凡民衣屨、穀菽、鷄魚、蔬果、柴炭、瓷瓦器之類,並蠲其稅;歲終計所蠲數,令大觀庫給償。 言之,且請假温、明州運船給用。命太府少卿鄭僅同詳度〔四〕,明年,竟詔勿行。五年,令戶部 口各置操場,幷請復麵市、牛羊圈。 初,元符令,品官供家服用物免稅。 大觀元年,凡典買牛畜、舟車之類未印契者,更期以百日,免倍稅。 自 哲宗即位,罷導洛物貨場。 尚書省亦言在京穀貴, 欲平其直, 宮觀寺院多有專降免稅之旨,皆以船艘賈販,故有是詔。 如舊; 惟兩浙幷東北鹽,以鹽事司之請,遂不復征 紹聖四年,藍從熙提舉京城所,欲復其事,令泗州及京師 韶下尚書省,久之遂寢。 至建中靖國初,馬、牛、駝、驢、騾已不入服用例,而 復權蠲之。 後徽宗宣和中,以州縣災傷丼 至是,提舉汴河隄岸王憲復 二年,詔在京諸門, 七年,

志 第

百

三 十

九

食貨下八

四五

四五

京東常平楊連奏:「本路牛價貴,田多荒萊,請令販牛至本路者,仍給文憑蠲稅,俟二年足如 以歲歉之後, 用物 少 丽 民 、
難食, 在京及畿 內油、炭、 麵、布、 絮稅丼力勝錢並 權 死。 提舉

舊。」從之。

路提刑下諸郡,準舊法釐正立額。」詔依所奏。 息易給而商旅可通。 令,場務立額之法,並以五年增虧數較之,併增者取中數,併虧者取最高數,以爲新額,故課 靖康元年詔:「都城物價未平,凡稅物,權更蠲稅一年。」臣僚上言:「祖宗舊制**丼**政 近諸路轉運司不循其法, 有益無損,致物價騰踴,官課愈負。 請令諸 和新

悉 當時都邑未奠,兵革未息,四方之稅,間有增置,及於江灣浦口量收海船稅,凡官司回易亦 並 免竹木、磚瓦稅, 北來歸正人及<br />
兩准復業者亦免路稅。<br />
紹興三年,<br />
臨安火,<br />
免竹木稅。 、體而 收稅;而寬弛之令亦錯見焉,如諸路增置之稅場,山間迂僻之縣鎮,經理未定之州郡, 高宗建炎元年詔,販貨上京者免稅。 **死之**。 又以稅網太密,減倂者一百三十四,罷者九,免過稅者五,至於牛、米、薪、麵 明年又詔,販糧草入京抑稅者罪之;凡殘破州縣 然

民間日用者並罷

志第一百三十九 食貨下八

呼; 年 民貿易瑣細于村落,指爲漏稅,輒加以罪。 有稅,以食米爲酒米,以衣服爲布帛,皆有稅。 立稅場,算及緡錢、斗米、東薪、菜茹之屬,擅用稽察措置,添置專欄收檢。 稅額皆累有放冤。 刃 - 〔五〕。 《相劘,不啻讎敵,而其弊有不可勝言矣。 或有貨物,則抽分給賞,斷罪倍輸,倒囊而歸矣。 孝宗繼志,凡高宗省罷之未盡者,悉推行之; 光、寧以降,亦屢與放免商稅,或一年,或五月,或三月。 凡遇火,放觅竹木之稅亦然。 然當是時,雖寬大之旨屢頒,關市之征迭放,而貪吏並緣,苛取百出。 空身行旅,亦白取百金,方紆路避之, 遇士夫行李則搜囊發篋,目以興販。 又以臨安府物價未平, 免淳熙七年稅 聞者咨嗟,指爲大小法場,與斯民相 光、 虚市有稅、空舟 寧嗣 則欄截 甚者貧 詔 私 叫 郡

利,而民不勝其煩矣。 市易之設,本漢平準,將以制物之低昂而均通之。 其弊也,以官府作賈區,公取牙儈之

以川 多聚貨以啓戎心,又 交子易物貨給之,因命配爲本路 熙寧三年,保平軍節度推官王韶倡爲緣邊市易之說,丐假官錢爲本。 妨秦州小馬、 帥司幹當兼領市易事。 大馬私貿易,不可。 文彦博、曾公亮、 時欲移司於古渭城,李若愚等 韶秦鳳路經略司 馮京皆韙之,

兵馬 說, 李若 以 生 一今蕃 羌 絳 助 已 -6 愚 軍 亦 撑 則 戸 富· 見於 費, 月 以 陳 人 形 去 八守之, 升 勢欲張 者 更 **( 熙寧**二 秦 之、 詔 闢 往 州 輔 韓絳 荒 往 則 爲 運 應 士 蓄 年 形 司 非 勢張 経銭 諸 接 詳 建 異 議 欲 度 唯 人 日 之議,而 矣。 王 立 近 口 復 均 安 以聚兵。 問 輸平 十萬 石 且 占 陳升之。 蕃 渭 日:「古 一个不可 準法之時 邊砦 部 一時時 彼尙 得 1(3) 與官 渭 Ē 口 升 不 置 一安石 o ·畏劫 之謂 便於 市 市易利 五 故 年 爲 邊民 奪,豈朝 占 王 應 政, 渭 害,臣 韶 接, 遂 無復 極 詔 首 汲 商旅 邊 出 迎 廷威 汲 雖 逋負,足 合 內 焉 恐啓 不 並 其 帑 靈 以 集, 敢 錢 意 財 |奉||羌関 斷 帛 乃至 居者 辽 利 而 懷 然 兵 置市 安石 **!愈多** 一衰弱 革 來 覬心 如 岩愚 爲 其 易務于 力主 如 先, 心 因 此。今欲連 l建為軍 安石 之, 其市 因 京 收 必 師 易之 雖 其 以 鸁 增

借 錢 輸 損 不 可 售 價 以 平 息 八 先是? + 野 ījī 爲 -; 平 之, 七萬緡爲本。 易 天下 司 及歲 有 其 因 擇通 收 價 魏 今富 機宗者 倍 餘 市 之。 財 息 人大姓,乘民之亟,牟利 之官任 三司請立市易條,有「兼丼之家,較固 以給 願以易官物 凡 自 諸 稱草澤,上言:「京師 公上。」 其責, 一 配 率, 水良 者 於是 聽。 並 〈賈爲 仰 給 若 中 之轉 数倍, 書 欲 焉 奏 市 百 ·於官 以 在 易。 貨 財 京 呂 無常 旣 使審 嘉 置 偏 則 市 問 聚, 價 度其抵而 易 爲 知 取利, 提 務 貴 巾 國 賤相 舉, 官。 物 用 之價 有害新法、 亦 賜內庫錢 貸 凡 傾, 屈 之錢,賣期 貨 賤 富 之可 請 則 能 假 本務覺察,三司 百 增 奪, 市 榷 萬 價 及滯 使償 貨 貧 緡 1|1 務錢 !\ 京 之, 能 於民 與, 東 貴 半 路 置 乃 則 而

按治」之文,帝削去之。

宣示 隸焉。 類六十色,悉令計直,從民願鬻者市之以給用 如 何? 事實,帝以鬱冰、市梳樸等數事語之,安石皆辯解。 七月,以権貨務為市易西務下界,市易務為東務上界,以在京商稅院、雜買務、雜 又賜錢帛五十萬, 于鎭洮軍置司。 」安石謂:「立法當論有害於人與否,不當以煩碎廢也。」自是諸州上供篾席、黃蘆之 市易極苛細,道路怨謗者籍籍。 後帝復言:「市易鬻果太煩 上以 諭 安石 碎,罷之 賣場 請

度諸 須 于 其後以市易上界所償內帑錢三十萬緡假之爲本。 同詳度 黔州 並 行 改提舉在京市易務爲都提舉市易司, 六年,詔在京市易幹當公事孫迪同兩浙、 下雜賣場、雜買務。 成成 利 ,選本路在任已替官監之,仍以知州或通 ·病,於是詳定所請:「約諸行利入薄 都置市 ·易務。 置市 司估物價低昂, 諸州 厚, 淮東轉運司,議置杭州市易務利病以 判提舉。 市易務皆隸焉。 輸発 凡內外官司欲占物價, 又賜夔州 行錢以 令在京市 路 禄 一轉運司 吏, 又詔三司幹當公事李杞等 蠲其供官 易務及開 度僧牒 悉於是乎取 1之物。 封 五 府 百 司 置市易 決。」從 錄 開任」。 禁中所 同

詳

爲言。」安石曰:「彼以饑民衆,官不之恤,相聚爲盜耳。」帝問:「李杞行邪?」安石曰:「未也。 七 年,帝與輔臣論及 成都 市易事。 馮京曰:「囊因権市物, 致王 小波之亂, 今頗以市易

然其後竟罷

杞等詳度。

市易 必 能 致亂。」帝猶慮置人駭擾,安石謂:「已遣使乃遽罷,豈不爲四方笑?」乃已。

計 賞 欲按治, 之有也。」四 井 司 局。 疏 ılî 商 物,頗 惠 · 明 其 不 旅 凛乎間 臣以 卿姦欺狀, 而安石 所 詔 有者盡收,市肆所無者必索,率賤市貴鬻,廣哀贏餘,是挾官府爲 害小民之業,衆言喧譁。 |月,布復 謂 然。 架、除陌之事矣。 [權三司使曾布、翰林學士呂惠卿同宪詰市易事。 如 主 此 一用惠 乃更令惠卿偕布究詰之。 且言:「臣自 政事,書之簡牘,不獨唐、虞、三代所 陳薛向罪茶儈不當, 卿 不 口 去,蓋謀變其事也,帝疑焉,故仍以 立朝以來,每聞德晉,未嘗不欲以王道治天下, 嘉問 奏。『近遣官往湖南 布乃引監市易務魏繼宗之言,以爲呂嘉問多取息以干 帝惻然咨嗟; 帝尋復以手札賜布,令求對,布即 無 販茶,陝西販鹽,兩浙 及言三司決責 歷觀秦、漢以 先是,帝出手詔付布,謂 屬布 商 來衰 人多濫, 棄幷也。王安石 亂之世,恐未 眅 上行人所訴, 今市 紗, 時帝 皆未敢 易之爲 市易 必

錢 反, 八種, 一発行 使中下之民失業若 旣 利 而 其初給錢,往往願請, 病 中書奏事 參 知 政事 Ě, 此, 帝論及市 馮 京日:「開封 宜修補其法 積數既多,實艱輸送。」帝日三如此, 易, 且曰:「朝廷設此, 祥符縣給民錢,有出 」令元詳定呂嘉問 本欲 息 吳安 爲平準之法以便民, 抵當銀絹米麥、緩急 持同韓維 吾民安得泰然也」時 孫永 今正 喪葬 問 行 爾相 人 輸

志第一百三十九 食貨下八

布 而 布 與 與惠卿 惠 卿方究市易事,率數日 卽 東 府 再詰行人,所訴 一對,帝初是布言 狀如前 不變。 ,已而從惠卿之請,拘魏繼宗於開 而安石 1懇求 去位,引惠 卿 執 政 封府、

害人, 嘉 賦 歲 異同 之 數, 問 費 俱 蹇廣,令布送 以 提 與布 宜即 輸 而 學楚州 出 息錢,謂之『乾息』; 惠 守 所陳 卿 治其罪。」時呂惠卿 郡, 後二日,布 與布有 市易蔣之奇奏:「監務王景彰権市 異 魏 中 繼宗 書。 夙怨,故卒擠 而呂嘉問 對 仍奪秩 延和殿、條祈 五 月 又抑賈販毋得 了, 乃 亦以雜買務 已參朝政,而 勒 辽之,而 停。 韶章惇、 初, 先後 市 曾孝寬 易 多入月息不 究詰市易未竟,詔促之,惠卿請 市易之建, 所陳,丼較治平、熙寧入出錢 至他郡,多爲留難 如 故 商 泡即軍 人物非法, 覺, 器監 布實預之。 皆從公坐 | 鞫市所究市易事,又令戶 (公)。」帝謂輔臣日:「景彰 及虚 作中糴 後揣上意 有 差。 多物數以 未幾,布 令中書 入務, 有 疑, 聞。 悉取桉牘 立跪名糴 褫職,與 ,房會財 帝方 逐急治 遠法 慮

秦、嬴 羅 買 市 易息錢 萬 繒 定、越、 給 司 詔 并 使 鄆州 假 章 市 眞 百 停請 例 市 錢 州 萬 易。 緡。 假內藏錢 總收 並置 九年, 八 白 市 年, 易司 三十三萬二千緡有奇。 又以 五 復 百 呂嘉問 在京 萬 以 **緡**,令市 惠州 市易 提 阜民 舉 司 易司 市 物貨 監錢 易。 有幹局 + 二月, 詔嘉問 十萬 五 萬 鳳翔 **緡給** 者,分四路 緡給 、安持等推 廣州 熙河 大名、真定府, 市 市 入中, 易務, 易司 恩有差。 計 司 九 農 見 永 月, 辛 鹽 自後凡二年 興、安肅 坊 引 中 湯錢三 及 書言: 乘賤 軍

二十萬緡。

較。 十年,定上界本錢以七百萬緡爲額,不足,以歲所收息益之,其貸內帑錢,歲償以息

十萬緡以上期以二年,二十萬緡以上三年,斂及三分者比遞年推恩,八分者理爲任。期盡不 釐,不及年者月計之, 元豐元年,以都提舉王居卿請,令貸市易錢貨者,許用金帛等爲抵,收息毋過一分二 願皆得錢或欲以物貨兼給者聽。 市易司請遣官以物貨至諸路貿易,

及者勿賞,官吏廩給並

令秦熙 數。 以 一年,經制熙河路 田 河岷州、通遠軍 · 宅抵市易錢久不償者,估實直,如賣坊場、河渡法,若未輸錢者,官收其租息,在 亦如之。 五市易務,募牙儈引蕃貨赴市易務中賈,私市者許糾告,賞倍所告之 邊防財用李憲言:蕃賈與牙儈私市,其貨皆由他路避稅入秦州,

京市易務

易法有三:結保貸請,一也; 續,非舊戶惟用抵當、貿遷之法。」詔中書立法以聞。 負失益 三年,韶免行月納錢不及百者皆免,凡除八千六百五十四人。 往歲罷貸錢而物貨如故。 契要金銀爲抵,二也,貿遷物貨,三也。三者惟保貸法行之久, 請自今所貸歲約毋過二百萬緡,聽舊戶貸請以相濟 於是中書奏:「在京物貨, 九月,王居卿又言:「市 許舊戶貸

志第一百三十九 食貨下八

請, 用 十九緡、石。 司 斂而 會其置司以來所收息: 復散,通所負毋過三百萬緡,諸路毋過四之一。」詔如所奏。 四年,從都提舉賈青請,於新舊城外內置四抵當所〔五〕,遣官掌之,罷市易上界 元豐初四十一萬四千六百二十六緡、石,次年六十八萬 是歲,經制熙河邊防財 四千九

等處抵當以便民。

罰 官 在 「亦不止言內字。」卒加之。八月,置饒州景德鎭瓷窰博易務。 息。」安禮 不 開 時 封 五 者 年, 日,有負 有罰息,民至窮困。 韶外內市易務所負錢,寬以三歲,均月限以輸,限內罰息並除之。 退,批韶加「內外」字。 市易錢者,累訴於庭。 願韶蠲之。」帝曰:「羣臣未有爲朕言者,其令民 |蔡確日:「方帝有旨,無外內字,公欲增詔邪? 安禮旣執政,言於帝曰:「市易法行,取息滋多,而 以 先是,王安禮 、限輸, 」安禮日: 免其 輸

抵當 畿 路常 復 價 縣 旣 定,報 是 平 六年,蘭州 有取 次年行之諸路,以常平、市 司錢留其半,以二分爲市易抵當。 息薄、 提 若 舉 無抵 司,提舉司下所部州,州下所屬,募民出 增置市易務,以通 可 濟民 當 而 物貨 乏者存 宜易者,亦聽 之,其餘抵當幷州縣市易並 易赊貸及 蕃漢貿易。 變鸜。 寬剩錢爲 풆 自 七年,改市易下界爲権貨務。 五. 年賈青以平準物 八 年,罷諸鎭砦市 本,五 抵或錢以市,收息毋過二分。 路各十萬緡,餘 罷 價 易抵當。 與金銀之類,行抵當於 路 五. **令諸州旬估物** 八月, 萬 緡。 韶諸 至是, 詔 北

錢鈔,償元給之所。 外,近官鬻石炭,市直遽增,皆不便民。」詔罷平準務及官鬻石炭,其在官物貨, 戶部、太府寺市易案改爲平準案。 度,復置市易務,惟以錢交市,收息毋過二分,勿令貸請。 元符三年,改市易務爲平準務, 元祐 紹聖四年,三省言熙寧興置市易,元祐一 元年, 內外監督市易及坊場淨利錢, 尚書省言:「平準務官吏等給費多, 幷遣官市物, 搔 切罷去,不原立法之意。 許以所入息丼罰錢比計, 韶戶部、太府寺詳 若及官本者, 令有 並

至是,戶 當已設官置局; 以 F 一置官監,五百緡以上令場務兼領,餘並 歲終考察能否,行勸沮法。 崇寧元年,戶部奏:平準務錢物毋得他司移用。 部 復詳 度以聞,遂行其議。 其不及萬戶、非衝要,幷諸 五年,郡縣應置市易者,凡歲收息,官吏用度之餘, 建炎二年,言者以爲得不償費, 罷。 鎭有官監而商販所會,並 先是,嘗韶府界萬戶縣及路 二年,以平準爲南北兩務, **遂罷之,而以其錢輸左** 如 元豐令監當官兼領。 在 衝要,市 如舊分置官 及千緡 湯抵

藏

庫,惟

抵當庫仍舊

志第一百三十九 食貨下八

取 年,蠲百姓見輸免行錢三分之一。十九年,南郊赦,盡蠲百姓免行錢欠。是後凡赦皆然。 宜、廉、邕、欽、賀、貴免行錢。十四年,以開州兩縣在變部尤爲僻遠,減免行錢之半。 十五年,罷見輸免行錢,禁下行買物,以害及小商、敷於鄉村故也。 年,以知漢陽軍韓盺言,諸路收免行錢,定數外多取一文以上,以擅增稅賦法罪之。十七 年,兩浙轉運司檄婺州市御爐炭,須胡桃紋、鵓鳩色,守臣王居正以爲言,上曰:「隆冬附火, 温煖而已,豈問炭之紋色乎?」命罷之,諸類此者並禁止焉。十三年,蠲雷、化、高、融、 興元年, 罷諸州軍免行錢及行戶供應,見任官買賣並依時直(10),違者以盜論。 四

保錢;亦以十分爲率,與減五分。 淳熙元年,罷市令司。 韶臨安府及屬縣交易儈保錢減十之五。 七年, 諸路州縣交易儈

盡數給還,是後買物須給見錢,違許陳訴於臺。 嘉定二年,以臣僚言,輦轂之下,買物於鋪戶,無從得錢。凡臨安府未支物價,令卽日

湛 月 m ini 蔬 不償 嘉熙三年,臣僚言:「今官司以官價買物,行鋪以時直計之,什不得二三。 茶 魚肉, ,胥卒並緣之無藝,積日旣久,類成 日 用 所需瑣瑣之物,販夫販婦所資錐刀以營斗升者,亦皆以官價強取之。 白著,至有 遷居以避其擾、改業以逃其害者。 重以遷延歲

以 終 時 H 直,不 一營營 許 而 | 輒用官價,違者以贓定罪。」從之。 錢 本俱 成乾沒。 商 旅 不行, 衣食路絕。 望特降睿旨,凡諸路州縣官司買物,並

用 權。 敢 於 供 足 收 近 錢 不 相 是 米三 了,民 易 貨 定。 輕 今發 補 熙 均 寧一 辟 遠 輸 重 資 財 劉 百 斂 運 遠 諸 之法,所以 不 其 忱 萬 散 令 使 方 路 年 置。」 用 之權 有 實 石 預 上供,歲有 衞 度, 制 總 倍 知 詔 置 琪 時 歸 中 周 六 蓰 本 三司 通天下之貨,制爲輕重斂散之術,使輸者既便,而有 孫珪 之公公 議 都 路 之輸 知 司 帑 慮 六 賦 具 條 常 上,而 藏 路 、張穆之、陳倩爲屬 其 中 條 數。 例 爲擾, 年 財 例 其 都 司言:「天下 支 赋 職 以 制 豐年 有 之有 見 聞 其 以 华 多以爲 在之定數 而 制 價 便道 有 無 無,以 之鸜, 置 以 而 ·財用· 茶、 非 發 移 可 鹽 ,所當供 用 運 便 以 徒 又請 向 (無餘,典領之官拘於 使 之。 一、礬、 轉 使富 多致 旣 薛 輸 有 董 向 凡 酒 商 而 (辦者, 司 其 省勞費 糴 稅 領 大 不 具六路歲當上供數 事 均 買 爲 八賈乘 能 輸 得 稅 乃 事 鸁 請 軍 平 去 以 斂 公 從 設 準 上 私 重 年 儲 置 事 供 弊法 便 之急, 斂, 儉 或 官屬 之物, 變易蓄買 物 用, 賜 無得以 , 内 寬農民。 貴, 内 以 多所 皆得 、中都 神宗 藏 外不 難 擅 錢 懋 仰 於 輕 以 徙 相 使 五 歲用 庶 給 供 重 待 貴 自 百 知, 幾 億 斂 [擇之。 萬 上令。 就 及見 或 宜 散 盈 而 賤 用 一個 芝 虚 不

向

可

稍

以

不

儲度可支歲月,凡當計置幾何,皆預降有司。從之。

嗜,其害必有不可勝言者矣。」轍亦坐去官。 斂之臣,材智方略,未見有桑弘羊比;而朝廷破壞規矩,解縱繩墨,使得馳騁自由,唯利是 然法術不正,更緣爲姦,掊克日深,民受其病。孝昭旣立,學者爭排其說,霍光順民所欲,從 用匱竭,力不能支,用賈人桑弘羊之說,買賤賣貴,謂之均輸。雖曰民不加賦而國用饒足, 而予之,天下歸心,遂以無事。今此論復興,衆口紛然,皆謂其患必甚於漢。何者?方今聚 八月,侍御史劉琦、侍御史裹行錢顗等言:「向小人,假以貨泉,任其變易,縱有所入,不

利 廩祿,爲費已厚,非良不售,非賄不行。 是官買之價比民必貴,及其賣也,弊復如前,商買之 子錢,其賣也後期而取直,多方相濟,委曲相通,倍稱之息,由此而得。今先設官置吏,簿書 許之變易,變易旣行,而不與商賈爭利,未之聞也。夫商賈之事,曲折難行,其買也先期而 賤、用近易遠。然廣置官屬,多出緡錢,豪商大賈皆疑而不敢動,以爲雖不明言販賣,旣已 刊」自後、罷純仁諫職,而諫官李常復論均輸不便,權開封府推官蘇軾亦言:「均輸徙貴 ",何緣而得?朝廷不知慮此,乃捐五百萬緡以予之,此錢一出,恐不可復。 縱使其間薄有 於是知諫院范純仁自己言:「向懷巧刻薄,不可爲發運使。人主當務農桑、節用,不當言

所獲, 而征 商之額所損必多矣。」

卿 固,能倡舉職業,導揚股意,底于成績,殷甚嘉之。 向 ,其濟之以疆,終之以不倦,以稱朕意。」然均輸後迄不能成。 日 帝方惑於安石之說,言皆不行。 「政事之先,理財爲急。殷托卿以 乃以向為天章閣待制, 遣太常少卿羅拯爲使, 東南賦 入,皆得消息盈虚、翕張斂散之。 覽奏慮流言致惑, 股心匪石, 豈易轉也? 丽 卿忠 手詔賜 一誠內

鮮 卑 互 黑水諸 T 魏 舶 77 法 互 國 ,又各以風 於南陲,隋、唐通貿易于 自 漢初與南越通關市,而互市之制行焉。 土 一所產與中國交易。 ,西北。 開元定令,載其條目,後唐 後漢通交易於烏桓、 亦然。 北 而 單于、 高

口

漁,所 署, 勃 雖 泥 存, 通 宋 麻 造 止 其交易; 初, 逸 学 屦 茶貨 席 循 、三佛齊諸蕃並通貨易, 之類, 権署 周 內 制,與江 四年 外羣臣 一,置市 南 給券,聽渡 **輒遣人往江、浙** 通市。 舶 司 于廣州 乾德二年, 江 以金銀、緡錢、鉛錫、雜色帛、瓷器,市 販易。 ,後又於杭、阴 眅 易者,沒入其貨。 開 禁商旅毋得渡江,於建安、 寶 三年, 州 徙建 置司 安権署於揚州。 緣江 凡大食、 百 姓 及煎 漢陽、 占邏 香藥、犀象、珊瑚 鹽亭戶 江南 、闍婆 蘄 口 置 , 恣 平, 占城 其樵 三権 権署

私 官市之餘,聽市於民。」 相貿易。 太宗時,置権署于京師,詔諸蕃香藥寶貨至廣州、交阯、兩浙、泉州,非出官庫者, 其後乃詔:「自今惟珠貝、玳瑁、犀象、鑌鐵、鼊皮、珊瑚、瑪瑙、乳香禁権外,他藥 無得

州爲役兵。 萬斤、條、株、顆。 貨之良者止市其半。 流海島,過此送闕下。 並詣兩浙市舶司日記請給官券,違者沒入其寶貨。淳化二年日記,詔廣州市舶,除権貨外,他 雍熙中, 遣內侍八人齎敕書金帛, 分四路招致海南諸蕃。 太平興國初,私與蕃國人貿易者,計直滿百錢以上論罪,十五貫以上黥面 大抵海舶至,十先征其一,價直酌蕃貨輕重而差給之,歲約獲五十餘 淳化五年申其禁,至四貫以上徒一年,稍加至二十貫以上,黥面配本 商人出海外蕃國販易者,令

助焉。 三萬有餘。 天聖以來,象犀、珠玉、香藥、寶貨充牣府庫,嘗斥其餘以易金帛、芻粟,縣官用度實有 而官市貨數,視淳化則微有所損。 至治平中,又增十萬。 皇祐中,總歲入象犀、珠玉、香藥之類,其數五十

之。」七 買 程 舉 司 各 市 師 ㅁ 究詰 十三萬八 舶 m. 熙 ,收錢 仍 年 請 寧 赴 一,令舶 鼅 以 五 口 杭 年, 聞 千五五 勘 糧、銀、香、藥等 明 詔 船 驗 旣 州 遇 發運使薛 十六緡、匹、斤、兩、段、條、箇、顆、臍、隻、粒 而 市舶 風 時 11 至 廣 易 諸 務呂邈 州 諸 向日:「東南之利,舶 州 त्ता 舶 五十 界, 舶 皆 虧歲課二十萬 入舶 **亟**報 l 隸 廣州 四 萬一 所隸,送近 司 闢 司。 百 取 七十三緒、匹、斤、兩、段、條、箇、顆、臍、隻、粒, 蕃 緡, 商居其一。 商 令師孟與三司 地 物, 或 舶 以爲市 司 詔 榷 提 比言者請 賦 舉 易 分買 司劾之。 詳議之。 司 一擾之, 泉、 置司泉州 九年, 是年, 福 故 瀕海 海 商 集賢殿 其創 杭 舟 不 船 至, 明、 未 法 修撰 令 經 講 賦 求

先是, 元 豐 禁人 一年,賈 私 販,然 人入高 不 麗,貲及 能 絕; 五千 至 一是,復 **緡者**,明州 通 中國 ,故明立 籍其名, 是法 歲責 保給 引 ,發船, 無引 者 如 盜 眅

穀 化 枫 州 浙 牛 與瓊 以 三年 酒 副 黄 島 使 申 魚 對 周 書 境 直 及 言, 孺 非 而 廣 舶 發船 福 州 司 建 赋 巾 請引 以 舶 取 之物 已修 纠 於 官 廣 定 王子京, 免至 州 條 舶 約, 廣州 司 宜 稻 約 選 請 廣 五千 官 東 推 帥 里。 行。 詔 臣 孫 兼 詔 乞令 迥 頟 廣 詳 東 廣 度 五 以 西 行 年, 轉 瀕 之。 運使孫迥, 廣 海 廣 郡 西 縣, 漕 臣 一吳潛 著 西以 商 人載米 陳倩,

知密州范鍔言

板橋瀕海

東則

二廣

福建

准

浙,

西則京東、

河北、河東三路,

商

賈所聚, 海舶之利顓 於富家大姓。 宜即本州置市舶 司, 板橋鎭置抽解務。」六年,詔 都 轉運

使吳居厚條析以聞。

物 錢 水之虞。」乃置密州 帛 積 於府 絲綿貿易,而象犀、乳香珍異之物,雖嘗禁權, 元祐三年,鍔等復言:「廣南、福建、准、浙賈人,航海販物至京東、 :庫者,必倍於|杭、|明二州。 板 橋市舶 司。 而前 使商舶 一年,亦增置市舶司於泉州 通行,無冒禁罹 未免欺隱。 刑之患, 若板橋 而上供之物, 河北、 市舶 法 河東等路, 行, 免道 則海 路 外諸 運載 風

造兵器及違禁之物, 賈 人由 海道往 外蕃台。 官給以券。 令以物貨名數幷所詣之地,報所在州召保,毋得參帶兵器或可 擅乘船由海入界河及往高麗、新羅、登萊州境者,罪以徒,

往北界者加等。

雜禁物、姦人。 判、官吏幷舶司、使臣等,毋得市蕃商香藥、禁物 詣諸國法。 通入他州及京東販易,故有是詔。 崇寧元年,復置杭、 廣南舶司鬻所市物貨,取息毋過二分。 初,廣南舶司言,海外蕃商至廣州貿易,聽其往還居止,而大食諸國商亦丐 明市舶司, 官吏如舊額。 凡海舶欲至福建、兩浙販易者,廣南舶司給防船兵仗,如 三年, 政和三年, 詔如至道之法; 凡知州、 令蕃商欲往他郡者,從舶司給券,毋

宣和元年, 秀州開修青龍江浦,舶船輻輳,請復置監官。 先是, 政和中,置務設官於

志

第

百

三 十

九

食貨

下

八

華亭縣 如 元 豐法,令舶司卽其地鬻之,毋發至京師,違者論罪。 後 江 浦湮塞,蕃舶鮮至,止令縣官兼掌。至是,復設官專領焉。 四年,蕃國進奉物,

各置 之。 自 之貿易。 命上穹, 今緣邊戍兵, 一権務, 丹 居尊中土, 時累年 二年, 在太祖時,雖聽緣邊市易,而未有官署。 輦香藥、犀象及茶與交易。後有<u>范陽之</u>師,罷不與通。 令雄 不得輒恣侵略。」未幾復禁,違者 興師,千里饋糧,居民疲乏,太宗亦頗有厭 惟思禁暴,豈欲窮兵。至於幽薊之民,皆吾赤子, 霸州 、靜戎軍、代州鴈門砦置 権署 抵死, 北界商旅 太平興國二年,始令鎭、易、雄、霸、滄州 如 舊制,所鬻物 兵之意 「輒入 雍熙三年,禁河北 端 增蘇 、內地 拱元 宜許 木,尋 1販易, 邊 年 噩 詔 復罷 互相 所 日:「朕受 商 在 市易。 捕 民與

網帛、 兼 轉 霸 領 運 州 年 震 便 咸 漆器、稅糯,所入者有銀錢、布、羊馬、橐駝,歲獲四十餘萬 罷。 安 劉 平 肅 綜 三年 五年, 景德 軍 井 置三権場,北 ·, 詔 所 初,復通 契丹求復置署,朝議以其翻覆,不許。 在長吏平互 民以 書籍 好,請 商趨 赴沿 市 商賈 物 他路者,勿 邊権 價,稍 卽 新 場博易者 優其 城貿易。 與爲 直 予之。 市 非九經 詔 遣 北 又 都 商 知 書疏悉禁之。 於廣 官 齎物 雄州 員 何承矩 外郎 貨 信 軍 至 ·置場, 孔揆 境上 繼 凡官醫物 、等乘 一則許 請, 皆 乃聽 廷 傳詣 之。 臣 置 專 如 於雄 掌 舊, 年, 権 mi 令雄 州 通 斡 纠 賏

第一百三十九 食貨下八

天聖中,知雄州張昭遠請歲會入中金錢,仁宗曰:「先朝置互市以通有無,非以計利。」

不許。終仁宗、英宗之世,契丹固守盟好,互市不絕。

黃、焰硝及以盧甘石入他界者,河東亦如之。<br />
元豐元年,復申賣書北界告捕之法。 轄司,而度支賞給案判官置簿督計之。至是,以私販者衆,故有是命。未幾,又禁私市硫 九年,立與化外人私貿易罪賞法。河北四権場,自治平四年,其貨物專掌於三司之催 熙寧八年,市易司請假奉宸庫象、犀、珠直總二十萬緡,於榷場貿易,明年終償之。

聽與民交易,入貢至京者縱其爲市。 藥、瓷漆器、薑桂等物易蜜蠟、麝臍、毛褐、羱羚角、砜砂、柴胡、蓯蓉、紅花、翎毛,非官市者 西夏自景德四年,於保安軍置権場,以繒帛、羅綺易駝馬、牛羊、玉、氈毯、甘草,以香

于順 क् 市,則內侵不已。 市,廢保安軍権場;後又禁陝西並邊主兵官與屬羌交易。久之,元昊請臣,數遣使求復互 寧砦。 慶曆六年,復爲置場于保安、鎭戎二軍。繼言驅馬羊至,無放牧之地,爲徙保安軍権場 天聖中,陝西権場二、,丼代路亦請置場和市,許之。及元昊反,即詔陝西、河東絕其互 既而 蕃商卒無至者。 且聞 出 **兀臧訛龐之謀,若互市不通,其國必歸罪訛龐,年歲間,然後可與** 嘉祐初,西人侵耕屈野河地, 知丼州龐籍謂:「非絕其互

」從之。 初,第禁陝西四路私與西人貿易,未幾,乃悉絕之。

吳堡,於寧星和市 市 得 私 西北歲入馬,事具兵志。 又二年, 治 相 平 貿易。 V 年, 因回使議立和市, 河東經 至是,上章謝罪,乃復許之。 如舊。 略司 而鱗州 言,西界乞通 復奏夏人之請,乃令鬻銅、錫以市馬,而纖 而 私 販不能 和市。 後二年,令涇原熟戶及河東、陝西 屿 自夏 遂申詔諸路禁絕。 人攻慶州大順城,詔罷歲賜,嚴禁邊民 旣而 河東 稿與急須之物皆 邊 轉 運 民 司 勿 請 與 通 罷

言交 等州 至是,即用 王 韶 人服順 置市易司 楚、 ,又各置折博務。 蜀、南粤之地,與蠻獠溪峒相接者,以及西州沿邊羌戎,皆聽與民通市。 瑛兼 久, 於秦鳳路古渭砦, 廣 毋令阻其貿易。 西 轉運副 湖北路及沅、錦、 使,同王蕃 六年, 杒, 計 廣 黔江 增置 畫 西 帥 口,蜀之黎、雅州皆置博易場。 市易於蘭州 曾布 請卽 欽、 自後,於熙、 廉州各創 驛, 河 令交 蘭、 重 人就驛 和 湟、慶、渭、延 元 熙寧三年, 年, 燕瑛 博買、

養 以 戦 博 士 馬 建 乎? 炎 ,惟 四年三月,宣撫使張浚奏,大食國 市 」諭張浚勿受,量賜予以答之。六月,罷宜州歲市朱砂二萬兩 珠玉,故武備 不修,遂致 危弱 如此。 遭 人進珠玉 今復捐數十 一寶貝。 萬 上曰:「大觀、宣和間,川茶不 播易 無 用之物 曷若惜 !財以

陝即 |交阯者水深百尺,而大珠生焉。 | 蜑往採之,多爲||交人所取,又爲大魚所害。 至是,罷之。 二 之。十九年,罷國信所博易。二十六年,罷廉州貢珠,散蜑丁。蓋珠池之在廉州凡十餘,接 受,而賜書勞遣之。十二年,盱眙軍置権場官監,與北商博易,淮西、京西、陝西権場亦如 十九年,存盱眙軍権場,餘並罷。 一聽譯者高下其手,更得因緣爲姦。六年,大理國獻象及馬五百匹,詔償其馬直,卻象勿 永興軍、威茂州置博易場,移廣西買馬司于邕管,歲捐金帛,倍酬其直。 紹 興三年,邕州守臣言大理請入貢。上諭大臣,止令賣馬,不許其進貢。四年,詔川 然言語不通,

戎販珠玉入黎州,官常邀市之。臣僚言其黷貨啓釁,非便,止合聽商賈、百姓收買。 韶從之。 提轄。五年,省提轄官。淳熙二年,臣僚言:溪峒緣邊州縣置博易場,官主之。七年,塞外諸 乾道元年,襄陽鄧城鎭、壽春花靨鎭、光州光山縣中渡市皆置権場,以守臣措置,通判

大者曰獨檣,載一千婆蘭。次者曰牛頭,比獨檣得三之一。又次曰木舶,曰料河,遞得三 類,皆寘于法:惟宣賜臣僚象笏、犀帶,選可者輸送。」胡人謂三百斤爲一婆蘭,凡舶舟最 建炎元年,詔:「市舶多以無用之物費國用,自今有博買篤耨香環、瑪瑙、猫兒眼睛之

販麄 良 其 者, 期 而 色雜貨。 隆 如 興 使之待價,懷遠之意實寓焉。 犀 角、象齒 一年,臣 若象齒 僚言:「熙寧初,立市舶以 十分抽二,又博買四分; 珠犀 比他貨至 重,乞十分抽 邇 來 抽 通物貨。 珠十分抽 解旣多,又迫使之輸,致貨滯而 一,更不博買。」 舊法抽解有定數,而 一,又博買六分。 舶 戶 取之不苛, 懼抽 價減 買 三三 數多,止 輸 擇其 稅 寬

商 兩 旅 浙 乾道 過 市 蕃 舶 買物者有 二年,罷 司 所發舟還, 兩 罰,舶 浙 路提 因 至 風 除 水 舉, 抽 不 以守倅及 便、船破 解 和 買,違法抑買者,許蕃 檣壞者, 知縣、 監官共事, 即不得抽 商 解。 轉 越 運司 )訴,計 七 年,詔 提督之。 贓 罪之。 見任官以 三年, 錢 韶廣南 附 綱

七 犀、紫礦 一貫有· 萬斤。 年, 詔廣 舊法, 奇 皆作 凡起一 細色 南 淳熙 起發產色香藥物貨 細 |綱龍 色起 綱, 二年,戶部 司歲 發, 腦、珠之類,每 遣 入固不少,然金 衙前一名部送, 以舊 一. 二 日 福建、 一綱分爲三十二綱, 每 一綱 綱 廣南 銀 二萬斤,加耗六百斤,依舊支破 支脚乘赡家錢 五. 銅 千兩 市舶 鐵, ,其餘犀 海 司 舶 麄細物貨,並 派 多費脚 運,所失 百百 象、 1餘緡 、紫礦 乘贍家錢三千餘 良 以五 、乳檀香之類,爲 多, 大觀 萬斤爲 而銅錢之泄尤甚 水脚錢 以後, 貫。 一千六百 張 全綱 大 麄 至于 、其數, 色,每 乾道 法 象

禁雖 嚴,姦巧愈密,商人貪利而貿遷,點吏受財而縱釋,其弊卒不可禁。 南 渡,三路舶

- 載商人稅物入汴者 「人」「物」二字原脫,據宋會要食貨一七之二五、長編卷三○三篇
- (三) 廢箔 原作「發箔」,據長編三〇三改。
- 3 較元祐六年官監額增三萬餘緝 「監」原作「鹽」。按長編卷四七五元祐七年七月戊子詔作「今 比 較元祐六年一路官監所收稅額已增三萬餘貫。」此處「鹽」字爲「監」字之訛,態改。
- (1) 至是提舉汴河隄岸王憲復言之且請假溫明州運船給用命太府少卿鄭僅同詳度 紀年。 一七之二八,本條係崇寧元年事,下文「明年」、「五年」條係崇寧二年和五年事。此處失書崇寧 據宋會要食貨
- 韶改。本書卷三五孝宗紀所載也大致與會要同。
- [K] 古渭 原作「古謂」,據上文文義和長編卷二一三改。
- (+) 議置杭州市易務利病以聞 楚州屬淮東,此事既委淮東轉運司共同計議,又下文有「提舉楚州市易蔣之奇奏」云云,長編似 據長編卷二四二熙寧六年正月丁卯韶,「杭州」下多「楚州」二字。按
- (元) 多爲留難 志 第 百 三 十 「多」原作「名」。、長編卷二五二作「多爲留難以阻抑之」,據改。 九 校 勘 記

- **(元**) 置四抵當所 「所」字原脫,據深會要食貨三七之三〇、長編卷三二一補。
- 8 見任官買賣並依時直 方物如民間之直」,又下文亦有「凡諸路州縣官司買物並以時直」語。據補。 「直」字原脫。按繫年要錄卷四三紹興元年三月甲寅詔作 「州縣官市買
- 知諫院范純仁 按東都事略卷五九下、 編年綱目卷一八都作「同知諫院」,本書卷三一四本傳
- $\stackrel{\frown}{=}$ 兩浙市舶司 「兩浙」下原衍「司」字,據宋會要職官四四之二删。

同,此處疑脫「同」字。

- $\stackrel{\triangle}{=}$ 淳化二年 應插 入「淳熙」紀年。 「淳化」原作「淳熙」。按本段是敍述宋太宗時事,「雍熙」之後、「淳化五年」之前,不 朱會要職官四四之二作「淳化二年」。
- 買人由海道往外蕃 市 :糴考都繫於元祐五年,此處「賈人」上應有「五年」二字。 本句以下至「往北界者加等」一段事實,決會要職官四四之八、通考卷二〇
- 呈 之。旣 其 致貨滯 良者」。又據宋會要職官四四之二七,下文「擇其良者」云云是另一件事,疑此下有脫文。 而市舶司條具利害,謂抽解舊法十五取一,其後十取其一。又後,」一段文字,才接下文「擇 而 價減 按通考卷二〇市糴考,本句下有「所得無幾,恐商旅不行,乞下市舶司約束。 從

